



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Med 373-7



UNIVERSITEITSBIBLIOTHEEK GENT



Med 373 1

ACTA
REGIÆ SOCIETATIS
MEDICÆ HAUNIENSIS

VOLUMEN I.

2 - 1000

1000

1000

1000

1000

1000

ACTA *Med 373 2*
REGIÆ
SOCIETATIS
MEDICÆ HAUNIENSIS.

NOSOCOMIUM REGIUM FRIDERICIANUM.




C. F. ER. Sc.

VOLUMEN I.

HAUNIÆ
EXCUDERAT NICOLAUS MÖLLER,
AULE TYPOGRAPHUS.
MDCCLXXXIII.



THE NATIONAL COUNCIL OF THE UNITED STATES OF AMERICA OF THE UNITED STATES OF AMERICA OF THE UNITED STATES OF AMERICA



THE
 NATIONAL
 COUNCIL OF
 THE
 UNITED STATES OF AMERICA
 OF
 THE
 UNITED STATES OF AMERICA
 OF
 THE
 UNITED STATES OF AMERICA

Med 373 1

CHRISTIANO

SEPTIMO

PATRIÆ

LITTERARUMQVE

PATRI

SACRUM.

CHAPTER 10

CONTENTS

1. INTRODUCTION

2. THEORETICAL BACKGROUND

3.

4. CONCLUSION

PRÆFAMEN.

SOCIETAS nostra alterum ætatis sue decennium jamjam ingrediebatur, nullo offendi-
culo vel publico vel privato infracta, sed
complurimum illustrium medicorum accessu am-
pliata, suffulta & condecorata, tum maxime
existens quatuor opusculorum voluminibus, prin-
cipue in arte virorum, approbationem nactis,
sicque, quantum concordia, sollertia & spe

PRÆFAMEN.

*utilitatis publicæ fieri potest, satis facta ac
tecta.*

*PRINCEPS autem Celsissimus, FRIDERI-
CUS, litterarum æstimator perspicacissimus,
salutisque & incrementi earundem custos vigi-
lantissimus, prætervidere non potuit sodalitium
propositi tenax & laboris patiens. Laudavit
voluntatem, viribusque robur & incitamentum
addere benignissime decrevit. Societatem no-
stram, dignitatis & prærogativæ notis destitu-
tam cernens, pollentissima sua commendatione
facile impetravit a Rege Clementissimo, ut il-
lam splendidissimo, nempe Regiæ, nomine or-
naret, potentissimo suo tutamine muniret &
leges nova suffragatione sancitas sua auctoritate
confirmaret.*

TANTAM

PRÆFAMEN.

TANTAM felicitatem adsecutum nostrum sodalitium, in maiorem amplitudinem nunc pergens, ad maiores simul conatus incitatum esse, auctoque ardore, Et nova quasi emulatione, rebus medicis fructuose evolvendis operam dare, quis non videt?

VERUM enimvero Regis munificentissimi gratia, præsidio, patrocinio ornata, aliunde nullum decus nullamque laudem sibi amplius accedere posse rata, nisi ab increſcente vere collaborantium numero, banc sibi imposuit legem, ut nullum inposterum adgnosceret Collegam, quin ad communem scopum obtinendum suum contulerit. Nullum itaque alium sociorum, siue honorariorum, siue correspondentium, siue ordinariorum catalogum actis suis

PRÆFAMEN

*adiiciet, quam ipsum Opusculorum oblitorum
elenchum. Cuicumque clarissimo Viro in no-
stram consortium jam accepto, vel ipsi ali-
quando accessuro, placuerit, sui mentionem in
Actis nostris fieri, seque Collegam pronunciari,
nobiscum communicet, rogamus, quod publica
utilitati inservire queat.*



ELEN-

ELENCHUS.

BANG Selecta Diarii Nosocomii Fridericiani pro
Anno 1780 Pars I. p. 1.

GULDBRAND Vis antispastica & emmenagoga. ~~casti~~
cor. p. 26.

RANÖE Symbola ad Hister, Dysenter, epidemico au-
tumno anni 1779 circa Aarhufiam grassantis.
p. 31.

DE MEZA sen. Vis corticis peruv. suspecta in Hæmop-
toes & phthysos curat. p. 40.

BUCH-

ELENCHUS.

BUCHHAVE *Æthuzæ Cynapii in corpore humano effectus nociv.* p. 51.

CALLISEN *Specimen descriptionis morbor. Anno 1779 in Nosoc. nautico grassant. Partic. I de inflamm. pectoris.* p. 67.

AASHEIM *Relatio mortis subitæ, genii morboſi ſubdoli & viſorum in cadavere defuncti aperto, cum monitis circa Diagnof. & Prognof. difficiles Morbi Ile.* p. 77.

TODE *De Cephalalgia rheumat. hirudinibus extemplo ſublata.* p. 90.

BANG *Continuatio Diarri Nosocom. Friderician. præ Anno 1780.* p. 92.

BUCHHAVE *De Gei urbani radice, pharmaco corticis peruviani ſuccedaneo.* p. 119.

GULDBRAND *Obſervation. de Eryſipelate. I. De vertigine periodica per zonam ſoluta. II. De Eryſipelate veſiculoſo faciei totius.* p. 142.

AASKOW

ELENCHUS.

AASKOW Descriptio & methodus medendi febris tertianæ duplicis periculossimæ Havn. Anno 1779 grassant. p. 150.

SCHÖNHEYDER Observationes medicæ varii argumenti. p. 166.

AASHEIM Vis antihæmoptoica radic. Ipecacuanh. minutis portiunculis datæ. p. 170.

ROBERT Observatio de morbo maculoso hæmorrhagico. p. 184.

SAXTORPH Observatio de foetu aperto abdomine visceribusque abdominalib. solo peritoneo testis nato. p. 191.

AASKOW Observationes de Hydropæ. p. 196.

RANÖE Symbola ad Historiam Morbillorum epidemicæ Anno 1781 grassantium. p. 206.

DE MEZA sen. Rara podagra metamorphosis. p. 213.

BUCH-

ELENCHUS.

BUCHHAVE Observation: varii argumenti. p. 218.

BANG Selecta Diarii Nosocom, Friderician, pro Anno
1781. p. 238.

AASKOW Observationes practicae. p. 308.

BUCHHAVE Colicae laetentium cura. p. 317.

RANÖE Observationes medico-practicae. p. 331.

ABILDGAARD Observat. de Infanticidio suffocatione
foetus subitanea post partum peractio. p. 341.

DE MEZA sen. Observatio de vi Arnicae in quartanam.
p. 345.

GULBRAND Semicupii tepidi effectus salubris & celer
in Ichuria cystostastica. p. 349.

CALLISEN Observata circa febr. putridam Annor.
1779 80 cum monitis circa inefficaciam corti-
cis peruviani & efficacissimam vim pulveris Fe-
min. Sinapeos Anglicani. p. 353.

AASKOW

AASKOW

ELENCHUS.

AASKOW Observationum medicarum Triga. p. 369.

DE MEZA sen. Febris lenta nervosa cum Pyuria.
p. 375.

RANÖE Observata circa febrium intermittentium diuturnar. & male tractatarum sequelas. p. 385.

TODE Exemplum fallaciæ in observanda & confirmanda remedium fallacia. p. 394.

SAXTORPH Meditationes de utero sub graviditate rupto, ægrota per VI hebdomades superstitis. p. 398.

CALLISEN Relatio Epidemiæ bilioso nervoso-putridæ in Classe Regia & nosocom. nautico Anno 1781 grassantis, cum observatis circa effectum Camphoræ dosi consuetis longe majori datæ & Semin. Sinapæos anglican. Intus sumptor. p. 407.

TODE de eximia opii virtute antivenerea observationes variz. p. 424.

RETZII

ELENCHUS:

RETZII Spiritus vini camphoratus cum aqua miscibilis.

p. 436.

DE MEZA jun. Observatio de graviditate mixta. p. 442.

RANÖE Observationum medico-practicarum subsecutarum Decas. p. 451.

AASHEIM Vis antirarthrica trifolii fibrini exemplis fo-
lennibus confirmata. p. 461.

ABILDGAARD aliquid ad Physiologiam Musculorum
pertinens. p. 470.

— — Casus Medico legalis. p. 477.



FINIS

SELECTA

ACTA
REGIAE SOCIETATIS
MEDICAE HAVNIENSIS.

I.

SELECTA DIARII
NOSOCOMII FRIDERICIANI
pro An. 1781.

Auctore FRIDERICO LUDOVICO BANG,
M. D. & Prof. Def. Nosoc. Fridr. Med. Ord.

Hoc titulo comprehendo decursus & exempla morborum in nosocomio nostro obvia & præ reliquis mentione digna; quod utile vel rarum mihi videtur, extrahere & proferre conabor, toediosam fugio prolixitatem; constitutiones & mutationes aeris cuilibet mensi apponere observationem potius physicam quam utilem medicam censeo & scopo meo alienam habeo,

A

pau-

ELENCHUS:

RETZII Spiritus vini camphoratus cum aqua miscibilis.

p. 436.

DE MEZA jun. Observatio de graviditate mixta. p. 442.

RANÖE Observationum medico-practicarum subsecutarum Decas. p. 451.

AASHEIM Vis ant'arthritica trifolii fibrini exemplis solennibus confirmata. p. 461.

ABILDGAARD aliquid ad Physiologiam Musculorum pertinens. p. 470.

— — Casus Medico legalis. p. 477.



FINIS

SELECTA

ACTA
REGIAE SOCIETATIS
MEDICAE HAVNIENSIS.

I.

SELECTA DIARII
NOSOCOMII FRIDERICIANI
pro An. 1781.

Auctore FRIDERICO LUDOVICO BANG,
M. D. & Prof. Def. Nosoc. Fridr. Med. Ord.

Hoc titulo comprehendo decursus & exempla morborum in nosocomio nostro obvia & præ reliquis mentione digna; quod utile vel rarum mihi videtur, extrahere & proferre conabor, toediosam fugio prolixitatem; constitutiones & mutationes aeris cuilibet mensi apponere observationem potius physicam quam utilem medicam censeo & scopo meo alienam habeo.

A

pau-

paucissimis, dummodo sufficiunt, verbis utor in describendis historiis; practicis perraro theorias intermisceo; distinctiones morborum multiplices novas sæpe falsas & fallentes malo evitare quam stabilire. Deprecor ideo comparisonem hujus limitati opusculi cum magnis operibus magnorum virorum *Sydanhami*, *Huxhami*, *Haenii*, *Störkii*, *Stollii*. Celebrium nomen propriæ infirmitatis nimis gnarus haud appeto; mihi sufficit non contemni, hasque pagellas loco inter scripta societatis nostræ haud indignas æstimari, cujus voti completio ad continuationem incepti me potissimum exhortabitur.

MENSIS JANUARIUS.

FEBRES communissime occurrentes tamen haud numerosæ catarrhalis erant indolis, mox fauces quam maxime, mox pectus infestantes nonnunquam cum vera inflammatione tamen adeo benigna, ut nemo ægrotantium non sanatus fuerit; putrida rarior in duobus exemplis lethalis.

VERTIGO inveterata in homine spirituosius admodum dedito variis evacuantibus, derivantibus
tem-

temperantibus remediis frustra tentata per fetæ-
œum nuchæ diu suppurans fere sublata fuit.

EPILEPSIA raro occurrente quadriennio labo-
ravit puer, paroxysmi sc. incipiebant semper a
dolore & motu involuntario digitorum manus
dextræ præsertim pollicis, ejus musculi magni-
tudine longe superabant musculos alterius pollicis;
a dicto dolenti loco æger sentiit auram frigidam
per brachium versus caput ascendentem & mox
conscientiam sui ipsius perdidit; aliquot hebdo-
madibus permansit in nosocomio usus oleo ani-
mali Dippelii absque reventu morbi.

S E C T I O.

VOMITU hæctico jam semestri vexatus vir
32 annorum die quarto Januarii in nosocomio su-
sceptus fuit; morbum retulit surrexisse post hau-
stum spirituosum valde amarum, quo fluxum alvi
sanguineum cohibuerat, pyrosin querebatur con-
tinuam, ructus frequentes, dolorem cardiz &
hypochondrii dextri ab omnibus ingestis s. soli-
dis s. fluidis orientem & pergentem, donec per
vomitum una alterave post ingestionem hora de-
glutita rejecisset; corpus interea indies contabe-

A 2

scebat.

ſcebat. Emollientia remedia intus & extus propinata, cicutæ extractum, enemata nutrientia nil omnino ægrotum levarunt aut juvarunt; morbo apud nos progredienti jungebantur ſitis enormis, continua alvi obſtipatio, intolerantia omnis ingeſti præter meram aquam frigidam, quam tamen mox ingeſtam evomere cogebatur, nec non ſumma debilitas, ſub quibus die 17 Februarii exſpiravit.

In aperto cadaveris abdomine omentum macilentum admodum longum in pelvim dependens invenimus, inteſtina omnia præſertim craſſa valde contracta; ventriculus erat dilatatus, paſſim inflammatus, ejusdemque extremitas inferior & pylorus ad longitudinem trium pollicum calloſitatem & craſſitiem habuit notabilem, vi cujus parietes intus ſeſe immediate contingebant & coaliti erant, adeo ut nullus tranſitus per hoc orificium poſſibilis fuerit.

FEBRUARIUS.

FEBRIUM plurimæ erant pleuritides ſimplices benignæ, ideoque omnes excepto unico ſero nimis
ad

ad nos translato sanata. Putridæ nonnullæ partim gastricæ cum minore debilitate cito & solis evacuantibus emetico & dein eccoproticis acidis mox mitigatæ & prorsus sanatæ, partim nervosæ cum summa depressione virium, evacuantibus nihil v. parum mitescences, diu durantes & difficulter per longum corticis peruviani usum curabiles.

HEPATALGIA sat frequens apud pauperes morbus sine dubio ob victum crudum & abusum spiritus frumenti forsan mentionem meretur.

FEMINA dolore cardiæ & hypocondrii dextri constanti attactu externum haud toleranti, post ingesta exacerbato nec non alvo segni diu vexata brevi tamen tempore sanabatur simplici sed in hoc casu efficaci remedio sc. tinctura rhei aquosa cum solutione tartari tartarificati atque inunctione frequenti olei volatilii in loco dolenti, evanescenti morbo successit febris quotidiana facili negotio fugata.

ALTERA diutius eodem morbo sed graviore cum vomitu frequenti ingestorum & emaciatione corporis laborans allatis remediis quam maxime levata fuit, & additis dein pillulis e sapone &

A 3

gummi

gummi ammoniaco confectis sanata tamen cum insequentibus, ut in prægresso casu motibus febrilibus frigore & cephalalgia aliquot dierum.

PLURIES ut in his exemplis transitum vidi obstructionis hepatis in febrem intermittentem & vice versa, quod me iudice argumentum originis harum febrium in hepate continet. Tertia eadem affectione hepatis sed simul tumore hydropico extremitatum & faciei vexata etiam mixtura rhabbari laudata, sumpta simul mane & vespera drachma dimidia cremoris tartari solubilis sanabatur.

HYDROPS cum diarrhoea inter morbos curatu difficillimos locum habet, utpote diuretica appropriata hydropi medicamina stimulo suo alvum laxam adhuc magis commovent, itaque sine effectu & juvamine efferuntur; hac ratione & simul experientia multiplici nixus fere condemnavi feminam circiter quadragenariam semestri spatio anasarca, ascite, diarrhoea afflictam, porrecta tamen tintura rhei aquosa ad gr. 60 trihorio contra expectationem alvi fluxum sedabat, diuresin augebat & solum cum infuso juniperino sub decremento morbi sumpto mensis spatio ægrotam sanavit.

HYDRO-

HYDROPICA altera tota hyeme in nosocomio decubuit simul signa obstructionis, hepatis dolorem & intumescentiam cardiæ atque hypochondrii dextri, faciemque pallidam flavescentem habens, quæcunque remedia etiam tinctura rhei alvum adeo laxabant, ut omnibus sepositis ex crescente hydropo totius corporis nil præter certam mortem concludere potuerim; verno tamen tempore ultimum feci experimentum cum succis recentibus Herbarum taraxaci, bardanæ &c. sub quorum usu alvi fluxus inhibitus fuit, diuresis vero crescebat sensimque e lecto, morbo & morte eripiebatur ægrota; notandum est, omnia scorbuti signa in casu nostro abfuisse,

Vix ideo ulla prognoseos regula sine exceptione est præsertim in prænuntianda morte, nam casus centies non curatus tamen semel omnia tentando curabilis fit.

MARTIUS

FERRES regnantes ut in prægresso mense erant inflammatorie pectoris, qualis morbus in uno exemplo transiit in dolores artuum, apud alterum

in phrenitidem , quæ tamen sanguisugio hirudinum temporali, camphora, moscho, vesicatoriis brachiorum quadriduo sanata fuit. Quidam per spiritum frumenti cum pipere, quem ad febrem intermittentem fugandam ingesserat, peripneumoniam sibi contraxit lethalem. Putridæ raræ, quarum una lethalis fuit ob metastasin ad pectus, ubi collectum pus densissimum, adhibitis licet optimis expectorantibus, ægrotum jugulavit. In altero ob arthritidem apud nos decumbente subito oriebatur pemphigos, maligna a Sauvage merito dicenda, cum tumore oedematoso totius corporis pustulis magnis ubique dispersis sero puriformi repletis; delirio continuo, sudore profuso, excrementis involuntariis & eventu intra triduum funesto.

INTERMITTENTES nonnullæ tertianæ, quo referri debet cardialgia regulariter periodica, quæ vomitum inflammatorium partim sanguineum sequebatur, decocto corticis peruviani sanata.

ENTERITIDE, ut ita dicam, chronica bimestri laboravit femina cum expansione notabili dolorosa abdominis, siti pulsu febrili, quæque venæsectione duplici, mixtura camphorata, diligenti

ligenti inunctione olei volatilis in abdomine sat brevi tempore curabatur.

ISCHIADE lateris dextri gravi & notabili afflicta erat puella per tres circiter hebdomades, femur duplo majus altero erat, motus & somnus impediti, in inguine lata & insignis durities tangebatur; duobus mensibus indurato loco cataplasma emolliens applicitum fuit cum aliquali sed imperfecto levamine doloris, simul ideo emplastrum e cicuta in usum trahebatur, cum insuperposito cataplasmate atque intus exhibita fuit solutio gummi ammoniaci, tribus posthac hebdomadibus parvus inguinis abscessus ortus ruptusque fuit, nihilominus restitit non modica durities inguinis cum tumore & immobilitate femoris, quæ tamen sub laudata medela adhuc bimestri spatio continuata prorsus sublata fuerunt.

TOPICIS in casu nostro adhibitis præsertim felix illius eventus adscribendus est, quod in pluribus similibus exemplis expertus sum, ubi dolor partim cum tumore partim absque illo constans & ad omnia alia remedia immobilis in parte quadam hæsit.

APRILIS.

FEBRILES morbi complures, tertianæ, quotidianæ, catarrhales, paucæ putridæ, quarum una ob adjunctam inflammationem abdominis lethalis fuit, grassantis nomen merebatur pleuritis quandoque sat gravis, expectoratione generatim soluta, qua non bene procedente valde profuit granum kermis mineralis bihorio exhibitum, cui, si vel insignis debilitas v. spasmodica violentia tussis ægrotum molestant, utiliter granum moschi apposui, in duobus exemplis devicta febre restitit dyspnoea notabilis, quæ curata fuit pillulis resolventibus e gummi ammoniaco, extracto cicutæ & floribus sulphuris paratis.

SCABIE in viro sponte retrogressa, surrexit singulare deglutitionis impedimentum sc. obstaculum in pectore sinistro prope medium sternum, quousque adducta alimenta vix amplius descendere potuerunt, sensim hoc malum adeo increvit, ut tantum liquida sub decubitu in latere dextro deglutire valeret, pulsus erat durus, venæsectio frequens, vesicatorium loco affecto applicitum, nullius fere efficaciz erant, hinc resolventes pillulæ

noX

mox laudatæ e gummi ammoniaco, extracto cicutæ floribus sulphuris, nec non succi recentes herbarum & fonticulus affecto pectori applicabantur, sub quibus scabies largiter efflorescebat & deglutitio magis magisque restituta fuit.

DIABETE fere trimestri laboravit adolescens cum obstructione alvi nunquam sine remediis fluentis, siccitate, rubedine & aphthoso aspectu faucium, indeque deglutitione molesta, prostrato appetitu, contabescencia corporis gingyvis tumidis sanguineis, rigiditate aliquali genuum, tumore levi crurum tamen non maculato; succis recentibus herbarum antiscorbuticis nec non succo citri mensis spatio adhibitis, omnia symptomata sensim evanuerunt, excepta nonnulla debilitate, quæ decocto chinæ acido brevi sanabatur.

COMBINATIO symptomatum scorbuti & curatio per remedia antiscorbutica mihi permittunt hanc diabetis speciem scorbuticam statuere & nominare, simulque practicos monent inquirere signa scorbuti, dum occurrit diabetes.

HYDROPEM universalem jam undecim hebdomadibus durantem cum cardialgia, diarrhoea, dyspnoea,

dyspnoea, tussis, expansione notabili tamen non fluctuante abdominis sub miserrima diætâ sibi contraxerat & adauxerat femina. Exhibitis tinctura rhei aquosa & infuso e baccis juniperi atque herba absinthii, fluxus alvi sedabatur & reliqua symptomata mitescebant, excepto tumore, qui cum diuresi parca remansit, hinc loco tincturæ rhei dedi cremorem tartari solubilem, cujus usus duobus mensibus continuatus mox alvum laxando, mox diuresin augendo morbum insigniter diminuit atque demum restitutionem complevit sub accedente sudore repetito universali & quod notabile fuit, sub spontaneo effluxu feri non modo e cruribus sed simul variis aliis corporis partibus sc. papillis mammarum & retro aures.

SECTIONES.

FEMINA 55 annorum integro circiter anno post apoplexiam laborabat hemicrania & debilitate paralytica extremitatum lateris sinistri & demum prægressis per aliquot dies summo stupore, delirio, aphonía moriebatur.

IN aperto cranio inveni sub bregmate dextro duram matrem crassam callosam rubescentem &
infra

infra eandem in hemisphærio ejusdem lateris tres abscessus, singulos ad magnitudinem ovi columbini, intus pure denso repletos, vasa piæ matris sanguine valde turgescabant, & ventriculus lateralis sinister insignem feri copiam continebat.

VIR 40 annorum misere cruciatus per duos menses dolore vago artuum, abdominis & præsertim capitis adeo immani, ut secum duxerit spasmos faciei & oculi sinistri, susurrum capitis & lipothymiam, subito expiravit.

DISSECTO cadaveris cranio in ventriculis cerebri præsertim sinistro & in basi cranii largum invenimus serum, in abdomine notabilis aderat copia feri purulenti partim condensati, mediante quo fere omnia intestina valde expansa cum se invicem conglutinabantur, nullibi tamen inflammationem aut fontem suppurationis detegere potuimus.

FEMINA 36 annorum tribus mensibus afflicta fuit gastrodynia, vomitu frequenti præsertim ingestorum cephalalgia enormi continua; ultimo mense symptomata hæc aggravata erant, oculi grandescabant quasi e capite protrusi cum pupilla dilatata

14 BANGS SELECTA DIARII

dilatata & occoecata, auditus fiebat difficilis, caput magis magisque dolens erectionem motumque prorsus non tolerabat, delirans aut muta jacuit cum summa inquietudine, insomnia perpetua, alvo semper segni, urina clara naturali, singultu demum & epilepticis motibus aliquoties reversis, sub quibus expiravit.

PERLUSTRATO demortuæ cranio invenimus duo officula marginibus & apice utroque acutis in superficie interna duræ matris prope sinum longitudinalem affixa, in ventriculo dextro serum nonnullum sanguineum; in abdomine omnia viscera quodammodo sana, excepto hepate, cujus superficies concava atro-rubrum colorem habuit, vesica fellea volumen & longitudinem digiti habuit cum tunicis valde crassis & callofis, intra quas continebantur quatuor calculi sat magni, sibi invicem appositi & exacte respondentes, totumque vesicæ spatium implentes, muco denso albo circumdati absque ullo vestigio bilis.

MAJUS.

MAJUS.

FEBRES nec multæ nec unius generis præ altero sæviebant, sed earundem numerum æqualiter fere dividebant intermittentes pleuriticæ, rheumaticæ, bilioso-putridæ, in nonnullis etiam nexum febrium diversæ naturæ aut simultaneum aut successivum observavi, sc. transitum continuæ in intermittentem, pleuriticæ in rheumaticam, vel hujus alterutrius combinationem cum biliosa putrida, in quam complicationem mox venæsectioni mox emetico primum dedi locum, prouti symptomata inflammationis minus magisque mihi prævalere videbantur.

DEMENTIAM 5 hebdomadam post puerperium ortam cum reliqua sanitate illæsa oppugnavi per hirudines temporales, vesicatorium nuchæ purgantia drastica, brevi posthæc surrexit tumor hydropicus crurum & dein totius corporis, sub quo sensim rediit debitus rationis usus; facili negotio hydropem dispellebant cremor tartari & pillulæ scilliticæ absque reventu vesaniæ.

PHTISEOS initia cum tussi, spūto mucoso, dolore vago pectoris, dyspnœa, anorexia, consumptione

gummi ammoniaco confectis sanata tamen cum insequentibus, ut in prægresso casu motibus febrilibus frigore & cephalalgia aliquot dierum.

PLURIES ut in his exemplis transitum vidi obstructionis hepatis in febrem intermittentem & vice versa, quod me iudice argumentum originis harum febrium in hepate continet. Tertia eadem affectione hepatis sed simul tumore hydropico extremitatum & faciei vexata etiam mixtura rhabbari laudata, sumta simul mane & vespera drachma dimidia cremoris tartari solubilis sanabatur.

HYDROPS cum diarrhoea inter morbos curatu difficillimos locum habet, utpote diuretica appropriata hydropi medicamina stimulo suo alvum laxam adhuc magis commovent, itaque sine effectu & juvamine efferuntur; hac ratione & simul experientia multiplici nixus fere condemnavi feminam circiter quadragenariam semestri spatio anasarca, ascite, diarrhoea afflictam, porrecta tamen tinctura rhei aquosa ad gr. 60 trihorio contra expectationem alvi fluxum sedabat, diuresin augebat & solum cum infuso juniperino sub decremento morbi sumto mensis spatio ægotam sanavit.

HYDRO-

HYDROPICA altera tota hyeme in nosocomio decubuit simul signa obstructionis, hepatis dolorem & intumescentiam cardiæ atque hypochondrii dextri, faciemque pallidam flavescentem habens, quæcunque remedia etiam tinctura rhei alvum adeo laxabant, ut omnibus sepositis ex crescente hydropæ totius corporis nil præter certam mortem concludere potuerim; verno tamen tempore ultimum feci experimentum cum succis recentibus Herbarum taraxaci, bardanæ &c. sub quorum usu alvi fluxus inhibitus fuit, diuresis vero crescebat sensimque e lecto, morbo & morte eripiebatur ægrota; notandum est, omnia scorbuti signa in casu nostro abfuisse.

Vix ideo ulla prognoseos regula sine exceptione est præsertim in prænuntianda morte; nam casus centies non curatus tamen semel omnia tentando curabilis fit.

MARTIUS

FIEBRES regnantes ut in prægresso mense erant inflammatoriæ pectoris, qualis morbus in uno exemplo transit in dolores artuum, apud alterum

A 4

in

in phrenitidem , quæ tamen sanguifugio hirudinum temporali, camphora, moscho, vesicatoriis brachiorum quadriduo sanata fuit. Quidam per spiritum frumenti cum pipere, quem ad febrem intermittentem fugandam ingesserat, peripneumoniam sibi contraxit lethalem. Putridæ raræ, quarum una lethalis fuit ob metastasin ad pectus, ubi collectum pus densissimum, adhibitis licet optimis expectorantibus, ægrotum jugulavit. In altero ob arthritidem apud nos decumbente subito oriebatur pemphigos, maligna a Sauvage merito dicenda, cum tumore oedematoso totius corporis pustulis magnis ubique dispersis sero puriformi repletis; delirio continuo, sudore profuso, excrementis involuntariis & eventu intra triduum funesto.

INTERMITTENTES nonnullæ tertianæ, quo referri debet cardialgia regulariter periodica, quæ vomitum inflammatorium partim sanguineum sequebatur, decocto corticis peruviani sanata.

ENTERITIDE, ut ita dicam, chronica bimestri laboravit femina cum expansione notabili dolorosa abdominis, siti pulsu febrili, quæque venæsectione duplici, mixtura camphorata, diligenti

ligenti inunctione olei volatilis in abdomine sat brevi tempore curabatur.

ISCHIADE lateris dextri gravi & notabili afflicta erat puella per tres circiter hebdomades, femur duplo majus altero erat, motus & somnus impediti, in inguine lata & insignis durities tangebatur; duobus mensibus indurato loco cataplasma emolliens applicitum fuit cum aliquali sed imperfecto levamine doloris, simul ideo emplastrum e cicuta in usum trahebatur, cum insuper posito cataplasmate atque intus exhibita fuit solutio gummi ammoniaci, tribus posthac hebdomadibus parvus inguinis abscessus ortus ruptusque fuit, nihilominus restitit non modica durities inguinis cum tumore & immobilitate femoris, quae tamen sub laudata medela adhuc bimestri spatio continuata prorsus sublata fuerunt.

Toricis in casu nostro adhibitis praesertim felix illius eventus adscribendus est, quod in pluribus similibus exemplis expertus sum, ubi dolor partim cum tumore partim absque illo constans & ad omnia alia remedia immobilis in parte quadam haesit.

APRILIS.

FEBRILES morbi complures, tertianæ, quotidianæ, catarrhales, paucæ putridæ, quarum una ob adjunctam inflammationem abdominis lethalis fuit, grassantis nomen merebatur pleuritis quandoque sat gravis, expectoratione generatim soluta, qua non bene procedente valde profuit granum kermis mineralis bihorio exhibitum, cui, si vel insignis debilitas v. spasmodica violentia tussis ægrotum molestant, utiliter granum moschi apposui, in duobus exemplis devicta febre restitit dyspnoea notabilis, quæ curata fuit pillulis resolventibus e gummi ammoniaco, extracto cicutæ & floribus sulphuris paratis.

SCABIE in viro sponte retrogressa, surrexit singulare deglutitionis impedimentum sc. obstaculum in pectore sinistro prope medium sternum, quousque adducta alimenta vix amplius descendere potuerunt, sensim hoc malum adeo increvit, ut tantum liquida sub decubitu in latere dextro deglutire valeret, pulsus erat durus, venæsectio frequens, vesicatorium loco affecto applicitum, nullius fere efficaciz erant, hinc resolventes pillulæ

noX

mox laudatæ e gummi ammoniaco, extracto cicutæ floribus sulphuris, nec non succi recentes herbarum & fonticulus affecto pectori applicabantur, sub quibus scabies largiter efflorescebat & deglutitio magis magisque restituta fuit.

DIABETE fere trimestri laboravit adolescens cum obstructione alvi nunquam sine remediis fluentis, siccitate, rubedine & aphthoso aspectu faucium, indeque deglutitione molesta, prostrato appetitu, contabescencia corporis gingyvis tumidis sanguineis, rigiditate aliquali genuum, tumore levi crurum tamen non maculato; succis recentibus herbarum antiscorbuticis nec non succo citri mensis spatio adhibitis, omnia symptomata sensim evanuerunt, excepta nonnulla debilitate, quæ decocto chinæ acido brevi sanabatur.

COMBINATIO symptomatum scorbuti & curatio per remedia antiscorbutica mihi permittunt hanc diabetes speciem scorbuticam statuere & nominare, simulque practicos monent inquirere signa scorbuti, dum occurrit diabetes.

HYDROPEM universalem jam undecim hebdomadibus durantem cum cardialgia, diarrhoea, dyspnoea,

dyspnoea, tussi, expansione notabili tamen non fluctuante abdominis sub miserrima diæta sibi contraxerat & adauxerat femina. Exhibitis tinctura rhei aquosa & infuso e baccis juniperi atque herba absinthii, fluxus alvi sedabatur & reliqua symptomata mitescabant, excepto tumore, qui cum diuresi parca remansit, hinc loco tincturæ rhei dedi cremorem tartari solubilem, cujus usus duobus mensibus continuatus mox alvum laxando, mox diuresin augendo morbum insigniter dimi-
nuit atque demum restitutionem complevit sub accedente sudore repetito universali & quod notabile fuit, sub spontaneo effluxu feri non modo e cruribus sed simul variis aliis corporis partibus sc. papillis mammarum & retro aures.

SECTIONES.

FEMINA 55 annorum integro circiter anno post apoplexiam laborabat hemicrania & debilitate paralytica extremitatum lateris sinistri & demum prægressis per aliquot dies summo stupore, delirio, aphonia moriebatur.

IN aperto cranio inveni sub bregmate dextro duram matrem crassam callosam rubescentem &
infra

infra eandem in hemisphærio ejusdem lateris tres abscessus, singulos ad magnitudinem ovi columbini, intus pure denso repletos, vasa piæ matris sanguine valde turgescabant, & ventriculus lateralis sinister insignem feri copiam continebat.

VIR 40 annorum misere cruciatus per duos menses dolore vago artuum, abdominis & præsertim capitis adeo immani, ut secum duxerit spasmos faciei & oculi sinistri, susurrum capitis & lipothymiam, subito exspiravit.

DISSECTO cadaveris cranio in ventriculis cerebri præsertim sinistro & in basi cranii largum invenimus serum, in abdomine notabilis aderat copia feri purulenti partim condensati, mediante quo fere omnia intestina valde expansa cum se invicem conglutinabantur, nullibi tamen inflammationem aut fontem suppurationis detegere potuimus.

FEMINA 36 annorum tribus mensibus afflicta fuit gastrodynia, vomitu frequenti præsertim ingestorum cephalalgia enormi continua; ultimo mense symptomata hæc aggravata erant, oculi grandescabant quasi e capite protrusi cum pupilla
dilatata

dilatata & occoecata, auditus fiebat difficilis, caput magis magisque dolens erectionem motumque prorsus non tolerabat, delirans aut muta jacuit cum summa inquietudine, insomnia perpetua, alvo semper segni, urina clara naturali, singultu demum & epilepticis motibus aliquoties reversis, sub quibus expiravit.

PERLUSTRATO demortuæ cranio invenimus duo ossicula marginibus & apice utroque acutis in superficie interna duræ matris prope finem longitudinalem affixa, in ventriculo dextro serum nonnullum sanguineum; in abdomine omnia viscera quodammodo sana, excepto hepate, cujus superficies concava atro-rubrum colorem habuit, vesica fellea volumen & longitudinem digiti habuit cum tunicis valde crassis & callosis, intra quas continebantur quatuor calculi sat magni, sibi invicem appositi & exacte respondentes, totumque vesicæ spatium implentes, muco denso albo circumdati absque ullo vestigio bilis.

MAJUS.

MAJUS.

FEBRES nec multæ nec unius generis præ altero sæviebant, sed earundem numerum æqualiter fere dividebant intermittentes pleuriticæ, rheumaticæ, biliofo-putridæ, in nonnullis etiam nexum febrium diversæ naturæ aut simultaneum aut successivum observavi, sc. transitum continuæ in intermittentem, pleuriticæ in rheumaticam, vel hujus alterutrius combinationem cum biliofa putrida, in quam complicationem mox venæsectioni mox emetico primum dedi locum, prouti symptomata inflammationis minus magisve mihi prævalere videbantur.

DEMENTIAM 5 hebdomadam post puerperium ortam cum reliqua sanitate illæsa oppugnavi per hirudines temporales, vesicatorium nuchæ purgantia drastica, brevi posthæc surrexit tumor hydropicus crurum & dein totius corporis, sub quo sensim rediit debitus rationis usus; facili negotio hydropem dispellebant cremor tartari & pillulæ scilliticæ absque reventu vesaniæ.

PHTISEOS initia cum tussi, spūto mucoso, dolore vago pectoris, dyspnœa, anorexia, consumptione

sumptione corporis & virium, raucedine, quibus quadragenarius dimidio anno afflictus fuit, feliciter evanuerunt sub accedente febre quotidiana post septem vices per corticem sanata.

HYDROPS post signa hepatitidis virum sexagenarium corripuit, atque brevi tempore mire increvit cum tumore extremitatum inferiorum scroti & faciei nec non tussi sicca, dyspnoea molesta decubitus horizontalem impediens; cremore tartari solubili, pillulis scilliticis & scarificatione partium inferiorum morbus notabiliter imminutus fuit, improvise autem recurrebat cum tanta dyspnoea, ut æger tantum in situ erecto & corpus antrosum flectendo sufficientem pro evitanda suffocatione aerem haurire potuerit; kermes nullum levamen præstitit, ideoque emulsio gummi ammoniaci cum oxymelle scillitico porrecta fuit ad cochlearia duo majora omni hora; alvus exinde cum levamine initio admodum laxabatur, postea minus, sed urinæ fluxus crescebat, sensimque dyspnoea absque ulla expectoratione & reliquus morbus diminuebantur, atque sex hebdomadam spatium plenaria redibat sanitas.

Vix

Vix dubito, hunc morbum hydrothoracem fuisse, quamvis illa a plurimis incurabilis statuatur.

TINEA in femina 40 annorum consolidata oriebatur status valetudinarius, cum ad nos venerit ægrota, trimestris cum dolore fixo pectoris dextri, tussi, dyspnoea, cephalalgia, vertigine, oedemate crurum & femorum, facie inflata pallido-flavescente alvoque parum laxa; emulsione camphorata & vesicatorio affecto pectori hujus dolor fugatus & alvi dejectio in naturalem conversa fuit, reliqua cura præsertim scilliticis completa fuit.

HANC pleurodyne speciem a retrogressis præsertim hic annotavi, quia illustris Sauvage illius mentionem non fecit.

SECTIONES.

PUELLA 34 annorum quinque mensibus laborabat defectu mensium, tussi v. sicca v. cum sputo aquoso, dyspnoea, quæ indies increvit & præsertim sub situ horizontali v. in latere sinistro summam inquietudinem, anxietatem & insomniam intulit, mira quoque & enormis adfuit pal-

B

pitatio

pitatio cordis cum pulsatione arteriarum forti & dura, nullus accessit extremitatum tumor, ultimis morbi diebus frequenti lipothymia cum motibus convulsivis affligebatur, omnis somnus abfuit excepta proxima ante mortem nocte, quæ integra ob porrectum laudanum quiete dormivit.

DISSECTI pectoris utraque cavitas largissimam feri copiam continebat præsertim tamen dextra, cor insignis magnitudinis & capacitatis erat, maximam vero attentionem merebatur curvatura aortæ, quæ enormiter expansa & substantiæ duræ cartilaginosa erat.

PALPITATIO enormis sine dubio adscribenda est callositati, indeque nimiae resistentiæ aortæ, ob quam ictus cordis vehementior & frequentior ad motum sanguinis promovendum citatus & requisitus fuit.

PUELLA dolore cardiæ, abdominis, vomitu frequenti alvo segni, frigore cum æstu alternante cephalalgia, vertigine afflicta subito vigesimo secundo morbi die per anum dejecit largissimam grumosa sanguinis valde foetentis copiam, quæ-

quænam dejectio tribus diebus durabat & per mortem finiebatur.

APERTO cadaveris abdomine intestinum colon valde expansum erat, circa omentum minus nonnullus sanguis extravasatus reperiebatur, superficies concava hepatis colorem atro-lividum habuit, mesenterium prorsus inflammatum.

JUNIUS.

FESSES bilioso-putridæ regnabant, diversi tamen gradus & moris, pauca leviores emetico & cre-more tartari brevi curabantur, plures diuturnæ graves ad 14, 28 imo 42 diem durantes cum magna debilitate, deliriis, quandoque petechiis, hæ-morrhagis narium imo pectoris tussi, ut plurimum diarrhoea modica levatoria; non pauca catarrhalis putridæ nomen merebantur, quippe quæ compositæ erant e symptomatibus putridis primarum viarum & affectione molesta pectoris sc. dolore oppressorio v. punctorio, debilitate insigni post venæsectionem increscente, tussi atque sputo sub morbi declinatione purulento vere judicatorio, quam apparente crisi decoctum e cortice peru-

viano cum radice senecæ præsertim utile fuit. Duo hac febre ægrotantium obierunt, quorum unius historia mihi memorabilis videtur: Hicce vir ad nos ductus quinque diebus laboraverat febre rheumatica initio cum dolore punctorio pectoris dextri, qui sponte transierat in dolorem humeri dextri & crurum imprimis genu sinistri, alvus sub morbo clausa erat & sapor amarus; alvus mox largiter clysmate solvebatur, e vena sanguis densus cum crusta gelatinosa educebatur, pulvis e cremore tartari nitro & champhora propinatus fuit & vesicatoria suris applicita, insequenti s. sexta morbi nocte alvus sæpissime fluxit, proximaque mane omnem artuum dolorem evanuisse, & delirium surrexisse comperi, quare loco pulveris emulsionem camphoratam & vesicatoria brachiis applicui; 7mo die alvi fluxus sedabatur, sed delirium cum summa debilitate adfuit, quapropter Decoctum corticis peruviani alternatim cum mixtura camphorata exhibui. 8vo die allatis jungebantur tremor artuum nec non passim in corpore tumores minores v. majores quidam ad magnitudinem ovi columbini indolentes cuti concolores

colores reliquis remediis moschum adjunxi. gno die accesserunt petechiæ cum furunculis lividis passim in corpore dispersis, excrementa liquida involuntaria, sudor frigidus & ipsa mors.

HEPATALGIA unius circiter anni laboravit vir 37 annorum cum tumore cardiæ insigniter lato & duro, corpore emaciato, alvo segni vomitu frequenti, sub quo ante aliquot hebdomades materiam largam puriformem ejecerat; resolventia mitiora, ne ventriculus nimis ad vomitum citaretur, elegi, sc. tincturam rhei aquosam cum solutione tartari tartarificati, serum lactis & extus emplastrum e cicuta cum ammoniaco cardiæ tumenti applicandum cum insuper posito cataplasmate emolliente, duo præteribant menses, antequam curatio admodum lente procedens animadverti potuit per rariorem vomitum & decrementum tumoris, ad quem perfectius tollendum loco tincturæ dedi pillulas e saponis venetæ partibus duabus, extracti myrrhæ, pulveris rhei ana parte una confectis, quibus mensis spatio simul cum emplastro adhibitis sat bene valens nobis valedixit.

INSANIA stupore, debilitate, vomitu frequenti, ut nobis incerto ab aliis relatum fuit, aliquot hebdomadibus ægrotavit pauper futor 58 annorum jam admodum emaciat, nec cibos nec potum appetens, absque pulsu febrili, sed cum alvo obstructa, urina suppressa atque tumore dolenti regionis hypogastricæ; clysmate alvus & cathetere urina ducebatur multa turbida brunna cum sedimento puriformi, præterea camphora, moschus, succus citri in potu, clysmata quotidianum, linimentum volatile hypogastrio dolenti in usum vocabantur; urina nunc sponte sed sanguinea fluxit, demum post decem dies naturalis appetitus rediit parumper, remansit autem mite delirium cum insigni cephalalgia & vertigine erectum corporis situm prorsus non permittente, mensis spatium per venæsectionem, sanguisugium temporale, vesicatorium nuchæ, interposita laxantia, mixturam camphoratam acidam, pediluvia & interea epithema ex aqua frigida capiti derafo applicitum adeo restitutus fuit, ut modo vertigo ambulationi obstant et memoriæ defectus superessent; setaceum ideo nuchæ applicui, cujus effectus post mensem

menſem plenaria ægri ſanatio erat, qui tunc nobis retulit, ſeſe per multos annos fluxu laboraſſe hæmorrhoidali biennio ante hunc morbum ſuppreſſo.

PHŦISICA ſequentem ſui morbi originem narravit: Ante annum & dimidium officulum per laryngem illapſum erat, poſteaſque duobus menſibus dolorem conſtantem circumſcriptum in pectore ſiniſtro cum tuſſi ſicca paſſa erat; tunc ſubito ſupervenit expectoratio larga puris ſanguine mixti, quacum officulum ejiciebatur; ab eo tamen tempore reſtitit tuſſis cum ſputo purulento quandoque ſanguineo, dolore pectoris, emaciato corpore, variis fruſtra adhibitis demum a porrecto oleo aſphaltis & ſucco cucumerum manifeſtum ſentiit levamen, adeo ut tuſſis fere ceſſaverit, vires cum carne redierint, atque ſana nos reliquerit.

HYDROPICA 48 annorum cum tuſſi ſicca, dyſpnoea, dolore oppreſſorio cordis & hypochondrii dextri poſt uſum cremoris tartari ſolubilis oſtiduum corripiebatur effloreſcentia rubralata ardenti primo faciei dein totius reliqui cor-


poris cum salivatione multa & excoriatione interna oris; exanthema hoc 14 diebus persistebat atque per desquamationem epidermidis cum tumore hydropico insigniter imminuto cessabat; elapsis autem aliquot diebus resurgebat eadem affectio cutis eodem modo ac prior finita illo cum effectu, ut hydrops pro hac vice simul cum reliquis symptomatibus evanuerit.

S E C T I O.

LUMBAGINE lateris sinistri novem dierum laboravit quinquagenarius admodum obesus cum ischuria renali trium dierum, alvo naturali, pulsu vix febrili, bis jam vena secta; primo post introitum triduo adhuc sexies sanguinem eduxi phlogisticum, clysmata frequenter & emulsiones camphoratas exhibui, dolor lateris hinc cessavit, ischuria autem ad omnia rebellis perrexit ad decem usque dies, dum sponte processit urina citrina posteaque fluere perrexit; accesserunt præterea hæmorrhagia narium larga repetita, vomitus, singultus, alvi laxitas, motus convulsivi, somnus lethargicus, sub quo die decimo octavo morbi expiravit.

APERTO

APERTO cadaveris abdomine invenimus intestinum colon admodum expansum, illudque simul cum intestino ileo & superficie concava hepatis inflammatum, vesica fellea notabilis erat magnitudinis & bile repleta, renes mira copia adipis circumdati & compressi videbantur intusque admodum flaccidi & quasi macerati erant, ren sinister naturalem magnitudinem, dexter autem modo dimidiam habuit.



II.

VIS ANTISPASTICA ET EMMENAGOGA EMETICORUM

OBSERVATA

PER

J. W. GULDBRAND,

M. D. Archiater Reg. Soc. p. t. Præf

Datur experientiis sexcentis comprobata partium humani corporis sympathia: Consensu communi agunt cerebrum atque ventriculus: Quæ pectori juvant, juvant Renibus. Facilis observatur a pulmone ad crura materiæ morbificæ fluxus atque refluxus:

Dum interea temporis medicina, etiam hodierna, frustra desiderat Medicorum Alexandrum, qui modum, quo hæc phænomena oeconomiae animalis producantur, nodum vere gordium, rite solvat & extricet, nec fallaci hypothese scindat: Medicus practicus licet agendi modum naturæ ignorat, ad ipsos attamen effectus attentus, horum
ope

ope symptomata ambigua, sedesque morborum, successu haud infelici a partibus nobilioribus ad minus nobiles deferre conatur. Eundem o! utinam tramitem ingressi fuerant, qui in enodandis remediorum viribus desudarunt, ab omni ævo materiæ medicæ scriptores. Hoc modo nugis superstitiosis, fallaciis chemicis, elenchis theoreticis male compositis, commentitiis scholarum spuriiis, & ratiociniis a priori (puto ab hypothese precaria v. indemonstrata) desumtis, totidem veræ artis opprobriis, caruerat medicina dudum.

SED ohe jam satis est! Quo me rapit veritatis cupido? Locutus sum alibi (a) *de vi revellente & antispastica emeticorum dosium dosi refracta* ex observationibus Cell. in Svecia virorum DAHLBERG & BERGH; hodie, COMMILITONES OPTIMI, VESTRÆ attentioni voveo observationem, duplici confirmatam exemplo, *de vi antispastica & emmenagoga emeticorum, dosi, ad vomitum ciendum ordinaria, propinatorum.*

PUELLA aliquot ultra 20 annos nata, motibus hystericis quodammodo obnoxia, sustinuerat febrem

(a) Diff. inaug. de Sangv. Uterin. pag. 81. & 82.

28 GULDBRAND DE VI ANTISPASTICA

brem rheumaticam, quam sequebantur stupor & immobilitas femoris & cruris dextri: Ivimus his malis obviam per Eff. Stibii, Infus. flor. arnicæ & demum, urgente simul hysteria, per extractum trifol. fibrini in liquore C. C. succinato solutum. Tandem extremitas affecta sensum motumque perditos pro parte recepit, & accesserunt conamina menstrualia, post suppressa per menses complures catamenia: Lumbaginem ægra incusabat gravem, dolores immi ventris, oppressiones cardialgicas: Frustra sumsit emmenagoga varia: Denique lumbagine, dolore abdominis & cardialgia aggravatis, subitis corripiebatur convulsionibus. His visis VSectionem curavimus administratam & mox postea Pulv. crem. tartari ℥j Kerm. min. gr. IV. mixtam dedimus & similem pulverem post horæ distantiam: Horum ope non convulsionem solæ cessarunt, sed desiderata dudum catamenia prorupere, & ægra restituta fuit.

ALTERA robusta erat crassa, rustica, puella, quæ superata, quam passa erat, febre continua benigna satis, solam querebatur mensium obstructionem cum symptomatibus solitis; His aggravatis

vatis accessit insultus epilepticus, quem VSectione & simili emetico sustulimus, juncto ad lumbaginem minuendum vesicatorio: Ante hujus operationem autem prorupere menses, & relicto postridie lecto ægra restituta fuit.

PATET ex casibus allatis vis emeticorum, qua talium, antispastica, & accidentalis emmenagoga: Vix autem debetur hæc nisi soli stimulo & irritabilitati, quos in confiniis ventriculi excitat: Per sympathiam partium corporis humani aut tolli ope hujus stimuli fortioris & subiti, spasmos aliarum partium arctos suspicor, aut concussu corporis & nisu vomitorio solvi & pertrudi impacta, aut materiam stimulantem acrem per novum stimulum aliorum derivari vero videtur simile. Sed lucubrationes has & earum solutiones cedo, quibus tempus datum fuerit similibus vacandi, dum ad munera alia sexcenta obeunda cogor.

INTERIM observationes hæ cum reliquis de refracta emeticorum dosi collatæ campum aperiunt curioso cuique scrutatori sat amplum, ex quo varia ad medicinam practicam redundare poterunt
emo-

30 GULBRAND DE VI ANTISPAST. &c.

emolumenta. Dudum innotuit vis emeticorum fudorifera & expectorans. Recentiori ævo ad hæmorrhagias varias sistendas visa fuerunt haud inefficacia. An phitifi pulmonali, ulcerosæ, veræ, refracta emeticorum dosis per tempus continuata, eo nomine conducere, ut ab ulcere nimiam averterent humorum congestionem irritantem, & sic, quiete aliquali ulceri conciliata, ad consolidationem aliquam adderent symbolam?



III.

SYMBOLA

AD

**HISTORIAM DYSENTERIÆ;
EPIDEMICE AUTUMNO ANNI MDCCLXXIX,
CIRCA AARHUSIAM GRASSANTIS**

COLLATA

AB

ANDREA BROEBERG RANÖE,
M. D. & Societatis Membro Ordinario.

Ad finem vergente mense Septembri regionem circa Aarhufiam invasit Dysenteria longe lateque & graviter fatis sæviens.

DOLBO quod Historiam hujus Epidemiæ inde ab origine ejus prima deductam Societati offerre nequeam, utpote qui medio Octobris primum, jubente clementissimo *Monarcha*, a Collegio Medico Regio ad hoc iter suscipiendum electus ac illuc profectus, Epidemiam non inchoantem sed jam proVectam & dein decrefcentem tantum obfervare

32 RANÖE HISTORIA DYSENTERIÆ.

servare potuerim. Attamen spero quod Societati haud displiceant annotata hæcce qualiacunque apud centum fere ægrotantes collecta.

APUD paucos tantum incipientem observare mihi contigit morbum. Hos in genere primum adgrediebatur lassitudo universalis, cui statim sese junxit oppressio Epigastrii, cum sapore malo, vomitu bilioso repetito; vel saltem conatu vomendi continuo, torminibus ventris, aliquoties tenesmo inani, sæpius excretionem frequentissima, jam stercorea, jam mucosa, interdum sanguine plane destituta, interdum eo plus minus tincta, semper summe dolorifica, stipatis. Linguam eorum crusta alba obductam conspexi: pulsum tetigi parvum, celerem, debilem. Rarissime ab horribus manifestis ingruerat morbus: in quibusdam uno alterove elapso die horrores cum æstu alternantes occurrebant: Interdum agmen ducebant tormina cum subsequenter dejectionibus, interdum constipata pertinaciter alvus, & tum dirissimus & inanis cruciabat tenesmus. In perpaucis abfuit oppressio Epigastrii & his lingua pura, solito multo levior morbus. Sitim querebantur omnes:

omnes: appetitus nullus: somnus inquietus, fugax. Sudor imprimis initio morbi nullum attulit levamen, repetitis vero evacuationibus, in quibusdam prorumpens sudor veritatem effati Hypocratici: *cutis raritas ventris densitas*, confirmavit. Infantibus hunc morbum perbenignum declaravit *Sydenhamus*, quod etiam in hac Epidemia valuit, quæ multos quidem infantes adgressa est, at nulli eorum, quos vidi, exitialis fuit.

HÆC facies morbi apud illos, quos a principio ejusdem vidi: & hi omnes brevi satis, fere semper intra hebdomadem, methodo medendi jam adferenda sanitati reddebantur.

PRIMO itaque omnium, urgentibus nausea, vomitu, oppressionē Epigastrii ad ventriculum eluendum emetico-catharticum e pulvere radices Ipecacoanhæ & rheo singulorum scrupulo uno compositum, mane porrexi. Plerumque unica hujus remedii dosi ad effectum desideratum & levamen producendum suffecit: si vero iterum transiens levamen, si rediens nausea & ponderis in epigastrio sensus colluviem acrem in ventriculo adhuc hærentem prodiderit, uno alterove die in-

C

terposito

34 RANÖE HISTORIA DYSENTERIÆ.

terposito pro re nata repetitum fuit medicamen,
paucis ad tres vices, nemini ultra porrectum.

NOVERAM quidem minores Ipecacanhæ
doses nonnullis magis arridere, at noveram quo-
que querelas cl. *Monro*, querelas Ill. *Zimmer-*
manni quod radix ita data partim effectum non
semper præstiterit, partim ægrotis molestias longe
plures, quam si in dosibus majoribus propinetur,
creaverit, cumque experientia hujus radice vim
antidyfentericam multo certiore monstravit,
quando simul alvum subducat, scrupulum radice
rhei addidi, eoquæ connubio optatum attingi finem.
Quid quod plus simplici vice tam enormem bi-
liosæ materiæ copiam ejecit hoc pharmon, ut
inde Dyfenteriam quasi difflatam viderim, & in
me ipso contagii suscepti symptomatibus, lassitu-
dine universali, nausea, oppresse Epigastrii
& torminibus ventris, affecto expertus sim.

Nec infantibus hoc remedium, monito Ill.
Zimmermanni & experientia edoctus, debito ni-
mirum in determinanda dosi ad diversam ægro-
tantis ætatem habito respectu, porrigere horruï;
nec poenitendo certe eventu, maxime enim pro-
ficuum

ficuum & simul innocuum infantibus ut adultis se præstitit remedium.

AT illo tamen solo quasi nil ultra agendum foret non acquiescere potui nec acquievi. Ejecta enim licet parte aliqua saburræ, in imo ventre tamen sæpe adhuc colluviei acris satis magna restabat copia, & hæc subinde diluenda, demulcenda, evacuanda erat; nimius dein cohibendus humorum fluxus; tormina sistenda, ac intestina interea etiam corroboranda. Et hisce indicationibus ita responderunt potus diluens copiosus, rheum aliquoties vel solum ad drachmam dimidiam datum, vel Cremore tartari junctum, pulvis dysentericus dispensatorii Havniensis ad drachmam dimidiam ter quaterue indies sumtus, infusum florum chamomillæ & solutio tenuis gummi arabici, ut nullis aliis opus fuerit remediis, & rarissime ad anodynum ob tenesimum pertinacissimum confugere coactus fuerim. Infantibus post evacuantia optime conduxit tinctura rhei aquosa, nonnullis insuper, quorum viridescabant excrementa, Magnesia alba simul subinde porrecta.

36 RANÖE HISTORIA DYSENTERIÆ.

ET hæc fuit methodus medendi ægrotis, quos mature satis vidi, conveniens & utilis. Longe vero plures jam per hebdomadem, quatuordecim dies & quod excurrit ante adventum meum cruciaverat Dysenteria. In his multo gravior in genere morbus: sæpissime a jam descripta abludens medela.

ITA in universum omnes morbum spiritu frumenti, dulcissimo illis contra omnia mala solamine, debellare studuerant: at illo & immunditie rustica, verbis sane haud describenda, malum longe pejus reddiderant. Constipatio alui pertinacissima cum torminibus duris ac tenesmo mitissima erat hujus methodi poena; & hanc perpauci tantum luebant. Multos præter Symptomata superius enarrata vel dolor immanis Hypogastrii vel lumborum, vel Stranguria atrocissima vexabant: & quosdam nigra evomentes, singultientes, debilissimos, summe anxios, creberrimis sub torminibus summe dolorificis dejectionibus, interdum atris foetidissimis, interdum pure sanguineis exantlatos, sitientes, aphthis in ore & faucibus obsessos, ardore, vigiliis longis & sudori-

sudoribus profusis plane confectos, ac duos in agone jam frigidos vix respirantes, paulo post mortuos, inveni.

Quibus inter hos dolebat epigastrium oppressum cum nauseis, semper, ubi vires id permiserint, emetico - cathartico & reliqua jam allata remedia cum fructu porrexi. Duo horum lumbricos quosdam evomebant.

Is, quos atrox cruciabat Hypogastrii dolor solutionem Mannæ calabrinæ, cui oleum olivarum admiscueram, cum fausto eventu dedi, & iteratis viribus pro re nata porrexi, inuncto simul loco dolenti oleo volatili vel facculo e speciebus res solventibus cum camphora ibidem adplicito.

Pessime vero decumbentibus, quibus mortem imminentem jam minari videbatur dira Symptomatum supradictorum caterva, evacuantia statim propinare non ausus sum. In his febris malignæ, singultui, aphtis obviam eundum: in his vires fere sufflaminatas sustentandas, tenesmi molestiam pacandam, torminum vehementiam infringendam, spasticas intestinorum contractiones sedandas, inducias, utut fallaces, quibus via

38 RANÖE HISTORIA DYSENTERIÆ.

evacuanti dein præbendo sterni posset, concilians credidi. Hisce Decoctum corticis peruviani cum adjecto pauxillo rhei exhibui : datis simul pro re nata vel omni vel alterna vespera sub hora somni paregorico e guttis quindecim Laudani liquidi Sydenhami, ac, cum vires dein id ferebant, laxante e Manna, mucilaginosi, demulcentibus, diluentibus interea non neglectis.

Ac huic methodo satis faustus respondit eventus ; si enim duos exceperim ægros, reliquos hos omnes e faucibus mortis eripere mihi contigit felici.

In quibusdam reconvalescentium confirmatum vidi observatum *Sydenhami*, quod, " hic morbus," ut verbis ipsius utar, " si diutius excurret intestina seriatim omnia deorsum versus afficiat, donec tandem omnis ejus vis in rectum decumbat cum assidua desidendi cupiditate, qua nihil præter mucosum quiddam & subcruentum excernitur." In talibus casibus ad roborantia confugiendum esse docet summus medicus, ac pulvere corticis peruviani tantillo rhei maritato ad drachmam dimidiam ter indies exhibito cito satis durum incommodum fugavi. Sym-

SYMPTOMATIBUS reliquis superatis nonnullos adhuc cruciabat Stranguria, solutioni Gummi arabici largiter haustæ penitus cedens.

FUERE quoque, quos, morbo finito, vehementes artuum adgressi sunt dolores, tumore eorundem interdum stipati, hos vero dispulerunt frictiones ac pulveres camphorati.

DIÆTA sola vegetabili demulcenti mucilaginoso utebantur omnes, separabantur quam fieri potuit maxime, summaque gerebatur munditiei & citissimæ sepulturæ funerum cura.

PER integrum Octobrem & partem Novembris sic sæviebat Epidemia hæc: indies dein frangebatur contagii vis & medio Decembris incipiente frigore penitus cessavit Dysenteria, quæ fervidissimæ æstati quam humidus & frigidus exceperat autumnus, certo debuit natales.



IV.

VIS CORTICIS PERUVIANI SUSPECTA IN HAEMOPTOES ET PHTHISIOS CURATIONE.

OBSERVANTE

S. TH. DE MEZA,

M. D. & Societatis Membro Ordinario.

NULLUM dari morbum fere, in quo hodie non datur cortex peruvianus, qui unice & specificè olim laudabatur ad febres intermittentes genuinas, remittentes, larvatas periodicas, dein ad gangrænam, ad morbos a debilitate nervorum oriundos, nemo inficias ibit. Idque fieri maximo cum ægrotantium damno atque cum remediij infamia, dum datur in affectibus vbi minus conducit, sicque male dissipando corticem genuinum, falsus ei substituitur, dum tanta copia non suppeditatur, quanta requiritur ad debellandum omne pathernatum genus, cui adhibetur, nemo etiam negare poterit. Hinc illæ lacrymæ in
pervi-

MEZA VIS CORTICIS PERUVIANI &c. 41

pervicacia intermittentium sæpe ad vsum corticis, rabiem ægrorum & tædium medentium excitante. Laudandaque inde certo conamina eorum, qui alia substituendo, heroico huic remedio, vix jam ob minium abusum genuino, plus obtinendo parere student; Laudanda equidem solertia & humanitas Collegæ experientissimi *D. Buchave* inveniendō & tentandō vires radices Gei urbani, Utinam votis semper respondeant effectus, in levioribus intermittentibus saltem, ut minor fiat Corticis Sancti profusio.

INTER Morbos, quibus minus convenire videtur corticis inutilis immo & noxia profusio, est hæmoptoes & phthisis ejus pedissequa. Sunt quidem, qui magnis encomiis usum corticis extollunt post *Mortonum*, qui haud hæsitat herculeum vocare antidotum in prædictis affectibus, copiosoque utuntur cortice in curanda phthisi tanquam specifico & unico remedio, nec aliis juvantibus sub fine, ad eum tanquam sacram Anchoram confugiunt; quod satis mirari non licet, si attendere velimus ad auctores qui absque cortice natarunt & hæmoptoicos & phthisicos quam

42 MEZA CORTICIS PERUV. SUSPECTA

plurimos curarunt, vel si comparemus vim medicamenti eum morbi natura.

Ad auctores quod attinet, *Benet* neque in vestibulo neque in theatro tabidorum, nullam producit personam in scenam cortice sanatam. Curavit *De Haen* Hæmoptoen venæsectione, aqua gelida, emulcionibus, summaque quiete, nulla mentione injecta de corticis usu. *Home* non adhibet corticem in curanda hæmoptoë.

Vis corticis est roborare, motum sanguinis ejusque orgasmum augere, irritabilitatem excitare, nec non vasa constringere. Vanam declarat *Boerhavius* exhibitionem remediorum adstringentium pro obtinenda constrictione vasorum sauciorum, dicens, hæmoptoes adstringit se ipsam, si modo motus sedetur. Hunc excitari a cortice nemo dubitat. Præterea raro tuta adstringentia esse & forsan tantum locum habere in hæmoptoe a violentia externa, ut impetus sanguinis effluentis fistatur, facile patet. Consolidatio enim, uti dictum, vasorum ruptorum naturæ solius est opus; adstringentia alvum constipant, vasa constringunt absorbentia, ergo affluxum humorum pulmones
versus

verfus augment; eadem de causa ergo noxius cortex.

INDOLES morbi consistit in rudiori sanguinis motu, ejusque spissitudine inflammatoria, uti apparet ex sanguine e vena educto, qui fere semper crustam gerit inflammatoriam. Inflammationi autem nocere corticem medici asserunt omnes. A cortice augeri inflammationem, febrimque hec etiam sequi a cortice male administrato ait *Mead.* Nequidem conducit exhibere corticem, ubi adsunt signa interna inflammationis, nec juvat hic Nitri additio, uti quibusdam placet, ad sanguinis effervescentiam edomandam motumque inordinatum compefcendum. Coercetur quidem aliquando sanguinis sputum ex usu corticis, atqui cum periculo copiosioris recursionis, uti sæpius vidi, doluique hanc evitare minime subinde potuisse, uti pluribus exemplis comprobare possem, nisi sufficere crederem duo rariora adduxisse, quæ mihi se obtulere hyeme vix ne vix quidem elapsa.

CASUS I.

JUVENIS 25 annos natus, habitu macilento præditus, e matreque phthifica procreatus, incidit

44 MEZA CORTICIS PERUV. SUSPECTA

cidit sub finem autumnī prægredi in copiosam hæmoptoem, ad quam sedandam venæsectiones aliquot instituebantur, modo in brachio, modo in talo; dabantur temperantia, nitrosa, potusque frigidus atque refrigerans; post aliquot dies fluxu utcunque sedato, roborandi scopo exhibeo corticem peruuvianum ad ℥ss̄ omni bihorio. Circa octauam vespertinam vocor, manus auxiliatrices allaturus iterum copiose eruorem expuenti, quod æger mere tribuebat vsui horum puluerum, e quibus, vti aiebat, tussis statim vehementius exsurgebat cum difficultate spirandi, nec ullam aliam causam aut errorem diæteticum agnoscebat. Semotus fuit ergo horum vsus pro tempore & remediis prioribus satago motes componere fluctus. Quod optime succedebat: mane enim accedenti, non nisi congruatum quid e pulmonibus ejectum ostendit. Suasi iterum ad vsum puluerum accederet, quid sit? aliquot dosibus assumptis, eadem luditur tragœdia. Iterum vocor, video effectum inexpectatum, euentum haud præuisum. Desistere jubeo, temperantibus insisto & incrassantium

tium & demulcentium ope conualefcit, fatisque bene habet jam vltra menses quatuor.

CASUS II.

VIR quadragenario major, ante aliquot annos hæmoptoëm paſſus, ab hacque ſatis bene ſanatus, dum his in anno prophylactice ſibi venam ſecare curat; quodque vltimo fere ſesqui-anno negligens, ſub finem anni elapſi, cadit a paucis gradibus & peſtus lapidi offendit, indeque nihil mali præter dolorem leuem ad ſternum ſentiens, flocci facit. Atqui tranſactis 15 diebus, corripitur ſputo cruento, primo leuiori, ſenſim autem increſcente: inde in auxilium vocatus, venam ſecari jubeo, temperantia præſcribo, e quibus remittebat quidem fluxus, verſus vespèram vſque, quando vehementius ingruerat; iterum igitur extrahitur ſanguis e vena ad vncias Xij cum pulſus cæteroquin plenus eſſet ac duricuſculus. Siluit jam fluxus per biduum, dum corticem nitro addito præſcribo, debitis interuallis ſumendum. Atqui poſt pauca præbia, magna ebullitione prorumpit iterum e pulmonibus cruor, qui noua phlebotomia compeſcitur, & Julapio
cum

46 MEZA CORTICIS PERUV. SUSPECTA

cum vitrioli spiritu probe acidulato; ejus ope nullum dein sanguinis comparuit sputum. Inde desistere egor ab usu corticis in hæmoptoë.

NEGARE tamen haud possum dari quidam casus, in quibus non sine fructu cortex propinare licet, absente scilicet feбри ac pectoris dolore, qui equidem casus admodum rari. Proficuum in summa debilitate post superatam hæmoptoem remanente inueni, nec non in sanguinis solutione compingenda.

CAETERUM remedia optima, pediluua, alui ductio lenis, acida vegetabilia potius quam mineralia, dum hæc tussim excitant ferinam. Opiata pro spasms compescendis & tussi clangosa mitiganda. Immersiones manuum in tepidam, ligaturæ partium extremarum, sinapismi furis applicati, vesicantia inter scapulas, quæ derivando sæpius magnum afferunt juvamen, uti nuperrime iterum vidi in hæmoptoë a ponderum elevatione; aqua frigida in majori malo cum linteis complicatis collo pectorive admota.

Nec quicquam melius licet blandiri sibi ab usu corticis in phthisi pulmonali, nisi forte in
incipiente

incipiente phthisi, quæ aliquando sequitur evacuationem nimiam, fluorem album, lactationem, seminis profusionem, vel & magnam suppurationem ab operatione chirurgica, vel & in convalescentibus, uti *Pringle* placet, dum pulmones liberi ab infarctibus; demum in phthisi a febris intermittente orta. Cæterum declarat *Desault* corticem nocentissimum in phthificis, præsertim in phthisi tuberculosa, non nisi dubius proponit *Schacht*, an cortici peruviano locus in ulcere pulmonum? Mundando eoque consolidando? plurimum nocere hoc medicamentum, cum pulmo jam exulceratus est, sæpius dolui, cum tussim excitaret, respirationem inhiheret, sputaque suppresseretur. Sanavit *Haller* ulcus pulmonale cortice peruviano cum lacte decocto, semper tamen felicem fore successum non ausus est promittere.

HABUI præterea phthificos quam plurimos, quibus pro mitigandis symptomatibus, febris scilicet hectica, sudore & diarrhoea colliquatiuis corticem sine fructu dedi. Datur enim cortex in hectica, rationes habita ad regulares horrores, calore ac sudore matutino insequentibus, ad analogiam febris

48 MEZA CORTICIS PERUV. SUSPECTA

febris intermittens. At proh dolor! inutile ac iners remedium huic scopo, tempus teritur frustra quo aptiora forsan præbere licuisset, præmonente enim *Fothergill*, auget sæpe tussim, hæmoptoem, pulmonum erosiones, sudoresque colliquatuios. Febrim hecticam inde non mitigari obseruavi sæpissime & præcipue in phthisico, hoc autumnodemortuo, in quo præ cæteris prevertebantur inde accessus aliquando pro aliquot diebus, redibant tamen post infidas inducias & concomitabantur ægrum ad tumulum usque. Cortex peruvianus ait *Tralles* solis intermittentibus & ex earum genere continuis destinatus, nequiquam conuenit, licet e practicis numero pluribus in febre hectica adhibetur, nunquam vero inde aliquid boni obseruavi & quamuis in quibusdam minus nocere videatur, parum aut nihil prodesse, affirmare haud dubito cum *Fothergill*. In tentaminibus clinicis declarat *Home* medicamentum noxium in phthisi, tanquam febrim augens. In inflammationibus viscerum & abscessibus internis potius augeri febrim quam minui ab usu chinæ chinæ, effatum est *Bagliuui*. Pessime se habere tabidi ait *van Swieten* quibus cortice

cortice peruviano febris tollitur hæctica, & summam pati anxietatem, inde in simili casu suadet abstinendum a cortice. Nocere potius quam juvare in talibus febribus asserit *Verlhofius*; in ultimo stadio a cortice potius augeri quam stipari Diarrhoeam colliquativam observatio est collegæ olim, nunc Beati *Friborg*.

VIDETIS ergo quanta cautela necessaria in corticis exhibitione ad phthiseos curationem, cum quanta prudentia administrari debet, roborandi forsan scopø in hæctica absque ulcere, & præcipue attendendum esse ad juvamen & nocumentum inde productum, ut ab eo desistamus, si ex primis tentaminibus nihil commodi redundat, ne malum deterius evadat.

DEPLORANDA quidem est tabidorum fors, quod neque ab aliis remediis laudatis in phthisi, melius sperare liceat, neque ab acido vitrioli, neque a martis limatura, aquis mineralibus, musco islandico, myrrhæ solutione, oleo asphalti, nec a venæ sectionibus parvis sæpius institutis; quod proh dolor! adeo clinicis notum, ut non egeat demonstratione. Exclamandum ergo.

D

Jacent,

50 MEZA CORTICIS PERUV. SUSPECTA

Jacent , quibus cruenta tussis imperat
Locis in omnibus , nec ullus attulit
Opem gementibus. Truces ad inferos
Fit indies acerba pronior via,
Saturque stertit orcus.

PHTHISIS consumata omnem respuit medelam;
si quid valemus medici , prophylactice erit , bo-
num instituere regimen , corpus semper ubique
conservare perspirabile , summa cautela corporis
calidi refrigerium fugere , venam secare in ple-
thoricis bis in anno , & opiatas statim ab initio
siccam compescere tussim.



V.

ÆTHUSÆ CYNAPII

IN CORPORE HUMANO

EFFECTUS NOCIVUS

Auctore RUDOLPHO BUCHHAVE,

Medic. Doct.

Cum indicare effectus, a diversis plantis, quarum vis nociva nondum satis perspecta sit, in corpore humano editos, ac eos patefacere, quarum virtus infirmitatibus mortalium maximo fuerit emolumento, æque laudabile inceptum reputaverim, eos in lucem edere effectus, quos, me invito, in ægris quibusdam excitavit Æthusa Cynapii, haudquaquam dubitavi, præsertim cum hos describendo causam simul innocentis Conii Maculati dicere possim.

Dum per totam Europam celebravit cl. Störckius usum Conii, omnesque practici vim ejusdem in ægris tentarunt suis, quo de utilitate ejus me-

D 2

dica

dica certi vero illo perfunderentur gaudio, a multis malis, hucusque optimis curis resistentibus, se cives miseros liberasse, ego tunc temporis medicus factus aliorum experimenta meis confirmare tentaminibus magno flagravi ardore. Didici jam dudum, dum Hauniæ versatus fui, dictam herbam in multis profuisse malis, nunquam vero effectus, laude acquisita indignos, vel corpori humano inimicos edidisse audiui. Spe boni eventus, ægris quibusdam herbam Conii, in omnibus propemodum pagis nostris ad sepes affatim crescentis, præscripsi. Hujus usu varia apparere in ægris symptomata mala, quorum causam neque ex pharmaco præscripto, neque ex morbi indole deducere potui, sed eam a regimine ægrorum inordinato ortum trahere primum duxi. Perbene sciebam, pharmacopolam characteres didicisse Conii, totamque plantam ex habitu cognovisse, & jam cognoscere, ut, quod in quibusdam Europæ locis factum, ignorantia in vicem Conii aliam sumere nequiret plantam: De dolo patrato nunquam eram convictus. Ægris igitur, ut usum continuarent medicamenti, meisque præceptis

ceptis ut morem gererent, injunxi. Brevi vero post renovatæ sunt querelæ, qua propter harum impatiens, famæque bonæ studiosus, herbam, quam sceleris suspectam jam merito habui, examinandum sumsi, reperique, magnam *Æthusæ Cynapii* partem a perfido pharmacopola esse admixtam. Hanc ergo omnium malorum causam esse credidi, neque me decepit conjectura; postea enim experimenta docuere Conium esse a culpa liberum, & coram judice deinde, pharmacopolam æqualem Conii & *Æthusæ* partem maligne miscuisse, patefactum est, & testibus publice monstratum.

ÆGRI tres hanc adhibuerunt miscelam, quorum morbi historiam, ut in diariis meis extant, hic apponere non pigebit.

1) Viduam perpauperem, ruralem, annum circiter agentem 40, diu afflixerant ulcera faciei collique carcinomatica, ichor valde foetens fundentia, margine dura, locaque vicina continuo magis magisque depascentia. De coetero sana. Præter laxantia pillulas de Conio per spatium bi-mestris sine ullo incommodo adhibuit, nulla vero

54 BUCHHAVE ÆTHUSÆ CYNAPII

inde mutatione mali in melius visa, oleoque & opera perditâ, tandem herbam præscripsi Conii, cujus caperet unciam unam in aquæ simplicis unciiis xxxii coquendam, atque colaturam partitis vicibus, omni bihorio, ad uncias iii quotidie biheret. Per iv aut v hebdomadas hoc medicamen in usum traxit, quo tempore me sæpius adiit atque conquesta est, sibi herbas suspicionem importasse, quoniam a decocto sumto se male semper habuit, hujusque haustum tremores, vertiginem, oculorum hebetudinem, cephalalgiam, dolores colicos, vomitum, virium defectum, cibi fastidium excitasse. Quamvis in regimine diætetico nullum invenire potui crimen, suspicio hujus tamen rei remansit. Dedi igitur laxans, præscriptam diætâ inculcavi, & ad usum decocti porro adhortatus sum, meliora sperans. Breui vero rediit, dicens, se præcepto satisfacisse meo, continuoque ex decocto fideliter hausisse, eadem vero quotidie expertam fuisse symptomata, imo ante aliquot dies vomitu violento, tremoribus & convulsionibus ita correptam, ut lectum petere fuerit coacta, ab eo tempore nauseosum

seosum decoctum seposuisse, & jam omnibus collectis viribus in urbem pedibus iter fecisse, quo novas a pharmacopola acciperet herbas, meæ inquisitioni sistendas. Tantorum malorum anxius, herbasque rudi modo inscillas inspiciens, facile detexi, magnam Æthusæ partem Conio esse admixtam. Hinc causa malorum patefacta, poenituit me, sed serius, quod nullo habito dubio de pharmacopolæ sinceritate, tam longo tempore toxico hoc vires & salutem perdidissem agræ. Conium inde verum optimumque ei ipse præbui, cujus decoctum, uti antea, ipsa pararet, eodemque modo adhiberet. Hujus usu, symptomata recensita cessarunt, vires corporis indies augebantur, ulcera maligna pus dederunt laudabile, & intra menses ii omnino sanata sunt.

2) Eodem tempore, quo dolum detexeram denominatum, foeminam pastoris cujusdam inuisendi gratia, rus profectus sum. Hæc, cujus tota familia phthisi pulmonali occubuerat, annos habuit aliquot supra viginti, diuque respiratione difficili, anhelitu graui, & tussi vehementi sicca absque excreatione laborauerat. Multa consum-

D 4

ferat

56 BUCHHAVE ÆTHUSÆ CYNAPII

ferat medicamina absque mutatione vel lenimine morbi. Censui, in pulmonibus adesse indurata tubercula atque vomicas, id quod etiam anatome post mortem detexit, ideoque cum Conio periculum ut faceret adhortatus sum. Herbarum Conii ab officina pharmaceutica apportatae unciam semis coquebat cum aquae unciiis xxxii ad libras ii : Ex celatura omni bihorio caperet uncias iiii. Post dies xiv eam visitanti de aucta respirationis difficultate, cephalalgia, doloribus colicis, nausea, vomitu, membrorum lassitudine atque torpore conquesta est. Fraudulentiae pharmacopolae memor, decocto herbarum adhibito alienos hos adscribere effectos non hæsi. In aquam igitur tepidam missis herbis incisis, foliisque inde expansis, facile distinguebantur Conii & Æthusæ. Quo vero certior essem, quod decoctum reuera excitasset ista, de quibus ægra conquesta fuit mala, virgini ibi præsentî persuasi, ut unciam vnam hauriret decocti, ipseque tantundem sumsi. At vix præterlapsis horarum minutis vi nausea & doloribus colicis ambobus stetit experimentum. Ipse postea & herbam veram & pilulas Conii præbui

præbui ægræ, quæ harum vsu nihil mali per-
sensit.

3) Anno post hæc gesta integro præterlapso
juvenis rusticus, xx annorum, me adiit, opem-
que imploravit. Ulcera tonsillæ, palati, nasi &
genæ dextræ habuit venerea. Laxantibus præ-
missis & interpositis, decoctum ex Conio, in
horto patris sui sponte crescente, paratum diu
æstivo tempore adhibuit, ulceribusque propemo-
dum sanatis, se curæ empirici, ibidem loci com-
morantis, commisit; sed brevi omnia in pejus
ruebant. Revertenti iterum ab officina pharma-
ceutica Mercurium sublim. spiritu vini solutum,
præscripsi, herbamque Conii, ex qua decoctum
tali, ut ægra prima, modo sibi pararet & adhi-
beret; quinto quolibet purgaretur die, & diætam
institueret lacteam. Ante curæ initium nihil,
exceptis ulceribus, perentiebat mali, eadem vero
incepta, dolores colici, nausea, cephalalgia, cibi
fastidium, vertigines, ingens totius corporis lan-
guor & debilitas oborta sunt, quæ symptomata
post quemlibet haustum præsertim sunt aucta,
quapropter etiam de herbis suspicabatur æger, in-

primis, cum hæ, ut dicebat, herbæ decocto
 pejorem impertirentur saporem, ac eæ, quæ
 domi crescebant. Quoniam antea ex usu Conii
 nihil mali sensit, id culpa vacuum habui, quare
 querimonias ejus primo neglexi, iteratis vero
 eisdem, in omnes causas possibiles solícite, sed
 frustra, inquisivi. Pharmacopolæ male credere
 nequivi, quoniam de patrata admonitus fraude,
 sincerius in posterum agere promiserat: Herbæ
 præterea admodum minutim erant incisæ, adeo
 ut indagationi locus non esset. Hinc quoniam
 una cum decocto, lacte mixto, Mercurii solutio-
 nem sumsit, in hanc, ter quotidie adhibitam, &
 in laxantia, debilitatis & symptomatum coetero-
 rum causam transtuli, ideoque eadem parcius ad-
 hibenda jussi, sed nulla symptomatum inde mu-
 tatio visa fuit. Initio curæ, pejora reddita ul-
 cera vicina depascebant loca, tandem vero ad sa-
 nationem, quamvis lente admodum, tendebant,
 quod etiam præter allatas causas me instigavit, ut
 medicamenta non mutaverim. Curam per anni
 dimidium sustinuit, quo tempore dicta eum affli-
 gebant symptomata, imo debilitas corporis tanta
 inter-

interdum erat, ut solus e sella surgere, vel paulum meare prope esset impossibile, unde etiam medicamina per aliquot dies seponere, & laxantium numerum minuere sæpius fui coactus, quo vires iterum aliquantum colligeret. Tempore bimestri præterfluxo, ulcera quædam sanata sunt, quædam vero plenam admittere noluerunt consolidationem, & cum eo tempore chirurgi ope carere posset, domum redire desideravit, quod renuere nolui; injunxi tamen, ut postea eadem, quæ antea adhibuerat, ab officina accerferet medicamina, quod etiam præstitit; sed novæ herbæ cum in majus conjecerunt malum; nam post mane haustas decocti vncias III, debilitate ingenti, vertigine, tremore, spasmis, convulsionibus correptus est, subsequente lipothymia. Eodem die mihi rure commoranti factum hoc retulit sollicita ægri mater. Memor eorum, quæ Æthusa antea causauerat mala, matri mandaui, ut die postero eandem decocti porrigeret filio dosim. Hoc peracto memorata rediere symptomata, quæ ab herbis derivari in propatulo erat. His itaque rejectis, alias notæ melioris adeptus est, ex quarum
usu

60 BUCHHAVE ÆTHUSÆ SYNAPIL

usu nulla perſenſit incommoda, ſed poſt menſis vnus decurſum omnino ſanatus fuit.

NOTANDUM ſit, quod tempore ſuccedente euictum ſit, Æthuſam dimidiam herbarum, prius adhibitarum, partem expleviſſe; exinde in ultima mixtione, vnde pejora & violentiora orta ſunt ſymptomata, maximam, ſi non omnem, partem fuiſſe Æthuſæ, ex factis iudicare haud dubitavi, quamuis non ſit patefactum. Quod quædam ulcerum ſub toxici huius uſu, quamuis tarde, ſanata ſunt, maxime Mercurio, & quod venenum hoc tamdiu, abſque virium omnimoda proſtratione, majori noxa, vel vitæ perditione tulit, ſolæ dietæ lactæ, qua ſub cura continuo uſus eſt, adſcribendum puto.

HÆC adduxi narrata ad confirmandam Æthuſæ in corpore humano noxam. Plura allata majus forſitan de huius plantæ effectu ſpargerent lumen; ſed lætor, me plura indicare non poſſe. De eorum certitudine nemo dubitare poteſt, qui ſciat, facta enumerata in foro a teſtibus fidelibus jurejurando eſſe confirmata, iudiciumque atque poenam impoſtorem manere.

Ex

Ex historiis morborum colligere fas est: Æthufam Cynapium neruorum systema præcipue aggredi, functiones ejusdem ordinarias impediendo, & vires inde totius corporis debilitando, vnde sinistra in ægris oborta symptomata omnia facile explicantur, & prolongata curatio intelligitur. Ad classem igitur venenorum stupefacientium pertinere hanc herbam palam est, quamvis e plurimis, qui de materia medica agunt, libris, ob vim forsitam adhuc dubiam, exulauerit.

VIM Æthusæ nociuam multi jam pridem cognouerunt obseruatores, quorum quam plurimorum obseruata compendiosissime collegit atque enumerauit Ill. *Hallerus* (a), cujus verba hic describere non pigebit. "Tota planta trita odorem virulentum allii præfert, & sæpe potuit pauperculis hominibus nocuisse, cum & in hortis proueniat, & haud mediocriter Petroselinum referat. Quam adeo Cicutam medici cum Petroselino comparauerunt, eam pro nostra habeo. Multa exempla reperio anxietatis, singultus, etiam trimestrium deliriorum, soporis, stuporis,

(a) Hist. stirp. indigen. Helvetiæ. Tom. I. pag. 336.

62 BUCHHAVE ÆTHUSÆ CYNAPII

" ris, impotentiae, vomitus, faucium constricta-
 " rum, spasmodum ventriculi, convulsionum,
 " mortisque, quæ omnia mala Æthusæ tribuuntur.
 " Nostram innocenter ab integra familia comme-
 " stam lego, minori forte copia, hæc enim ve-
 " nena non occidunt, nisi uberius fumantur.
 " Mihi certe accidit, ut cum uberius de petrosfe-
 " lino cum aqua cocto cœnâsem, ea nox mihi
 " per nauseas & diarrhoeam valde incommoda
 " fuerit." Inter recentiores Linnæus (a) admo-
 " net: " Ut caveant coqui, ne Æthusæ folia loco
 " apii petroselini in cibum adhibeant, cum eorum
 " dementet usus."

Si quis objiceret: Nocuisse etiam aliquando
 Conium maculatum, eademque produxisse fini-
 stra symptomata ac Æthusa, adeo ut tuto pro-
 nunciare non liceat, an in supra nominatis casi-
 bus Conio vel Æthusæ culpam tribuamus; forti-
 ter insistere audeo: Conium nunquam nocuisse.
 Scio equidem viros fuisse, qui antiquis temporibus
 Conio noxias tribuere vires; sed his fides
 non habenda, quoniam Conium cum Æthusa;

Cicuta

(a) Flor. Svec.

Cicuta virosa, Chærophyllo, Phellandrio, aliisque confundebant, nullos enim certos docti erant characteres botanicos, quibus umbelliferas rite discernere valuerunt. Hinc plantæ hujus admodum confusæ apud observatores descriptiones, quæ ratione effectuum observatorum scrupulum non exiguum injiciunt: Jam enim hi medicamentum criminari, illi non adeo suspicere; alii omni scelere absolvere (a) ut ultimo plerasque de Cicuta historias incertæ plantæ esse, post *Trewium* pronunciarit *Hollerus*, quod etiam ex dictis ejus supra allatis pateat. Scio etiam alios novissimos extetisse, qui vires Conii vel inutiles vel noxias indicarunt, quo refertur *Anth. de Haen*, *Joh. Andree*, *Langius*, *Gataker*, *Joh. Calvus*, *Whytius*, *Astruc*, alii; sed in hac re candorem *Hænnii* desiderarunt *Alethophili Viennenses* (b), alii in aliis (c); ceteri, qui vires infelices Conii experti sunt, omni sine dubio verum non adhibuerunt Conium. Ita in Anglia, Hollandia, Gallia, Italia, Borussia, Silesia, Bohemia, & in ipsa Austria

(a) Crantz, Mat. Med. P. III. pag. 44.

(b) Elucidatio necessaria Epistolæ Hænnii de Cicuta.

(c) Briefe über das Blatterbelzen.

64 BUCHHAVE ÆTHUSÆ SYNAPII

Austria contigisse testatur *Störckius* (a). Idem assentitur Crantz (b), dicens: Æthusam Cynapium & Phellandrium aquaticum effectuum Conii multam partem retulisse. Extractum enim potuit ex Chærophyllo temulo (c), ex Chærophyllo bulboso (d), ex Cicutâ virosâ (e), ex Æthusa cynapio (f), ex Phellandrio aquatico (g), paratum fuisse, & pro vero Conii extracto venditum, adhibitumque, vel ex Cicutâ Parisina deterioris notæ (h) profectum. Cicutæ hinc in omnibus officinis eadem non sunt (i), neque id vel adeo mirabile videri potest, cum etiam hodie botanici Conium maculatum cum Cicutâ virosâ confundant, quod in flora Carniolæ factum, ubi character Conii adscribitur Cicutæ virosæ. Ubi igitur infortunia in ægris oborta Conio adscribuntur, ibi ex allatis unum alterumve vitium irrepisse

(a) Continuat. Experiment. p. 8.

(b) Mat. med. P. III. p. 45.

(c) Ibid.

(d) Crantz. Fasc. III. p. 69.

(e) Haller. Hist. Stirp. indig. Helvet. T. I. p. 342.

(f) Crantz. l. c. p. 45.

(g) Idem l. c. p. 48.

(h) Journ. de med. l'ann. 1764. m. Juin.

(i) Crantz. l. c. p. 44.

fisse necesse fit. Hoc ex symptomatibus, quæ in aliorum ægris visa sunt, cum iis, quæ in meis observavi, collatis, admodum probabile videtur, veritatisque consentaneum. Symptomata enim infesta Conio, interne adhibito, a novissimis observatoribus imputata, sunt: Appetitus abolitus, debilitas totius corporis, brachiorum præcipue & pedum, vertigo, tremor oculorum & totius corporis, visus debilitatus. Hæc vero cum apprimè convenient cum dictis, ab Æthusa excitatis, malis haud falso videmur ratiocinari, si Æthusa, vel aliæ ejusdem faraginis plantæ, per ignorantiam substitutæ, eadem adscribamus. Innumera si addas, tum veterum tum recentissimorum, de Conii innocentia testimonia, quæ, ut perquam nota, hic enumerare superfedere possum, rem extra omnem dubitationis aleam invenias positam, certissimeque de Conio colligas: Si non juverit, sane non nocuerit (a), etiam magna dosi porrectum. Fida edoctus experientia hoc adfirmo: Ipse namque ægris

(a) *Stærckius*. Lib. I. de Cicut. p. 6. 12. Lib. II. pluribus in locis. Continuat. Exper. p. 79. 206. 236.
Hallerus. Hist. stirp. indig. Helvet. T. I. p. 342.

66. BUCHHAVE ÆTHUSÆ CYNAPII

ægris decoctum Conii fortissimum ad unc. vi, & succum ejus recenter expressum ad unc. ii. sæpius quotidie exhibui, nihilque inde mali unquam vidi. Infortunia igitur in ægris meis visa, non sane Conio, culpa omnimode vacuo, sed Æthusæ merito & debite sunt imputanda. Huic postulato facile adstipuletur, qui attente facta perlegat; seposito enim Conio, cui admixta fuit Æthusa, mala minuebantur, cessabant; usu ejusdem iterum incepto, redibant, augebantur. Eademque sub usu veri Conii, denuo exhibiti, nunquam in conspectum prodibant, hoc enim bene tulerunt, hocque sanati sunt.

HÆC de Æthusa dicta sufficiant. Quam plantam, si non inter venenatas stricte sic dictas, atamen inter venenatas stupefacientes locum obtenturam, corporique humano ita inimicam esse, ut omnino non ad medicamentorum, minimeque ad alimentorum classem referri possit, nemini non ex dictis patere credo.

VI.
SPECIMEN
DESCRIPTIONIS MORBORUM
ANNO MDCCLXXIX IN NOSOCOMIO
NAUTICO GRASSANTIUM.

PARTICULA PRIMA

DE INFLAMMATIONIBUS PECTORIS,

Auctore H. CALLISEN,

M. D. & Profess. Nos. Naut. Med. Reg. Soc. Med. p. t. Secret.

INTER acutos morbos nauticorum, qui Anno 1779 ad Nosocomium navale allati fuerunt, frequentissime erant inflammationes pectoris, febres putridæ veræ, febres mixtæ, febres nervosæ, Dysenteria, ac denique variolæ. Quæ in horum morborum genio ac medela singularia mihi occurrerunt cum Societate communicare haud incongruum putavi.

NUMERUS ægrotorum inflammatione pectoris laborantium 185 comprehendebat, quorum 34 diem obierunt supremum. Morbus hic, qui

E 2

mensibus

68 CALLISEN DE INFLAMMATIONIBUS

mensibus Aprilis , Maji , Junii , Julii , Augusti
atque Septembris præcipue grassabatur, præ reliquis
omnibus, maxime erat ambiguus atque periculosus.
Rarissime primum morbi stadium observare mihi
licuit, cum plurimi non ante quintum, sextum vel
septimum diem e navibus bellicis ad Nosocomium
delati fuerint, inque nonnullis in suppurationem,
in aliis in Gangrænam jam transierat morbus. In
tribus solummodo, qui scabie desumbentes, hoc
morbo corripiebantur, morbi initium ac progres-
sum observare licuit. Hi in principio insolitam
extremorum tensionem, horrores intercurrentes,
gravitatem capitis, interdum dolorificam, sentie-
bant, cibos averfabant, potum assumebant
copiosiore, cutis sudore perfusa erat, omnem-
que motum fugiebant ægroti, facies pallida,
oculi languentes, respiratio parum frequentior,
pulsus, aliquantulum minor, haud multum a statu
naturali recedebat. Per octo vel duodecim horas
durabat hic status, tunc accedebat vomitus, ut plu-
rimum biliosus, cum aucto capitis artuumque dolo-
re, pulsu frequentiori, duriori, minori. Symptomata
intra 24 horas ita ingravescabant, ut pulsum ictus,
sub

frequenti anhelosa respiratione, 130 in minuto primo temporis numerari possent; lingua tunc erat impura, sitis, inquietudo, dolor vehementior, animi tristitia summa, cutis ardens, sicca, rubra, alvus clausa, urina ignea clara; In hoc statu tertium morbi diem attingebant ægroti; accedebant jam dolor punctorius & gravativus pectoris tantus ut sub quavis inspiratione præ dolore planctum edere cogerentur, tussis sicca admodum dolorifica, & haud raro inquietudo ad delirium usque augebatur; alvus raro sponte aperiebatur; ad quintum vel septimum diem augebantur hæc symptomata, transibat tunc inquietudo in soporem fere continuum, pulsus rarior pleniorque evadebat, tussim minus dolorificam sequebatur ejectio sanguinolenta viscida foetidissima. Hæc faustum morbi successum promittebat, si ejectio ad 13 vel 15 diem augebatur, & tunc sensim decrefcebat: periculum e contrario aderat, si in verum pus mutabatur ejectio, si prostratio magna virium, urina clara aquosa, vel expectoratio valde difficilis adveniebat. Ejectio plane suppressa aut inter 11 & 15 diem mortem præsigniebat, vel sudor ac urina critica fu-

E 3

gabant

70 CALLISEN DE INFLAMMATIONIBUS

gabant symptomata. Hi omnium felicissimi evadabant, ac brevi sanitatem recuperabant; illi, quorum expectoratio sanguinolenta continuabat, lente circa 8 vel 9 morbi hebdomadem reconvalecebant, vel circa 5 hebdomadem phthisici moriebantur: in his pars pulmonis in saniem gelatinosam foetidam conversa, vel vomicis obsessa reperiebatur. Intra paucos dies sub decursu morbi cito sponteque, cum deterioratione symptomatum, redibat scabies ante morbum passa.

IN nonnullis circa 5 vel 7 diem accedebat diarrhæa; morbus tunc alium assumere genium videbatur, cito liberabatur pectus, facilior evadebat respiratio, plenior pulsus. Colore ex flavo rubescenti tunc suffundebatur cutis, lingua aridissima dentes crusta fusca obducti, auditus abolitio, halitus oris foetidissimus cadaverosus, calor cutis mordax, delirii in soporem ac deinde in lethargum transitus accedebat. Hi per plures hebdomades absque sensibili mutatione decumbentes, aut lentissimæ absque vera crisi vel metastasi sanitatem recuperabant, vel, præcipue habitus debilis aut venæsectionibus prægressis exhausti, circa 5
vel

vel 6tam hebdomadem moriebantur. Mensibus Augusti ac Septembris aliam indolem assumebat morbus. Mentis viriumque cita prostratio, vomitus, fudor in morbi initio, non amplius observabantur, nec expectoratio halitusque foetidus: Mense Octobris plane non de solitis Peripneumoniiis recedebat; ejectionem sanguinolentam circa quintum vel septimum morbi diem excipiebant sudor ac urina critica, & ægroti 14 vel 21 dierum spatio sanitatem recuperabant.

Ab initio naturam epidemix ignorans, ob obvia inflammati pulmonis signa sanguinem pluries misi, ac reliquam methodum antiphlogisticam strenue adhibui. Venæsectiones breve levamen adferebant, & aucta deinde vehementia recrudescere morbus, in nonnullis sub sanguinis missione minor & rarior, in aliis crebrior ac inæqualis evadebat pulsus, sanguis missus in nonnullis crustam albam, crassam, tenacem, in aliis tenuem cineritii coloris monstrabat, crassamentum plerumque satis bene cohærebat; nulli iteratam sanguinis detractionem abque sensibili deterioratione ferebant; nec vesicatoria post secundam vel ter-

72 CALLISEN DE INFLAMMATIONIBUS

tiam sanguinis missionem loco dolenti admota profuerunt, neque magis Camphoræ, Tartari emetici Sulphuris Antimonii aurati refractæ doses profuerunt. Inter 5 & 9 diem in putridam dissolutionem transibat inflammatio, & quo frequentior antecesserat venæsectio eo citius moriebantur ægroti. Ne unicus quidem septimum morbi diem attingebat, cui ter quaterve vena secta fuerat.

INFAUSTO hoc eventu edoctus curam antiphlogisticam huic epidemiæ non convenire, methodum mutavi. Loco V. S. mox emeticum ex Tartaro Stibiato porrigebam, totumque latus adfectum a spina dorsii ad sternum usque vesicatorio obtectum curavi. Statim deinde post effectum emetici decoctum Corticis Peruviani cum mixtura acida camphorata alternatim dabatur, ita ut intra 24 horarum spatium Camphoræ gr. xxiv. & extractum ℥ij Corticis assumeret æger. Quibus expectoratio difficilis succedebat simul emulsionem oleosam c. Oxim. Squillitico assumebant. Soporosis repetita emetica porrigebantur, & plura vesicatoria imponebantur. Hæc methodus gangrænam avertebat decumbentium haud nimis de-

debilium, ac tempestive ad Nosocomium delatorum, nec prægressa sanguinis detractione nimis debilitatorum: expectoratio melior succedebat in plurimis: reliquis 8 infusum Senecæ porrigebatur, de quo remedio tamen præterlapsis 24 horis, ob vehementer aucta symptomata desistere cogebatur: melius granum Kermis mineralis 3 de die cum saccharo sumptum expectorationem promovebat; optimum tamen successum præstitit Mixtura e 3ij Gi. Ammon. 3iij aceti squillitici cum 3vj aquæ & saccharo, per Nycthemeron assumpta: multi sub ipsa ejectione purulenta continuato hoc remedio sanitatem recuperabant, adhibito tamen simul infuso Corticis. In 12 ægrotis status phthisicus remanebat, inter hos 6 dato oleo Asphalti, ac infuso corticis sanitatem recuperabant; 2 fere restituti otalgia vehementissima corripiebantur, quam derivantibus ac revellentibus variis sedare frustra tentavi; accesserunt deliria convulsiones, ac ægroti moriebantur; hi pulmones ad aspectum sanos, pus vero effusum in ventriculis cerebri lateralibus adfecti lateris habebant, in 4 reliquis omnem medicinam superabat morbus, in uno balsamus Capaibæ le-

74 CALLISEN DE INFLAMMATIONIBUS

vamen adferre videbatur, magna puris quantitas in hoc per urinam ejiciebatur per integrum mensem, mane unius diei ægrotum, haud mentis competentem, facie pallida, labiis plumbei coloris, pulsu celerrimo tremulo, abdomine immaniter expanso, extremis frigidis, urinæ alvique excretion involuntaria, inveni, horæque spatio animam efflavit; in hujus abdomine, aere expanso, sanies purulenta foetida, intestina inflammata & variis locis gangrænosa, foraminulis obfessa reperiiebantur, pulmones sani.

ILLI, in quibus circa 5 vel 7 diem diarrhoea putrida aliaque distincta putridi genii signa antea recensita accedebant, mox uti febre putrida vera laborantes tractabantur, emetica reiterabantur, cui scopo Ipecachoanpha magis quam Tartarus emeticus satisfecit, deinde quovis mane Rhei ac Cryst. Tartari $\overline{\text{ss}}$ gr. xv porrigebantur, reliquo die nocteque $\overline{\text{ss}}$ iv corticis decoctum adsumsit æger: circulatio interdum 40. 50 gtt. liquoris nervini incitabatur & potu vinoso acidulo: plura vesicatoria minus excitabant pulsum quam raph. rustic. contusus furis ac brachiis impositus, porro aeri libero quantum

tum fieri potuit exponebantur ægri. Sub horum remedium continuato usu absque metastasi vel crisi sensibili 5--6 hebdomadam spatio lente sanitatem recuperabant ægri. Serius ad Nosocomium allati seu V. S. debilitati fere moriebantur. Hujus generis ægrotorum numerus fuit 27, quorum 8 mortui sunt. Mensibus Augusti ac Septembris oppressiones pectoris sub initio morbi vehementiores Venæsectionem suadere videbantur, quæ ob putrescentiæ metum caute quidem instituebatur, molestiæ tamen sub inspiratione eam nunc pluries reiterare cogebant, sanguinemque uti in Peripneumoniæ esse solet, monstrabat. Eventus quoque docuit Venæsectiones, præteritis mensibus perniciosas visas, nunc omnino in hoc morbo salutares esse; plurimi quoque ægroti sub mera methodo antiphlogistica sanitatem brevi tempore recuperabant, nec ad Gi. Ammoniacum & Squillam pro expectoratione promovenda, recurrere opus fuit.

E toto numero inflammatione pulmonali laborantium, 185 nempe, qui Nosocomium nauticum anno 1779 ingressi sunt, 75 erant e Dioecesi Bergensi

76 CALLISEN DE INFLAMMATION. &c.

genſi, 20 e dioceſi Agershuuſienſi, 25 e Chriſtianſandeniſi, 10 e Ståvangrienſi, 10 e dioceſi Nidroſienſi Norvegiz, 15 e Jutia orientali, 20 e Jutia occidentali, 5 e Dioceſi Slesvicenſi, 10 denique nautæ Havnienſes, unde liquet, quod ſæpius obſervavi, Bergenſes inter omnes danici imperii incolæ minime alienum coelum perferre, maximeque plurimè morbis obnoxios eſſe.



VII.

RELATIO MORTIS SUBITÆ
GENII MORBOSI SUBDOLI, & VISO-
RUM IN CADAVERE DE-
FUNCTI APERTO

REG. SOCIETAT. MED. HAUNIENS.

OBLATA D. 8. FEBRUARII 1781.

UNACUM MONITIS CIRCA

DIAGNOSIN ET PROGNOSIN DIFFICILES
MORBI ILEI

PER

ARNOLDUM NICOLAUM AASHEIM,

M. D. & Profess. Design. Societ. Membr. Ord.

PARVAM discordiæ scintillam, contemptu Politicorum primo intuitu dignam, magnum sæpius inter Gentes accersisse bellum, veneranda testatur antiquitas, confirmat recentior ætas, iterum inculcat Nostra: Fata dantur Gentium totarum, quæ sortem mortalium, cum morbis conflentium, ætynam pingunt luculenter satis: Causam similitudinis horum *educationi* adscribas, sis, vel

con-

consuetudini secum, rapidi ad instar fluminis; omnia trahenti; Abstrusiores tertiam querere cuique licuit, per me licebit. Studium simulationis eo ventum est, ut nobis simulemur ipsis, nostræque salutis, immemores præcepti NASONIS: *Principiis obsta: Sera Medicina paratur, dum mala per longas invaluere moras.* Quot nobis obveniunt Cives, qui poenas luunt, vix, nisi in termino vitæ, solvendas, ausus temerarii, vel neglectus ad primas morbi futuri scintillas? Sibi relictus, aut minoris habitus, morbi fomes, crescit eundo, altæque agit sola mora radices. Personam ludit morbus, longo tempore neglectus, donec tandem dicto citius ad exitum ruens, qua data porta, præceps, intra horas accelerat mortem, quæ non sperabatur nisi post annos; cave vero, ut ægro soli, ejusque incuriæ, exitum funestum omnem vitio vertas: Quin nimium potius ne credas ubique colori morborum, casibus tibi antehac obviis, nec signis per Auctores Principes notatis: *Quidquid enim delirant Reges, plebsuntur Achivi.* Experientia, uti olim, sic haud ita pridem, edoctus, has didici cauteas: Ultimam, mihi.

mihi circa finem anni proxime finiti obviam, judicavi Præceptorum Optimorum Attentioni haud indignam, credidi responsuram desiderio amicorum & Commilitonum præsentium, ejusque memoriam æstinavi cum finibus hujus Eruditæ Societatis, cui me interfuturum communis VESTER consensus dictitavit, apprime concordem.

EN VOBIS igitur O! OPTIMI! *Mortis subitæ*
& *Genii morboſi ſubdoli relationem*, currente calamo his conſignatam literis:

CIRCA horam matutinam octavam cum dimidia diei 23 Decembris An. 1780 me adit juvenis, contubernalis, ſtudioſum vix duo deviginti annos natum, morbo correptum, meæ, nomine contubernalis, commiſurus curæ: Occupatus illo die ego præter modum variis, deſidero, ut præſens morbi faciem, tempus durationis, atque præſentem ægri ſtatum mihi enarraret. Ad quæ ille: Hæri, inquit, pro more ſolito una mecum egreſſus eſt contubernalis, Prælectiones Profeſſorum Facultatis Philoſophicæ ſuetas audivit, prandium cum appetitu ſumſit, & mox decoctum fabarum Coffeæ, ſibi ſemper in deliciis, & quo
indies

indies semel vel bis frui solet : Rejeſtis paulo post per vomitum ingeſtis, incuſat cephalalgiam immanem, rigores dorſi, dolores pedum: Deinde frigus ſibi moleſtum fugaturus haurit cereviſiam largam, calidam, vomitu redditam: Die verſus veſperam vergente ſomnolentus obdormit, uti ſpatio trimeſtri proximo ſolitus erat: Evigilatus verſus mediam noctem domum una mecum it: Redux conqueritur vires quodammodo fractas, dolores pedum eodem: Ingreſſus lectum ad horam matutinam tertiam dormit placide: Vigil Infuſum Theæ deſiderat, quo ingeſto ſurgit nudus, alvum depoſiturus & ventrem ſimul vomitu exonerans. Iterum his finitis lectum petit, ſomno fruſtur, pro parte interrupto, & exituro mihi, ante quadrantem horæ, præter cephalalgiam aliqualem, dolores crurum modicos, frigus pedum, vomituritiones leves, ſiticulam, anorexiâ, & debilitatem levem membrorum, nulla nominaviſ incommoda æger, ſatis alias alacris. Hæc, qui me adierat, contubernalis, cui abeunti fidem do, me ægrum circa meridiem viſitaturum.

STATATA

STATÀ adveniēns hora ægrum video in lecto pronum, ejusque caput, collum & dorsum retracta admodum, nec non corpus totum modice ad latus sinistrum curvatum, manum sinistram hypochondrio dextro affixam fortiter, corpus univēsum rigidum, frigidum, maxillas firmissime clausas, verbo, *juvenem mortuum*.

OSTRUPUI ad hæc ego, longē magis autem contubernalis, qui, a quo me reliquerat, in eadem camera cum ægre confidens, jam defunctum fornacis simplici crederat sopitum: Varia, ex desiderio contubernalis, tento, sed omnia frustra.

SOLICITE in statum ægrotantis intra horam nonam & meridiem inquirenti mihi narrant adstantes, illum hora nona miserrimos & acutissimos dolores capitis, pedum & lateris sinistri conquestum esse; circa horam 10 convulsionibus momentaneis correptum fuisse, deinde quietum mansisse ad horam undecimam, qua Infusum Theæ desideravit, oblatum avidissime hausit, urentem indicans faucium calorem: Somni avidus mox quieta jussit omnia, obdormivit, nec evigilavit unquam.

Lustrans totum corpus invenio abdomen medice expansum, rigidissimum & contra pressionem manus asseris ad instar renitens maxime circa regionem epigastricam, femora & crura lividissima.

SECTUM me coram, & amicissimo, quem omnes boni amant, Medicinæ Doctore Exper. Dno. JOH. COLD FRIMANN cadaver sequentia offerebat notatu digna: Abdomen viridi colore extus tinctum erat: Truncus cadaveris totus sinistrorsum notabiliter inclinatus, & costæ spuriae ejusdem lateris exteriora versus protrusæ: *Musculi abdominales* carnosissimi, crassissimi præ habitu musculofo totius corporis reliqui. *Omentum* pingue, breve. *Ventriculus*, ex parte quæ pylorum respicit, bilioso colore tinctus. *Hepatis* magnitudo naturalem paulo superabat: consistentia & color ejusdem boni. *Vesica fellea* parva, vacua. *Lien* magnitudinem solitam superabat altera tanta. Ad tactum, & scissus, durior naturali erat, ejusque color profundior. *Intestina tenuia* omnia, præter Duodenum, inflammata adeo, ut purpureum referrent colorem: Vasa eorundem sanguine turgidissima: In locis inflammatis longiores spha-

sphacelosi tractus interpositi erant. *Appendix vermiformis* longitudinem præ solita duplam habebat. Fibræ musculares *intestinorum crassorum* visu distinctissimæ erant, præcipue illæ longitudinales Coli transversæ & descendentes notabiliter extra substantiam intestini prominebant. *Glandulæ Mesenterii* passim induratæ. *Pancreas* durum. *Ren sinister* longe superabat solitam lienis magnitudinem, durus erat, sanguine turgidus, & circa pelvim exulceratus, largamque satis continebat puris ichorosi copiam: *Dextri* magnitudo solitam æquabat, digito tangenti naturalem offerebat duritiem, nec exulceratus interne, nec collecti puris ulla vestigia monstrabat. In cavitate *pectoris* dextra aliquid seri cruenti effusum vidimus: Ipse *Palmo dexter* minimus, *sinister* magnitudinis solitæ: Ambo per totam superficiem externam nodosi & indurati. *Hydrops Pericardii* largissimus aderat. *Cor* sanguine usque adeo repletum erat, ut & solito longe majus esset, & ejus parietes vix quartam consuetæ crassitiei partem haberent. *Dura mater* cerebri crassissima: *Vasa Cerebri* ultra modum ab infarcto sanguine

turgebant: Quid quod! ipsa *substantia medullaris* rubicunda erat: *Ventriculi* omnes aquam largissimam continebant. *Plexus choroideus* admodum rubebat. *Tentorium cerebelli* ruberrimum. In *cerebello* inflammatio longe magis superficialis erat. Superficies externa cerebri tegebatur ubique, maxime juxta tractum *sinus longitudinalis* (qui haud adeo repletus erat) materia alba granulata. *Nullum extravasatum in cerebro invenimus; nec ulla inflammatorum intestinorum coarctationes*, quarum in Ileo morbo præsentiam admittunt scriptores Medici complures.

His visis in vitam ægri anteaquam inquiri sedulus, quam sequentibus pingunt contubernalis, & reliqui, quorum conversatione usus fuerat:

JUVENIS, alacris ingenii, per dimidium, quo Hauniæ vixerat, annum solis indulserat studiis: Melancholicus in parvo amicorum circulo hilaris ut plurimum, in majoribus societatibus tristis & mutus erat: Venerem, Bacchum, vigiliis protractas, & omnia quæ, ex ejus mente, sanitati obesse poterant, fugiebat cane pejus & angue, modo Decoctum fabarum Coffeæ excipias, quo

quo semel indies vel bis fruebatur. Sub itinere maritimo a Norvegia Hauniam versus tussi corripitur catarrhali. Huc adveetus queritur ad tussia accessisse diarrhoeam profusam, quam simul & semel fugaturus æger sumsit proprio Marte, unoque haustu, Pulveris Radic. Rhei Unciam dimidiam. Sustulit diarrhoeam Rheum; successerunt autem abdominis dolores modici, per intervalla silentes & redeuntes ad mortem usque, quos cum tussi rebeli unâ neglexit juvenis, alias sanus. Dolor abdominis rediens semper mitigabat tussin, quæ contra hæc inereſcebat juxta inducias dolorum ventris. Oedemata crurum parva gesserat per annum, pridie ante mortem disparentia. Dolores artuum vagos, leves nominabat interdum.

En faciem morbi, qualem fando accepi!
 En statum internum corporis subito defuncti,
 quem vix suspicari licuerat! Viscæ horum intestinorum inflammatio atque gangræna firmant auream SIMSONIS, SWIETENII, MORGAGNI, PRINGLI & Nostri CALLISENII Regulam: *Ne decipiantur Medici, credentes nullam inflammationem adesse, si febris absit.* Aut etenim plures dantur tenuioris

intestini morbi inflammatorii, specie diversi, aut falluntur & fallunt GALLENUS; CELSUS, HOFFMANNUS, MEADIUS, BOERHAAVIUS, SYDENHAMUS, VOGELIUS, & quotquot de Ileo morbo scripserunt Auctores innumeri: Acutissimus MORGAGNI ileos vidit cum vomitu stercoreo & alvo artissime clausa; cum vomitu bilioso & alvo aperta; sine vomitu cum alvo laxa, & inappetentia vix notatu digna; cum doloribus enormibus fixis, cultri scindentis ad instar; absque dolore, pulsatione, aut allo caloris interni sensu. Illustris PRINGLE: Quam communissime, inquit, Ileus stipatur febre valida, doloribus atrocibus, & omnibus, quæ turba Auctorum notavit, symptomatibus horrendis: Contingit attamen interdum ileos videre absque vomitu, absque febre, absque dolore, obstipata alvo. Æque certo in hac ilei specie, quam in horrenda illa communi, subsecutam gangrænam vidi.

Ecquis fidem tantis testibus denegaret? Stat adhuc a parte Illorum argumentatio ab exemplis: Videmus quoque die ophthalmias tunicarum corneæ & adnatæ oculorum absque febre, absque dolore sensibili organi alias acute sentientis: Videmus

demus ophthalmias internas tunicarum choroidæ & nervæ ægros cruciantes, febresque cientes inflammatorias. Tunica cornea est cellulosa pervia: Adnata, simplex tunica, dilatationi vix firmiter resistit: Cornea nervis caret. Nervæ intestinorum tunica mera est cellulosa, laxa factis. Peritoneum simplex est membrana, extensionis capax. Villosæ tunicæ tot dantur nervi acutissime sensiles, quot gaudet punctis. Futuri doceant dies, utrum detur *Ileus Internus ab inflammata villosa*, dignoscendus symptomatibus gravissimis per Auctores Medicos notatis: An detur alius *Externus*, uti facie morbi, sic specie, ab interno diversus, solis Sagacis ALBERTINI regulis ex *pulsu, abdomine, & facie ægri* suspicandus? Ex pulsu quidem humili, debili, sibi subobscurè dissimili: Ex abdomine autem tenso & duro, & dolorifico; Ex facie denique insoliti aliquid, sed in aliis aliud, interdum oculos extrefactos quasi, jam livorem quendam circa labra &c. ostendente. His ad minimum fultus signis Magni Sui Præceptoris Illustr. MORGAGNUS prognosticon condidit funestum, eventu confirmatum,

diffidentibus aliis medicis. Hypothesi subseribit MORGAGNUS; Huic ego, si parvum Magno componere licet.

His positis valet regula prognostica BAGLIVI, experientia TULPII firmata: *Gravi Iliaco si superveniat alvi fluxus, paucis post horis morietur, nam sphacelata sunt omnia, hinc letalis fluxus.* Discant ex nostro exemplo, & signis morbi obscuris, Practici præceptum VALSALVÆ aureum: *Ut scilicet hoc in casu, si in ullo, cautissime cum VSectione mercetur, ne speciem dent ejus, ut occisi, quem fors ipse interimeret brevi.*

. Quod si detur inflammatio intestinorum absque febre comite: Quid obstat, quo minus chronica statuatur inflammatio, ab acuta diversa? Talem in oculis videmus toto die: Aut intestinalis similis obvenit MORGAGNO, aut sphacelum subitaneum, qualis a FERNELIO in pede visus, & in cruribus nostri ægri observatus fuit, intestina corripuisse fide MORGAGNI assero. Mihi perinde est, utrum semina inflammationis, quam notavi, prima, Rheo adscripseris nimio ingesto & fluxum materiæ rheumaticæ ad intestina derivanti, vel minus? Utrum inflam-

inflammationem dictam instabilem judicaveris, nec ne? *Facile*, verba sunt latinissimi CELSI, *facile id malum redire consuevit, Et cum frigus subit, sive aliqua jactatio, nisi bene jam confirmatis intestinis, revertitur.* Equidem pus ichorosum renis sinistri, in nostro visum: Apoplexia subita absque extravasatione lethalis: Sphacelus crurum, monstri cujusdam, diu ante mortem intus aliti, suspicia dant.



VIII.

DE CEPHALALGIA RHEUMATICA
HIRUDINIBUS EXTEMPLO
SUBLATA.

Auctore J. C. TODE,

M. D. & Prof. Design. Soc. Membr. Ord.

VIR juvenis XXVIII circiter annorum, alto quondam multum jactatus, navis mercatoriae gubernationem susceptorus, omnia ad instantem navigationem disponens, hinc matutinis horis per carinam decurrens caputque aeri inclementi exponens immani corripitur cephalalgia.

SANISSIMUS cubitum iens, solito citius expergiscitur, crudeli capitis dolore tantum in modum adfectus, ut sui fere inconscius esset. Per totum diem excurrit malum, versus vesperam tamen paulo minus urget, nec impedit, quo minus æger, negotiis fatigatus, obdormiret. Altero & tertio die eadem luditur tragoedia, sed tanta cum violentia, ut miser fere deliraret, & caput parietibus adversum illideret.


TANDEM

TANDEM ancoras jamiam solutura naui, ad me venit & solamen quærit. Suspiscabar vini ingurgitationem vel saburram stomachalem; sed sapor oris, lingua, beneficium ventris cet. nihil tale comprobabant. Dolor simul erat pulsatorius, oculi rubebant. Venæsectio nihil boni præstiterat.

RHEUMATISMUM nihilo secius pro causa mali admittens, antimonialia & camphorata suasissem, dummodo similia ægroto in tali rerum statu convenissent.

Jussi itaque, ut hirudines 3 vel 4 utrique tempore admoventi curaret. Quibus applicatis & sugentibus, illico sensit miram commotionem in parte affecta: dolor pedetentim recessit & intra horam evanuit. Remanebat tamen aliqua sensibilitas partis ad tactum.

PERFECTE levatus accurrit, acceptum sanguifugarum beneficium narrat; earumque laudes ad ultimas, quæ dicuntur, insulas ferre vovet; consilium remunerat, vela ventis dat & æquor dividit.



IX.

IX.

CONTINUATIO

DIARII NOSOCOMII FRIDERICIANI

pro An. 1781.

Auctore FRIDERICO LUDOVICO BANG,
M. D. & Prof. Def. Nosoc. Fridr. Med. Ord.

JULIUS.

FEBRES rariores fuerunt, & earundem nullæ adeo numerosæ, ut epidemiæ nomen mereri potuerint.

Ex intermittentibus sequens memorabilis fuit: Vir 28 annorum septem hebdomadibus mox tertiana mox quartana & demum quotidiana detentus erat febre simulque quinque proximis septimanis tumorem latum durum obtuse dolentem in regione splenis perceperat; alvus erat segnis & sapor panis amarus; ultra mensis spatium adhibuit resolventia interna, rheum, salina, saponem cum gummi ammoniaco, Decoctum graminis

nis & taraxaci, quibus febris disparuit, verum non mutatus permanfit hypochondrii tumor. Huic ideo drachmam unguenti neapolitani primo singulis dein alternis vespertis applicui, cujus usu tribus hebdomadibus tollebatur.

IN nonnullis putridorum principium mucosum in primis viis valde abundavit, vertigo, debilitas, lingua mollis sordida, sapor malus, anorexia aderant, nulla autem notabilis sitis aut celeritas pulsus, emetica ter quaterve repetita atque interpositis diebus a vomitu vacuis cremor tartari solus vel cum pulvere rhei levamen & restitutionem plenariam absque cortice attulerunt.

DOLOR abdominis integri constans attactum haud tolerans cum siti insigni, alvo naturali, pulsu tenso vix celeri triduo in juvene adfuit, atque venæsectione quinquies instituta, frequenti inunctione abdominis per linimentum volatile & emulsione camphorata septem diebus tollebatur. Inflammationem abdominalem fuisse hunc morbum extra dubium ponunt medicatio & symptomata ejusdem, sedes autem inflammationis propter absentiam vomitus & liberum alvi fluxum haud

haud in tubo intestinali, sed potius in peritoneo aut omento consuadente extensione doloris statui debet.

GRAVIOR & notabilior erat sequens inflammatio: vir 24 annorum per aliquot hebdomades laboraverat dolore modico cardiæ, qui biduo proximo exacerbatus fuit cum vomituritione, siti, opstipata alvo, pulsu forti, intolerantia tactus; vena duodecies intra novem dies secta, camphorata, vesicatorium cardiæ applicitum, clysmata oleosa morbum haud diminuerunt; quid quod dolor increvit, nil ingestorum præter meram aquam tolerabile erat, vomitus & singultus frequenter recurrebant & manus frigescabant; primum solatium & spem vix sperandæ salutis fecit cataplasma emolliens cardiæ applicitum, sub cuius usu sensim decrevit dolor, ingesta admisit ventriculus & clysmata intentum præstiterunt effectum; imo etiam tolerabilis fiebat pulvis ecco-proticus e sale polychresto & lacte sulphuris, quo intestina a diu retentis sordibus depurata fuerunt; nutritus dein tenuis blandus sanationem complevit.

INSANIA

INSANIA melancholica ab amore infortunato adfuit in viro 30 annorum cum continua mutitate, excrementis in lecto, oculis splendentibus immobilibus tamen absque febre, post hirudines temporales & vesicatoria interrogatis respondebat, reliqui autem mores & discursus prorsus stulti manebant, donec post usum frustraneum variorum remedium propinatum fuerit acetum vini ad unciam dimidiam ter indies, quo per mensem adhibito mens prorsus restituta fuit.

Tumor durus ad capitis infantilis magnitudinem in ipso utero per explorationem tam abdominalem quam vaginalem inventus fuit apud feminam, quæ ante dimidium annum partum sustinuerat, posteaque dolores vagos sæpe sat graves in abdomine passa erat, proximis hebdomadibus simul intumescabant crura & efflorescentia scabiosa passim in corpore comparebat, initio collectionem quandam materię fluidæ in utero suspicans ad hanc expellendam cremorem tartari solubilem, pilulas balsamicas nec non balneum vaporis atque injectiones aquæ tepidæ in uterum præscripsi; Hæc autem inutilia compertus dedi pilulas

las e gummi ammoniaco, sapone veneto extracto cicuta confectas ad grana xv ter indies sumendas; postea sensim decrefcere tumorem observavi, ita ut post duos menses prorsus evanuerit sub efflorescente copiosa scabie humida sed absque effluxu ullius materię ex utero.

Ossiculum rotundum perosum nucis minoris magnitudine, quod ipse vidi, in milite per laryngem intrusum fuit & mox infra eandem in trachea quinque mensibus immobile restitit tussin continuam & dyspnoeam excitans; demum brevi tempore ante introitum in nosocomium vi tussis ejectum fuit; attamen ægrum inveni de dolore tracheę querentem tussientem cum sputo purulento, siti, æstu, sudore nocturno, pulsuque febrili; per usum succi cucumerum tamen bene convaluit & forsan restitutus foret, ni supervenerit apoplexia non immerito prægressę diuturnę & constanti tussi adscribenda, qua ter reversa periit æger.

AUGUSTUS.

AUGUSTUS.

ACUTORUM morborum magnus erat numerus ;
Inflammatorii plurimi sed diversam habentes sedem sc. in capite, pectore, hepate, tubo intestinali, Hepatitis in nonnullis notabilis erat propter concursum symptomatum biliosæ febris , unde tam diagnosi quam medicatio difficilis reddebatur ; pressorius enim & obtusus cardiæ dolor, qui præcipuum indicium inflammationis hepatis sistit, in plurimis biliosis etiam adest, adeo ut conspiciantibus reliquis putridæ signis sapore amaro, lingua sordida , vertiginosa & stupida capitis affectione incertum fiat iudicium , an mera biliosa febris aut simul inflammatio hepatis præsto sit ; tantum ex incremento doloris post citatum vomitum sanguinis indole phlogistica & urinæ saturato colore in tali casu præsentia hepatitidis derivanda est. Apud unum ægrotum omnia signa putridæ nec non allatum dolorem pressorium cardiæ habentem post porrectum emeticum icterus aliaque manifesta signa inflammati hepatis supervenerunt, nec ulla ratione salvari potuit æger.

Q

PHRENI-

PHRENITIDEM epilepticam observavi in juvene, qui ad nos ductus jam quinque diebus laboraverat intensissima cephalalgia, loquela difficili quasi apoplexia tacti siti insigni, pulsu celeritense, lingua admodum fordida, initio morbi vomitus spontaneus cum diarrhoea adfuerat; post missum sanguinem per hirudines temporales juxta mentem Celeberrimi Stolle originem morbi gastricam credens emeticum porrexi cum largo effectu sursum & deorsum; morbus vero perstitit cum pulsu celeriori & fortiori; per intervalla irregularia sanguis summo impetu ad caput ducebatur cum rubore faciei alias pallidæ, venis intumescentibus, delirio gravi nec raro epilepsia, quales insultus pluries per diem contingere potuerunt; extra paroxysmos status perdurabat febrilis cum summa inquietudine & excrementis in lecto; vena ideo fuit secta, sanguisugium temporale repetitum epithema ex aqua frigida capiti derafo assidue applicitum intusque summum in febribus antispasmodicum moschum ad granum bihorio præbui; sub quibus nono morbi die somnus accessit aliquot horarum, posteaque nil præter stuporem

porem & gravitatem insignem capitis querebatur æger, quæ autem lapsu temporis cessarunt.

FEBRES biliosæ & putridæ frequentiores quam mense prægresso erant; in quibusdam sputum purulentum crifini morbi constituit, unus devicta febre convalescens tamen permanebat debilis, quietem amans cum tussi & dyspnoea, per alia exempla edoctus exploravi & inveni veræ scorbuti indicia maculas lividas crurum, & gingivas cruentas, quæ decocto chinæ cum elixirio vitrioli atque pomis citrinis facile tollebantur; talem febris putridæ imprimis protractæ sequelam observavi sæpius, illamque mentione haud indignam censeo, ut origio infirmitatis similium convalescentium eo facilius detegi & tolli queat.

INTERMITTENTES tertianæ nonnullæ, quarum tres pulvere radices Gei Urbani juxta methodum Celeberrimi Buchhave sanabantur.

CAROSA quotidiana laboravit juvenis 24 annorum; tres sc. paroxysmos & singulos cum lipothymia junctos passus erat, indeque contraxerat paralyfin cruris sinistri extra paroxysmos durantem cum vertigine insigni, sapore malo oris, op-

G 2 pressione

pressionem cordis, lingua sordida; præmisso emetico dedi corticem peruvianum, illoque reventum febris impediti; remansit autem paralytica cruris debilitas, quæ demum post duos menses potissimum per frictiones & cucurbitas siccas curabatur; verum notabilis fuit dolor tensivus satis acerbus in tractu nervi sympathici magni lateris affecti, quem æger sub restitutione cruris persentit.

DIARRHOEA trimestris indolor cum emaciato corpore & debilitate virium instituta per ipecacuanam emesi & dein adhibito pulvere radicis *Hyssmachia rubra* intra aliquot dies cessavit succedente larga salivatione.

METEORISMUM juxta Sauvage s. tumorem totius regionis supraumbilicalis non dolentem pressioni cedentem, post ingestos cibos adactum sibi attulerat vir quidam per haurtum frigidum tempore purgationis alvinæ sumtum, & jam sex hebdomadibus passus erat illæsis interea alvo, appetitu & reliqua sanitate, infusum ligni quassia, quod simili morbo profuisse recordabar, non juvavit; verum multo meliorem effectum pulvis corticis peruviani cum rheo in aqua menthae pipiritidis sumtus edidit.

PARA-

PARALYSIN brachiorum post colicam in infulis americanis passam apud tres viros observavi, quæ solitis in tali casu auxiliis frictione, urticatione, balneis stiltatitiis & vaporariis alternatim applicitis, & electri satione sanabatur; qualem experientiam ad prognosin de hoc morbo determinandam afferre non inutile videtur.

ASTMA 6 hebdomadam irregulariter periodicum in puella 25 annorum ex ignota causa ortum Kermis mineralis grano uno bihorio porrecto sanabatur, sumto autem clanculum potu caffè cum pristina vehementia redibat; hinc præmissa vomitu per tartarum stibiatum mox laudatus pulvis plenariam ægræ restitutionem absolvebat. Sæpius pemiciosam vim potus caffè in suscitandis paroxysmis astmaticis & egregiam virtutem kermis mineralis in compescendis imo eradicandis iisdem compertus sum.

ECSTASI melancholica juvenis 22 annorum triduo affectus 6to augusti nobis adducebatur nulloquens, interrogatis haud respondens, oculos apertos fixosque tenens, nulla membra movens absque æstu aut pulsu febrili; de causa morbi nil

G 3

aliud

aliud nobis relatum fuit, quam quod nuper e germania Hauniam advenerit & forsan tristitia ob derelictos parentes commotus fuerit, illico sanguis missus & clyisma applicitum fuit alteroque die emeticum; cujus effectus purgatio tantum fuit, præbui; eodem die insultum epilepticum patiebatur; posteaque status pejor reddebatur prorsus absque somno, absque ingestione ullius rei præter paucissimam potiunculam acidam cum urina in lecto missa & alve semper per se obstipata; sanguisugium temporale, vesicatoria, epithema frigidum capiti, pediluvia, enemata morbum immutare haud valebant, sed corpus indies magis consumebatur usque ad diem mortis sextum septembris. Dissecto cranio venæ piæ matris sanguine enormiter turgescabant; in ventriculo laterali sinistro maxime vero in basi cranii notabilis aderat copia seri sanguinolenti; in abdomine intestina tenuia valde angustata invenimus, colon transversum multis fecybalis duris repletum & circa S romanum adeo contractum, ut vix ullus transitus contentorum possibilis videretur, vesica fellea bile nigra plena erat, qua colon vicinum ad modum tingeбatur.

~~Exhibetur~~

SEP-

SEPTEMBRIS.

INTERMITTENTES complures quotidianæ initium habuerunt a febre biliosa, quæ in progressu suo & post usum evacuantium continuam naturam cum periodica commutarunt; caput in illis solito pejus afficiebatur vel enormi dolore vel delirio sub paroxysmis gravissimo. Quidam dolore occipitis & nuchæ typum quotidianæ gaudente laboravit, & vesicatorio dolenti loco applicito sanabatur.

DYSENTERICI non pauci præsertim a Castello ad nos ferebantur; in omnibus dejectio alvi erat frequens torminosa sanguineo mucosa cum pulsu febrili; in nunnulis simul aderant symptomata biliosa amarities oris, & lingua sordida; curationem fere semper incepti a vomitu per ipecacuanum producto; altero die drachmam dimidiam pulveris rhei mane & vespera, quibus interdum adeo decrevit morbus, ut repetitio rhabbari tertio aut quarto die raro opus fuerit, sed tinctura rhei aquosa sola vel cum pauxillo Liquoris anodini mineralis ad perficiendam sanationem suffecerit.

IN pluribus ægrotis gravior erat morbus post emeticum & pulverem rhei non mitescens, quo observato statim refugium habui ad sequens: R. pulv. corticis peruviani unciam unam rhei electi drachmam unam rob. sambuci unciam unam syrupi diacodii qv. S. ut fiat electuar. unde cohere minus bihorio vel sub gravi morbo omni hora & dein decresciente morbo ter quaterve indies porrigebatur, donec prorsus restitutus fuerit æger. Inter omnia sane permulta hæctenus contra dysenteriam tentata remedia nullum hoc electuario præstantius inveni.

TRES casus singulari mentione dignos censeo: Inflammatoriam dysenteriam, quæ alias perquam rara & cognitu difficilis est, observavi apud virum, qui post ingestam cerevisiam forsan prava indolis alvi fluxu doloroso sanguineo correptus erat; suspicionem inflammatoriz morbi indolis mihi dederunt dolor constans in regione hypogastrica post depositam alvum haud mitescens, sitis insignis atque continuatio ejusdem morbi sedis & gradus post laxans mannatum exhibitum; judicium meum corroboravit sanguinis phlogistici missio

missio levatoria; exinde enim mox minutis dolore & dejectionum numero repetii venæ sectionem, emulsionem camphorata præscripsi, itaque paucis diebus absque alia medicina morbum sustuli.

GRAVISSIMA dysenteria laborans puella 23 annorum sexto morbi die nobis adducebatur; excretio alvi numerosissima erat fere mere sanguinea cum singultu ab initio quidem præsentem, jam vero admodum frequenti, pulsu celeri debili, abdomine ab tactu dolenti, nuperque porrectum emeticum nullum effectum aut levamen produxerat; electuarium supra laudatum cum sex granis moschi orientalis propinatum fuit, unde singultus & dejectiones indies decreverunt, adeo ut elapsis sex ab introitu diebus sanata fuerit ægra. Ischuria stranguriosa molestissima in viro quodam post dysenteriam mox devictam oriebatur ægrotum indefinenter ad matulam pellens, mictumque tamen prorsus impediens; urina per catheterem educta prorsus naturalis erat, atque in reliquis omnibus se bene habuit æger; varia tentata remedia venæ sectio, balneatio emolliens pudendorum, diuretica, clyisma laudanum nullius effectus aut levami-

nis erant; demum porrectum laxans mannatum posteaque vesicatoria suris applicita liberum reddiderunt urinæ fluxum; successit autem dolor inguinis sinistri cum tumore scroti & testiculi sinistri; bina venæ sectione & applicito sacculo aromatico tollebatur dolor superstite tumore aliquali duro testiculi, qui per aliquod tempus unguento mercuriali illitus sanabatur.

TYMPANITICUS tumor abdominis universalis sonans dolens initio cum vomitu, dein absque illo, sed cum siti alvo quodammodo naturali, quamvis tres duravisset septimanas, paucis tamen diebus per venæsectionem vesicatorium toti abdomini applicitum & mixturam acido: camphoratam discussus fuit.

EPILEPSIAM in juvene 14 annorum a terrore ortam quotidie ad eandem horam matutinam recurrentem sanavit cortex peruvianus ut in intermittentibus exhibitus.

FATUAM sanavit acetum vini destillatum mensis spatio bis indies ad unciam dimidiam exhibitum.

SECTIO.

S E C T I O.

MILES 28 annorum fine sept. curis nosocomii tradebatur, postquam bimestri spatio afflictus fuerat dolore hypochondrii dextri prima mense punctorio, dein gravativo cum intumescencia notabili attactum haud ferente in parte dolenti nec non dyspnoea insigni & tussi sicca; proximis quatuordecim diebus junctum erat frigus pomeridianum cum insequenti aestu & sudore nocturno; dum suppurationem hepatis statim & certo ex hisce deduxi symptomatibus, merum egi spectatorem morbi, qui cum decremento virium, tumore crurum & tanta gravitate lateris affecti, ut extra lectum se prorsus sustinere nequiverit æger, perduravit ad tertium novembris, quo æger subito sentiit defluxum materiæ Liquidæ ab hypochondrio affecto in pelvim, dolor hinc cessavit, sed supervenerunt vomitus, sudor pingvis, abdominis expansio fluctuans, summa debilitas cum pulsu vix sensibili; altero die per institutam paracenthesin duæ mensuræ purulentæ materiæ educebantur ex abdomine; tertio post paracenthesin die obiit ægrotus.

IN

IN aperto abdomine larga aderat copia liquidi purulenti brunni; intestinum colon in toto tractu valde expansum, omentum extenuatum cum peritoneo coalitum, totus lobus hepatis dexter in saccum pure denso plenum in superficie exteriori disruptum mutatus, adeo ut modo parva pars substantiæ hujus lobi in superficie concava superesset.

OCTOBRIS.

DYSENTERIA adhuc dominatur.

IN uno exemplo inflammatoria erat ex iisdem detecta signis atque eadem sanata methodo, ac de simili casu mensis prægressi relatum est.

APUD alterum typum quotidianæ febris habuit morbus ante meridiem fere silens, post meridiem cum prægresso frigore recurrens noctuque perdurans; per se intelligitur, electuarium supra laudatum e dupla ratione citam attulisse opem, qualem virtutem etiam in reliquis dysentericiæ casibus ostendere perrexit.

OPIATIS raro opus habui aut usus fui sc. apud nonnullos, qui post usum evacuantium & electuarii a morbo interdum fere liberati erant sed diarrhoea

arrhoea nocturna, somnum impediēte affligebantur; hisce enim laudani liquidi guttæ XV in aqua cinnamomi vesperi sumtæ admodum profuerunt.

FEBRES Intermittentes maxime quartanæ adfuerunt sanatu difficiles, earumque una tam ad corticis quam radicis gei urbani usum prorsus incurabilis & demum per insequentem phthisin letalis.

PERIODICUM Astma omni nocte hora undecima recurrens & ad sextam matutinam protractum qua tuordecim diebus duraverat & brevi tempore per corticem sanabatur.

QUOTIDIANA duplici alter laboravit, sine dubio quia æger, ut ipse retulit, ad primum febris paroxysmum spiritum vini cum pipere ingesserat; cortex non ut fieri solet, simul & semel febrem fugavit sed sensim diminuendo tam paroxysmorum vehementiam, quam eorundem numerum ita sc. ut primo semel indies, dein alternis diebus & demum rarius irregulariter per levidentes rigores sese ostenderint.

PLEURITIDE jam octidua laboravit puella cum dolore fixo notabili pectoris sinistri, insigni dyspnoea, siti, tussi sicca, pulsu admodum celeri, nec
ullo

ullo hætenus auxilio usa fuit, sangvinis missionem mox præscripti & quinquies repetii; decimo quarto morbi die affectio pectoris cessavit absque ulla expectoratione; illius autem loco mox surrexit dolor abdominis cum alvo obstipata; qui vena adhuc bis secta & vesicatorio abdomini applicito sublatus fuit.

TERMINATIO hæc pleuritidis transeundo in enteritidem mihi notabilis videtur, quia raro admodum accidit, licet non minus verosimilis sit quam transitus anginæ in peripneumoniam aut peripneumoniam in phrenitidem, cujus exempla non adeo pauca tradit experientia.

INFLAMMATIONEM ventriculi cum vomitu omnium ingestorum & dolore fixo cardiæ post sumptam tincturam catarticam obortam vidi & solitis antiphlogisticis sanavi.

ASTMA horrendum continuum cum summa anxietate suffocationem omni momento minitante, palpitatione insigni cordis nec alium quam erectum corporis situm permittens juvenem subito invasit post dolores rheumaticos brachiorum sponte retrogressos; vesicatorium pectori applicitum & pulvis

pulvis e kermis mineralis & moschi orientalis ana grano uno confectus & omni hora exhibitus ægrotum ex orci faucibus eripuerunt, ita ut tantum modica restiterit pectoris oppressio cum tussi sicca, quæ suppuratione brachiorum per cantharides induc̃ta diuque conservata, atque ita doloribus huꝝ versus revocatis nec non usu decocti radicis senecæ sanata fuit.

NOVEMBRIS.

PLEURITIDES ceteros acutos morbos numero superabant, communiter erant simplices & omnes sanabiles.

PUTRIDÆ febres non pauca solito gravioris generis erant & præsertim terminationis insolitæ; omnes enim fere non nisi per metastasin in melius vel pejus judicabantur, postquam ad tres aut quatuor hebdomades oppressi jacuerant ægroti, oculos aperire coeperunt clariores, parump̃er appetere, linguam mollem, pulsumque minus celerem habere, verum affulgenti spei non nimis credendum esset, huic enim convalescentiæ initio mox jungebatur nova affectio topica, morbique a toto
ad

ad partem contractio interdum non minus gravis quam ipse morbus principalis.

Ad pulmones potissimum colligebatur morbi materies, quod ex ægroti dyspnoea & tussicula sub vigore morbi expectandum erat, hæc enim molestia pectoris decresciente febre augebatur cum expectoratione vere purulenta plus minus spissa interdum foetida, sputum tale pluribus diebus fluere solebat, morbumque in salutem ægri finire; huic promovendæ crisi utile inveni sequens Decoctum R. rad. senecæ incisæ drachmas duas pulveris corticis peruviani unciam dimidiam, coque cum aquæ simplicis unciis duodecim ad octo, colaturæ adde syrupi althææ unciam unam, dentur cochlearia duo bihorio; sputum quandoque admodum densum simul requirebat kermis mineralis granum bi v. trihorio cum saccharo exhibitum. Unicum e sputo tali largissimo foetido consumtum & necatum vidi. Accidit etiam, ut vires ad expectorationem haud suffecerint, atque ob eandem impeditam jugularetur æger; de illis quoque ægrotis desperandum erat, qui sputum e pulmonibus ad fauces adductum tamen haud expuebant, sed continuo deglutiebant.

PER

PER intestina in nonnullis & semper salutari-
ter exitum quæsit morbus; modica alvi laxitas
statum morbi comitans spem hujus criseos dare
soluit; huic naturæ conamini electuarius e pul-
veris corticis peruviani partibus octo; rhei parte
una, Syrupi diacodii v. chamomillæ qv. S. biho-
rio ad cochleare minus exhibitum quadrare cre-
didi & comperi.

CAPUT in paucis maximo cum periculo pete-
bat morbus; tunc facies intense rubescebat cum
gravi delirio, oculisque scintillantibus; præstitit
hanc metastasin avertere, quam jam præsentem
curare; priori respectu hirudines tempestive tem-
poribus admoti & epithema ex aceto frigido capiti
deraso applicitum scopo respondere videbantur.

EXTREMITAS inferior dextra in uno Ægro
Materiam metastaticam excepit; hujus tran positi-
onis initium. Fecit dolor inguinis & femoris nec
non stupor totius extremitatis; dein accessit illius
tumor magis magisque adæuctus maculisque vere
scorbuticis notatus; in altero similis contigit mor-
bi transmutatio in tumorem chronicum unius
cruris; ambos potius tempore quam medicamen-

H

tis

114 BANG SELECTA DIARII

tis curavi timens, ne reducta per evacuantia metastatica materies novum inferret periculum.

PUELLA subitaneo delirio correpta de viro quodam Nicolao semper nugans, cantans, clamans multis aliis frustra tentatis remediis sub usu aceti vini respuit.

SECTIONES.

VIR 40 annorum d. 2do Novembris ad nos portabatur mutus, admodum inquietus cum pulsu febrili facie intense rubra, excrementis involuntario fluentibus, simulque relatum fuit, talem statum biduo duravisse & ægrotum ante quatuordecim dies lapsum in capite passum fuisse, tamen absque insequenti noxa usque ad præsentem morbum.

CAPUT mox a chirurgo perlustratum nullum contusionis aut fracturæ vestigium habuit; hinc hirudines temporales, epithema frigida aquæ capiti admotum, pediluvia, venæ sectio nec non moschus intus exhibitus in usum vocabantur, quibus intra octo dies mens & loquela redierunt, attamen æger questus est vertiginem, dolorem occipitis ad tempora propagatum; per intervalla delirabat & insultus epilepticos patiebatur; ultimis
vitæ

vitæ diebus junctus fuit dolor hypochondrii dextri, nulla venæ sectione mitigandus, cum tussi molesta, lingua aphtosa & strepitu pectoris, sub quo d. 21 Novembris moriebatur.

CRANIUM demortui prorsus nullam læsionem habuit; superficies interna duræ matris ubique rubescebat & materia purulenta flava condensata præsertim in basi cranii obducebatur; pia mater simili flavedine tincta erat; ventriculi omnes dilatati magnam copiam feri continebant; circa medullam spinalem paucus sanguis extravasatus aderat; in abdomine hepar omnino sanum inveniebatur, lien vero flaccidus vesicam retulit semipleenam, qua incisa effluxit materia brunna ichorosa.

FEMINA 38 annorum quatuor mensibus gravida die undecimo novembris in nosocomio suscipiebatur referens, se ante mensem sub gestatione nimii oneris sentiisse rupturam in regione cordiæ, indeque quasi corpus quoddam delapsum versus regionem hypogastricam; postea vomitus adfuit omnium ingestorum cum dolore fixo cordiæ & hypochondrii dextri, alvo segni, lumbagine, siti, icteritia. Missio frequens sanguinis phlogistici,

H 2

cam.

116 BANG SELECTA DIARII

camphorata, antemetica prorsus nihil levarunt; perrexit enim morbus versus finem cum singultu, diarrhoea, abortu, consumptione plenaria virium & corporis, sub quibus d. 6 Januarii moriebatur.

DISSECTO abdomine omentum majus plenum tuberculis steatomatosis inveniebatur atque prolongationem chordæ instar superficiei posticæ uteri annexam habuit, hepar magnum durum in tota substantia nigrum sub incisione sanguinem atrum fundens; vesica fellea minima bilem nigram continens, ejusdemque collum crassum callosum, pancreas induratum; intestina omnia valde contracta; in pelvi vero maxima abnormitas: vesica urinaria exigua sub symphyssi ossis pubis condita, uterus adhuc ex abortu mox prægresso distentus; pone uterum aderat tumor caput infantile æquans collo uteri, quocum commune integumentum habuit, annexus continens materiem steatomatosam cum pilis nigris copiosis permixtam; ovarium lateris sinistri magnum nigrum, intestinum rectum pluribus tuberculis scirrosis obseffum.

DECEM-

DECEMBRIS.

PLEURITIDES complures partim rheumaticæ post venæsectionem in dolorem artuum transeuntes; quidam simul cum dolore fixo lateris etiam febre quotidiana laboravit, quinam uterque morbus venæsectione repetita & antiphlogisticis tollebatur.

PUTRIDÆ febres potissimum primi gradus aderant purgatione intestinali opus habentes & sanatæ, apud unicum metastasis ad crus vesicatorio excoriatum facta fuit; cujus suppuratio quamvis per mensem continuata fuerit, attamen sub incepta consolidatione mox pectus summo astmate correptum fuit, cujus letalis eventus nulla arte averti potuit.

CATALEPSI corripiebatur puella ob ingratum animi pathema; loqui, ingerere, membra movere noluit aut nequivit; facies sanguine turgida erat, pulsus fere naturalis; post tres dies propinata ingessit, reliquus autem status permansit idem; demum misso sanguine hirudinibus capiti bis applicitis, emeticis, laxantibus decimo morbi die loquela rediit, melancholica autem non desit esse ægrota, donec post aliquod tempus surrexerit

H 3


notabilis

118 BANG SELECTA DIARII &c.

notabilis tumor hydropicus extremitatum imprimis inferiorum, sub cujus incremento vesania sensim decrevit & demum cessavit; hydropis dein facilis fuit sanatio.

SECTIO.

APOPLEXIA biduo correptus senex 65 annorum nobis adducebatur absque loquela cum paralyti extremitatum lateris dextri; octavo morbi die post quæcumque adhibita auxilia exspiravit. Cranio Cadaveris aperto, vidimus ventriculos anteriores sero repletos, hydatidem in plexu choroideo sinistro, atque in corpore striato lateris sinistri notabilem copiam sanguinis extravasati brunni coagulati.



X.

DE GEI URBANI RADICE,
PHARMACO CORTICIS PERUVI-
ANI SUCCEDANEO.

Auctore RUDOLPHO BUCHHAYZ,
Medic. Doct.

ANNO vergente præterito Societati Medicæ
Hafniensi candide aperto per lustrum in diversis
morbis adhibito, & a me detecto, specifico, edito-
que in lucem currentis principio anni libro, qui
inscriptus est: *Observationes circa radice Gei ur-*
bani vires in febribus, præcipue intermittentibus,
aliisque morbis, eoque spectatissimo Collegio
Medico oblato, Membra hujus Collegii, inven-
tionem meam & arcani revelationem hilari ani-
mo, auribusque pronis atque apertis excipientia,
benevolentiam erga me suam, præmio oblato,
cujus benignitatis ergo immortales iis refero gra-
tias, publice testata sunt, mihi que certas & pro-

bas indicant leges, juxta quas radices Gei, experientia præunte, colligendæ & siccandæ essent, spartam imposuerunt; Membrorum deinde quidam dictæ Societatis me etiam atque etiam urserunt, ut inventionis historiam, radicis characterem &c. divulgarem, observationumque contenta in Societatis Acta, paucis inferenda, congererem, quo iis, quibus fortasse ad manus non veniret observationum liber, innotesceret tamen ex Actis nostris specifici, hucusque occulti, usûs multiplex atque efficax virtus. Mæcenatum, amicorum, sodaliumque præceptis morem gerens stylo compendioso brevique sequentia, radicem Gei urbani concernentia, & in hunc usque diem mihi nota, palam in medium proferre haud tergiversatus sum, potissimum cum in libello, nuperrime dicto, nihil non, quod observando didici, orbi medico litterato suppressi.

FEBRIFUGUM investigandi pharmacum ansem mihi dedit maxima materiei medicæ penuria. Nemini non notum est, corticem Peruvianum, unicum & tutissimum febrium intermittentium in hunc usque diem domitorem, aut nimio stetit pauperi-

pauperibus pretio, aut fomitem febrium periodicarum & intermittentium sæpe non penitus extinguisse, quin reversio esset pertimescenda, aut incerti demum fuisse effectus, vel ob suppositos alius generis cortices spurios, vel ob vetustatem aliamve remedii corruptionem.

INDE factum est, ut in his morbis omni sufficienti medica ope destituti inopes vel domestica minus certa, imo sæpe periculosa, sectati sint, ex quo fonte plurimi morbi chronici, rure obvenientes, exitusque ferales, plebi communissimi, ortum duxere suum; vel fugata semel febre, aut indole sua, aut ob non strictam satis observatam post febris recessum diætam, recurren- te, rever- sionibus, sæpe numerosis, plus argenti impendere, quam rei domesticæ tenuitas concederet, fuerint coacti.

REMEDIIUM hinc febrifugum incolis, inprimis pauperibus, tam necessarium, diu in votis habuit quisque bonus Philiatæ.

MULTITUDINE indigorum, cum hujus generis morbis consistentium sæpius me circumcinctum vidi. Ad angustias tam artis nostræ, quam ægro-

tantium, respiciens, & miseris hominum commotus tum folia, tum cortices, tum radices, tum etiam varia domestica, curationes interdum præstantia, collegi, ægrisque, periculum faciendi gratia, distribui, optima spe nutritus, ut in Dania etiam Peruviano cortice haud inferius reperire pharmacum.

Horum omnium, quamvis rarissime, quædam interdum juvare persensi; cum vero effectus semper fuerit incertus, in alia atque alia, & tandem in nostram incidebam radicem. Notæ mihi erant factæ jam dudum in Suecia, auctore *Kalmio*, cum radice *Gei rivalis* curationes, quæ, quamvis ad votum, factitatis identidem experimentis, non succedebant, tamen, ut *Gei urbani* radicem tentarem, me fortiter incitabant; mihi enim persuasi: In radice hac, alteri cognata, forsitan inesse vim febrifugam.

PRIMA auspicato evenerunt tentamina, mihi-que spem dederunt, fore, ut indigena hæc planta remedium, intermittentibus conveniens, præberet; repetita innatam radici virtutem ita confirmarunt, ut maximam deinde in radice reposuerim fiduciam,

fiduciam, & ultimis duobus elapsis lustri annis eam, tanquam summum in periodicis aliisque diversis morbis, atque cortice Peruviano longe superius & efficacius, reputaverim remedium.

INVENTO hoc perlatus observationes meas continuo in chartam conieci. Cum observationum numero magis magisque demum increvit alacritas plures capiendi; quædam vero invincibilia cum ludo intermixta fuerint obstacula, tardo ad plenam rei convictionem gradu per quosdam annos processerunt mei conatus, donec tandem, libera atque plena manu magnæ ægrorum turbæ specificum distribuendi, inceptisque historiis plures addendi copia mihi fuerit data. Sic tandem collecta increvere morborum facta, ut ipse de summo rei in orbis universi populos commodè inde redundando convictus non potui non arcum coram omnibus pandere, nuperque edito libello observatorum contenta oculis subjicere omnium.

PLANTÆ synonyma, radicis descriptionem & characterem, tempus eam colligendi, methodumque siccandi, nosse magni interest, quibus virtutes,

tutes, & in morbis efficaciam, adjungere opus est. De his pauca, quæ, experientia præeunte, docui, indicare apud animum constitui.

PLANTA ab Ill. *Linnaeo* *Geum urbanum* vocatur, qui eam ad classem systematicam, icosandriam polygyneam, retulit. A priscis Botanicis nomine *Caryophyllatæ vulgaris* salutata fuit; a Danicis *Mellise Urt*, *Mellise Rod*.

IN aperto & culto nunquam habitat campo, sed umbrosis arborum & dumetorum delectatur, ideoque tum in sylvis, tum in pomariis ad sepes & muros læte & ultro nascitur. Cum vero in pingui humo insigne capiat incrementum & magnitudinem, operæ pretium duxi, plantaria in pomariis instituere, quo radices optimæ notæ in his umbrosis, & nulli commodo inservientibus locis, gignerentur.

Quod ad descriptionem plantæ genericam, lectorem missum volo ad *Linnaei* Genera plantarum; specifica hæc est: Floribus gaudet erectis, fructu globoso, hirsuto, aristis uncinatis, nudis, foliis radicalibus lyratis, caulinis ternatis.

DEFLO-

DEFLORATA planta & feminibus e receptaculo delapsis, sero autumno nova radix producit folia, totam hyemen, etiam sub nive, virentia. Sic foliis natale locum indicantibus planta omni tempore anni cognosci, & radix reperiri possit. Cum vero a rerum imperitis folia Gei urbani & rivalis facillime confundi possint, eo præcipue tempore, quo nec flores nec semina adsunt, non folia considerata sunt, sed radix sola, quæ optimam sistit notam characteristicam, dijudicetur, si dubium suboriretur.

RADIX, cum sit perennis, ad longitudinem & crassitiem digiti accedere potest. Junior fibrosa esse primo apparet obtutu, propius vero contemplata principalem quandam, fibris majorem, unde fibræ derivantur, ostendit; senior. crassiores habet radicem principalem cum plurimis & longis fibris; hæc conica est, oblique descendens, ut plurimum truncata, sæpius apice emortua, & squamis nigricantibus obsita.

RECENS transversim vel in longitudinem dissecta corticem monstrat albicantem, & medullam pulchre violaceam. Hæ notæ radice specificæ & caracte-

characteristicæ sunt, quibus a radice Gei rivalis discrepat, quæ medulla albicante, & radice repente, longa, paucis instructa fibris, gaudet, & in humidis, atque uliginosis habitat locis.

SAPORE instructa est aromatico-caryophyl-
laceo, leniter adstringente, haud ingrato, & gra-
tum caryophyllum spirat, unde sub nomine Ca-
ryophyllatæ ab antiquis cognita. Vehiculum
suum, aquam, vinum, spiritum vini, colore ob-
scure rubro tingit, & contrita in pallide rubellum
abit pulverem. Color rubidus a violacea medulla
derivatur.

IN nostro climate non prius eruendæ sunt
radices, quam solis calore excitata planta crescere
incepit, quod in Dania mense Aprili, raro ante
id tempus, fieri posse experientia comprobavit;
collectio proinde ad ultimum Julii perpetuari po-
test, & non ultra; nam post id tempus in flores
& fructus producendos, maturandosque, succus
& sanguis radices aromaticus impenditur. Quæ
igitur cæteris mensibus effodiuntur minori dotatæ
sunt virtute, minorique aromatico odore & sapore.

RADICIBUS

RADICIBUS effossis, &, mediante aqua, aliquoties renovata, a terra aliisque alienis adhaerentibus, purgatis resecanda sunt folia radicalia & caules ad medullam usque violaceam. Iterum, si opus sit, laventur radices, & a quisquiliis, stipitibus aridis, sphacelo apicis, si adsit, squamiaque nigris, radici adnatis, emundentur, quæ omnia & inefficacem, & sordidum, atque oculis injucundum reddunt pulverem, inde paratum. Quamvis, plus efficaciarum radici quam fibris inesse, compertum habeo; tamen & crassam radicem & fibras in medicinalem converti usum.

METHODUM radices siccandi maximi interest scire. Hac rite præstata pharmacum virtutem conservat; hac mediante efficax contra multiplices morbos comparatur medicina. — Ab omnibus alienis repurgatæ radices in locum frigidiusculum, siccum, aeri & vento, non vero radiis solis, patulum, exarescendi gratia reponantur, quo lenta & frigida evaporatione medicatrices retineantur vires; nimio enim vel valido calore, siue solis, siue fornacis, gratum & efficax avolat aroma.

VIRTUTES

VIRTUTES ei medicæ ab Auctoribus variis variæ fuere tributæ. Inter has adstringens, pel-
lens aphrodisiaca, fudorifera, antacida, anticol-
ica, anthysterica enumerantur. Quidam etiam,
tanquam in transitu, virium antifebrilium mentio-
nem faciunt, uti post opusculi mei editionem com-
pertus sum. Usus etiam plantæ totius externus ad
ulcera scorbutica & fistulas laudatur.

PRÆUNTE mihi experientia, virtute dotata
est leniter *adstringente*; *alexipharmaca* & *antiseptica*. *Primam* in morbis a fibra laxa natis nostrum
probavit pharmacum, vi amaricante & *roborante*
in fibras agendo, ut in morbis primarum viarum,
diarrhæa, dysenteria; *secundam* in morbis exeruit
mucosis, aromate suo *resolvente* superfluum mu-
cum educendo per cutaneos poros; imo in qui-
busdam ægris maximum provocavit sudorem.
Eadem virtus in morbis nervinis & periodicis *an-
tispasmodica* vi in nervos egit, eorundem nempe
inordinatos motus & in spasmos tendentiam tol-
lendo. Hæc efficacia ab aromate radicis derivan-
da est; eo enim absente nullus in intermittentes
effectus animadvertitur; *tertiam* in morbis qui-
busdam

busdam malignis & putridis mihi præstavit, & nisi omnia me fallunt, porro præstabit. Hanc opinionem mea in hac re facta, & in edito libello annotata, corroborant experimenta, quibus maxima *antisepticitate* omnia hucusque nota vegetabilia exsuperare radicem, evictum est.

PRIMA mihi tentamina, ut supra memoravi; fuere in febribus intermittentibus, ubi omnem sæpe expectationem superavit; minime enim cogitationes eo conferre potui, ut medicamen cortice superius reperirer eidem æquali contentus. Dedi igitur doses initio satis magnas, quæ curationes rite perfecerunt; una autem alterave occasione, parvas eundem edere effectum, animadvertens, ad minores semper retrogressus sum; donec dosin intermittentibus determinare didici. Sic e. g. pulveris Gei ægrotis initio dedi unciam I, quæ tertianam supprimeret; sumpta vero ob ægroti ignorantiam semuncia, febris evanuit. Semunciam deinde porrexī; sed, ob negligentiam drachmis modo duabus adhibitis, aliquoties filuit morbus. Drachmis tunc duabus curationes facere

I

institi;

institi; sed hæc dosis non ubivis satis certa erat, quin exstinguendæ feбри alia parva opus erat. Drachmis tunc tribus vel quatuor restiti, quæ etiam omnes omnis generis febres feliciter abegerunt; interdum vero contigit, ut quartanæ autumnales plures exegerunt.

OMNES, quos Geo mediante curavi, ægrotos ea, quam in Observationibus meis indicavi, methodo ad sanitatem reduxi. Hæc fuit simplicissima, quæ ab omnibus usu recepta est. Præmissis nempe, & pro re nata reiteratis, emeticis, purgantibus, & digestivis, donec canalis intestinorum remota essent vitia, febrifugam obtuli medicinam, morbumque fugavi. Illorum in numerum referri possunt ægrotantium plurimi; quibusdam vero interdum, etiam quartanariis, nulla indicatione aliud poscente, febrifugum sine præmissis porrexi.

Hanc methodum, hancque medicinam, me simplicibus periodicis medentem morbis nunquam fefellisse sancte testari possum, nisi radix optimæ notæ non esset, sive id a ficcatione ejus, lege artis non rite peracta, sive ab injusto collectionis tempore

tempore ortum duxerit. Tres hujusmodi casus tantumodo cognovi, in quibus, deficiente mihi radice omnibus numeris absoluta, ad corticem confugere fui coactus. Errore sapientior factus auctam, vel duplicatam in posterum pulveris hujus debilis dosin ægris distribui & medicatus sum; sic loco trium drachmarum quinque vel sex, & loco semuncie drachmas sex vel unciam in intermittentibus nullo non tempore auspicato porrexī.

QUÆDAM tamen interdum occurrunt intermittentes, quæ uno aliove alieno symptomate stipatæ ordinariæ resistunt dosi, & præscripto majorem requirunt ad sui extinctionem; sic unam vidī hoc vere tertianam, quæ unc. j, & aliam duplicem tertianam, quæ unc. ij pulveris, quamvis optimi, & rursus aliam quotidianam inveteratam, quæ tres decocti portiones postulabat, antequam prorsus pharmaco obedivit.

In intermittentibus, qui mali moris sunt, vel viscerum obstructionibus, vel alio abdominis vel sanguinis vitio debentur, aut iterato usu, aut plusculo remedii opus est, si medicus hoc morbi naturæ conveniens judicet; sin minus, alio dige-

rentibus, resolventibus, catharticis &c. curationes dirigendæ sunt. Ad harum febrium numerum pertinent eæ, quæ ut plurimum post æstivum ingrediuntur, & seram in hyemem, sæpius in ver, omnibus, etiam decantatissimo cortici, invincibili tenacitate remediis obstant. Hanc febrium speciem dum medicam praxin rure exercui, & cum Geo tentamina institui, nondum offendi, ideoque nemini ejusmodi febre laboranti hoc obtuli pharmacum, unico excepto, servo scilicet Hafnia profecto, qui præter auriginosum cutis colorem, abdominis, valde extensi, viscera plurima habuit obstructa, & quamvis multa, etiam corticis magnam copiam usitaverat, octodecim tamen menses cum quartana conflixerat, quique, radicis Gei una consumpta uncia, ab hac medicina destitit.

In omnibus, quibus radicem opposui, casibus semper ægris profuit, & nunquam, etiam copiose data, nocuit. Intermittentibus, aliisque ægritudinibus, medicatus nunquam non bonum vidi effectum sine ullo symptomate malo, inde derivando, sine viscerum quacunque labe vel obstructione inde relicta. Cum

Cum vulgus, cui prima debeo experta, spiritum vini semper in deliciis habeat; essentiam Gei prius paravi, deinde decocti, & tandem pulveris vim tentavi. Sub omni forma medicatrices suas servavit virtutes, semperque eundem edidit effectum. Attamen pulveri & essentiæ maximam habui fidem; semper enim timui, ne gratum coctione avolaret volatile, ideoque hanc parcius medicinam morbis paravi.

FORMULÆ a me usitatæ fuere sequentes.

Essentia.

R. Rad. Gei urb. unc. iv.

Consc. contus. infunde in

Spirit. vin. Gallic. lib. ij.

M. digere in balneo arenæ per
vi dies & cola.

Decoctum.

R. Rad. Gei urb. unc. i.

Contus. coqv. cum aquæ simplicis
lib. i/3 ad remanent. lib. i. (a)

Colat. adde

Syr. Commun. q. v.

I 3

Pulvis.

- (a) In præsentiarum, cum hæc typis mandentur, decoctionem non ultra 3 vel 4 durare præcipio horæ minuta,
ob

Pulvis.

R. Rad. Gei urb. femunc.

D. pulverisat.

Electuarium.

R. Pulv. Rad. Gei urb. femunc.

Mell. despumat. q. s.

M. F. Electuar. molle.

QUAMVIS decocti, pulveris & electuarii doses hic præscriptæ & determinatæ omnibus periodicis & intermittentibus suffecere morbis, tamen quædam, magistra experientia, huc spectantia mihi restant dicenda.

ESSENTIÆ unc. iſſ ad intermittentem depellendam, ut ordinaria dosis, requiritur, rarius unc. ii. Determinatam hanc dosin tribus vel quatuor vicibus, die apyrexie, ex cochleari magno, cum aquæ frigidæ portiuncula capere jussi; interdum tamen unc. i, uno haustu, seu errore ægro-tantis, seu meo jussu, sumta, febrim fugavit.

DECOCTO parando radicis siccate drachmas vi, vel unc. i determinavi. Tamen sufficit

ali-

ob principii volatilis aufugiendi merum, præcipue in morbis, ubi læsi sint nervi, Ebullitionem & frigidam colaturam longè hinc decoctioni præstuli.

aliquoties unc. ꝑ. Deficiente mihi sæpe radice sicca, e recenti hoc parare jussi, & tum uncias iii vel iv requirebantur ad febris fugam. Uncias ii quavis vel alterna hora capere jussi.

PULVERIS semunciam intermittenti extingvendæ præscripti; sæpius tamen non ultra drachmas iii adhibui; interdum drachmæ ii curationem perfecerunt. Idem de electuario valet. Aut singula hora aut omni bihorio drach. ꝑ capiebat ægen.

CUIQUAM, rei Inexperto, parvæ nimis hæ doses esse viderentur; Huic autem regeo: Non nisi multiplici experientia instructum me eas hos inter posuisse cancellos. Bonæ vero notæ pharmacum esse debere nemo non, qui iniqua mente esse nolit, intelligat; sin minus, dosin pro pharmaci dignitate, & ægrotantium statu morboſo, esse augendam, animo secum volvat praxeos medicæ gnarus; de nostra enim radice dici potest, quod de cortice peruviano excellentiori, cujus vel minor, vel minus repetita dosis, plus præstare potest, quam major & sæpe iterata minus selecti & eximii.

Has parvulas doses, quibus periodici simul & semel supprimantur morbi, consideranti in mentem mihi venit imanis corticis Peruviani quantitas, a neotericeorum quibusdam Medicorum in his affectionibus præscripta, & reversionis causa præpediendæ ad libram unam, duas, & ultra extensa. — Quamvis rarissime, si unquam, meos ægros, dum cortice curationes perfeci, tanta pharmaci ingrati mole obruere fui coactus! tamen ut ad uncias II vel III, raro ultra, adscendere me sæpe compulerit morbi conditio; præterea diu strictissima restitit ægro diætæ ratio, ni recidivam pateretur.

E contrario in summam nostri pharmaci laudem hoc palam confitear: Me quidquam nostri vel alius medicaminis post morbum devictum ad recidivam præcavendam rarissime vel nunquam dedisse, & tamen recidivantem febrem nunquam vel raro post ejus usum observasse; nisi in quibusdam refractariis morbis, quorum tamen numerus vix sese habet ut unum ad quinquaginta. Laudem tamen non meriti sunt recidivæ immunes cæteri; nam plurimi, e rustico genere nati, relicta diætâ, aëri

aëri frigidissimo corpora commiserunt, gulæque, quod appetebat, indulserunt; attamen omnes febres reversiones & recursus feliciter evitarunt.

MAJORI hinc præ cortice Peruviano efficacia in nervos agere videtur nostra radix; nam febriles motus semel probe extincti & deleti, etiam posthabito regimine, vel purgante post febrim finitam pharmaco dato, ægre vel nunquam excitantur.

Dum intermittentibus sum medicatus vel fortuito didici, contra plures opitulari ægritudines medicamen, vel ratiocinio ductus, ob causarum in morbis diversis similitudinem, ad alia atque alia transgressus sum morbi genera, quibus curationem facile admittentibus, nunquam non doctior, nunquam non de feliciter superato morbo lætior, a lectibus ægrorum decessi. Sic in virum hæmaturia laborantem forte incidi, cui, dum intermittentem curavi, hæmaturia evanuit; sic hæmatemesi correptam mulierem rure accessi; huic, præmissa venæ sectione, cum nihil aliud ad manus fuerit, Geum porrexi, unde resipuit. Exinde vero intellexi, hæmorrhagiis inservire radicem.

Vomitu, in- intermittentibus sæpius oboriente, Gei ope sublato, intuli: morbis nervinis subsidio eam posse venire, & deinde his morbis auxiliatus sum; ventriculus debilis medicina confortatus nostra ad alvi fluxus sistendos viam mihi monstravit; periodici morbi, acutis adjuncti, pharmacum in acutis perferri, probabiliter indigitarunt; & maxima antiseptica virtute experimentis probata, putridis & malignis suppetias ferre, recte, ut puto, judicavi. Ita abstrusas pharmaci vires indagatus, ejusdem in morborum generibus diversis excellentiam, in maximam mei lætitiā, pedetentim detexi, cognovique.

Vis hinc febrifuga radici non inest sola; pluribus aliis, hac non inferioribus, instructa est. Omnes hac medicina utentes ægri canalem intestinalem ita roboratum persensere, ut ructus & flatus fortiter sint erupti; appetitus cibi validus, vires corporis novæ, artuumque robur, accesserint. Alvo obstructis liberam ventris, & sæpe aliquoties nycthemeri spatio repetitam, præbuit radix excretionem; alvo laborantibus laxa naturalem procuravit alvi depositionem; sanguini, per alienas corporis

corporis prorupto vias, limites posuit; morbis occurrit mucosis, & nervis amica spasmodicis opitulatur; nullum motum, nullumque sanguinis excitat æstum, &c.

QUEM igitur lateat, quanto humanarum ægritudinum numero quæstui esse possit hoc medicamen, quantumque hujus inventione lucrata sit medica praxis, cum, præterea quod periodicis in morbis specifici munera præstiterit, eximiam mihi jam dudum probaverit utilitatem in menorrhagia, hæmatemesi, hæmaturia, meteorismo, diarrhoea, dysenteria, colica, leucorrhoea, hysteria, vertigine, lipothymia, ecclampsia, epilepsia, tussi convulsiva, & in plurimis aliis a nervorum debilitate & solidorum laxitate primordia ducentibus; quinimo, ut summum antisepticum, morbis putridis, malignis, dysentericis, &c. id oppositum iri, quædam a me facta tentamina, & ratio-cinia a posteriori ducta, promissere. Pericula in posterum factitanda clariorem huic accendant opinioni facem.

METHODUS, quam mediante nostra medicina in his adhibui affectionibus, ea fuit, quæ fundamentis

mentis therapeutices nititur. Præmissis, vel interpositis iis, quæ indicationes exegerunt, medicamen ægris dedi proportionem tali, quali eis opus esse autumavi. In levioris momenti malis minorem dosum numerum, in majoribus plures injunxi; qualibet vice scrupulum 1 pulveris, vel drachmam ꝑ, deglutivit æger, hasque doses bis, ter, quater, ad sexies, quotidie iteravit. Essentia semunciam, & decocti unciam 1 ad 17, quavis vice capere sivi. Sic breviori tempore, ac si cura ope corticis esset facta, sanitatem labantem, vel lapsam, sustinui, erexi.

Quas certas habui morborum historias, has omnes una cum celebriorum practitorum hafnensium observationibus quibusdam, brevi admodum tempore factis, typis exprimendas curavi; jam jam collectas, & in posterum obviam venturas, alio tempore pervulgandas reservo. Suas huc conferre symbolas promissere omnes Societatis medicæ practici, pronittent omnes sinceri philatri, quibus medica ars, mortaliumque salus, curæ cordique nunquam non fuit.

Hafniæ den 12 Febr. 1781.

EXPLI-

EXPLICATIO ICONIS.

- a) **R**adix integra, fibrosa.
- b) Eadem longitudinaliter dissecta, medulla violacea, cortice albido instructa.
- c) Eadem transversim secta cum violacea medulla.
- d) Folia radicalia lyrata.
- e) Folia caulina, alterna, ternata cum stipulis dentatis.
- f) Eadem minora simplicia.
- g) Corolla a latere conspicua cum calice.
- h) Eadem explanata.
- i) Flos nondum eruptus.
- k) Receptaculum cum seminibus in capitulum congestis.
- l) Semen maturum cum arista uncinata.



 XI.

OBSERVATIONES DE ERYSIPELATE.

- 1) DE VERTIGINE PERIODICA
PER ZONAM SOLUTA.
- 2) DE ERYSIPELATE VESICU-
LOSO FACIEI TOTIUS.

NOTATÆ PER

J. W. GULBRAND,

M. D. Archiatrum Reg.

 OBSERVATIO DE VERTIGINE PERIO-
DICA PER ZONAM SOLUTA.

VIDUA 50 annos nata, ante 5. lustra sæpissime doloribus hypochondrii dextri in regione hepatis anteriori obnoxia, cum lipothymicis & hystericalibus intercurrentibus, varia resolventia, antispastica, & roborantia optima quæque ab optimis
Præticis

Præclicis porrocta adhibuit, & post effluviū spontaneū feri, sub mamma dextra quotidie leviter pullulantis, ab enarratis malis liberata vixerat jam ultra iv annorum spatium; per iij annos haud amplius catameniis fruebatur femina robusti, succulentiūque corporis, judicii, ingeniique acrioris. Præter fluxum serosum continuantem dictum ejusque repulsiōni remediis externis strenue interdixi semper, nil incommodi sentiit, donec ante 3. fere menses corripiebatur vertigine momentanea, fere caduca, quovis tempore antemeridiano recurrente, concomitata dolore gravativo supra oculos & oppressiōe cardialgica. Nulla præter levem sitim pomeridianam adfuere signa febris. Ipsa sub ineunte vertigine venam brachii sectam curavit, & me octiduo post, in auxilium vocato, venæsectio iterata fuit. Sanguis grumofus erat spadiceus, densus, crusta crassa lardacea textus. Serum citrinum. Vertigo pergebat solito modo, fluxus serosus sub mamma dextra, jam habitualis, continuabat: animus ob moerorem nuper perpeſsum dejectus erat: Credidi caput afflictum fuisse per consensum ventris, bene memor

I44 GULBRAND OBSERVATIONES

memor Divi BAGLIVI effati: *Quod replet caput, ut bene solvatur, per alvum solvi debet.* Præscripta igitur mixturam sequentem:

R. Aqu. meliss. ℥vi.

Tinctur. rhei aquos. ℥ij.

Sal. sedlifens. ℥i M. D. 4ter per diem
2 cochlearia majora vel ℥i & pro potu ordinario
ex decocto avenæ fumantur Mel. despumat. ℥ij c.
nitri antimoniati ℥i quotidie. Hisce remediis
14 diebus adhibitis, interpositis suppedalibus,
ex Emplastri e galbano crocati & vesicatorii par-
tibus anaticis, sentiit dolorem pungentem in hy-
pochondrio dextro a spina dorsi ultra umbilicum
ejusdem lateris; Oboriebatur quoque diarrhoea
mueosa & sanguinis frustula vehens. Elapsis tribus
septimanis, & vertigine periodica sub diarrhoea
continuate, pro Mixtura dicta aliam camphoratam
omni bihorio sumendam substitui, locumque do-
lentem dorsi solummodo fricandum jussi linimento
volatili, quo semel facto eadem vespera dolor in-
crevit vehementer noctu & die sequenti diarrhoea
sponte sedata fuit. Locum dorsi affectum vidit
obscure rubentem, latitudine palmæ, a spina
dorsi

70011

dorsi ad umbilicum, spatiis distinctis digiti separam, sensim effloruere vesiculæ albæ, elevatæ e medio rubentis cutis sponte largam materiam ichorofam plorantes, in dorso & latere præsertim, usque ad xi post efflorescentiam diem, quo sensim in crustam exsiccare incipiebant, & decidebant; aliquæ vesiculæ nigrescebant, omnes cum dolore ignis urentis, &, juxta verba ipsius ægrotæ, quasi foramen aderat usque ad intestina penetrans; similem autem dolorem perpeffa fuerat etiam diu ante obortum hunc ignem sacrum; noctes insomnes, anxie, inquietæ, corpus ne minimum quidem movere potuit ob dolorem de loco in locum. Secundo post efflorescentiam die mox dedi Decoct. Corticis peruviani omni hora solita dosi adhibendum, continuavit quoque Decoctum avenaceum præscriptum, & pro necessitate vsq. M. cum Tinct. rhei aquos. antea nominatam dum semper pejorem se prædicabat post fortio rem aquam laxativ. Vien. cochleatim sumtam. Intra 19 dies omnes pustulæ exsiccatae erant, loca cutis affecta solito sensibilia, obscure rubra erant. Post efflorescentiam vertigo haud adfuit, nec dolor gravans supra
K oculis,

146 GULBRAND OBSERVATIONES

oculos, & convaluit bene post adhibita remedia sequentia.

R. Esf. cort. Peru. ʒβ.

Elix. visceral ʒvi.

Vitrioli Mynfiſſ. ʒi M. D.

a. & p. m. 100 gttæ.

& interdum omni tertia vespera M. e Tinct. Rheis aquos. c. Sal. sedlifens. sub diætâ & regimine convenientibus. Quarta jam vice in praxi mea occurrit affectus hic, nunquam vero tam regulare cingulum mediî ventris, quam quod jam descriptum, vidi antea. Tres reliqui similes solvebant dolorem hepatis & pectoris cum tussicula per annos tentante, omnes quatuor foeminas, terminum menstruorum egressas invaserunt, omnes simili modo similibusque remediis tractavi, & postea bene valuerunt ægræ.

TAM celeberr. HOFFMANNUS, quam VOGELIUS cingulum hoc affectum singularem, paucis visum, plurimis incognitum dicunt; aliam speciem, VOGELIUS, Zosterem spurium nuncupat sibi que cognitum; respectu autem habito ad latiore arcem, quam occupavit morbus hic descriptus, ad symptomata,

tomata, quæ antecedeabant & comitabantur eruptionem in nostra ægra, facile patet nostrum Zosterem ad spurios non referri posse; Nec magni interest mea nomen morbi, dummodo faciem in nostra regione visi descripserim, & per illum solutam vertiginem periodicam notaverim. Observationem totam dedi, quam cum societate honoratissima communicare constitueram mecum.

~~~~~

### OBSERVATIO ALTERA DE ERYSIPELATE FACIEI VESICULOSO.

**A**DOLESCENS 31. annorum, ultimis diebus anni proxime finiti, querebatur de rheumaticis doloribus dentium & oris lateris dextri; noctu subito intumescit & rubet tota facies, adeo ut oculi haud distingvi possent. Sparsæ in genis & fronte præsertim, parvæ vesiculæ albæ elevatæ, oboriantur per integrum. nycthemerum incredibilem secreti copiam fundentes, tria etenim larga & lata linte-

K 2

amina



## 148 GULBRAND OBSERVATIONES

amina non sufficiebant ad istum liquorem absorbendum. Quarto ab eruptione die facies tota crusta crassa, subflava obducta erat, licheni arboreo haud absimili, post sedatum effluxum liquidi. 7mo morbi die sudavit large æqualiter per totum corpus, pulsus magnus, paulo frequentior. Post sudorem 24 horis durantem, foetoremque spirantem, solvebatur sensim crusta, in frustas decidens. Cuticula nova successit, & oculi rubent. Nulla ab initio eruptionis tussis nec sitis molestabant, vigeat appetitus, ob tumidam faciem crusta obductam autem os pro cibis assumendis aperire non valuit, sola potulenta, lactis feri scilicet, ultra 17 Mensuras quotidie, sumsit; Tandem hujus ob excitatam nauseam pertæso Decoctum tenue avenaceum c. Oxymell. simplici & Nitro depurato, omni matutino & vespertino tempore sumendum, unscum cochlear. minoribus duobus *Electuarii Mucificantis*, leniter laxantis, suasi. Ante sudorem universalem 7mi die urina citrinum clarum habuit colorem, post illum dedit sedimen. mucosum albescent. Non exposuit se æger aeri libero xiv diebus

diebus post: Nec oculi lucem perferre potuerunt. Jam bene valet, negotia sua perficit, & utitur Elixir visceral. Hoffm. ter p. d. ad gtt. 80.

---

---

## XII.

## DESCRIPTIO ET METHODUS

MEDENDI FEBRIS TERTIANÆ

DUPLICIS PERICULOSISSIMÆ,

HAFNIÆ ANNO MDCCLXXIX GRASSANTIS,

REGIÆ SOCIETATI

COMMUNICATÆ

PER

URBANUM BRUN AASKOW,

M. D. Archiat. Regium, Societ. Membrum Ordinarium,

**T**EMPERIES aëris sub hyeme anni 1778 solita multo mitior erat: Ineunte bruma frigus quidem aderat sub initium mensis Octobris, quod tamen vix duobus perdurabat hebdomadibus. Ventus mense Octobri & Novembri regnabat plerumque Eurus; ultimis vero hujus mensis novem diebus, & inde ad medium usque Decembris Africus, quem excipiens occidentalis ventus ad exitum anni 1778 spirabat. Frigori mensis Octobris successit  
aër

aër nebulosus, nonnunquam pluviosus aut procellosus, donec circa medium mensis Januarii anni 1779 frigus redibat, sed adeo moderatum, ut thermometer vix unquam dimidium infra punctum congelationis gradum monstraret. Hoc autem frigus vix per tres durabat septimanas; mense enim Februarii aër insolite adeo erat calidus, ut jam veris ineuntis læta apparerent signa. Ventus tunc varius, ut plurimum septentrionalis erat: Pluviæ quoque solito rariores, & pruina nocturna nostro in climate verno tempore alias frequens, rarior apparebat. Mensis Martii grata quoque fuit temperies, si exceperis dies quartum, 8. 9. 11. 12. & 16. quorum noctes frigidae fuerunt. Ventus tunc varius, modo meridionalis modo occidentalis flabat. Aër initio mensis hujus serenus, gratus; versus finem mensis vero nebulosus, humidus, procellosus, qui læte virentibus ac florentibus arboribus nocebat, nec minus perniciosus fuit hominibus, qui grata aëris temperie seducti hiberna calidiora vestimenta deposuerant. Mensis Aprilis gratus, immo calidus adeo fuit, ut 15tum etiam caloris gradum monstraret interdum

thermometrum Reaumurianum: Ventus haud constans modo occidentalis, modo Notus, sæpe Aquilo flabat. Sequentibus mensibus calor nostris in terris insolitus & siccitas æstatem cum illa meridionalis Europæ æque calidam reddiderunt.

UTI temperies aëris solito mitior sicciorque erat, ita quoque sanitas hominum rarius minusque infringebatur. Sub exitu præterlapsi & initio præsentis anni præter febres urticatas, inter scarlatinam & morbillos medium quasi tenentes, variolæ ac tussis convulsivæ, raræ attamen, observantur. Quæ hieme alias inter nos semper satis frequentes esse solent, rariores adfuerunt febres inflammatoriæ & rheumaticæ, nec tertianæ vernaes, quæ alias his in terris ea anni tempestate quasi indigenæ grassari solent; frequentes apparebant. Harum vero loco morbus apud nos rarior nominandus passim observabatur: *Tertianam duplicem* puto, *symptomatibus dirissimis nuptam, nec paucis exitiosam*. Quantum nostra in praxi observare licuit, mense Martii primo apparebat hicce morbus; frequentior occurrebat mense Aprilis, postquam calidiorem aëris temperiem exceperat ventus frigidissimus.

PRIMO

PRIMO morbi die circa meridiem plerumque, morborum inflammatoriorum in modum, incipiebat paroxysmus cum horripilatione, lassitudine, dolore artuum, nec non vehementissimo abdominis & hypochondrii sinistri dolore: Pulsus tunc concitatus valde, depressus & sub primo paroxysmo durus: Anxietas urgebat cum vomituritione, siti inextinguibili, dysuria, immo ischuria, alvi obstructione & tenesmo. Ad seram vesperam remittebant symptomata sudore oborto: Pulsus celeritas haud ante horam quintam matutinam sequentis diei 2di intermissionem morbi indicabat.

LÆTA tamen hæc rerum facies vix 5 aut 6 horas durabat, tunc enim frigore vix sensu iterum aggrediebantur dolores ventris, anxietates & reliqua symptomata, quæ ad vesperam usque sequentis diei 3tii vehementer affligebant; novo autem oborto sudore, soluta etiam urinæ & alvi obstructione finiebantur: Urina, quæ circa initium paroxysmi cruda fuerat, jam reddebatur saturationis coloris; sub finem circuitus nonnunquam sedimentum deponebat lateritium. Ægri jam præter debilitatem nil querebantur & noctem satis placidam agebant.

K 5

Hic

Hic itaque finis *primi circuitus*, quo sub nomine cum cel. CLEGHORNE comprehendimus duos paroxysmos, qui minori intervallo interposito sibi succedunt, nec sibi correspondent, sed alterni magis ratione durationis & vehementiæ æquales sunt; ita prior paroxysmus ante meridiem vel etiam mane incipiens sequenti mane finitur, alter vero, priori supervenit, post meridiem incipiens & versus vesperam sequentis diei desinens, diutius durat ac gravior plerumque esse solet.

DIE morbi quarto ægri mane bene valebant; circa meridiem vero iterum prosternebantur, sensus quasi frigoris occupabat corpus, & novus accedebat paroxysmus acerbior, prioribus nempe symptomatibus valde intensis, dolore inprimis abdominalis, tum quoque urinæ & alvi tenesmo; in nonnullis etiam ad hæc singultus, vomitus continuus, &c. aderant.

DIE quinto per aliquot horas matutinas remittebant tantum symptomata; mox vero iterum ingravescabant cum summa ægrorum debilitate; deliria haud raro accedebant anxia: calor nunquam vehemens erat, ita ut cutis ad tactum

vix

vix naturaliter caleret. Pulsus erat celer admodum & debilis, contractus, parvus, non raro inæqualis. Ad seram usque vesperam durabant symptomata hæc, ut noctu modo quietior esset æger, sudore ut plurimum oborto adeo levante, ut vix restaret vestigium priorum malorum, si summam exceperis virium prostrationem pulsusque debilitatem; etiam mens deliriis antea agitata quietior, somnusque pacatior ægrum reficiebat, adeo ut summo mane, secundo circuitu absoluto, extinctum quisque morbum facile putaret. Urina etiam sedimentum lateritium nonnunquam deponerat, alvusque liquida interdum fiebat.

Sexto die circa horam nonam vel decimam anxietas præcordiorum, inquietudo, pulsus spasticus contractus, cutis frigida, transpiratio suppressa, leve delirium, nausea vomitusque, dolores redeuntes novum gravemque indicabant paroxysmum, qui sensim ingravescibat, siti stipatus inextinguibili, dolore dirissimo, singultu, deliriis vehementioribus, subsultu tendinum, sopore profundo, stupore, motibus convulsivis, urinæ & excretionis alvinæ perfecta suppressione. Perdurabant



## 156 AASKOW DESCR. FEBR.

rabant hæcce omnia ad summum mane diei septimi, quo post remissionem 3 vel 4 horarum de novæ at majori vehementia adoriebantur cruciatus, inter quos æger versus vesperam moriebatur; utplurimum tamen *quartus circuitus*, *superato hoc tertio*, plerisque fuit lethalis.

Qui vero hunc superabant paroxysmum raro distinctam amplius habebant intermissionem, sed alternas, uti in febribus remittentibus malignis & nervosis fieri solet, & distinctu difficillimas patiebantur exacerbationes, quibuscum diu conflictati vel moriebantur vel regiminis ac remediorum adminiculo sensim ad pristinam redibant sanitatem.

TALIS erat circa vernalia anni 1779 tempora facies morbi, qui æstate deinde & autumnopectus magis occupabat, ita ut pleuritidis vel peripneumonix speciem præ se ferret paroxysmus, cujus symptomata sub intermissione vel plane silebant vel saltem insigniter imminuebantur. Rure plures ita affectos vidi ægros, quorum quidam, fero nimis efficaci porrecta medcina, sub tertio vel quarto morbi expirabant circuitu, vel etiam expectoratione dein purulenta ac feбри hectica conflictati.

fluctabantur. In aliis haud adeo evidentes erant intermissiones, & symptomata pulsusque nervosum potius quam inflammatorium indicare videbantur morbum.

Insidiosus semper hic noster erat morbus & vix dignosci poterat, antequam vehementiores paroxysmi vitæ ægrorum insidiarentur, dum febrem plerumque inflammatoriam primi inprimis mentirentur paroxysmi, hincque venæsectionibus aliisque solitis ad inflammatorios morbos remediis adhibitis remittebant vel evanescebant symptomata: id quod quisque facile virtuti adscriberet remediorum. Ægri, malis hisce finitis, vix non errorem quoad regimen committebant, cui redemptia perinde symptomata tribuebantur; donec plures circuitus naturam morbi declarabant: Serius vero advocatus medicus vix ab ægri narratione ad diagnosin morbi duci poterat.

Remittentium etiam febrium more interdum aggrediebatur morbus, nulla fere obvia pulsus vel caloris mutatione, solis e symptomatibus vel dolorosis vel soporosis cognoscendus, tunc quoque initium paroxysmorum perdifficile erat

erat distinguere. Stranguria vel dysuria, quam etiam Cl. WERLHOFF & MEDICUS observarunt, vere præprimis, pathognomicum mihi fuit signum incipientis paroxysmi. Peculiaris quædam anxietas, tristitia, cardialgia, nausea, assumptorum imprimis remedium evomitio, prima mihi reditus indicia, quin immo etiam in illis ægris, quibus remissio vix adeo lucida, ut sui conscii perfecte essent, quibusque symptomata molesta nunquam cessabant, sed modo remittebant, novum e dysuria, nausea & evomitione corticis peruviani porrecti, ineuntem concludere valui paroxysmum.

GENUINA intermissio noctu secundi diei, medico tunc raro præsentente, contingebat, & ægri febre exhausti somno fruebantur placido, hinc adstantes amici & propinqui, (licet a medicis serio moniti, ut hocce uterentur intervallo ad remedium porrigendum, quod proximum paroxysmum, vitæ ægri semper periculosum, arceret,) dormientem sæpe excitare piaculum crediderunt, hincque proprio fato eum potius reliquerunt.

Nec

NEC finis paroxysmi semper cognitu facilis erat: Urinæ liberior profluxus & color saturatior; (sedimentum primis diebus, vel antequam morbus jam quasi victus esset, raro tantum apparebant;) somnus quietus, animi turbæ magis pæcatæ, sudor erumpens, vel ut plurimum cutis ante sicca & constricta jam quasi mollis facta, pulsus sub paroxysmo spastice quasi constrictus jam mollior, alvus sub paroxysmo semper adstricta adeo, ut ne quidem clyisma ob spasticam intestini recti contractionem injici potuerit, jam vel sponte vel remediis facile soluta, hæc omnia finem quidem paroxysmi indicabant; nonnunquam tamen obscura omnino erant hæc remissionis signa. In nonnullis ægris e contrario perspicua fuit intermissio, facile e malorum cessatione cognoscenda.

AD periodos igitur morbi adeo obscuras distinguendas medici ut plurimum opus erat præsentia; tamen quoque hic non raro decipiebatur, id quod etiam mihi assidue licet ac attente ægrôtiq; adstanti contigisse, præcipue in primis hoc morbo decumbentibus, quos adibam, ingenue fateor & quam maxime lugeo.

CURAM

CURAM quod affinet, cognita prius morbi indole, haud difficilem judicavi, experientia ductus CL. TORTI, MORTON, WERLHOFF, CLEGHORNE, MEDICI, & aliorum.

Ad naturam symptomatum sub paroxysmo in medela determinanda semper habui respectum. Ubi pulsus ac dolorum vehementia inflammatorium indicabant morbum, venæsectionem nunquam non suasi, immo pro necessitate repetendam, inprimis si vires ac reliqua constitutio ægri eam simul admittebant. Hanc evacuationem optime ferebant ægri sub primis præcipue paroxysmis; levabantur quidem inde dolores, mox vero iterum pristina cum vehementia accedebant. Quibus pluries secata fuit vena, his debilitas sub intermissione semper erat major, ceterum intermissiones diutius protrahi clarioresque inde fieri observasse mihi licuit. Minime vero inde minuebantur sequentium paroxysmorum symptomata, potius nervosa magis fiebant.

Qui deliriis vehementibus, sopore, &c. sub paroxysmo vexabantur, his hirudines temporibus admoti profuere.

PÆ.

PRÆSENTIBUS nausea, foedo oris sapore, linguæ sorditie, dolore epigastrii, vomitorium post finitum paroxysmum exhibitum profuit; sub paroxysmo autem porrectum idem, vel vomitum quam maxime molestum excitabat, vel nullus omnino inde percipiebatur effectus. Scopo emetico solutionem Tartari emetici cochleatim propinavi, quam semper, si tempus morbi que ratio ullo modo sineret, corticis usui præmisi.

EMETICUM sub initium morbi porrectum, cum sæpe plane profligavit.

SUB paroxysmo vel haustum, *salinum* dictum, vel camphoram cum nitro aliisque salibus mixtum vel ad modum LOCHERI in aceto vini solutam, additis aquis destillatis propinavi.

ALVUM, nisi emetico simul solveretur, vel Rheo cum salibus vel clysmate tempore intercalari solutam curavi: Sub paroxysmo non solvi potuerat alvus. Laxantia etiam leniora cum Cel. WERLHOFF nocuisse vidi, quippe quæ paroxysmi accessum accelerabant ac vehementiam augebant.

TENESMUS vesicæ & ani vix remediis cedebant: Clysmata emollientia, alias adeo proficua,

L

nulla

nulla ratione iniici poterant; nec catheter in vesicam introduci ob spasmodicam, ni fallor, vesicæ contractionem. Oleum volatile abdomini inunctum, superimposito panno laneo fomento emolliente tepido madefacto, spasmus & dolores levabant; nil vero adeo juvabat quam vesicatorium latum abdomini impositum.

SPASMOS, singultum, tussim molestant ceteraque mala, nulla antispasmodica remedia, nec opium, nec moschus, sopire valuerunt.

NULLAM itaque ab alio remedio in hoc morbo debellando comperui opem, (si emeticum sub ipso morbi initio exceperis,) quam a cortice peruviano genuino, cujus virtutes & efficaciam in periculoso hocce stadio tot in arte medica immortales comprobarunt viri, ut nulla ulteriori indigeat commendatione. Hocce tantum monitum volumus: Nunquam ultra secundum circuitum morandum esse antequam divinum hocce propinetur remedium. — Ex auctoritate Cel. TORTI & CLEGHORNS in tertiana duplici curam inchoandam putavi finito paroxysmo diuturniori & vehementiori. Pro ratione longioris vel brevioris intermissionis quantitatem

tem ac frequentiam dosium semper determinavi. In majori dosi vix peccatur; ego a Scrup. ij ad Scrup. iv omni hora immo dimidia hora plerumque corticem dedi, ita ut sesquuncia fere intra novum accessum consumeretur. — Forma pulveris subtilissimi corticis genuini, tutior mihi semper visa fuit: Cochlear unum vini rubri cum duobus cochlearibus aquæ pro vehiculo adhibui, quod remedium ægris gratus reddidit ac simul debilitati summæ convenientissimum fuit. Nebulis involutus pulvis haud adeo certe suum edidit effectum. Qui pulverem deglutire omnino recusarunt, his decoctum præscripsi corticis quam maxime saturatum, additis pulveris subtilissimi aliquot drachmis. Nonnunquam paroxysmus rediit, quamquam remedio justo tempore & dosi usi essent ægri, qui tunc semper pulveres evomere simulac febris accessit; hos igitur seposui, usque dum novum redierit intervallum.

Ab sustinendas ægrorum vires semper quam maxime exhaustas nil æque profuit ac vinum rhenanum vetustum ut & Madererum generosum, *Drej Madera* vulgo appellant.


L 2

Ex



Ex hac curandi methodo optimum in hoc morbo semper vidi effectum. Unus modo æger, remedio licet juxta præscriptos canones exhibito, periit sub circuitu quinto & paroxysmo, ni fallor, homo. Hujus morbi primis paroxysmis peripneumonia; 2 vero ultimis sopor & lethargus aderant. — Alius æger, dum adstantes remedium dormienti haud debite obtulerunt, in quarto circuitu sub singultu continuo ceterisque inflammationis abdominalis cruciatibus misere periit. Puerpera (inflammatione abdominali solitis remediis ante 14 dies superata) frigore mentisque emotione læsa, novis inflammationis ventriculi signis aggressa, sub secundo circuitu, paroxysmo quarto, licet omnia sic dicta antiphlogistica sedulo adhiberentur, pulcrum efflabat animam. Venter post mortem in ambobus his lividus valde expandebatur. — Infantula 7 genaria febre hac laborans sub primo paroxysmo convulsa fuit, & quarto circuitu, paroxysmo octavo redeuntibus convulsionibus obiit. Vitio adstantium reditus paroxysmorum sero nimis mihi innotuit; ita ut omnia in febre continua proficua hic adhibita nil effecerunt, cortice non propinato peruviano. CR-

CETERUM ultra 20 hoc morbo laborantes methodo heic relata servatos gaudeo. — Duo gravissimo hoc morbo decumbentes una mecum in auxilium advocarunt Generos. Dnum de BERGER, primum Regis Augustissimi Archiatrum, Collegam mihi semper honorifice nominandum ob summam erga me amicitiam & benevolentiam, qui nostræ observationi ac curandi modo assensum præbens, veneranda sua auctoritate nostram in morbo tam difficili ac pericuso medendo methodum comprobavit, confirmavit.



---

XIII.

OBSERVATIONES MEDICÆ

VARIi ARGUMENTI.

Auctore J. H. SCHÖNHEYDER,

M. D. & Prof. Extraordinario, Reg. Soc. Membr. Ordin.

**J**UVENIS septendecim annorum plethoricus & frequenti hæmorrhagia narium laborans, ceterum sanus, post horrorem & febriculam conqueritur de dolore & tumore partium internarum colli. Exhibito laxante & applicato linimento volatili mitigabantur symptomata. Post biduum autem recrudescabant: Fauces intense rubebant, deglutitio difficilis non tamen plane cohibita, pulsus durus erat & frequens. Sanguis e brachio missus cruentam habuit densam & spissam. Interne dabantur camphorata & nitrosa, utebatur gargarismate communi, & enema pro alvo solvendo. Levabatur denuo ægri status, deglutivit melius, cibum congruum assumsit, & subinde placide dormivit. Sub  
vespera

## SCHÖNHEYDER OBSERVATIONES &c. 167

vespera diei quinti denuo omnia in pejus mutabantur. Repetita venæsectio & vesicatorium collo impositum levamen dedit. Sanguis priori spissior & crusta tenacior erat. Tumor mox in una mox in altera tonsilla hæsit, semper tamen inflammatio in superiori faucium parte sedem tenuit.

HAC ratione a morbi initio usque ad diem decimum quintum, morbus dictis remediis, venæsectione nempe sexies repetita, cui adhuc jungebantur hirudines, injectiones, cataplasmata emollientia, ut & mixtura camphorata acida & sinapismi pedum, exhibito simul potu tenui copiosissimo; his dico remediis ad septem vices ita mitigatus, ut optima de sanitatis reditu spes subesset, interjecto tamen uno vel altero die absque ulla manifesta causa, denuo immo aucta violentia reerudit. Certos periodos non tenuit exacerbatio, nam interdum uno interdum pluribus diebus melius se habuit. Status, tam quoad pulsus duritiem & magnitudinem, quam sanguinis missi consistentiam, doloris acerbitem & faucium aspectum erat manifeste inflammatorius, nec spissitudo sanguinis & pulsus durities minor erat in sexta venæsectione

## 168 SCHÖNHEYDER OBSERVATIONES

ac in prima, remissiones autem tam quoad doloris vehementiam quam deglutitionem impeditam erant manifestæ, ut febrim remittentem licet incerti typi sub larva anginæ inflammatoriæ latere, dubitare non potuerim. Febres præterea remittentes diversi generis eodem tempore grassantes observaveram. Impetrata igitur denuo remissione, mox corticis peruviani unciam forma decocti saturati exhibui, qua effeci ut ne vel levissima anginæ violentæ umbra rediret. Æger quoque brevi tempore sanitati reddebatur.

---

**I**N puella hysterica, a causa spasmodica ventriculus omnia vomitu rejecit, nec guttulam per tri-duum deglutire valuit. Varia antispasmodica adhibita erant absque fructu, suasi autem clyσμα ex opii extracti scrupulo uno cum asæ foetidæ uncia semisse, quo exhibito intra horæ spatium, ægra maxime siticulosa bibere valuit.

**DOLORES** arthriticos anomalos ad optima remedia rebelles bis compescui solutione mercurii sublimati Suieteniana. Erant duæ matronæ honestissimæ, in quibus nulla labis venereæ suspicio  
locum

locum habuit. Una a longo tempore laboraverat dolore occipitis acerrimo sæpius recurrente, altera violentum sub costis spuris lateris sinistri sentit dolorem: ambæ simul vagos artuum cruciatus, inprimis versus tempestatis mutationes, experiebantur.

---

**D**ECOCTI foliorum cicutæ mundificantes vires nuper expertus sum in puero, cui a variolis confluentibus convalescenti pustulæ madorem foetidissimum spargentes in toto corpore, inprimis capite & collo, prorumpebant. Laxantibus repetitis parum proficiebatur, postquam autem cutis una alteraque vice hoc decocto lavata esset, deciduæ crustæ cutim rutilam & sanam monstrabant. Experimentum eodem successu in binis aliis iteravi.



## XIV.

VIS ANTHÆMOPHTHOICA  
RADICIS IPECACOANHÆ MINU-  
TIS PORTIUNCULIS DATÆ.

V I S A

AB

ARN. NIC. AASHEIM,

M. D. &amp; Profess. Design. Societat. Membr. Ord.

**R**adicem IPECACOANHÆ *specificum ac ferme infallibile remedium in fluxibus dysentericis, aliisque hæmorrhagiis sanguineis deprædicat summus Medicinæ Restaurator BAGLIVUS (Prax. Med. Libr. I. Cap. de Diarrh. & Dysenter.)* Votis Clariss. Virorum BARBEIRAC & GIANELLA in immoderato catameniorum & hæmorrhoidum fluxu, imo etiam in hæmoptysi, respondisse jam dudum eandem, testis mihi est Cell. J. A. MURRAY (*Apparat. Medicam. Vol. I. p. 537*). Testimonia Superiorum de virtute antihæmorrhagica Indicæ hujus Radicis novis Observationibus in sistendis sanguifluxu uterino

uterino & deinde mictu cruento faustus fancivæ  
 Dignissimus Archiater Suecus DAHLBERG: Iterum  
 confirmavit Augustissimi Danorum Regis Archia-  
 ter Illustriss. Observator Strenuus, noster Aestu-  
 matissimus GULBRAND (*Dissertat. Inaugur. de Sæ-  
 mgvifluxu Uterino*). Demum quinquennio abhinc in  
 fuganda hæmoptosi dira desiderio meo satisfecit  
 Radix Ipecacoanhæ minutis dosibus data. Dignus  
 est, qui notetur, ejus effectus: En eundem stylo  
 Observatoris fidi incompto & sterili expositum.

STUDIOSUS duo de viginti annos natus, canti-  
 lenæ sacrae per annos complures ad templum hujus  
 Urbis cathedrale antistes, thorace præditus lon-  
 go, compresso, hilaris vultu, oculis splendenti-  
 bus, vividis, genis roseis ornatus, parentes ruri  
 degentes, post longam intra pomoeria urbis re-  
 moram, visitat. Ruri degens vicinos peragrat  
 campos curru vectus, equitans, aut pedibus obam-  
 bulans: Ætati suæ confusus, viribusque animi læti  
 & corporis, ut videbatur, perfecte sani, nec  
 morbo, nec curis, nec remediis, nec otio, nec la-  
 bore, nec studiis nimis, nec vigiliis, nec vitæ  
 genere iniquo, nec Venere fractis, ferventem  
 solem



solem meridianum æstivum contemnit, suspectum aërem nebulosum, nocturnum, algidiorem negligit, ex orgasmo caloris diurni adhuc candens, juvenis: Post mediam noctem cubitum it. Cum oriente sole surgit, nulla perditurus momenta temporis confanguineis, patrioque sibi se reddenti agello dati. Die XIII Julii Anni 1778 ad propinquos a domu paterna ultra miliaris distantiam diffitos adit rogatus, insequentem noctem confabulationibus & lætis amplexibus horum dat totam: Die Julii quarto decimo novum petit locum adhuc magis diffitum, celebraturus diem natalem Feudæ ad patria sola accolæ: Ibidem, uti fert mos, lauto indulget prandio festivo, deinde a vespera ad horam matutinam quartam usque saltat, sudat, & exæstuentes corporis humores ad rapidissimum concitat motum. Summo calore adhuc fervens juvenis petiturus domum patriam diffitam sese aëri libero committit curru vectus. Sub itinere in aëre nebuloso confecto catarrhum pulmonum contrahit. Redux tertium diem domi agit vigil: Hoc autem versus vesperam vergente somno obruitur: Quietis avidus juvenis solitam petit cameram, &  
in

in eâdem sellam juxta lectum suum positam alias:  
Casu fortuito hanc sellam a loco consueto remo-  
verat ancilla lectum parans: Ad hanc mutationem  
autem omnino non attentus juvenis summe defati-  
gatus, & ob nimium, quo premebatur, somnum  
distincti visus vix amplius capax, tergum obver-  
tit lecto, corpusque lassum suppositæ ibidem loci  
sellæ deponere cupiens, donec vestimenta exueret,  
magno cum impetu cadit supinus, & dorsum ad  
partem lecti tabulatam tanta cum vehementia im-  
pingit, ut mox ingens floridi sanguinis torrens  
per fauces exsiliret. Ad horridum hoc spectacu-  
lum metu perculsus juvenis, quasi fulmine tactus  
concidit; Adveniunt parentes: Miserum inve-  
niunt humi prostratum, & largo sanguinis rivo,  
ex proprio pectore jugiter scaturiente, innatan-  
tem. Ægrotum lecto committunt, & mox Venæ-  
sectionem brachii curant administratam: Deinde  
obstructioni alvinæ biduæ prospecturi filio dimi-  
diam rhei pulverisati drachmam offerunt.

POSTERO mane meam implorant operam:  
Adveniens pulsus tango ferratum, frequentem,  
subdura. Emissum sanguinem hesternum crusta  
mucoso-

mucoso-fibrosa tectum, & grumum obtegentem compactum durum invenio: Æger dolorem conquerebatur pressorium, molestum, pectoris totius, eum sensu vulneris ad mediam circiter & paulo magis sinistram sterni partem inflicti, mox a diro casu distincti: Haud sine molestia respirabat: Contracta sub itinere matutino dicto tussis catarrhalis læsos pulmones frequenter sollicitabat malo omine, dum semper fere sequebatur tussin pede presso notabilis floridi sanguinis radius satis crassus, magnoque impetu ultra fauces profliliens, & post tres circiter quartas partes mensuræ sanguinis ejectas desinens.

SUSPICANS læsum vas quoddam notabilioris diametri sanguiferum pulmonum, nullum nisi ægro fatale præsagium condere potui: Satisfacturus autem pro ratione artis & ingenii indicationibus præsentibus reiterandam mox jussi Venæsectionem largam: dedi remedia antiphlogistica leniter diaphoretica, becchica, alvumque leniter moventia. Venæsectioni ultimæ cessit compressio & frequentia pulsus, qui mollis, tardus, æqualis sebat, sed simul parvus: Respiratio liberior erat:

Pressorius

Pressorius pectoris sensus transibat, sed spreto remediis reliquis internis hæmoptosis per integrum quatrimum persistit rebellis, larga, forsitan qua reditum paulo rarior: Genæ roseæ pallidum Libithinæ induebant colorem: Æger noctes agebat insomnes, tussicula sicca, frequenti, molestatus identidem: Demum facies collapsa, oculi concavi, decrementum pulsus assiduus suadebant solam indicationis vitalis rationem habendam: Huic morem gessurus ad Decoctum Corticis Peruviani confugio, sacram, quæ Practico methodico in rebus ægri adeo conclamatis supererat unica, anchoram: Sed eheu! Votis adeo non respondebat, ut sub ejus usu potius in pejus ruerent omnia: Rediit oppressio pectoris: Tussis aucta: Hæmoptosis copia & frequentia gravior facta fuit. Tanta igitur spe frustratus, misso cortice, aliam inivi medendi viam: Tot splendidis remediorum titulis sæpius deceptus: Totidem numero encomiis fallacibus a justa via declinatus subscripseram dudum regulæ Practicis quibusque cordatis & veris Hygæ adytis initiatis acceptæ: *Quos sc. ratio medico-theoretica non adjuvat, sæpe temeritas clinico*

clinico experta, præceptis quibusque profunda doctrina splendidis, non addicta, *restituit*.

ÆGRO ad tumulum de hora in horam appropinquantem sequentem præscripsi formulam:

R. Pulv. Sacchar. candi ʒv.

Radic. Ipecacoanh. gr. iv.

M. Exactissime tritura protracta: Deinde Dividuntur in xvi. Doses æquales: Detur una ex Aqua frigidiuscula tertio quoque horæ diurnæ & nocturnæ quadrante.

DEGLUTITAM tertiam hujus pulveris dosin sequebatur vomituritio, quæ deinde per totum, quo hoc remedio utebatur æger, tempus, persistebat invariata, & ab assumtis liquidis quibusque increfcebat. Cæterum sub usu hujus, haud secus ac præcedentium remediorum, regimen observabat, pro anni tempore, frigidissimum, quietem corporis maximam, diætam antiphlogisticam, strictissimam.

A quo primas hujus pulveris doses sumsit noster, tussis pedetentim decrevit, hæmoptosis sicca de hora in horam rarior, & minuta copia rediit: Cutis, sub fervidissimo sole æstivo antehac  
per

per totum morbum aridissima, jam lætum transpirabat madorem diurnum & nocturnum, continuum: Alvus autem ad data quæque ducentia interna, etiam Ipecacoanham, (cujus attamen adgrana V. pro dosi datam vim laxantem tutam haud ita pridem in dysenteria expertus est Cel. Angelus PRINGLE), immorigera mansit, clysmate quotidiano sollicitanda.

INTRA biduum hæmoptosis cessavit penitus: Tertio mane æger deglutivit pulverem juxta prædictam formulam desideratum, sed vitio pharmacopœe tanta Ipecacoanhæ copia prægnatum, ut violentus sequeretur vomitus triplex, sed quod mirum, nec summus, quo ad hoc spectaculum æger contremuit, metus, nec graves pectoris concussionēs, in liquidis, per vomitum ejectis, largis, glutinosis mucosis, ullum dederunt ejecti sanguinis stigma sive vestigium. Æger potius circa præcordia vomitu allevatus, sese meliorem deprecavit.

CONTINUANDAS suasi partitas ipecacoanhæ doses dictas, 14 circiter a finita hæmoptosi diebus: Sicca tussis, qua premebatur in initio, sub

M

usu

usu harum paulatim humidior facta, demum cocta dabat sputa, iis pleuritidis idiopathicæ judicata simillima. Urina hypostatica sedimentum deponebat rubrum, mucosum: Somnus rediit, pro statu ægri, tranquillius satis: Pulsus autem restitabat parvus, tardus: Intercurrebant phlogoses faciei pomeridianæ cum ardore volæ manuum & plantarum pedum: Æger ipse protracti Ipecacanhæ usus, & vomituritionum continentium pertæsus aliam impense desiderabat Medicinam:

DEDI igitur, post præmissum laxans ex Sero lactis tartarifato Manna Calabrina ditatum, Decoctum Corticis Peruviani modice saturatum, maritatum Spiritu Salis dulcis & Syrupo Cucumerum. Deinde auctor fui suasorque, ut æger ante & post meridiem hauriret mediam Seri lactis Mensuram: Denique dietam præscripti lacteam, vegetabilem parcam.

Votis respondit eventus: Vires de die in diem increverunt, licet gradu lento: Appetitus rediit: Expectoratio mucosa cocta persistit, levans sensationem quasi molestam pectoris, sub respiratione profundiori resistentem adhuc.

CIRCA

**IPECACO. MINUTIS PORT. DATÆ. 179**

CIRCA medium mensis Sextilis Sero lactis substitui Succum Cucumerum recentium expressum, ad duo excipula thealia indies hauriendum; His remediis ad serum usque autumnum usus est noster cum euphoria, nisi quod sensus pressorius pectoris aliqualis adhuc nullis remediis cederet.

DENIQUE remediis valedixit noster, bene valens, tranquille dormiens, a tussi tantum non immunis, cibos perbene appetens, hilaris vultu & mente, successu corporis olim exsucco jam de die in diem magis repleti ovans. Svadeo reconvalescenti, ut ne nimis crederet colori, quin ad minima potius attentus, Venæsectiones celebraret identidem repetitas sed parcas, stricta ratione habita status corporis, anni temporis, & diætæ, proximoque autumno succum Cucumerum expressum per aliquot hebdomadas reiteraret. Sancivi regulam, ut, præter Venæsectiones reliquas annuas, semper initio mensis Julii cujusque Venam tunderet: Per annum & dimidium promissis stetit fidus, optimeque valuit, manentibus nullis morbi, e quo evaserat, vestigiis præter sensationes pressorias pectoris intercurrentes, maxime circa cardinalia anni tempora,



## 180 AASHEIM VIS ANT'HÆM. RAD.

& difficultatem spiritus anhelosi sub ascensu scalarum accelerato. Postea autem firmitudini valetudinis confusus Venæsectiones distulit: Die 15 Julii 1780, anniversario primi fatalis, qui morbum inceperat, satis bene valens & hinc Venæsectionis initio Julii celebrandæ annuæ oblitus, subito absque prævia causa occasionali manifesta alla, circa horam vespertinam circiter, qua primâ invaserat hæmoptosis, novam passus est, licet gradu & vehementia minorem. Iterum vocatus similem præscripsi formulam Ipecacoanhæ cum Saccharo cum eodem effectu: Hæmoptosis mox inhibebatur, & usum pulverum sequebantur sputa cocta, uti prius: Deinde suadentibus circumstantiis reliquis, corticem Peruvianum, serum lactis & Succ. Cucumerum recentium expressos jussi successive repetendos: His paulatim vires & sanitatem recuperavit juvenis, postea ad statum sui corporis magis attentus: post ultimum morbum sensus pressorius pectoris omnis siluit perfecte: Absque incommodo in gradus scalarum ascendit, ambulat, non tussit. Color naturalis vividus, qualis ante primum morbi insultum fuerat, rediit,

diit, habitus corporis repletus magis est, nec ulla ad hunc usque diem conspiciuntur indicia phthisin præfigitura; Ante annum graviter decubuit catarrho epidemico vernali, dira molestus tussi & violenta, absque tamen ut ullæ sanguinis striæ expectoratum tingerent unquam.

NULLUS dubito Ipecacoanhæ adscribere vim qua utraque hæmoptosis inhibita fuit, licet vel maxime fatear lubens, me ignorare æque bene modum, quo tam exigua hujus remedii dosis stupendum adeo præstiterit effectum, quam modos operandi reliquorum plurimorum, quibus utimur, pharmacorum. Nunquam, si vera fatebor, mihi satisfecerunt doctæ Eruditorum nugæ, precariis ut plurimum superstructæ hypothesibus, splendidis, castæ veritatis sigillo simplici denudatis, ad explicandum modum operandi remediorum excogitatæ. Varias naturæ operantis methodos detexit sagax hominum cujusque ævi industria: Sunt oerti autem fines, quos nunquam transgredi licebit limes intellectus humani: Millena millia restant quæ ignoramus, quorum plurima ne fando quidem audiveramus, ni existentiam talium de-

claraverat experientia fortuita. His adscribantur, communi Practicorum fidorum consensu, effectus remediorum, quæ nostris ægris propinamus, plurimorum. Mihi omnino non forte data est perspicacia tanta, ut intelligerem effata Medicorum Illustrium a PISONÆ, qui primus Ipecacoanhæ laudes in terris Europeis cecinit ad cœvos nostros usque, qui uno ore clamant *Ipecacoanhæ hæmorrhagias profusas, miraculi instar, sistere, quia vires possidet roborantes, adstringentes, balsamicas. Ut autem elegantes hæ vires omnes Indicæ huic Radici insint, probaturi, ad vires ejusdem anthæmorrhagicas confugiant.*

Majorem præ se tulerat veritatis speciem hypothesis pro explicanda vi antihæmorrhagica Ipecacoanhæ, minutis portiunculis datæ, si confugerant ad præcepta Chirurgorum sistentium hæmorrhagias vulnerum recentium. Hi omnes ad id intendunt nervos, ut humorum versus locum vulneratum impetus tollatur, & parti læsæ summa concilietur quies, citiori partium conglutinationi locum datura. Quod si jam dixissent materiæ medicæ scriptores, hæc vestigia pressi: Data Ipecacoanha levamen,

## **IPECACO. MINUTIS PORT. DATÆ. 183**

levamen, affert symptomaticum hæmoptoïsis, & hæmorrhagiis internis quibusque laborantibus, quia partibus læsis majorem dat quietem vomitiones ciens constantes: Quotquot etenim vomitiones patiuntur omnes, teste experientia, respirationi student levissimæ, tardissimæ, motu diaphragmatis leviori solo perficiendæ, maximæque indulgent muscutorum abdominalium quieti: Vis emetico-stimulans Radicis Ipecacoanhæ persistens, ingentem succi lymphatico-gastrici torrentem ad ventriculum allicit incessanter: Hinc moles humorum per reliqua corporis loca circulantium fit respectu minor, adeoque circulatio hoc respectu tardior: Quo tardior fit respiratio, eo minor fit necessario celeritas sanguinis per pulmones circulantis: Quo minor, est massa humorum circulans, eo minor est impetus, quo ad arterias pulmonales allicit latex vitalis ex corde dextro ejectus singula fystole. Verbo: si vim antihæmorrhagicam Ipecacoanhæ non in radice sola, ejusque partibus constitutivis specificis, sed in oëconomia & sympathia partium corporis humani vivi simul posuerant.

## XV.

OBSERVATIO DE MORBO MACU-  
LOSO HÆMORRHAGICO.

Auctore JOANNE PHILIPPO ROBERT,

M. D. Dioeces. Viburg. Iutl. Phys. Reg. Societ. Memb. Extraord.

**P**UELLA XXII annorum, habitu corporis tene-  
riori & alba cute gaudens, animo valde mobili,  
in iram proclivissimo, quæ vitam sedentariam vel  
potius otiosam degebat, operam in famulando  
puellulæ cuidam nobili collocans, Cephalalgias,  
Epistaxi, & Ophthalmiis frequenter obnoxia, regu-  
lariter hucusque, licet cum quadam molestia, men-  
struata, quum sub fluxu menstruo mense Novem-  
bri Anni MDCCLXXVII saltando multum inca-  
luisset, iteratis vicibus se acri Vento opposuit, ut  
æstum reprimeret. Cui refrigerio successit tussis  
valde molesta cum inordinato mensium fluxu per  
III insequentes menses ad calendas Martii usque,  
quibus fluxus uterinus largissimus accessit, cum  
insigni

## ROBERT OBSERVATIO DE MORBO &c. 185

in signi Cephalalgia & anxietate præcordiorum, ad lipothymiam fere incremente.

ALTERO die lectum petere coacta fuit, haud leviter perterrita visu sanguinis tenuioris, foetidi pleno ore rejecti, ex bullis labia oris, linguam, gingivas obsidentibus, & sponte vel levissima attrectatione ruptis, profluentis. Nares quoque sanguinem fundebant; grumi coagulati tussi evacuabantur, & urina crassa ad nigredinem vergebat. Maculae rubrae majores V-VI linearum, minoresque morsus pulicum referentes in facie, trunco, & præcipue extremitatibus erumpebant, quæ paucis præterlapsis diebus nigrescebant. Nec conjunctiva oculorum maculorum erat expers.

E bullis ruptis proveniens sanguis colorem sano æmulabatur, non minus ac ille, qui, Vena in brachio secta, profluebat, quique serum ægre dimittebat, nulla tectus crusta.

HISCE malis ut mederetur, Nitrum cum oxymelle ex decocto hordei porrectum fuit, & quietem egit, viribus tanto dispendio sanguinis nihilominus vix iminutis. Quo fluxu Vto Martii persistente, pedis vena tundeatur; alias omnia

## 186 ROBERT OBSERVATIO DE MORBO

nia in eodem tenore, nisi quod Rhei pulvisculus alternis diebus datus hæmorrhagiam per naturalia fedare videretur.

D. VIII Martii menstrua cessabant, at hæmoptysis & urina cruenta identidem recurrebant, viribus quodammodo integris, redeunte appetitu & somno. D. XVI M. urinam rubicundam, mox turbidam emisit cum stranguria & dolore infimi Ventris, jam inflati; Tussis & oppressio pectoris leniebantur, quoties grumum sanguinis ejiceret. Præterea valde molesti fuerunt Susurrus auris dextræ & crepitus in capite (Gmestten) perceptus. Lingua crusta alba mucosa abducta.

Hic fuit morbi status, quum ego procul satis distitus, litteris de morbo certior factus, de natura & medela miri & insoliti prorsus morbi consulere. Quem dissoluti sanguini adscripti, licet causam dissolutionis indagare nequiverim.

HABENT quidem fasti medici exempla macularum, & hæmorrhagiarum ex dictis, immo magis insolitis viis in scorbuticis, febre putrida decumbentibus, Amenorrhœicis, venenis ingestis vel externe inflictis serpentum Sepis, Labarræ  
Ameri- ↗

Americanæ, hæmorrhoidis aliorumve. Ast horum nulli ortum debere visus fuit morbus. Habitabat quidam ægra in prædio, in littore sinus limici sito, febribus intermittentibus frequenter obnoxio; num vero scorbutica diathesis ex solo tantum acufanda venit, nec diætam pravam conjunctam requirit? Hæmorrhagiæ quoque scorbuticorum & putride febrientium insigniores non nisi sub mortem cum cita & magna prægressa debilitate oriuntur, quæ in præsentî casu absuit. Qui ex vitio mensium in solitis viis profluit sanguis frequentissimam causam illorum suppressionem agnoscit. Menstrua vero ægrotx nostræ non suppressa fuerunt, sed inordinate tantum per aliquod tempus fluxerunt. Nec ingesti veneni, ut piscis corrupti, aliusve fuit suspicio, illo enim die, quod sciscitando intellexi, jusculum, cui caro suilla erat incocta, sumserat, quod vero in morbi causa determinanda haud cæteris majorem attulit lucem, nisi diceres ob singularem in corpore latentem dispositionem per genitam ex jusculo lardaceo saburram morbum prorupisse.

UTUT



## 188 ROBERT OBSERVATIO DE MORBO

UTUT erat, ex Analogia morbi proxima cum scorbuto ductus, medelam ad ejus indicationes institui. Hinc a sanguinis missione abstinendum, laxans mannatum mox sumendum, deinde pulveris Cremori Tartari & Rhei anaticis partibus mane & fero sumtis alvum quotidie aperiendam suasi. Eo magis utilitati evacuantium hujus generis confidens, quum partim de insigni sympathia inter Ventriculum & primas vias atque cutim persuasus essem non tantum in morbis cum petechiis ex bile acri & effusa, vel aliis impuritatibus, singulari miasmati nuptis, sed & in aliis eruptionibus cutaneis ex ingestis mytilis & absorbentibus manifesta (ut, vice versa, frictione crurum dolentium ructus numerosos emisisse foeminam vidi, cfr. c. Observ. Morgagni de Sed. & C.M. Epist. XLIII, 9.) partim quod Rheum hæmorrhagiam per naturalia primis morbi diebus imminuisse visum fuisset. Corticis peruviani drachmam dimidiam bihorio ingerendam & potum Vitrioli spiritu instillato large acidulatum injunxi; hisque pro lubitu interponendum infusum Raphani rusticani cum Sinapi cerevisiatum; & ut, pinguibus

pinguibus & salitis sepositis, lacticiis, carne recenti cum vegetabilibus vesceretur.

D. XXV M. rescripserunt, ægram extra lectum jam versari, viribus auctis, habitu a sano vix diverso, appetitu & somno naturalibus, licet ad hucdum continuo grumos sanguineos ore ejiceret. Urinæ stranguriosæ inerat cuticula cærulecens. Susurrus dictus, crepitus & maculæ, quæ jam ex nigro flavo-virides fiebant, persistebant. Tumor vero Epigastrii subsederat, menstruo fluxu largissimo d. XXIII. M. redeunte. Nec calor, nec sitis naturalem excedebant modum, at summe impatiens & animo abjecto erat. Dictis remediis addidi Conservam Rosarum cum Nitro sæpius lingendam, & infuso Raphani, quod fastidivit, Malthi ex hordeo substitui, quo alvus lubrica reddita fuit. Hauriebat quoque subinde Cochleariæ hortensis, succi expressi Vasculum.

Hisce symptomata sensim adeo mitescebant, ut, quum illam d. XXI Aprilis viderem, florido faciei colore esset prædita, eufarca, animo & corpore vicens. Nec postea de ullo simili malo fuit conquesta. Epistaxis & Ophthalmiæ multo rario-

res

## **190 ROBERT OBSERVATIO DE MORBO &c.**

res occurrunt, at Cephalalgia interdum revertitur; regulariter postea est menstruata. Pulsus sub morbo rationem inire nequivi absens, nec adstantium aliquis hujus explorandi adeo fuit gnarus, ut aliquid certi exinde eruere potuerim.

---

---

## XVI.

OBSERVATIO DE FOETU APERTO  
 ABDOMINE, VISCERIBUSQUE ABDO-  
 MINALIBUS SOLO PERITONÆO  
 TECTIS NATO.

Auctore MATHIA SAXTORPH, M. D.

Medic. & Artis Obstetric. Prof. Publ. Societ. Membr. Ord.

**M**ULIER plethorica partu protractiori laborans, meum auxilium petiit; Accedens ad illam, uterum inveni rite locatum & extensum, situm foetus partui satis commodum, nec ullum in pelvi obstaculum, partus progressum remoraturum observare potui; Lente interea progredientibus doloribus, segnitiam matricis, sine dubio ex sanguinis nimia copia ortam, solam lentioris partus causam esse suspicatus sum: In hunc finem ut vasa turgidiora uteri muscularem vim infringentia, solito modo deplerentur, venam jussi in brachio secandam, emissa deinde per venæsectionem debita sanguinis  
 quan-

quantitate, inordinatos qui diu adfuerant uteri spasmos paregorico remedio sustuli: post paucum temporis spatium dolores partus in ordinem redacti, vehementiores facti, partum strenuo promovebant; Ex voto tali modo succedente partu, post 24 horas infantem in lucem edidit parturiens, vivum, vegetum satis, & robustum. Dum vero in eo versabatur opera, ut funiculus umbilicalis ligaretur, en, mirandum satis spectaculum! abdomen foetus qua late patet in anteriori parte, nudum, musculis & integumentis communibus a sterno ad pelvim usque penitus destitutum, solumque peritonæo obtectum apparebat; loco in ventre solito inserebatur funiculus, intestinaque intra peritonæum ordine & gyris suis convoluta transparuerunt; violentia vero partus distenta valde, rubra, & inflammata, omnique ut videbatur motu peristaltico destituta: Triduo demum post partum, moriebatur infantulus, cui per totum tempus quo vixerat, ne exsicicaretur peritonæum, tepido lacte exterius fomentabatur abdomen.

Non ingratum credo anatomicis esse opus, si ejusmodi monstrositates, quas credula ætas quondam

## DE FOETU APERTO ABDOMINE. 193

quondam imaginationi maternæ adscripsit, sedulo annotentur. GOCKEL in *Gallicinio medico practico. Cent. Ima Conf. 40. Et in Ephem. N. C. Dec. II. A. VI. Observ. 126. pag. 263.* notavit infantem ex fortissima matris imaginatione, monstrosa umbilici relaxatione, ac intestinorum extra corpus propendentium, prolapsu natum. Loquitur BARTHOLINUS noster in *Hist. anat. 32. Centur III. de monstro exertis intestinis nato.* STENO in *Act. Haem. Vol. I. obs. 110. p. 200.* mentionem fecit embryonis, cui cor, hepar, ventriculus, lien intestina fere omnia extra cavitates thoracis & abdominis propendebant. Adeo ut ejusmodi fœtum exempla intestinis nudis per apertum abdomen propendentibus natorum, non adeo rara invenirentur, si non a medicorum visu remoti, muliercularum & obstetricum occultis consiliis tacite terræ amandarentur.

Inter multos observatores (a) nemo, quantum scio, foetui nostro similis adduxit exemplum  
quam

(a) Vide Morgagn. de Caul. & Sed. Morbor. Epist. XLVIII. Art. 54. Bonnetus Med. Sept. P. 11. p. 156.

## 194 SAXTORPH OBSERVATIO

quam egregius PETITUS (b) qui descripsit foetum difformatum, cujus abdomen patulum, cute musculisque a Cartilagine Xyphoidea usque ad ossa pubis, & ab una regione lumbari ad alteram destituebatur, viscera interna solum peritonæum obtegebat.

NONNE itaque tot exempla similium monstrorum, observatorum fidelium assertione toties probata, & ad amussim inter se convenientia manifesto arguunt id quod antea in hoc Societate innuimus, quod sc. mechanicis potius, utut nobis latentibus, causis adscribenda sint hæc naturæ exacte regularia producta; quam stolidæ mulierum imaginationi in diversis foeminis sine dubio nunquam non diversissimæ?


Neque physiologorum attentioni indigna sunt talia exempla, quæ solitam doctrinam infringunt potius quam confirmant, qualis est illa de motu intestinorum peristaltico, quem per pellucidam peritonæi membranam nec ego in hoc infantulo, nec Celeb. CALLISENIUS noster, (an fortasse ob statum inflammatorium horum viscerum?) cernere  
valuimus:

(b) Histoire de l'Acad. R. des So. Anno 1716.

## DE FOETU APERTO ABDOMINE. 195

valuimus: Ne de respiratione; secretionibus & excretionibus in abdomine, loquar, quæ si solo diaphragmate non perficiuntur, ob defectum musculorum abdominis modus, quo peragebantur in hoc infante, a nemine rite comprehendi potest.

**PATHOLOGIS** nec parum interest ingenium exercere suum in servandis ejusmodi infantibus, quos summus rerum Conditor in gloriam suam & humiliationem generis humani, vivos in lucem excludendos voluerit.





## XVII.

## DE HYDROPE OBSERVATIONES

URBANI BRUN AASKOW,

M. D. Archiat. Regii, Societ. Membri Ordinarii.

**V**IR 46 annos natus, initio anni 1778 a convivio fero rediens, genitalia & partes adjacentes, (hic enim mos ei erat) fungo aqua frigida madido lavabat. Mox inde mejendi sentiebat difficultatem ac levem circa pubim & perinæum dolorem. Post duos menses meum petiit consilium, licet nullius momenti crederet malum. Pulveris, *temperantis salini* dicti, drachmam unam omni vespere, me suadente, assumsit: quo levatus vix amplius malum sensit. Mense autem Junio parcius & difficilior fluebat urina, & ad talos leve circa vesperam observabatur oedema. Iterum vocatus pulverem nominatum cum sale polychresto præscripsi, pubemque ut oleo volatili, laneo vero panno sicco pedes, fricaret, suasi. Præterlapso  
 octiduo

oſtiduo ſtatus adhuc peior erat, lingua valde arida, ſordida, alvus ſicca, de ſiti & anxietate circa præcordia querebatur æger. Hinc mixturam ordinavi e ſale cathartico amaro & cremore Tartari in aqua deſtillata ſolutis, ſingulo mane propinandam ut & Thee juniperinum; vefpera vero pulverem refrigerantem. Aula poſt 14 dies relictæ, rediens vidi pedes & crura amici noſtri ultra genua oedematofa valde tumida; urina parca, rubra fluebat; ſtatus ceterum idem ac antea. A dicta purgante mixtura ſe peius habere, ut & ab aliis remediis tam domeſticis, quæ amici valde laudaverant, quam diureticis a medico præſcriptis, refert. Variorum iterum diureticorum tentavi uſum, ſed a ſcilliticis etiam leniſſimis anxietates procreabantur & urina parcior fluebat; ne ſalia alcalina magis quam alia remedia profuere.

CALOREM æſtivum ingentem, æque ac moerorem amantiſſimæ conjugis, quæ gravida tunc erat, ac prolis numeroſæ conſpectum, vires & animum ægri infringere conjeci, hinc ſub initium menſis Auguſti, ut mecum rus abiret, perſuaſi. Dietam hic debitam exactiſſime obſerva-

bat æger. Ut in aprico aëre, quantum virescerent, obambulet, ac quotidie plaustro, quali utuntur rustici, veheretur, hortabar. Remedium præterea præscripsi e pulveris refrigerantis unciiis duabus & salis polychresti uncia una constans, unde drachmas ad minimum sex quotidie caperet: Frictiones ipse quavis vespera instituebat pannis fumo aromatico imbutis. Elapso octiduo omnia in melius conversa apparebant; urina copiosior, vires quoque & animi & corporis redire incipiebant. Altero quoque peracto octiduo crurum ac pedum evanuerat tumor, ita ut cutis panni instar in plicas colligi posset; facies vero partesque corporis superiores passim tuebant: Sudor quoque matutinus aderat.

JAM vero horum remediorum pertæsus æger, ventriculi inde mala & appetitum læsum esse arguens, illis ulterius uti plane noluit. Hinc tincturam Rhei cum liquore terræ foliatæ Tartari & spiritu salis dulci præscripsi, &, ad diaphoresin promovendam, vespera vini antimonialis & laudani liquidi levem dosin. Omnia adhuc per octiduum optime succedebant. Ægro debilitatem  
grauem

grauem incusante, corticis peruviani cum elixir vitrioli quasdam porrexi doses. Mox vero urina parcior missa fuit: & quum plastro, pro more, vectus æger procella frigidissima, inopinato surgente, perflatus fuisset, sequenti mane anxius valde denuo intumuit. Pulveres salinos nondum assumere volebat, reliqua remedia uti & vinum amarum leniter diureticum, atque tinctura cantharidum nullum dedere levamen. Quare metropolin rediit eodem fere in statu, in quo eam reliquerat, cum pedibus & cruribus valde tumentibus, minus tamen mane quam vespere. Hinc post frictionem ligaturam suasi fascia, expellentem dicunt, quam expertus injiciebat chirurgus. Succum cucumerum ad uncias sex capiebat æger quotidie, & vespera pulverem refrigerantem cum duplo cremoris Tartari. Largior fluebat quidem urina, sed partes supra ligaturam valde tuebant, uti & abdomen ac facies; leves sentiebantur dolores colici & oppressio pectoris, noctu inprimis molesta, quæ demum adeo crescebat, ut asthmate correptus sanguinem postea expueret æger, hinc fascia mox discindebatur nec amplius in usum trahe-

batur. Tumor crurum magnus & durus mox iterum increvit, cui removendo vix suffecissent remedia interna, hinc scarificationes utriusque pedis solito instituebantur loco. Copiosa mox aqua effluebat, &, porrectis simul salinis pulveribus vespere & mane, urina indies largior reddebatur. Elapsis 4 diebus loca quædam scarificata inflammari coeperunt, licet aqua calcis cum sale ammoniaco fota fuerint; febris quoque exoriebatur vehemens, inflammatio augebatur, claudebantur aperturæ scarificatione productæ. Fomenta discutientia pedibus applicabantur: pulveribus utebatur æger salinis & quater per diem mixtura camphorata acida.

ALIQUOT dein elapsis diebus altero in pede conspiciebatur gangræna, & loca incisa nigricabant. Hinc pro fotu sedulo adhibendo corticem ordinavi peruvianum in aqua calcis coctum cum sale ammoniaco, proque usu interno decoctum corticis ejusdem meracum; nec non ob insignem crurum tumorem, ut in parte superiori scarificatio iterum instueretur ad aquam partes inflammatas valde distendentem evacuandam, monui.

Non

Non multum aquæ hac educebatur scarificatione, & post paucos dies sponte sanabantur vulnuscula inflata.

Ab uberiori decocti corticis peruviani usu pectus sibi opprimi, alvumque æque ac urinam suppressi querebatur vir optimus; quare, ut illud modo quater per diem caperet, suasi, & vespera dimidiam circiter unciam pulveris salini antea nominati; vinum generosum ob vires collapsas concedebatur.

His omnia in melius vertebantur; gangræna disparuit, sphacelo affecta cutis solvebatur, suppuratio succedebat, aqua haud parce effluebat, febris sensim evanescebat, urina larga mittebatur ruberrima, sanguinolenta cum hypostasi nigra, grumosi instar sanguinis: vires jam redibant, ita ut e lecto surgere valeret æger. Decoctum corticis peruviani parcius jam sumsit, sed eo copiosius pulverem, præteraque quovis mane uncias iv fucci Cynaræ cum vino generoso.

Versus finem anni fere penitus erat sanatus optimus noster vir. Dietam exquisitam servans corpus assidue movebat, & pulvere, quem jam

optime sibi convenire erat convictus, per plures adhuc menses uti pergebat. Æstate anni 1779 rusticatione, aqua Pyrmontana & lenioribus mar-tialibus debite firmabatur corpus.

\*

\*

\*

**M**ATRONA sexagenaria æstate anni 1779 post confectum longum iter, sudante corpore, vento frigidiori flante, male habuit: oedemata accessere pedum, intra paucos dies ita aucta, ut jam crura & abdomen valde tumerent, & anhelosa quam maxime esset ægra. Varia ei præscripta fuerant remedia solventia, purgantia, diuretica amara, frictiones & ultimo quoque ligaturæ, quæ, me adveniente, adhuc constriktæ erant. Nullo se antea morbo laborasse dicebat ægra post ligaturam crurum autem anhelationem & oppressionem pec-toris valde incommodas esse. Urina parca rubra evacuabatur.

FELICI in priori casu descripto successu hor-tatus pulverem præscripsi e pulveris refrigerantis unciiis duabus & cremoris Tartari uncia una  
com-

compositum, unde dimidiam ad minimum unciam quotidie caperet ægra: Removebatur ligatura, cujus loco frictiones instituebantur aromaticæ.

Post tres septimanas ægram iterum videns illam extra lectum reperi ejusque statum multo meliorem: Levior modo aderat tumor, alvus liquida, vires autem debiles. Hinc dictum pulverem mane tantum & vesperi fumendum, bis autem quovis die Elixir ex amaris extractis cum liquore terræ foliatæ Tartari & spiritu salis dulci confectum, suasi. Horum remediorum usu intra mensem penitus sanabatur ægra, sanaque adhuc vivit.

ALLATÆ observationes hæc nil novi quidem docent, probant autem & quam maxime conveniunt cum aureis, quæ ad Illustr. HALLERUM circa hydropem scripsit Celeb. TISSOT, præceptis:

" *Nec purgantia, nec diuretica fortiora omnibus*

" *convenire hydropicis; cremorem vero Tartari,*

" *nitrum & plura salia sæpe in hydropis initio,*

" *nullo viscere valde infarcto, eximie virtutis.*"

Anne semper & magis conducant remedia salina in hydropes a subito læsa & suppressa transpiratione?



tione? Cuinam ignotum est, catarrhos, rheumata, inflammationes ex hac ortas causa his pulchre tolli remediis? Potum nec his nec ulli alio hydropico interdixi, clar. MILLMANNI argumentis jam magis de diluentium in hydropice necessitate convictus. Ligatura ad sustentandas cutim & cellulosa relaxatas & aquae copia distentas optime convenit; cavendum tamen ne nimia vi urgeatur aqua ad partes nobiliores. Nuper in foemina nobili, cui carpus post lapsum distentus intumuerat, fascia injecta anhelationes & syncope produxit, quae autem fascia laxata evanescebant.


SCARIFICATIONES ad aquas hydropicorum evacuandas laudarunt dudum CELSUS, MONRO, TISSOT, & complures alii eximii in arte viri.

ANNE nostro in ægro febris ab inflammatione orta ad resorptionem aquarum cutisque contractionem tantundem ac adhibita remedia contulit? Non raro vidi oedemata febri exorta disparuisse: Quinimo in infante sub variolosa febre disparuit hydrocele.

Succus

Succus Cynarum cum æquali vini quantitate magnam in hydropè, præsertim scorbutica, exserit virtutem.

Succus cucumerum recentium expressus in anasarca phthysicorum sæpe profuit, hocque remedio aliquot ante annos puerperam phthisi & anasarca laborantem sanavi, simul porrecto cortice peruviano.



## XVIII.

SYMBOLA AD HISTORIAM  
MORBILLORUM EPIDEMICE

ANNO MDCCLXXXI GRASSANTIUM,

COLLATA

AB

ANDREA BROEBERG RANÖE,

M. D. &amp; Societatis Membro Ordinario.

**M**ITISSIMA licet in genere fuerit morbillorum, qui per quatuor menses prægressos grassati sunt, indoles, non inutile tamen fore credidi, si illa quæ in hac Epidemia observaverim exponerem; cum constitutiones epidemicas sibi nunquam perfecte similes, sed mire sæpe discrepantes inveniamus, ita ut quævis fere singulare quidpiam sibi proprium & notatu memorabile exhibeat.

JAM sub fine mensis Novembris & in Decembre anni præteriti quasdam vidi febres continuas simplices, exanthematibus efflorescentiæ morbillorum simillimis stipatas, absque ullo tamen  
alio

alio ex eorundem pathognomonicis signis: apparebant & disparebant hæ maculæ sine minimo vel emolumento vel incommodo ægri, sine omni incremento & decremento morbi, & dein penitus evanescebant nulla subsequente desquamatione.

ANNE hæ febres præcursores morbillorum salutandæ? uti Diarrhoeas dysenteriam epidemice grassaturam interdum præcedere observamus.

MORBILLI vero ipsi mense Januario anni currentis sese passim ingerere coeperunt, ac indies dein latius diffusi non modo infantes sed & adultos invaserunt.

IN plerisque ægrotantium lassitudo universalis cum somnolentia perpetua præludens morbi Symptoma erat: hæc insequabantur horrores & calores alternantes in æstum dein continuum desinentes, cum siti, inappetentia, tussicula frequenti sicca, dolore capitis, oculorum splendore, ardore, impatientia lucis, lacrymatione, coryza, raucedine, tumore aliquali palpebrarum & totius faciei, dolore faucium, deglutitione plus minus molesta: respiratio nemini valde laboriosa erat: haud paucis dolebant oppressa præcordia: vomebant

bant multi: quosdam largus fatis vexabat ptyalismus: Lingua omnibus crusta alba subflaua tecta, pulsus celer duriusculus: fluebat quibusdam alvus, longe pluribus obstipata: urina vix aurantia turbida crassa: plus quoque simplici vice infantes in hoc stadio convulsionibus correptos cernebam.

ATQUE hæc erat facies morbi ad quartum diem, quo plerumque, raro ocius interdum serius, incipiebat eruptio. Apparebant primum in facie maculæ parvæ rubræ, pulicum morfibus perfimiles, exactam circularem tamen haud servantes figuram, auctæ hæ tam numero quam magnitudine in corymbos coalescebant, paululum supra cutis superficiem elevatos. Dein in pectore & artubus magis latæ conspiciebantur maculæ cutim non superantes.

PER tres dies plerumque durabat hoc stadium, ita ut septimo morbi die exanthemata pallere, & cutis in facie exasperari inciperet, & duobus sequentibus diebus desquamatio per reliquum corpus perficeretur. In quibusdam tamen maculas evanescentes & nullam subsequenter desquamationem observabam: interdum quoque

in

in squamas majores, uti in scarlatina fieri solet, interdum in squamas minores, furfurum ad instar, scella secedebat cutis.

ERUPTIONE facta sæpissime statim delinieban-  
tur Symptomata, imprimis dyspnoea, febris,  
tussis successive dein cum reliquis cessantia: in  
multis durante eruptione abundantem hæmorrha-  
giam narium levantem, & in tribus casibus vom-  
itum post eruptionem vidi, ac in puella trienni  
Hæmuriæ sexto morbi die oborientem & per to-  
tum diem durantem observavi.

PERACTA desquamatione plerumque solueba-  
tur morbus, in quibusdam tamen Diarrhoea, in  
multis urina hypostatica, in paucis sudore nota-  
bili, in unico exemplo hæmorrhagia narium nono  
morbi die orta, judicatus.

Mitis adeo morbus, nemini eorum, quos  
tractavi lethalis, non magnum requirebat medi-  
caminum apparatus.

In primo stadio temperantia, digestiva, al-  
vum leniter subducentia, interpolatis pro re nata  
laxantibus, multus potus diluens ex Infuso Spe-  
cierum Dispnoicarum & pectoralium, linctus e

Syrupis

## 210 RANÖE SYMBOLA AD HISTORIAM

Syrupis Altheæ & Diacodii, addito Kermis mineralis pauxillo, Sinapismi sub pedibus, lumen cubiculi obscuratum, atmosphæra temperata, calor lecti, & Diæta tenuis optatos præstabant effectus, frangebant vim febris, leniebant tussim, fugabant cephalalgiam, oculorum minuebant ardorem, lætamque promovebant exanthematum eruptionem.

IN uno tantum casu tanta adfuit oppressio pectoris, ut Venæsectionis, plus simplice tamen vice haud instituendæ, fuerit opus. Nec missione sanguinis anginam, utpote mucosam potius quam inflammatoriam, debellandam, sed dia-  
pnoicis, epispasticis & laxantibus discutiendam esse credidi, ac opinioni respondebat eventus, satis enim brevi sub allata methodo medendi diminuta angina, eruptione facta penitus disperebat.

FUERE quibus exanthemata die quarto non erumpebant, & his ac illis quibus non bene succedat inchoata eruptio, cum successu Emulsionem camphoratum propinavi.

HÆMORR-

HÆMORRHAGIAM narium sub eruptione, licet interdum valde largam, in nemine tamen enormem nec tantam, ut cohibenda esset, inveni.

ISCHURIAM supra memoratam laxans fugabat mannatum.

EADEM Diætâ, regimen idem in eruptionis ac in antecedenti observabatur studio.

FINITA desquamatione laxans iteratis vicibus porrectum pristinam plerisque convalescentium reddebat sanitatem. Etenim levis, quæ in quibusdam supererat, tussis linctui & infuso pectorali brevi satis cedebat. Ophthalmiam in duobus remanentem aqua frigida oculis adplicita, haud neglectis laxantibus dispulit. Pustulas prurientes in uno casu morbo finito per totum corpus passim prorumpentes Serum lactis & purgantia debellarunt: ac pertinacem in altero raucedinem oleosum tandem fugabat Eclegma.


FUERE vero qui vel errores committebant diæteticos, vel aëri frigidus sese nimis cito, iustoque magis exponebant, ac hi gravem satis temeritatis luebant poenam. Tres enim invasit Diarrhœa valde torminosa, largissima, cruenta,

Q 2. rhabar-



rhabarbarinis & dein mucilaginosi sedata. Unum adoriebatur pleuritis, venæsectione terna, vesicatorio cæterisque huic morbo congruis remediis fugata. Et alter atrocissimo Epigastrii dolore cum vomitu omnium, etiam mitissimæ indolis, ingestorum, reliquisque gastritidis Symptomatibus correptus difficulter satis vivus evasit.

SUB exitu mensis Aprilis decrescere coepit & ad finem vergente Majo, fere penitus cessavit hæc Epidemia, in qua hoc singulare adhuc vidi, ut interdum post longum, a probabiliter suscepto contagio, tempus, tandem certa appa-  
 rerent infectionis signa: ita plus simplici vice ubi plures in una familia morbillis decubuerunt, quos primos invaserat morbus, jam per aliquot hebdomades convaluisset observavi, antequam reliquos, primo decumbentibus licet semper præ-  
 sentes, adgrediebatur.



## XIX.

RARA PODAGRÆ META-  
MORPHOSIS.

Auctore SAL. THEOPH. DE MEZA,

M. D. Reg. Soc. Membr. Ord.

**M**ense Novembri anni 1780 vocor ad hominem quadraginta annos præter propter natum, faciei ad Latus dextrum parefi cum Linguae titubatione laborantem, in causas inquirenti, se aliquando Podagra affectum fuisse respondit; Jam vero magno suo bono, accepto remedio nescio quod, a medico in arte Veterano, per biennium ab ea immunem prorsus mansisse. Alvus erat segnis, appetitus somnusque bonus. Quo audito pilulas concinno gummosas in usu quotidiano, quibus alvus libera servabatur. Pro potu ordinario commendo Decoctum Lignorum dilutius, poculumque Vini Rhenani in prandio. Fricari jubeo pannis lanceis asperis pedes collum ac nucham ad

latus dextrum linimento volatili bis terque de die, interdum epispastica e fermento panis cum sinapi anglicano contulo; noctu plantis pedum adhibebantur, subinde sentiebat leves dolores in digito crassiori pedis, rebus autem in uno eodemque statu manentibus per mensem, vesicantia infra furas applicantur, quibus aliquandiu suppurantibus, levamen magnum percipiebat æger & loquela emendabatur egregie, sensim sensimque faciei paralysis in melius tendebat. Circa finem februarii dolor quidem punctorius acutissimus sentitur in eodem digito majori, gratulabatur sibi de podagræ adventu, de curationeque absoluta sperabat, fidem omnem meis verbis adhibens, cum sæpius a me audivisset mense Februario præ cæteris paroxysmos podagricos ut plurimum recrudescere. Pro lenienda autem doloris sævitia, cataplasma molle ex mica panis in lacte cocta applicari jubeo; atqui brevi scilicet, post duos dies niger apparet digitus major, seponitur autem cataplasma & pro tempore liquor vegeto mineralis *Goulakdi* cum spiritu vini Camphorato applicatur.

INTERNE

INTERNE datur corticis pulvis ad drachmam dimidiam omni hora, manus auxiliatrices peto a dexterrimo *Winflowio* jam *Nosodochii Fridericiani* Chirurgo primario. Fovet autem partes decocto saturatissimo corticis peruviani, admixto spiritu vini camphorato. Hisce non obstantibus serpit dirum malum indies & totam plantam pedis brevi occupat Necrosis seu gangræna ficca; in usu corticis interno ultra tres hebdomadas haud perficit æger, mortem certam expectans, viribus vitæ indies collabescentibus. Dieta tamen analeptica utitur & vires erigere Bacchi poculo amat. Appetitus semper vigeat, immo ad voracitatem aliquando accedebat, excretiones omnes rite procedebant. Alvina autem excretionem per oscitantiam potius quam per insensibilitatem lecti stragula conspurcabat.


EXTERNÆ applicatio regulariter fit quotidie. Stat ergo gangræna, nec ultra procedit usque ad medium Martii, quando levissima suppurationis indicia apparere incipiunt, quæque optima insequitur profunda ad ossa usque.

DIE 20 Aprilis anni ultime elapfi, nuda nec cariola conspiciuntur, malleolus externus osque Calcaneum ulcere pus bonum fundente copiosum, priores omnium pedis digitorum phalanges duæ sponte ceciderunt ad diem quintum Maji. Sub initium Junii dimidia pars calcanei exfoliata, separata.

CURAM tunc temporis perficiente dexterrimo *Kölpin* Juniori, dum *Wmslowius* ægrotabat. Omnesque denique digitorum phalanges cecidere; ulcus demum consolidatum & æger digitis mutilus satis bene vivit in statu fere stupido, nihilque fere curans quam de ventre & somno.

RARAM quidem esse observationem nemo, credo, inficias ibit, non equidem ratione metaplasticos materiæ arthriticæ paresim inducentis, hoc enim annotatum jam ab *Hoffmanno*, *Riverio*, *Boerhavio*, *van Swieten* & aliis, sed ratione gangrænæ inde ortæ, diuque subsistentis, demumque sponte separatæ ægro superstiti. Coercuit equidem *Boerhavius* gangrænâ per sex menses in pollice pedis, sed ut ipse affirmat, dum per suppurationem alii medentes id quod erat mortuum a vivo separare sperant

sperant triduo spatio ad femur usque promovetur  
malum, quod mors excipit. Quam apprime au-  
tem quadrare hic verba *Hippocratis* in prognosti-  
cis puto. " Pedes autem digitique penitus nigri  
" minus perniciosi sunt lividis. Sed & alia signa  
" considerare oportet, nam si æger malum leviter  
" ferre videatur, atque aliquod signum salubre  
" præterea se ostendet, morbum in abscessum ver-  
" sum iri spes est. " Sic ut homo quidem super-  
stes evadat, partes vero corporis denigratæ de-  
cidant.



## XX.

OBSERVATIONES VARI  
ARGUMENTI.

Auctore RUDOLPHO BUCHHAVE,  
M. D. Soc. Membr. Ord.

OBSERVATIO IMA  
DE  
CULTRO IN CADAVERIS ABDOMINE  
REPERTO.

**V**IDUA anæsa, diu valetudinaria, & jam decumbens, mihi auxilium laturo referebat: se ab ineunte juventute hysteria laborasse, atque ante præterlapsos sex menses mente alienatam fuisse, quo tempore insciis sanguine cognatis, tunc præsentibus, cultellum acuminatum, calamis scriptoriis formandis aptum, se furtim arripuisse, quo vitæ pericula ventrem perfoderat; hoc peracto,  
de

de cultello frustra inquisivisse amicos, seque jam incertam teneri, an totus in abdomen insertus esset, nec ne: Ab eo tempore, quamvis a chirurgo sanatum erat vulnus, mala plurima, hysteriam, obstipationem alvi, anorexiam, polydipsiam, dyspnoeam, meteorismum præcipue epigastrii, sensim se associasse, atque pededentim aucta fuisse. Epigastrium & hypochondrium dextrum, admodum elevatum in tumorem elasticum, magnum, quam maxime ei doluit; cicatrix a vulnere relicta sub ventriculi sedem apparuit optime concreta. Arteriarum ictus erant celeres & debiles; facies cachymiam prodidit. Præter medicamina interna & externa symptomatibus convenientia etiam clysmata sunt injecta, quæ, quamvis reiterata, nil fæcum aut flatuum eduxere. Diu tandem sub dolorum tortura paucis post diebus, viribus consumatis, accedente sudore frigido viscidoque, animam efflavit.

Ab amicis copia abdomen aperiendi mihi data fuit, qua operatione sequentia observata sunt phænomena.

Dicta



Dicta intumescencia sub costis dextris eva-  
 nuerat, sed abdomen totum tumidum, expansum,  
 tactuque durum erat. Incisione abdominis facta,  
 e cavitate ejus maxima aëris putidi copia vi so-  
 nora erupit. Intestina admodum inflata, variis  
 in locis inflammata erant, atque in purulenta na-  
 tabant materia. Cicatricem supra denominatam  
 inquirens vidi, non proxima modo tenuia inte-  
 stina ibi loci cum peritonæo, abdominales muscu-  
 los investiente, callo & cellulosa mediante, valde  
 esse connata, sed etiam coli transversi partem fini-  
 stram eidem firmiter adhærere: Hanc cum sepa-  
 rassem connectionem, in coli adhæisionis loco fo-  
 ramen, quod digitum admitteret, observare liquit  
 cujus margines nigri erant, sphaceloque affecti.  
 Ad dextra hujus foraminis flatu & fœcibus duris  
 admodum turgebat colon transversum & dextrum;  
 ad sinistra vero ejusdem mirum in modum con-  
 tracta & coarctata erat pars transversi & colon to-  
 tum sinistrum, ita ut nulla fœcibus flatibusque  
 transmittendis aderat infra foramen apertura; vo-  
 lumen hujus coli externum vix volumini intesti-  
 norum tenuium, in statu naturali constitutorum  
 æquabat.

æquabat. Infra hujus intestini foramen sphacelatum, modo dictum, tuber admodum durum in transverso mesocolo palpavi, quo ubique perlustrato, aperturam ad parietem mesocoli inferiorem, in ipso tubere formatam, abscissumque referentem parvum & crassum intestinum, inveni; immisso in hanc digito, canalem quendam callosum ad sinistrum mesenterii parietem in pelvim continuari percepi, quo ad longitudinem cultri ope aperto, digito quærenti, corpus acutum & pungens occurrit, quoque apprehenso, cultellum supra nominatum, quinque pollices longum, nigroque colore tinctum, mirabundus extraxi. Manubrium hujus, ex aurichalco confectum, polituram postea admisit, non itidem vero ferrum, hoc enim valde corrosus erat, multoque ferrugine obductum.

HÆC sunt visa & reperta. Jam si cogitationi phœnomenon hoc subjicere liceat, credendum est, vulnus in coli transversæ parte sinisterrima inventum, ab ipsa ægra recto rationis usu destituta, cultrum sursum dirigendo, ut ipsa mihi narraverat, insistum fuisse, cultellique proinde apicem

apicem in coli transversæ cavitatem insertam, atque manubrium, ultimo immissum, pondere suo, inferiorem occupasse locum, viamque colon transversum inter & tenuia intestina invenisse; cultrum vero mesenterio deinde applicatum apice sua, cavitate coli elapsa, mesocolo, perpetua diaphragmatis agitatione moto, vulnus inflixisse, quod inflammatione excitata durum & callosum sine dubio excitaverat tuber, ibi natum. Manubrio tandem ad latus mesenterii moras neſtenti, & æruginis corrosivi ulcera excitanti, vestimentum callosum providam dedisse naturam ad avertenda majora; intestinorum motu peristaltico certissime orienda, mala, ulteriusque versus pelvim sensim gliscenti vaginam, eousque continuatam, formasse.

HINC vitam ægrotæ, tanto malo afflictæ, conservare nemini datum fuit mortalium; intestino enim colo in vulneris sede contracto nulla patuit via aëri & fæcibus excernendis, unde factum est, ut & colon transversum & dextrum, his valde distentum, externum, quem ante mortem in ægræ epigastrio observavi, tumorem exitaverit, dolorique immensi ansam dederit; præterea  
inter

inter cellularem texturam exitum sibi parans aër elasticus, qua dicta intestina ob vulnus peritonæbæ secreta erant, cavitatem abdominalem intravit, abdomen ipsum tumefecit, & sese cadaver aperi-  
enti prodidit. Pus in abdomine contentum tam ab hæmorrhagia interna, cultri læsione oborta, quem ab æruginis corrosione, inflammatione & suppuratione, natum esse concludere fas est.

## OBSERV. II<sup>DA</sup>

DE

### RHEUMATISMO SYMPATHICO.

**F**ÆMINA sana, quæ gulæ sæpius indulgit, post somnum quietum evigilans immanem in musculis, levatore scapulæ & supraspinato perensit dolorem, qui ita cruciavit miseram, ut calor corporis & transpiratio inde augebatur. Locus affectus linteis calidis fricabatur & fovebatur, unde dolor paulisper cessare videbatur; murmuribus ventris interea obortis, dum dolor iterum increvit, & flatibus quibusdam deinde ano emissis, paulum rursus remisit malum; mox vero intensus dolor  
nova

nova auxilia postulabat. Ventri tunc applicata sunt lintea calida spiritu lavendulæ conspersa, & tergum fricatum est; sed rheumatismus sæviebat. Ennemate tandem injecto, & ventre scybalis flatibusque liberato, celeriter eodemque momento evanuit tormentum.

Cum ad morbos ex nervorum consensu natos referri mereatur hic casus, & rheumatismo quam maxime æmuletur, novam hanc morbi speciem, identidem occurrentem, reliquis generis rheumatici speciebus interferendam, indicare, nomenque *rheumatismi sympathici* ei indere, haud dubitavi.

OBSERV. III<sup>TA</sup>

DE

## EPILEPSIA PERIODICA.

**A**DOLESCENS 14 annorum, litteris operam navans, viso sodali epilepsia laborante, ipse terrore percussus paroxysmo epileptico corripiebatur. Pari modo hujus mali participes etiam facti sunt duo alii condiscipuli, quorum morbi progressus & fata nescio. Noster vero æger octiduum omni diei

diei hora paroxysmus sustinuit, quo tempore curam ejus gessit Pharmacopola loci. Domum reverso eo Chirurgus consulebatur, qui ignota causa vermes subesse credidit. Paroxysmus tunc temporis circa horam matutinam octavam incepit, & qualibet diei hora renovatus circa octavam vespertinam desit, adeoque 13es quotidie rediit. Nox tota fuit quieta, & membris lassatis vigorem ad novos paroxysmos excipiendos præbuit. Anthelmintica tunc copiose ingesta nullum necavere vermem, & purgantia sæpe reiterata nullum eduxere, imo ne ventrem movere quidem potuerunt; venæsectiones bis celebratæ, & Laudanum liquidum omni 6 hora sumptum post octiduum eo rem perduxerunt, ut insultus omni tantum secunda hora quotidie supervenerint, & brevius duraverint. Præterlapsis inde tribus diebus hora 11 matutina incepit paroxysmus & 11 vespertina evanuit. Insequentibus sex diebus contra morbum militabat emeticis, ventriculum probe everrentibus, venæsectione, anthelminticis, Laudano liqv., extracti Hyoscyami tribus quotidie granis, laxantibus pharmacis duobus & enematis, ultimis quidem

P

duobus

## 226 BUCHHAVE OBSERVATIONES

duobus sine minima alvi evacuatione. Post id tempus ingressus morbi fuit iterum omni hora diei ab octava ad octavam. Jam sub omnibus paroxysmis canis latratum æmulatur æger. Diebus subsequētibz 12 armis modō dictis continuo dimicabatur, quibus addita sunt mixtura Corticis peruvianæ, spiritus vitrioli acidus, & extracti Hyoschyami grana 6 indies deglutita. Attamen insultus nunc ges, nunc ges, nunc roes ingruit, & omni deinde bihorio iterum excruciat. Tribus subsequētibz diebus mixturam continuavit Corticis omni bihorio, acidum vitrioli in potu, & extracti Hyoschyami grana 9 quotidie. Post id tempus sub paroxysmis mugit ut bos, & cantat ut gallus gallinaceus. Usus Hyoschyami abolutus est. Consultus ægritudinem ita observavi: Paulo antequam ingruit paroxysmus dolor formicans in tibia sinistra percipitur, qui per femur in abdomen ascendens in hypochondrio sinistro terminatur; mox abolutis sensibus cadit æger; epigastrium & hypochondria dura fiunt; abdomen valde agitur; caput a musculis retractōribz tergum versus flectitur, digitis in manum flexis; corpus erigit vicibus

vicibus iteratis, iterumque detrudit; ad latera vi movet brachia, quasi cum quodam luctandum esset; latrat ut canis; oculi continuo clausi. Immobilis tunc jacet aliquot minuta, torfis interea nunc capite, nunc oculis apertis, jam in unum, jam in alterum latus; mugitum bovis, cantum gallinacum, vocemque diversorum animalium immitatur, digitis fortiter extensis, femore & tibia dextra tremore agitatis. Hoc finito insultu alius iterum supervenit, priori similis; sicque ad 7 vices, præcipue initio morbi, alius minor paroxysmus alium excipit, dicto tantum interposito intervallo aliquot minutorum. Finito paroxysmo magno, qui ad horæ circiter spatium extenditur, quietus, ut fieri assolet, jacet æger, & ad sensus redit; post horam deinde recurrit alter. Talem toto illo, quo epilepsia afflictus fuit, tempore, tenorem & typum tenuit morbus.

Ut vero exactum, quo se invicem quotidie exceperunt paroxysmi hujus morbi periodici, ordinem videamus, tempora ingressus, quæ ultimis ante adventum meum servarunt diebus, hic apponere non pigebit.

P 2

REDITUS



## REDITUS

Ante meridiem,                      post meridiem.

Die Ima hora 8, 10, 11½, - hora 1, 3, 5, 7.  
 — 2da — 8, 9½, 11, - — 1½, 3½, 5½, 8.  
 — 3tia — 8, 9½, 11½, - — 1½, 3½, 6, 8.  
 — 4ta — 7¾, 9½, 11½, - — 1½, 3¾, 6, 8.  
 — 5ta — 8, 9½, 11½, - — 1½, 4½, 6½, 9.  
 — 6ta — 8, 9½, 11½, - — 1½, 4, 6, 8.  
 — 7ma — 7½, 9¾, 12, - — 2, 4, 6½, 8½.

QUALIBET noctium hos paroxysmos insequentium pulveris corticis peruviani drachma 6 consumpsit æger, & subsequenter tribus diebus insultus habuit pauciores, nempe

Die Ima hora 8, — — - hora 1, 4, — —  
 — 2da — 8½ — 12 - — — — 8.  
 — 3tia — 8 — — - — — — 8.

— 4ta nullus paroxysmus; usu tamen Corticis 14 dierum tempore perrexit, tum ad avertendam recidivam, tum ad cachexiam corrigendam, & vires revocandas. Studiis inceptis postea incumbens atroci hujus semper expers fuit morbi, & inter cives academicos locum jamdudum obtinuit.

DE

DE curatione morbi instituta nihil loquor. Morbum autem hunc a terrore summo natales traxisse, & diende statim typum regularem periodicum induxisse quisque videt. — Quamvis Experientissimus *F. C. Medicus*, qui summa opera morborum periodicorum facta collegit, ediditque, & inter ea etiam de hujus morbi specie mentionem facit (a); attamen hanc inter 13 species generis epileptici *III. Sauvagesii* non invenio, ubi tamen, me iudice, locum sibi vindicare debet non sæpe obvia, ideoque eam hic depictam dedi.

ANTE biennium virginem, annum 20um agentem, epilepsia periodica, quaque 3tia vel 4ta hora redeunte, laborasse vidi, nocte semper tranquilla. Nulla causa morbi cognita. Præmissis vero laxantibus & digestivis Corticem porrexerim peruvianum, eamque, alias sanam, a malo feliciter liberavi.

P 3

OBSERV.

(a) *Geschichte Periodischer Krankheiten*, pag. 10.

## OBSERV. IVTA

DE

## MELÆNA SCORBUTICA.

Uxor viri militaris, annorum aliquot supra 30, ætate præcedente de aſthenia totius corporis, præcipue genuum laſſitudine, & de inordinato & parco fluxu menſtruo conqueſta tunc pallida, cacochymica, 13tia Septembris anorexia & cardi-algia laboranti verſus vesp̄eram frigus ſupervenit, ſubſequentē calore ſiti &c. 15ta pulveres quosdam, forſitan temperantes ſumpſit, & 16ta laxans a Chirurgo datum, quod pulvis Coloeynthidis & ſalis Sedlitzensis ingreſſus eſt; hoc vero ſtatim evomuit una cum materia ad viſum purulenta, nigra, & ſtriis ſanguineis mixta; alvus aliquoties evacuata piceas emiſit fæces, putridæ & male olentes; vomitu deinde his ſimilia eiecit, & ex faucibus putridus evolabat halitus. 18va pulvere rad. Rhei capto ſimiliter ano & cato putrida reiecit. 19na vocatus præter modo dicta etiam ulceribus gingivarum, genarum internarum & ſublingualibus eam laborare perſenſi; lumbaginem præterea, ſitim & ingentem calorem accuſabat; pulſum habuit

buit plenum, . linguam albicantem, genitalia ob fluoris albi acrimoniam sauciata, tumida, anum ab excrementis acribus excoriatum, dolentem.

Præscripsi decoctum ex Manna Calabr. & Cremore tart. vicibus repetitis capiendum; Spiritum salis comm. acidum in potulentis; Gargarisma acidulatum. 20ma multas habuit dejectiones alvi piceas, & semel evomuit materiam nigram, Lumbago. 21ma noctu semel vomitu rejecit nigra, & alvus sexies mota. Versus meridiem menstruata est. Tumida admodum est facies & lingua, Ulcera oris muco tenaci albo obducta sunt, ac purgata muco novo statim impura redduntur, Pulsus plenus moderatus. Magnesium alb. cum cremore tart. mixtam omni trihorio adhibet, spiritum salis in potu. 22da menstrua fluere cessarunt. Nullus vomitus; sed quinquies mota est alvus; excrementa nigra; facies æque tumida; clyσμα per horam retentum rediit fusco colore tinctum. Præter spiritum salis, decoctum Corticis peruv. cum rad. Serpent. Virgin. omni bihorio adhibet. 23tia nox insomnis; facies admodum tumida, dysphagia; alvus octies liberata est fæ-

## 232 BUCHHAVE OBSERVATIONES

cibus piceis; pulsus plenus, celerior ac antea. Versus vesperam abdomine dolet. Præter nominata præscripsi mixturam camphoratam, unde alternis horis cum decocto corticis capiat. 24ta nox inquieta cum paraphrosyne levi; abdomen adhuc dolore afficitur; motum bis picea rejecit; lumbago ante alvi evacuationem; fitis clamans, dentes vaxillant. 25ta quietior & quasi somnolenta jacet. Alvi solutio nycthemeri tempore sexies facta est; excrementa jam fusca vel brunnea cum nigro striata; os & lingua valde exulcerata; lingua posterius adhuc albida; halitus acris, foetidus, nares ferit; pulsus moderatus, plenus. Eadem medicina. 26ta Agrypnia. Dejectio alvi fusco colore aliquoties fuit, & semel nigro. Status morbi haud mutatus; pulsus tamen minor. 27ma jam quietiori somnus aliqualis adfuit. Continuabit eadem medicamina.

Dum interea me officium aliorum vocavit, urgente necessitate, pharmacopolam consuluit vir, & ægra 5ta Octobris e vita decessit.

Hanc morbi, ut credo, rari historiam ideo litteris mandavi, quia non in omnibus convenit cum

cum Melæna scorbutica *Sauvagesii*, quamvis una eademque esse debet species & *Sauvagesii* & mea. Collatis vero descriptionibus pluribus ejusdem speciei, & perfectiorem fieri characterem, & scientiam medicam crescere necesse est.

# OBSERV. V.

DE

## SCORBUTO LIVIDO.

**F**ÆMINA robusta, pinguis, pallida, hac æstate valetudinaria, ante 14 dies diarrhæa, vomitu, & mycterrhagia laboravit, deinde ex ore & gingivis sanguis sæpissime effluxit, & cum mucō tenaci e faucibus, mediante tussi, educto expuit ægra sanguinem, ramulos asperæ arteriæ intrantem. Vomitu & diarrhæa cessante, sub malo regimine symptomata hæc ultima continuo inquietabant. Inter alia pharmaca Linctum ex mellis rosarum drach. vi & Unguenti Ægypt. dr. ii. M. ut & Essentiam quandam pectoralem porrexerat Pharmacopola loci. — In consilium vocatus sum 11mo Augusti: Tunc ex stomacace, hæmophthysi, myc-

P 5

terrhangia,

## 234 BUCHHAVE OBSERVATIONES

terrhagia, continuo fluentibus; ex maculis violaceis, lividis totius corporis, ægram scorbuto laborare facilis fuit dijudicatio; linguæ subjacentes partes tumidæ visæ sunt & cruentæ; in cantho oculi sinistri externo, ubi hæc æstate sæpius phlyctenæ parvulæ eruperant, macula livida; in lingua nigricantes phlyctenæ aderant; labii inferioris paries internus inflatus, atro-ruber, fuit, punctis maculisque nigrescentibus interspersis. Febris prodromi, frigus & horror, heri & hodie sese dictis symptomatibus associarunt. Alvus quotidie sponte sua solvitur. Dato Infuso laxativo, 12ma præscripti antisepticum & roborantem corticem Peruvianum, & spiritum salis commun. acidum, ut & gargarisma, linctumque acidulum. Transpiratio bona, alvus hodie aliquoties sponte aperta est. Oculi sinistri macula livida dimidiam & externam palpebrarum partem occupavit; dimidia & externa pars tunice albugineæ inflammata est, & dextra pars labii inferioris externa valde tumida; interna nigra gangrenosa. Frigus & horror ingens tempore antemeridiano obortus est, subsequente calore & pulsu pleniori. 13tia Palpebræ oculi

oculi sinistri nigredine obductæ sunt, superior immobilis pendet, tegitque bulbum; tota albuginea rubra ophthalmia chemosi laborat; vascula lymphatica, capillaria, corneæ optime conspiciuntur; labium inferius totum tumidum, depeadens, gangræna interne repente in viciniam. Ablata labii crusta nigra gangrænosa sanguis propululat, & locus fauciatuſ alia crusta brevi obducitur. Grumus sanguinis circa gingivas tumidas & sub lingua colligitur. Alvus sponte evacuata. Pulverem corticis cum renuat, magnam decocti ejusdem cum radice serpentariæ Virgin. junctâ copiam ingerere jussi; præterea electuarium præscripsi ex conserva Cochlear. Rob. Sambuc. & rad. Rhei mixtis. 14ta & 15ta jam genas valde tumidas interne occupat gangræna, serpitque malum in fauces. 16ta totum os internum, lingua, velum palatinum, fauces, nigredine sunt tecta, visuque horrenda; crusta nigra ablata locus denudatus nullum cruorem fundit; muci tenacis maxima copia fauces obturans difficulter excreatur. Omnibus tandem excretionibus retentis nocte inter 18vam & 19nam expiravit misera.

Hæc



## 236 BUCHHAVE OBSERVATIONES

HÆC scorbuti species quædam continet symptomata ab *III. Sauvages* non allata, quapropter eandem hic talibus delineavi symptomatibus, qualibus se mihi obviam dedit, ut specificus inde character eo facilius deducatur.

### OBSERV. VI.

DE

#### RUBEOLA ANOMALA.

**V**IRGO 20mum agens annum symptomata febrilia 20ma Septembris sustinuit, quæ 21ma & 22da initia ægram lectui non continuo affigebant. 23tia meum expetiit consilium de anorexia, polydipsia, nausea, vomitu & calori ingenti conquesta. Lingua albida; alvus morigera; pulsus naturali haud multum frequentior. Emetico dato pulverem præscripsi laxantem, qui optime eam purgabat. 24ta Nox infomnis, calor major & pulsus frequentior. Temperante utitur pulvere. Post meridiem sensus frigoris cum calore alternantis. 25ta nocte multas alvinas habuit evacuationes, & anæthesiam accusat. Ob nauseam vespere emeticum

cum porrigebatur. 26ta alvus sæpius soluta. Agrypnia, tussis vehemens, & oculorum dolor; urina citrina cum sedimento paucō mucoso; transpiratio nulla. Adhibet nunc electuarius ex radice serpent. Virgin. Camphora & Rob. sambuc. unde versus vesperam bene transpirat. 27ma hac nocte rubcola in conspectum prodiit. Cephalalgia continuat cum tussi & siti; pulsus tamen haud ita frequens. Usus electuarii pergit. 28va plures eruptæ sunt rubcolæ; symptomata leviora; transpiratio bona. 29na hac nocte 7 horas dormivit; animus hilaris; arteriarum ictus propemodum naturalis; bene transpirat. 31ma sana cubitu surgit.

Hæc rubcolæ species igitur octava erupta est die, quod, quantum mihi constat, a nemine antea visum est.

IUVENIS undeviginti annos natus morbo rubcolari cum omnibus suis symptomatibus rite laboravit, superata vero ægritudine & cura hujus peracta, post octiduum de novo vehementius ægrotans novam rubcolarum cohortem adeptus est, qua regimine debito profligata, iterum sanus lectum reliquit.

## XXI.

## SELECTA DIARII NOSOCOMII

FRIDERICIANI PRO ANNO 1781.

Auctore FRIDER. LUDOV. BANG,

M. D. &amp; Prof. Design. Soc. Membr. Ord. Medicus,

## JANUARIUS.

**F**EBRES, ut ita dicam, pectorales maximum morborum numerum constituerunt, diversum inflammationis gradum secum ducentes, quædam nimirum simplicem & modicam pectoris oppressionem, aliæ majorem dyspnoeam cum vel sine dolore punctorio, plurimæ diarrhoea modica nec critica nec noxia stipatæ erant, in omnibus fere sputum tamen variæ indolis vel sanguine mixtum vel mere mucosum quandoque viride vel puriforme crisin constituebat; initio morbi venæsectio gradui morbi accommodata & emulsio camphorata profuerunt; sexto vel septimo die ad promovendam expectorationem alternis horis cum emulsione  
dedi

dedi kermis mineralis granum cum scrupulo gummi arabici, dum diarrhoea adfuit, hac absente prætuli decoctum fenegæ cum pauxillo nitri & oxymellis scillitici, quod aptissimum inveni & quandoque diu post devictam inflammationem continuare debui tam ad sputi critici evacuationem perficiendam quam ad dolores pectoris sæpe post febrem superstites dissipandos.

FEBRES biliosæ non raræ cito per emesin & catharsin sanabiles, paucæ earundem putridæ gradum attigerunt. Huc pertinet complicatio iudicii sat difficilis in juvene 20 annorum, qui quinque diebus laboraverat cephalalgia, vertigine, sapore malo, debilitate, lingua sordida, nec non dolore fixo punctorio hypochondrii dextri, atque abdominis totius tanta sensibilitate, ut minimus tactus molestus fuerit, alvus nilominus naturalis erat, ob gradum doloris majorem ab inflammatione quam a putrescentia noxam timui, ideoque anti-phlogisticam elegi methodum fausteque octies per quatuordecim dies instituta venæsectione ægrotum restitui. In universum me docuit experientia: **Compræsentibus signis inflammationis & putrescentiæ**

scientiæ abdominalis securriorem esse curam antiphlogisticam quam antiputridam.

Ab ulceribus crurum inveteratis consolidatis oriebatur in juvene 27 annorum febris acuta cum dolore vago pectoris & capitis, tussi raucedine siti, frequenti & larga hæmorrhagia narium; huic successit febris quotidiana nullo cortice sanabilis cum adjuncta efflorescentia scabiosa vaga mox apparente mox disparente; Hisce demum finem imposuit febris morbillosa letalis, repetita vesicatoria crurum haud valebant ulcera antehabita revocare aut vices eorundem in educenda materia noxia resorpta supplere.

Vix pejoris notæ est ulla potentia morbifica quam quæ ex allato fonte redundat; sanguinis enim massæ permixta omnes corporis partes infestare, omnis generis morbos procreare, difficillime vero e consortio humorum extricari atque ad primitivam sedem reduci valet.

INTERMITTENTI feбри anni spatio sæpe reversæ varioque ad ultimum quartanæ typo induta juncta erat singularis intumescencia cordiæ & hypochondrii dextri tempore apyrexie tantum præsens,

fens, & invadente paroxysmo disparens, nec non tumor constans crurum; multum radiceis gei incassum adhibitum fuit. Exhibito paucis diebus solvente remedio e tinctura rhei aquosa & solutione tartari tartarificati, porrexi pulverem plurimis quartanis utilem compositum e corticis peruviani uncia, salis ammoniaci drachmis duabus, rhei drachma omni hora extra paroxysmos. Huic autem sine optato effectu duodecim diebus propinato, substitui merum corticem, qui mox febrem sustulit, tumoremque supra allatum sensim fugavit.

ARTHRITIS catamenialis s. dolor artuum in puella sub menstruatione instante alternans cum cardialgia, vertigine, susurru aurium, ad venæsectionem & alia remedia immutabilis per spontaneam & largam hæmorrhagiam narium tollebatur.

DIARRHOEAM chronicam plurium mensium tabem minantem multis frustra tentatis sanabat sequens decoctum R. corticis cascarillæ, simarubæ Ana drachmas duas, coque cum aquæ simplicis unciis duodecim ad remanentiam unciarum octo, colaturæ adde mucilaginis gummi arabici uncias

Q

duas,

duas, olei olivarum albi unciam, cujus decocti uncia dimidia bihorio per tres hebdomades continuas porrigebatur.

EXPANSIONEM dolorosam abdominis sex hebdomadam post puerperium superstitem tollebat mixtura Camphorata acida intus sumta & oleum volatile abdomini inunctum.

CONVULSIVIS motibus extremitatum tam inferiorum quam superiorum triduo laborabat juvenis, quas e vulnere genu dextri ante undecim dies inflicto oriri suspicabar; aderant simul amarities oris, lingua fordida, frigoris sensus spinæ dorſi; præmisſo emetico dedi emulsionem camphorata cum laudani liquidi Sydenhami guttis quinque bihorio nec non cataplasma emolliens genu vulnerato applicandum; sic convulsiones intra quatuor dies prorsus cessabant.

MANIA furiosa occasione infortunati amoris invasit virginem 38 annorum succiplenam fortem, cholericam, quæque ab infantia ob indulgentiam nimiam parentum pertinacem & superbum sibi contraxerat animum; corporis nimium robur debilitando per omnes generis evacuationes repetitas,  
largas

largas & diætā tenuem, mentemque deprimendo per minas, vincula, vesicatoria, balneum frigidum trimestri spatio personam nostram adeo pacavi, ut non modo resipuerit, sed mores longemitiores quam ante hunc morbum nacta fuerit.

Dux aliæ maniacæ militum uxores fortuite simul in uno cubiculo decubuerunt, altera nugis & cantui continuo haud ingrato, altera obstinato silentio dedita. Evacuationes imprimis sanguisugium temporale morbi vehementiam in utraque ægrota fregerunt, mutua vero dein conversatio, qua altera alteri fatuitatem opprobavit, non parum ad mentem earundem restituendam conferre videbatur.

#### SECTIONES.

FLUXUS alvi nullo modo sedandus dimidio anno consumpsit & necavit virum 56 annos natum, in cujus aperto abdomine invenimus multum extravasatum serum, intestina omnia imprimis tenuia enormiter coarctata, pancreas magnum induratum, hepar multis tuberculis steatomatosis variaz magnitudinis repletum, ventriculum in media parte callosum constrictum & quasi bifidum.

Q 2

ASTMATE.



ASTMATE periodico, quod quiescente corpore siluit, somnum situmque horizontalem in quavis plaga corporis permisit, sub situ autem erecto, motu, & præsertim post cibos ingestos recurrere soluit cum sensu contractionis omnium artuum, quodque vario tempore interdum aliquot horis duravit, novem mensibus miles 38 annorum ad aspectum sanissimus afflictus fuit, indeque subito suffocatus. Dissectum cadaveris abdomen nil præternaturale habuit præter hepar, quod enormis erat magnitudinis, induratum & fursum in cavitate pectoris compulsum, ibidemque conditum. Pulmo dexter erat admodum exiguus versus claviculam compressus & cum pleura coalitus; cor sanguine plenum & valde dilatatum erat. Probabile est, diaphragma immodico hepatis pondere adeo depressum fuisse, ut quandoque perdiderit vim sese contrahendi motumque ad respirationem necessarium efficiendi.

### FEBRUARIUS.

**M**ORBILLI multas in civitate totasque familias pervagantes non parvum ægrotorum numerum nosocomio tradiderunt.

JUNIORA

JUNIORA subiecta potissimum & nemo ultra quadraginta annos natus hoc morbo ægrotarunt. Invasionis symptomata constantia erant pectoris oppressorius dolor, tussis, cephalalgia, affectio dolorosa oculorum diversi gradus, quandoque adeo levis, ut non nisi sub influxu clarioris luminis innotuerit, sæpius gravior cum rubedine & fluxu feri acris, frequentia non inseparabilia erant sternutatio crebra, coryza, raucedo, epistaxis, vomitus, diarrhoea, dolor faucium, pulsus haud adeo celer semperque lentior quam in febre scarlatina.

ERUPTIONIS tempus differebat, sæpius quarto morbi die, alias etiam primo, secundo, tertio, quinto incidit, imo ultra octo dies febrem præcessisse efflorescentiam observavi; facta eruptione symptomata communiter imprimis pectoris oppressio cessabant aut mitescabant; Exanthema sensim sine ulla desquamatione disparuit, in paucis epidermis farinæ instar abscessit.

BENIGNA admodum hæc epidemia fuit, tam quoad durationem morbi intra septem dies fere semper terminati, quam quoad indolem ejusdem, plurimi enim ægrotorum nequidem lecto indigebant,

bant, raro notabilis inflammatio pectoris aut oculorum morbo superfuit, unicus e retrogressis morbillis & peripneumonia letali necatus fuit.

ADMINICULUM plurimis sufficiens constitit in regimine antifebrili sc. calore modico atmosphære & lecti, victu vegetabili, potu largo, abstinentia a calefacientibus. Venæsectione raro opus habui nimirum contra oppressionem pectoris notabiliorem, si enim hæc modica fuerit, non timenda erat sed communissime facta eruptione decrevit & sensim evanuit; mixtura temperans e nitro, aqua sambuci, & syrupo althæe mihi imprimis in usu fuit; præsentè diarrhoea, quæ semper innocua imò salutaris fuit, solo decocto avenæ opus erat. De victo morbo neque abstinentia ab aere libero neque laxantia ad reliquias præcavendas uti in scarlatina requirebantur.

FEBRES putridæ non paucæ, quidam inde moriebatur, cui fauces absque apparenti inflammatione adeo constrictæ fuerunt, ut nec medicamenta nec potus deglutiri potuerint; Symptoma hoc raro initio putridarum obveniens & per se incurabile est, & morbum, cui pertinet, funestum indicat,

CEPHA-

CEPHALALGIA periodica omni pomeridie tamen non semper eadem hora recurrens cum anxietate & palpitatione cordis molesta, atque ad horas nonnullas protracta mensis spatio afflixit virum, qui in omnibus ceteris & ante meridiem se bene habuit; cortex peruvianus igitur larga dosi exhibitus fuit; peridoicus vero dolor inde in continuum mutabatur; nunc omnis generis derivantia, sed absque effectu tentata sunt, demum propinavi mercurium dulcem, qui per mensem usque ad grana quinque bis indies continuatus morbum absque salivatione sanavit.

### MARTIUS.

MORBILLIS adhuc multi ægrotabant; exanthema hoc retrogressum uni inflammationem abdominis, alteri peripneumoniam lentam quatuor septimanis protractam induxerat, uterque feliciter venæsectione & emulsione camphorata sanabatur. Nonnulli febre morbillosa cum omnibus ejusdem symptomatibus excepto ipso exanthemate decubuerunt.

ISCHURIA vesicalis oriebatur post partum difficilem geminorum quadraginta octo horis protractum, sub quo nulla urina missa erat, quatuordecim diebus suppressio hæc duraverat, ita ut nulla urina nisi per catheterem, sed tunc larga effluerit; notandum simul est, quod vesicæ urina quamvis plenissimæ semper abfuerit stimulus ad mingendum. Vesicatorium regioni hypogastricæ applicitum spe nostra citius urinæ fluxum in naturalem ordinem redegit. Per se intelligitur, enormem vesicæ distentionem per urinam sub partu retentam fibris ejusdem muscularibus & nerveis non modo robur ad sese contrahendum sed etiam sensibilitatem ad urinæ acredinem percipiendam privasse.

## S E C T I O.

DOLORE notabili regionis temporalis & oculi ad aspectum tamen sanissimi lateris dextri cum paralyti extremitatum lateris sinistri vir 37 annorum octiduo afflictus erat; cujusumque generis evacuantia & derivantia, phlebotomia, arteriotomia temporalis, sanguisugium, vesicatoria, emetica, laxantia nequidem mitigare valebant dolorem, qui demum

num versus vitæ finem mutabatur in sensum molestum gravativum cum delirio, somnolentia continua, rigiditate spinæ dorsæ, mutitate, quæ post mensem ab initio morbi morte terminabantur. Cranio recluso comparuerunt cruor extravasatus inter calvariam & duram matrem, vasa piæ matris sanguine valde distenta, pars posterior hemisphærii cerebri dextri tam quoad substantiam corticalem quam medullarem mollis putrida, sanguinem multum extravasatum coagulatum continens, ventriculus lateralis sinister multum habens serum, quod etiam larga copia aderat in basi crani. Notabilis in ægro nostro fuit sympathicus oculi dolor inductus a læsione cerebri partis, quacum oculus nullum singularem nexum habere videtur.

#### APRILIS.

**M**ORBILLI adhuc benigni paucos invadebant. Febres intermittentes nonnullæ præsertim tertianæ, quidam geo frustra usus cortice sanabatur; alter simul cum febre laboravit tumore lato duro hypochondrii sinistri post intermittentem ante aliquot annos passum superstita; febris ipsa tinctura rheï

Q 5

aqua

aquosa cum solutione tartari tartarifati brevi curata fuit, tumor vero lateris inunctione unguenti neapolitani per duos menses continuata pro maxima parte evanuit.

PLEURITIDES permultæ simplices tamen graves diversamque habentes terminationem, plurimæ solito modo per sputum mucoso: sanguineum solvebantur, aliz suppurationem levem & expectorationem puriformem post se traxerunt, nonnullæ absque sputo in dolores artuum transferunt, aliis sublato per venæsectionem dolore successit febris intermittens, paucae mox initio instituta phlebotomia sufficiente absque apparenti crisi evanuerunt; inter letales observavi virum, qui per vim tussis enormis expectoravit frustum, quod juxta meam & aliorum compræsentium medicorum judicium ex ipsa pulmonum substantia dilaceratum erat.

VOMITUM ingestorum decem hebdomadam eum emaciato corpore, obstipata alvo, eructatione & sapore acidis sanavit mixtura composita e manne calabrinæ unciiis tribus, salis anglicani uncia, olei olivarum unciiis duabus, aquæ fervidæ unciiis octo

octo ad patellam ter quaterve indies sumta & per aliquod tempus continuata. Datur adeoque vomitus hectici species a spasmo vel rigiditate intestinorum oriens relaxantium usu sanabilis.

SCABIE in juvene per unguenta retropulsa oriebatur fluxus alvi indolens initio sanguineus dein serosus, nec non tumor hydropicus totius corporis cum insigni dyspnoea, tussi, sputo mucoso, mixtura camphorata cum liquore anodino & decoctum album pro potu paucis diebus allata symptomata sub diuresi adaucta & redeunte scabie dispulerunt.

#### SECTIONES.

APOPLEXIA subito necati cranio aperto invenimus vasa cerebri sanguine plena, cerebrum valde compactum, serum extravasatum in ventriculis lateralibus, cerebellum singularis fabricæ sc. debito laxius atque compositum e lamellis, quæ per intermedios sulcos profundos a se invicem distincte separatæ erant.

SIMILI insultu sexagenarius ad terram concidit mortuus; ablata cadaveris calvaria deprehendimus insignem copiam sanguinis liquidi ad uncias circiter



circiter quinque inter os occipitis & duram matrem, substantiam cerebri admodum mollem, ambo hemisphæria cerebri supra corpus callosum coalita, plexum choroideum utrumque sanguine plenum atque nonnullas continentem hydatides, serum in basi cranii extravasatum.

DOLOR abdominis præsertim regionis epigastricæ, obstipatione alvi non nisi clysmate solvendæ, sapore putrido, vomitu ingestorum femina 47 annorum septem mensibus afflicta, consumpta & extincta fuit. Perlustrato demortuæ abdomine in conspectum venerunt varii tumores cystici in omento, ventriculus ad diametrum intestini tenuis contractus, intestina crassa dislocata sc. colon transversum & descendens dextrorsum compulsæ & depressius justo sita, coecum & colon ascendens valde distenta totum colon descendens scybalis duris oppletum S. romanum & intestinum rectum valde angustata, glandulæ mesenterii induratæ, Hepar & lien sana.

MAJUS.

## MAJUS.

**F**EBRES intermittentes non paucae v. tertianae v. quotidianae, raro quartanae, interdum solis salinis remediis sanabiles, aliae simul corticem desiderantes; semel radix gei urbani tentata fuit sc. apud puellam 23 annorum febre tertianae simplici quatuordecim diebus afflictam; Digestivis per aliquot dies adhibitis itaque alvo, sapore, linguae ad normam naturalem redactis, dedi pulverem radices gei ad cochleare minus bihorio extra paroxysmos, accessus febris proxime insequens solito gravior erat & post alterum paroxysmum cephalalgia reddebatur continua cum sapore malo & vomitu, hinc dedi emeticum & postea laxans, quo facto rediit febris, nunc repetii pulverem gei, quem vero ob vomitum inde citatum & oborta simul flavedine oculorum mox seposui, ultimo symptomate per salina cum rheo dissipato pulvis corticis peruviani exhibitus fuit, jam vero periodica febris transibat in continuam cum debilitate insigni, susurru aurium haemorrhagia narium larga frequenti nec corticis decocto nec spiritu vitrioli quamvis copiosissime ingestis compescenda; gravis

pectoris

pectoris oppressio simul accessit versus vitæ finem, qui decimo die ab initio continuæ febris accidit.

PECTORIS inflammationes admodum frequentes erant; plurimæ sputum mucoso sanguineum secum ducentes atque tempestiva medela tractatæ septimo die per sudorem & somnum solvebantur; non paucæ præsertim initio neglectæ ultra dictum tempus criticum protrahebantur & per sputum puriforme ad plures numero tamen diversos dies fluens judicabantur. Hac apparente crisi me docuit experientia, venæsectionem caute adhibere, attamen non prorsus omittere, consuadentibus enim pulsus duritie, vehementique dolore aut oppressione pectoris, una alterave venæsectio juvat ad inflammationem suppurationi compræsentem debellandam, prævalens vero regula est evacuatio collecti puris, quæ si una venæsectione inhiberi videtur, pluries non mittendus est sanguis; genuina enim remedia dum peripneumoniaci puriformia exspuunt, sunt sic dicta expectorantia Decoctum senegæ, kermes minerale, jusculum secalinum; hoc ultimum semper sub protracto aliquatenus morbo utile inveni, etiamsi alterutrum priorum

rum ob sputum densum difficile adhibuerim, quandoque solum jusculum secalinum, dum se. sputum facile fluit, sufficit; quandoque simul cum hoc remedio emulsio camphorata juvat, si nimirum pulsus justo celerior pectorisve dolor inflammatio- nem pectoris persistere indicat. De corticis usu gravia monendi occasionem mihi præbet cujusdam ægrotorum historia: Virgo 20 annorum quatuor- decim diebus, antequam ad nos ducta fuit, af- fecta erat dolore punctorio pectoris, tussi admo- dum molesta, horrenda dyspnoea, sputo jam pu- riformi, siti, æstu pulsu admodum celeri; quam- vis venæsectio jam quater instituta fuerit, eandem tamen adhuc toties repetere opus erat, antequam dolor & dyspnoea tolerabiles reddebantur; vige- simo secundo morbi die paroxysmus febrilis su- pervenit insequentibus diebus reversus, hinc pro- pinavi Decoctum paratum e corticis peruviani drachmis sex, radicis senegæ drachmis duabus, coctis cum unciis duodecim aquæ simplicis ad re- manentes uncias octo, quod omni hora temporis apyreti sumtum tollebat febrem & multum minue- bat tussim, quæ tamen modo post longum usum  
jusculi

jufculi fecalini ceflavit. Medicis vero cavendum eft, ne hoc aut fimilibus variis exemplis quoad corticis ufum abutantur, sæpe enim in fuppuratione pulmonum incidunt rigores & exacerbationes febriles, quæ minime pro rite periodicis judicari, aut qua tales per corticem tractari debent; non paucos novi pulmonarios largiter & lubenter hoc medicamine ufos eodemque neminem fanatum, poftea fimiles ægrotos fupra laudata methodo absque cortice curavi, unde fequens deduxi corollarium: Magna copia corticis magnam allatis ægris infert noxam; minor minus fenfibiliter lædit & plane nihil tutiffimum eft.

COMPLICATE quædam inter noftras pleuritides erant cum febre putrida utriusque morbi fymptomata tunc præfto erant varia tamen ratione connexa: quandoque præpondium inflammationis mox initio per fputum fanguineum & e ductum fanguinem fumme phlogifticum indicabatur, hinc per venæfectionem etiam repetitam fublato dolore evolvebatur febris putrida cum infigni debilitate, ftupore &c., quæ emetico & folitis antiputridis remediis debellabatur: In aliis fymptomata putrida

trida vertigo, stupor, sapor malus initio prævalebant, ob quæ emetico cum effectu porrecto, inflammatio manifestior reddebatur & repetita educatione sanguinis phlogistici tollebatur. Quandoque symptomata initio mere putrida erant, in progressu vero morbi secum ducebant tussim, oppressionem pectoris, sputum puriforme imo leviter sanguineum, tunc rarissime convenit venæsectio, sed expectorantia cortici juncta uti Decoctum corticis cum radice senecæ supra laudatum.

**SALIVATIO** spontanea foetida copiosa cum dolore faucium & oris, tumore & exulceratione Linguae gingyvis cruentis in juvene 24 annorum successit hæmoptysi notabili; alvus simul erat segnis; porrexi tantum Syrupum althææ cum syrupo e manna quotidie ad aliquot cochlearia, ita ut leniter alvus subducta fuerit; interea saliva per undecim dies fluere perrexit; tunc vesicatorium nuchæ apposui, cujus vi intra biduum cessavit salivæ fluxus absque sequela alterius morbi.

**DOLOR** ischiadis & inguinis dextri sex hebdomadibus afflicta puella intereaque repetita venæsectione & antiphlogisticis tractata urinam misit,

R

quæ

quæ largum pus continuit; pyuria hæc nullis tollenda remediis adhuc duravit quatuordecim diebus, tunc successit tumor inguinis dolentis *sensim* in abscessum mutatus, quo aperto & pure largo effuso dolor & pyuria cessarunt, ulcus quidem diu superstitit demum a chirurgo sanatum.

## SECTIONES.

**VIRUM** acuta febre cum dolore oppressorio totius pectoris & punctorio sub costis spuris dextris, dyspnoea notabili, tussi sicca, singultu affectum nec frequenti venæsectione aliave convenienti medela salvandum sed decimo octavo morbi die demortuum dissecuimus atque invenimus totum pulmonem dextrum livido-rubrum induratum tuberculis plenum, sub incisione saniem foetidam fundentem nec non ubique & firmiter tam pleuræ quam diaphragmati coalitum; pulmonem *sinistrum* in circumscripta parte ejusdem coloris ibidemque pleuræ adnatum, partem diaphragmatis dextram in superficie inferiori debito magis rubentem & vasa sanguinea valde turgida habentem. Singultus peripneumoniz nostræ annexus diaphragmatis simul inflammati suspicionem mihi dedit, qualem  
diagnosin

diagnosin anatome cadaveris comprobavit & ratione similium casuum firmiorem reddit.

VIR 30 annorum post dolorem vagum abdominis mox punctorium mox ardentem quatuor hebdomadam quandoque cum adjuncto vomitu furgere observavit tumorem in regione hypochondrii sinistri durum tantum a forti pressione dolentem; tormina abdominis nilominus pergebant cum intolerantia omnis cibi solidioris, alvoque stricta tantum clysmate referanda, emaciatione corporis; tumor itidem, quamvis varia intus & extus applicarentur remedia resolventia, increvit ad enormem molem cum duritie absque ulla fluctuatione, anxietas, astma, palpitatio cordis etiam molestabant versus vitæ finem, qui post tres menses ab initio morbi accidit. Aperto abdomine nulla videbantur intestina, eorum autem locum occupabat tumor insignis mesenterii durus totam cavitatem abdominis fere implens immobilis & lumbis fortiter annexus quoad anticam superficiem nigrescens, quique incisus materiem saniosam brunnam effundebat, colon transversum & omnia intestina tenuia infra tumorem depressa & in regione hy-



pogastrica posita erant. Hepar, lien, pancreas admodum parva tamen naturalia erant. Dolores abdominis tumorem præcedentes & comitantes originem ejusdem ab inflammatione & suppuratione mesenterii probabilem reddunt, a volumine tumoris intelliguntur dislocatio & compressio intestinorum indeque obstipatio alvi, vomitus, intolerantia cibi solidioris & atrophía; vasa sanguifera abdominis per tumorem incrementem compressa, nimiam fecerunt resistantiam contra sanguinem a corde propulsum, unde ejusdem palpitatio & anxietas surrexerunt.

### JUNIUS.

**F**EBRES putridæ numerosæ sæpe diarrhoea modica & aphitis, unde bonus sperandus erat eventus, stipatæ; quo gravius caput aut delirio aut stupore afficiebatur, eo periculosior erat morbus.

FEBRES pleuriticæ nonnullæ, quarum una memorabilis erat: Vir 46 annorum sex diebus laborabat insigni dolore oppressorio pectoris, tussi, sputo sanguineo, alvo laxa, strepitu pectoris, pulsuque celeri tenso; die introitus bis instituta fuit

fuit missio sanguinis phlogistici, vesicatorium toti pectori applicitum & emulsio camphorata porrecta; 7mo die sub statu eodem nec ulla succedente expectoratione granum kermis gummi arabico appositum omni hora alternatim cum emulsione propinabatur, 8vo die strepitus cessabat absque expectoratione, dolor vero punctorius insuper aggressus desiderabat venæsectionem, quæ nono die repetita dolorem fugabat; alias morbus manebat idem absque proventu sputi ad diem undecimum, quo aphtæ in conspectum venerunt, tunc morbus evanuit excepta aliquali dyspnoea, quæ usu kermis continuato fugabatur. Strepitus pectoris alias funestus in nostro ægroto exceptionem a regula communi fecit, aphtasque criticæ expectorationis vires supplevisse rarum ideoque mentione dignum habui.

INTERMITTENTES tertianæ nonnullæ ut plurimum salinis remediis sanatæ; bina vice radix gentianæ tentabatur: Vir tertiana 4 hebdomadam affectus, præmissis salinis, emetico & purgante remedio, tempore apyreto adhibuit cochleare minus hujus pulveris omni hora per sex dies, tunc febris ces-

R 3

savit

favit &, quamvis mox laxans ad alvum usu pulveris valde constrictam solvendam præbuerim, haud tamen postea rediit. Altera septem hebdomadis partim tertianam partim quotidianam passa post sumta digestiva indeque laxatam alvum & linguam depuratam pulvere gei omni hora extra paroxysmos per duodecim dies sumto sese replevit; febris tamen non cessabat sed mox graviori mox mitiori gradu recurrebat, quo observato, simulque flavescente facie & tumentibus eruribus non amplius hujus remedii usui insistere ausus sum, sed porrecto catartico febrem ad solitum gradum reduxi, illamque dein per corticem, cui sal ammoniacum & rheum apposita erant, binis diebus prorsus sanavi.

SUCCESSIONEM morborum singularem observandi occasionem mihi dedit quinquagenarius bibo hydropicus: sumtis enim cremore tartari & infuso juniperino intra paucos dies serum corporis abundans in matula deposuit; tumori evanido successit stranguria molesta cum urina limpida indeque deposito sedimento puriformi; lepositis diureticis & porrecto potu largo mucilaginoso crebra & molesta

moleſta miſctio filuit; verum furrexit dolor gravis peſtoris per venæſectionem repetitam diſſipatus, & quaſi tranſmutatus in artuum dolores vagos crura tamen præprimis occupantes; hi autem poſt paucos dies iterum notabiliter mitiſcebant ſub redeunte ſtranguria cum ſedimento partim puriformi partim calcareo, exhibui nunc liquoris nervini guttas triginta ter indies, quo ſtranguria ſenſim ſublata fuit & dolores arthritici magis magisque increverunt; Hi dein per eſſentiam Stibii cum ſpiritu lavendulæ compoſito ſanabantur. Utrum arthritidis hæc hydropica fuit e reliſta craſſiori parte ſeri hydropici per colatoria haud meabili? an potius hydrops arthriticus ex materia arthritica in textu celluloso effuſa atque vi acredinis reſluxum non admittente explicabilis? Liqueur nervinus in præſenti caſu proficuus, e camphoræ ſerupulis duobus ſolutis in liquoris anodini mineralis uncia dimidia generalem in arthritide irregulari meretur laudem.

JULIUS.

**F**EBRES intermittentes raræ benigni moris & curatu faciles.

INFLAMMATIONES nonnullæ partim hepatis partim pectoris. Quidam pleuritidem quatuor diebus passus subito a morbo pectoris liberatus fuit, sed in grave delirium incidit; educto per venam bis incisam sanguine phlogistico nec non per sanguisugium temporale atque exhibita mixtura camphorata acida delirium cessavit, ejusque loco nono morbi die revertebatur pleuritis, quæ per sputum largum puriforme feliciter in sanitatem terminata fuit.

TALI accidente transpositione morbi acuti pectoris in morbum acutum capitis nil probabilius statuitur quam eadem morbi indoles sc. inflammatoria in utraque parte, ideoque in secundo ut in primo casu eligenda est medela antiphlogistica, nec inconveniens foret, nuchæ aut brachiis applicare vesicatoria, quibus materia morbi quæ volatilis naturæ esse videtur, ad partes externas derivari potest.

ARVD

APUD alterum inflammatio hepatis venæsectione tractata transiit in febrem tertianam; hæc sub usu resolventium iterum convertebatur in morbi primitivi levem recidivam, quæ repetita venæsectione absque insequenti alio morbo sanabatur.

FEBRES complures biliosæ erant indolis, nonnullæ solis evacuantibus sanatæ, aliæ gradum putridæ habentes quandoque cum petechiis; communis criseos via per alvum erat; quibusdam metastasis solvebat morbum; in puella terminatus fuit morbus fluxu purulento auris dextræ nec non desquamatione epidermidis totius corporis, sub qua ungues omnes manuum & pedum simul abscedebant. Apud alteram graviter delirantem cum pulsu celeri & debili atque excrementis involuntariis omniaque medicamina respicientem supervenit largum sanguinis profluvium ex utero, indeque morbus sublatus fuit. Alium quatuor hebdomadibus putrida febre affectum invasit dolor insignis pectoris cum sputo mere sanguineo admodum largo, cujus funestum eventum venæsectio & copiosa spiritus vitrioli ingestio avertere haud valuerunt.

PUERPERALI febre affectæ e nosocomio obstetricio in valetudinaria nostra quatuor ducebantur :

FEMINA 34 annorum jamjam quatuordecima diebus febre hac mox post partum orta ægrotabat sc. vomitu & diarrhoea, expansione dolorosa abdominis, tussi, angustia faucium deglutionem impediēte, lingua aphthosa; mox venam secui, & camphorata exhibui, quæ autem prorsus sufferre nequibant; nil ideo dedi præter linctum interdum sumendum e mucilagine gumi arabici Syrupi althææ ana uncia, pulveris borracis venetæ drachma; 16to die repetita fuit venæsectio, 17mo fluxus uteri sanguineus apparuit ad tres dies protractus, reliquus tamen status manebat cum vomitu frequenti bilioso alvoque quotidie ter quaterve liquide aperta, medicinam tamen non mutavi, 21mo die restituta lingua, pulsus antea celer retardatus & somnus quietus observabantur, ex hoc quoque die vomitus tantum omni mane biliosus recurrebat, dolorque abdominis cum laxitate alvi sensim cessabat, ita ut demum 30mo die ab initio morbi convaluerit ægra.

SECTIONES.

## SECTIONES.

**ALTERA** 31 annorum etiam mox post partum morbo dicto correpta fuit, qui jam quatrividuus erat cum lumbagine, diarrhoea profusa, dolore artuum, pulsu celeri debili, sudore frigido & quinto die mortem inferebat. Aperto abdomine invenimus ventriculum & intestina valde expansa, serum largum flavescens purulentum in cavitate pelvis, superficiem anteriorem uteri crusta purulenta obductam, tubas Fallopianas & ovaria inflammata.

**FEMINA** 21 annorum statim absoluto partu incidit in similem febrem jam per octo dies durantem cum dolore abdominis admodum expansi tactum haud ferentis, diarrhoea, cephalalgia insigni, pulsu celeri debili, lingua aphtosa; semel venam secui & emulsionem camphoratam propinavi, omnem vero medicinam respuit, & status permanfit idem cum insomnia continua ad 14tum diem, quo delirium simul accessit; 21 modie vomitus jungebatur tam spontaneus quam omnium ingestorum. 24to sanguinem atrum evomit  
 agra,



ægra, quænam excretio sanguinis tam per vomitum quam per alvum continuavit ad diem 29num, qui ultimus erat. Facta apertura abdominis valde expansi larga copia fluidi spissi flavi foetidi saltem ad mensuras quatuor effundebatur; omentum totum sphacelofum & tam arcte cum intestinis & reliquis visceribus abdominis agglutinatum, ut omnia in hac cavitate, contenta unicæ massæ five pastæ speciem habuerint, quænam corruptio universalis ulteriorem disquisitionem partium subjacentium impediabat.

PUERPERA 18 annorum tertio post partum die ægrotavit, & quarto morbi die ad nos ducta querebatur dolorem abdominis, sitim, æstum, vomitum, singultum cum pulsu celeri duro; quater jam vena secta erat, adhuc bis repetii venæsectionem & emulsionem camphoratam præbui; alvus nunc reddebatur laxa, 5to die delirabat nullum amplius dolorem abdominis sentiens, 6to die moriebatur. In dissecto cadaveris abdomine aderat serum largum flavum, in quo flocculi purulenti copiosi innatabant, uterus ad magnitudinem capitis infantilis expansus sanguinem grumofum  
conti-

continebat, ambo ovaria & tubæ Fallopii debita  
majora dura inflammata deprehendebantur.

UNICA tamen e nostris ægrotis excepta fuit  
a lethality reguła, quæ in febre puerperali dicta  
adeo universalis est, vix alia rarissimæ hujus for-  
tunæ causa cogitari potest, quam materiæ morbo-  
sæ, quæ communi modo deposita inflammationes  
sumestas excitat, talis versus intestina directio, ut  
per diarrhoeam salutarem evacuari potuerit; in  
hoc & similibus casibus arti nihil, naturæ autem  
totus adscribi debet eventus. Ex allatis historiis  
& aliis, quæ in posterum memorandæ veniunt,  
elucescit, non semper easdem abdominis partes  
sub hoc morbo affici sed jam omentum, alias  
uterum, illive pertinentia viscera passioni esse  
subjecta.

NOTANDA quoque est diversa hujus febris  
duratio, quæ ut plurimum brevis est ad quinque  
circiter dies; interdum longius protracta, quæ  
que tam a differentia partium affectarum quam a  
varia inflammationis terminatione derivanda est.

HACTENUS in eruenda curæ tantæ plagæ con-  
venienti & sufficienti oleum & operam perdidit  
runt

runt multi illustres medici, ita ut ex inutilibus eorundem experimentis nec non ex ipsius læsionis indole in demortuis detecta vix ulla supersit spes morbi jam præsentis removendi; prudentius vero & forsan prosperius foret studium eundem prævertendi. Regula hujus prophylaxeos generalis esset, ultimis graviditatis mensibus tollere, quantum potis erat, inflammatoriam dispositionem tam a parte sanguinis quam a parte viscerum abdominalium, cuinam scopo accommodata videntur venæsectio pluries pro re nata instituenda, victus parvus liquidus blandus potius e regno vegetabili quam animali, evacuatio alvi libera imo solito largior; per se intelligitur, quod non omni tempore opus sit gravidis adeo strictam imperare dietam, sed tantum graasante epidemia quadam febrili imprimis puerperali.

DOLORE medii pectoris post passam hæmophysin superstite sex hebdomadis femina 30 annorum laboraverat cum tussi, quibus sextiduo proximo juncta erant cephalalgia, fitis, æstus, dolor artuum fere omnium cum tumore eorundem; misso quater sanguine phlogistico subito apoplexia periit

periit ægrotā. Aperto thorace cavitas ejusdem sinistra serum largum limpidum continuit, pulmo sinister valde inflammatus, cavitas pectoris dextra serum sanguineum habuit, pulmo hic etiam inflammatus abscessibus multis parvis obsessus & pleuræ accretus erat, pericardium serum flavum & cor exiguum crusta purulenta extus obductum continuit in basi cranii duæ circiter unciaë feri sanguinolenti aderant, alias nullum encephali vitium.

APOPLEXIA funesta hujus ægrotæ merito adscribitur extravasato sero in cavitate cranii, quænam effusio probabiliter traxit ortum a morbo & angustatione pectoris, qua sanguinis descensus a capite impeditus fuit. Plures similes casus me docuerunt facilem apoplexiæ originem ex allata affectione pectoris, meque ad singularem duxerunt attentionem circa subjecta ob senium v. aliam rationem ad apoplexiam disposita, dum simul morbo pectoris affliguntur, ut tempestiva sanguinis missione aliaque convenienti medela a minante infortunio securi reddantur.

JUVENIS 20 annorum dolore mediî abdominis & hypochondrii dextri, vomitu frequenti,  
alvo

alvo semper laxa mensis spatio afflictus, intereaque sine juvamine venæsectione repetita & remediis camphoratis usus sub singultu, expanso abdomine, doloris subita cessatione, sudore frigido, delirio expiravit. Aperto abdomine omentum & intestina ubique & inter se invicem & cum peritonæo erant coalita; pus largum extravasatum in interstitiis intestinorum ubique comparuit, & lobus dexter hepatis prorsus suppuratione consumptus inveniebatur.

SEXAGENARIUS dimidio anno laboravit dolore abdominis circiter medii & regionis ventriculi cum alvo stricta non nisi remediis solvenda; post venæsectiones & remedia camphorata se melius habuit, & dolor pro tempore evanuit; iterum vero recrudit cum tumore regionis ventriculi ad pugni magnitudinem attactum fortiolem haud ferente; cui juncta erant eructatio frequens mox acida, mox putrida, vomitus intercurrents, alvus per se stricta; variis licet solventibus & saponaceis adhibitis increverunt symptomata, corpus magis magisque emaciatum fuit cum oedemate crurum; versus finem singultus accessit. Aperto abdomine, dimidia pars ventriculi sc. extremitas illius

illius dextra in toto ambitu suo ad corpus admodum durum cartilaginosum fere ad magnitudinem capitis neonati transmutata erat, quinam tumor incisus ex tunicis valde incrassatis formatus esse videbatur, attamen versus pylorum materiam brunni coloris ichorosam continuit; tunicae extremitatis ventriculi sinistrae etiam debito magis incrassatae erant. Interna ventriculi capacitas admodum parva, intestinum ileum versus insertionem in colo etiam valde contractum erat; glandulae mesenterii & pancreas indurata.

SYMPTOMATA hujus aegroti ex anatome demortui facile declarari possunt; diagnosi vero talis morbi in vivis difficulter eruitur, utpote illius signa eadem sunt cum signis obstructi & tumefacti hepatis in concava illius superficie; sub tali dubio statim satius tamen ducitur medelam dirigere contra morbum hepatis, qui frequentior est & quandoque curationis capax, quam contra allatum affectum rariorem & incurabilem.

## AUGUSTUS.

**I**N universum morbi hoc mense regnantes e vi-  
tiosa humorum intestinalium constitutione ortum  
traxerunt; cujus sc. varia acriedo, copia & spissi-  
tudo conspirante diverso habitu ægrotorum diffe-  
rentes etiam effectus mox febres mox inflamma-  
tiones, mox fluxus morbosos produxerunt.

FEBRES putridæ indolis permultæ erant sed  
diverso gradu. Omnium tamen cujuscumque  
gradus simile erat initium, consistens in vertigine,  
debilitate, sapore depravato, lingua sordida, ce-  
phalalgia quandoque sat gravi. Saltem dimidia  
harum febrium pars emeticis interdum repetitis,  
cremore tartari, laxantibus debellata fuit. Op-  
portunitatem hujus methodi & quamdiu continuari  
debebat, indicarunt symptomatum levamen, non  
vero plenaria sublatio, vires exinde haud fractæ  
sed potius erectæ & demum adeo restitutæ, ut  
nulla alia medicina opus fuerit. Brevitas morbi  
in hoc casu communiter levitati ejusdem respon-  
debat. In aliis vero bene multis adhibita licet  
eadem depurante methodo perduratio v. incremen-  
tum symptomatum cum stupore notabili, delirio

&amp;

& celeritate pulsus consuadebant alteranti & roboranti incedere via, atque evacuationem ipsi naturæ committere. Etiam apud hos ægrotos fere omnes diarrhoea spontanea minus magisve notabilis crisin constituit; in solis duobus expectoratio puriformis morbum solvebat; in nonnullis delirium, stupor summus, rubor insignis faciei morbi funestum finem prælagiebant.

FEBRES intermittentes nonnullæ præsertim tertianæ, sæpe proles febrium continuarum, quæ evacuantibus tractatæ erant; quandoque vice versa, si nimis cito cortex porrectus fuit, in continuas vertebantur, atque iterum adhibitis evacuantibus periodicam naturam recipiebant, unde jam nota opinio confirmata fuit, febres autumnales impuritate primarum viarum abundare & aliis diutius salina & evacuantia remedia desiderare.

INFLAMMATIONES abdominales solito frequentiores Juvenis dolore mediî abdominis, vomitu, singultu, alvo stricta afflicta vena septies secta & mixtura camphorata porrecta octavo die convaluit sponteque deposuit alvum, quæ antea clysmate & lacte sulphuris incassum tentata erat, quænam alvi



laxitas aliquot diebus continuans morbum abdominalem sustulit; surrexit autem dolor genuum & crurum dein ad caput adductus & vesicatorio nuchæ fugatus.

IN altero dolor umbilicum & testiculum dextrum absque ejusdem visibili mutatione occupans allata medela cessavit. Adhuc alter dolore abdominis & testiculi sinistri laborans curabatur. Apud alium diarrhoea sponte sedata oriebatur dolor sub costis spuriiis dextris ad cardiam extensus cum obstructione alvi, vomitu ingestorum sitique; vena quater secta miscebat dolor & flatus deorsum mittebantur, tunc pulv. rhei & temp. sal. camph. ana drachma dimidia ter die porrecta nec non vesicatorium lateri admotum alvum & morbum solvebant; dolori vero evanido successit efflorescentia miliaris digitorum utriusque manus aliquot diebus sponte transiens.

QUIDAM a spiritu vini nimis ingesto, alter ab ictu abdominis in symptomata inflammationis intestinalis incidentes solitis remediis sanabantur. Alter diarrhoea vino rubro suppressa corripiebatur dolore hypogastrii cum obstipata alvo, inquietudine

dine, vomitu ingestorum, eructatione frequenti; sexies triduo vena secta fuit, clyisma sine effectu applicitum, camphorata adhibita & demum cataplasma abdomini admotum, sub quo flatus abiierunt, alvus fluxit morbusque cessavit.

ALIUS & symptomatibus putridæ febris & dolore abdominis mensis spatium afflictus moriebatur, in cujus aperto abdomine aderant serum largum limpidum, plures hydatides colo ascendenti adhærentes nec non in colo transverso tres abscessus ad magnitudinem nucis avellanæ, intestinum ileum gangrænosum.

DYSENTERIÆ cum solitis hujus morbi symptomatibus curabantur emetico & dein electuario e cortice peruviano & rheo parato methodo, quam anno prægresso laudavi.

FEBRES puerperales quatuor.

FEMINA 29 annorum tridua jam febre mox post partum orta laborans querebatur æstus, sitis, dolorem & expansionem abdominis tactum haud ferentis cum stranguria, singultu intercurrente, alvo segni, pulsu celeri tenso, Lochiis mox initio morbi suppressis; mox bis missus fuit sanguis phlo-

S 3 • gisticus

gisticus & emulsio camphorata exhibita, quarto die lochia redierunt, persistente tamen dolore abdominis, nilominus bis vena secta fuit & clyisma applicitum cum paucō effectu, quinto die dolor abdominis cessavit, accessit dolor brachii dextrā & pedis sinistri, pulsus fortis, abdomen expansum manebat, hinc venæsectio & clyisma cum effectu repetebantur, sexto die humerus & collum dextri lateris dolebant, lochia adhuc fluebant, abdomen adhuc expansum, septimo die abdomen restitutum, octavo mammarum lacte turgescabant & convaluit ægrota præter dolorem brachii, qui admoto vesicatorio fugatus fuit. Nonne ex hoc casu inferre liceat, febrem puerperalem saltem quandoque oriri e lacte in visceribus abdominis deposito, quod si vasis nondum nimis impactum sit, feliciter auferri & ad loca minus nobilia mammas aut alia transmigrare valet. Artis auxilium huic scopo conveniens forsitan erunt emollientia mammis sat tempestive applicita.

FEMINA 19 annorum sex diebus hac febre mox post partum orta laborans nobis adducebatur cum dolore & tensione abdominis, siti, æstu, diarrhoea,

arrhoea, cephalalgia, delirio; Lochia ad quantum morbi diem fluxerunt. Mihi solita super allata remedia nil valebant contra mortem nono morbi die incidentem. Aperto abdomine omentum erat valde inflammatum, pro parte gangrænosum, colon transversum versus pelvem depressum etiam inflammatum, intestina tenuia passim inflammata & materia purulenta obsita, S. romanum, menterium, ventriculus etiam inflammata, Hepar laxum lividi coloris, in hypochondrio dextro sanguis extravasatus, largus, tenuis, bile mixtus, uterus inflammatus cum multis abscessibus; ovarium & tuba fallopî lateris sinistri inflammata, tuba dextra gangrænosa & ovarium dextrum in abscessum degeneratum.

ALTERA femina iisdem symptomatibus secundo post partum die correpta quarto die expiravit. In abdomine demortuæ serum extravasatum, externa uteri superficies & ovaria multo pure densio obducta, in ovario sinistro inciso pus aderat, superficies interna uteri atra, gangrænosa, foetida; omentum & cetera naturalia, intestina aere valde expansa.

ADHUC altera etiam demortua non fuit dissecta.

VERTIGINE, dyspnoea, tussi, oblivione, auditu gravi, tumore oedematoso crurum mensis circiter spatio afflicta sexagenarius ad ultimum valde stupidus reddebatur & exspirabat. Aperto cranio cerebri substantia valde laxa inveniebatur; interpiam matrem & cerebrum aderant plures hydatides pressione serum fundentes, ventriculi laterales praesertim dexter & tertius multum continebant serum, quod etiam in basi cranii larga copia aderat.

VOMITU ingestorum cum dolore cordis atque segni cruciata sexagenaria sequenti, postquam ad nos ducta fuit, nocte sub gravi vomitu materiae nigrescentis moriebatur. Apertum abdomen serum aliquale spissum continuit, omentum erat pinguiissimum nec non mesenterium, ventriculus valde expansus cum tunicis maxime extenuatis, extremitas illius sinistra ad peritonaeum fuit accreta, & demum in curvatura ventriculi minori aderat foramen ad crassitiem calami scriptorii, per quod materia nigra illi mox ante mortem evomitae

*similis*

similis in cavitate abdominis sub pressione ventriculi effluebat.

Vomitus similis omnium ingestorum mox post assumptionem cum deglutione impedita ob sensum obstaculi sub extremitate inferiore sterni, nec non tumore & duritie cardiæ atque hypochondrii dextri novem hebdomadibus virum 36 annorum cruciaverat, emaciaverat & demum prægresso vomitu largo sanguineo necavit. Cadaver erat admodum macilentum, adeo ut per involucria abdominis vertebræ dorsi distincte percipi potuerint. Aperto abdomine apparuit ventriculus magnus extus albus intus inflammatione rubens & rugis callosis versus cardiæ maxime prominentibus notatus atque humorem atro grumofum multum continens; cardiæ mox ad insertionem œsophagi ad duas tertias partes erat schirrosa, cartilaginea, duos pollices crassa paucisque nodis duris pisiformibus prædita, œsophagus ipse etiam circa insertionem in ventriculo erat squirrosus, cartilagineus, hinc orificium ventriculi superius erat angustissimum specillo tenui vix pervium. Pancreas versus duodenum erat schirrosus; hepar in utraque super-

facie multis obfessum erat tuberculis cartilagineis, figura & magnitudine diversis, quorum pauci & parvi etiam in substantia hepatis aderant; intestina omnia erant livida gangrænosa.

DOLORE auris sinistrae cum fluxu ejusdem purulento, cui dein accessit dolor gravis circa oculum & demum in bregmate ejusdem lateris, nec non inflammatio & suppuratio parotidis sinistrae bimestri spatio juvenis 26 annorum misere vexabatur, evacuantia omnis generis nec non mercurialia, quia æger erat miles gallus & dolor noctu exacerbatus fuit, frustra tentavi; ultimis diebus epilepsia, horripilationes & vomitus ingestorum frequenter aderant. Cranio demortui dissecto dura mater admodum rubra & vasa cerebri valde expansa videbantur; falx duræ matris densa in medio habuit officulum magnitudine piperis, ventriculus laterales dexter & tertius multum serum continebant, super sellam turcicam paucum aderat pus flavum nec non circa adjacentem partem cerebri & medullam oblongatam, in lobo sinistro cerebelli aderat abscessus magnitudinem ovi superans & pure repletus, processus petrosus ejusdem lateris

teris carie affectus erat, dura autem mater illum obvestiens sana inveniebatur.

EPILEPSIA irregulariter recurrente, diversæ durationis, cum fatuitate paroxysmos insequente & extra eosdem vertigine, difficili loquela, gravitate capitis interdum tanta, ut illud erectum teneri nequiret, ultra annum miles quadragenarius laboravit, multisque remediis frustra adhibitis concidit mortuus. Reclusa calvaria & dissecta dura matre larga feri copia effluxit, pia mater insigniter crassa tanquam cellulosa aqua repleta fortiter cum cerebro coaluit & incisa serum effudit; hujus fluidi etiam notabilis portio in omnibus cerebri anfractibus, ventriculis & basi cranii inveniebatur.

### SEPTEMBRIS.

**F**EBRES putridæ numerosæ ejusdem circiter naturæ ac mense prægresso; e quinquaginta ægrotis octo moriebantur, quidam apoplexia tacti, alii ob metastasin ad pectus, alii cum signis inflammationis intestinalis.

INTERMITTENTES nonnullæ varii typi, ut plurimum ortum trahentes a febre continua per evacuationia tractata.

DYSEN-



DYSENTERIA septendecim ægrotarunt communiter cum symptomatibus biliosis; quibus præsentibus curam ab emetico incepti; illis vero absentibus mox mixturam oleoso mannatam R. mannae calabrinæ uncias duas, salis anglicani unciam mediam, solve in aquæ simplicis unciiis quatuor, adde olei olivarum albi unciam, porrexi & quandoque bis terve alternis diebus repetii, unde bonus effectus ad sedandos dolores & minuendum sedum numerum sub hac epidemia observabatur; etiam clysmata oleosa, ubi interna remedia intolerabilia evomebantur, bis per diem cum optato eventu adhibui. Electuarium vero corticis in epidemia prægressi anni adeo laudatum & laudabile in præsentī, raro & vix proficuum inveniebatur. Tres ægrotorum moriebantur, duo sc. lente mensis spatīo consumti, alter feliciter decimo morbi die.

ABDOMINIS expansio dolens novem hebdomadis protracta cum lumbagine & alvo naturali ab haustu frigido sub incalescentia corporis orta fuit, atque venæsectione simplici nec non mixtura camphorata acida bihorio exhibita sat cito sanata fuit.

ARDENS

ARDENS dolor cardiæ tribus hebdomadibus cum alvo & menstruis regularibus feminam afflixerat, tunc simul lumbago accessit cum nonnullo dolore femorum, sanguis missus non phlogisticus nil juvavit, camphorata post aliquot dies dolorem cardiæ mitigabant, femorum autem nec non crurum promovebant, augebant; vesicatoria nunc furis applicita dolorem tam abdominis quam extremitatum prorsus fugabant; dolor tamen brachium sinistrum cum aliquali immobilitate ejusdem occupavit & paucis diebus illæsa reliqua sanitate evanuit. Hæc arthritis anomala methodo in hoc casu mihi solenni feliciter sanata fuit.

COLICA pictonum solito gravior ter observata fuit. Juvenis 20 annorum ad nos veniens octiduo afflictus erat dolore medii abdominis & hypochondrii dextri lumbagine, alvo stricta, sapore amaro, vomitu omnium ingestorum pulsuque duro. Non ausus fui morbum aliter quam inflammatorium considerare & tractare, sanguinem tenui, sed absque crusta phlogistica & absque leuamine, camphorata vesicatorium lateri dolentis etiam fere incassum adhibui, sed ceteris malis singultus

gustus jungebatur, demum clyisma oleosum infigne levamen per largam evacuationem attulit; dolor extremitatum inferiorum antea absens nunc surrexit, e quonam signo simul junctis frustraneo usu medelæ antiphlogisticæ, sanguinis missi bona conditione nec non munere ægroti, qui erat pistor, colicam nervosam esse conclusi, ideoque porrexi mixturam anticolicam e pulveris sol. fennæ, nitri depurati ana drachma aquæ menthæ unciis quatuor, olei lini unciis duabus compositam, cujus cochlearibus duobus bihorio sumtis brevi sanabatur æger.

ALTER pistor ob dolorem abdominis constrictorium & obstipationem alvi sumserat tincturam catarticam, unde dolor pejor redditus fuit cum vomitu omnium ingestorum & singultu, in quonam statu quinto jam morbi die ad nos venit, vix non majori ratione, quam in casu mox prægresso inflammationem suspicans; quater venam secui prima & ultima vice cum sanguine phlogistico & camphorata propinavi; hinc status sub mitigato dolore abierunt, & simul crura doluerunt in argumentum colicæ jam spasticæ indolis, quare clyisma  
oleosum

oleosum & mixtura anticolica in usum tractata cito  
 ægrotum surabant.

MAXIMUM vero hujus colicæ gradum contigit  
 mihi videre in viro 36 annorum, qui aliquoties  
 hunc morbum passus, hac ultima vice octiduo la-  
 boravit gravi dolore abdominis, obstipata alvo,  
 dolore & plenaria immobilitate extremitatum tam  
 inferiorum quam superiorum, voce rauca, debili,  
 vix intelligibili, labiis oris paralyticis dependen-  
 tibus, ita ut ingesta in ore vix retineri possent,  
 quænam debilitas in fauces etiam propagata vide-  
 batur, utpote solidiora ingesta deglutiendi vi  
 privatus erat; corpus præterea valde emaciatum  
 erat cum tanta debilitate, ut situm erectum vix su-  
 stinere potuerit, oleosa emollientia intus & extus  
 per os & anum applicita alvum quidem aperiebant  
 largiter, haud vero impediētes, quo minus de-  
 bilitas ad mortem usque increverit. Quænam  
 symptomata e summo gradu colicæ pictonum nasci  
 possint, per hunc casum innotescit.

TUMOR durus planus totam latitudinem pec-  
 toris sinistri occupans cum oedemate brachii sini-  
 stri post peripneumoniam gravem venæsectione  
 frequenti

frequenti sublatam oriebatur in viro 29 annos nato; cataplasma emolliens nec minuit nec ullo modo mutavit tumorem, similis inertiae erat oleum volatile inunctum, hinc unguentum neapolitanum in usum trahebatur, quod diu suffracto dosi affecto loco applicitum, praesertim sub accedente salivatione, adeo diminuit tumorem, ut aeger ad omnes labores utilis nobis valedixerit.

Vomitu hectico aut potius regurgitatione ingesti nutrimenti initio tantum solidi, dein etiam fluidi, antequam in ventriculum pervenerat, vir 45 annorum tempore bimestri consumtus & necatus fuit. Aperto cadavere inveniebantur glandulae duae posteriori superficiei aësophi adhaerentes magnae induratae & canalem aësophi adeo comprimentes, ut nihil sine adhibita violentia transprimi potuerit.

DOLORE & tumore hypochondrii sinistri & dorsi post ictum in latus 3 septimanis graviter afflictus vir 53 annorum subito expiravit. Aperto abdomine sanguis extravasatus, condensatus mox comparuit, lien erat disruptus, maceratus, versus latus internum coactus cum tumore insigni capitis magni-

magnitudinem habente, qui incisus adipem condensatam continuit.

FEMINA febre puerperali cum solitis symptomatibus defuncta ejusque abdomine aperto invenimus largam materiam purulentam, intestina omnia aere valde expansa, ambo ovaria magna nigro-rubra, uterum valde distentum, ejusque internam superficiem inflammata ichore obstitam.

FEBRE putrida symptomatibus solitis stipata nec non singulari stupore extremitatum tam inferiorum quam superiorum 18vo morbi die moriebatur vir 29 annorum. Aperto cranio pia mater imprimis hemisphaerii sinistri quasi tela cellulosa aere inflata apparuit, atque incisa serum effudit, simile fluidum in omnibus cerebri anfractibus nec non in ventriculis & basi cranii larga copia aderat, in abdomine nullum vitium inventum fuit.

ALTER simili febre cum stupore enormi decimo quarto morbi die exspiravit; ablato cadaveris cranio serum nonnullum effluxit; sub pia matre in omnibus anfractibus cerebri simile liquidum continebatur, & per separationem pie matris a cerebro effluxit; in ventriculo dextro haud in sinistro,

T

stro,

stro, sed quoque in tertio, quarto & bassi craniæ simile extravasatum aderat.

## OCTOBRIS.

**F**EBRES putridæ adhuc numerosæ.

INTERMITTENTES paucæ.

DYSENTERIÆ rariores quam mense præcedenti solutione oleosa mannata fauste tractatæ.

ASTMATE periodico admodum gravi ultra mensemangebatur femina 48 annorum; kermes, ipecacuanna nullum levamen attulerunt; quandoque paroxysmi regulariter omni nocte redierunt, tunc propinatus fuit cortex ut in intermittentibus sed absque effectu; demum sponte sub paroxysmo astmatis enormem copiam ascaridum per alvum deposuit, quapropter mox pillulas ex assa foetida porrexi, nec postea revenit astma.

SPONRE nocturno debilitante, sub quo maculæ rubentes latæ haud elevatæ effloruerunt post sudorem disparentes quinque septimanis afflictus fuit juvenis cum levi dolore vago artuum & rubedine oculorum etiam vaga, ultimo morbi tempore simul intumuerunt crura. Antiscorbutica  
nil

nil profuerunt; venereum ideo aliquod suspicans mercurium dulcem ad salivationem usque propinavi, quo tollebatur morbus.

Colico dolore fixo cum obstipatione alvi, intercurrente vomitu 9 diebus vir 35 annorum laboraverat, intereaque septies vena secta erat; bis adhuc sanguinem misi haud phlogisticum, camphorata exhibui, cataplasma emolliens abdomini & clyisma oleosum absque effectu aut levamine doloris applicui; die 12 morbi clyisma oleosum pauca evacuavit cum mitigatione, die 13 dolor brachium dextrum invasit cum debilitate manus dextræ digitos extendere haud potentis, reliquus status manebat idem cum frequenti singultu; nunc porrexi nitrum cum lacte sulphuris alternatim cum mixtura camphorata & clyisma repetii sed frustra; die 13 sequens R. mannæ calabrinæ uncias tres, salis anglicani unciam dimidiam solve in aquæ fervidæ uncis sex, adde olei olivarum albi unciam unam & dimidiam ad patellam omni hora fumebatur, mixtura hæc mox alvum quater solvebat atque per aliquot dies repetita evacuationem alvi modice promovendo abdomen prorsus restituit,



tuit, superstite aliquali debilitate utriusque manus, quæ lapsu temporis & usu balnei stillatitii sensim sanabatur.

ALTER 25 annorum simili dolore colico cum obstipatione alvi, vomitu frequenti, pulsu celerè tenso singultu duodecim diebus insigniter cruciatus fuit, intereaque vena duodecies secta fuit absque sanguine phlogistico, clysmata plura adhibita, nec non camphorata, lac sulphuris, vesicatorium & cataplasma emolliens abdomini, omnia incassum; Demum solutio mannata mox dicta in usum trahebatur, vi cujus alvus largiter aperiebatur; dolorque abdominis cum vomitu & singultu fere prorsus cessabant; surrexit autem dolor femorum insequenti die evanescens cum redeunte dolore aliquali abdominis; hinc vesicatoria suris apposita & mixtura camphorata cum liquore anodino minerali intus exhibita dolorem abdominis e novo fugarunt absque reventu doloris artuum, sensimque restitutionem compleverunt.

In ægrotis nostris nulla suspicio originis saturninæ adfuit; cujusnam ideo naturæ censenda est hæc colica? An inflammatoria, utrum mere spas-

spasmodica, sanguinis missi bona constitutio, inutilitas medelæ antiphlogisticæ & demum bonus effectus remedii emollientis spasmus potius quam inflammationem indicare videntur; quænam vero signa ante talem experientiam sub finem morbi tantum capiendam distinguere valent spasmodicam colicam ab inflammatoria? sane nescio; securissima ideo in hoc dubio statu mihi videtur medendi regula: morbum initio tanquam inflammatorium tractare, donec sub progressu illius signa spasmodicæ indolis exsurgant.

## NOVEMBRIS.

**F**EBRES Putridæ benigniores erant quam mense prægresso, nonnullæ continuum decursum cum periodico commutantes terminabantur. Talis transitus memorabilis erat in viro 27 annorum, qui 21mo morbi die sub incipiente convalescentiâ frigore febrili absque insequenti æstu aut cephalalgia corripiebatur. Hoc frigus porrecto licet pulvere corticis peruviani omni hora quatuor diebus continuis redibat, tunc bis quotidie & post triduum relapsus ter quotidie idem revenit fri-

gus. Hac abnormitate morbi observata reliquum ægroti statum curatius perpendi, atque inveni crura maculis lividis prorsus obsita cum rigiditate nonnulla genu sinistri, dentes autem cum gingivis prorsus sanos; nunc loco alterius medicinæ duo poma citri quotidie consumenda nec non infusum trifolij fibrini ægroto præscripti; abhinc frigora febrilia sensim numero & gravitate decreverunt & quatuordecim diebus sanus nobis valedit æger.

QUIDAM sedecim diebus insigni febris putridæ gradu decubuit cum stupore enormi, pulsu celeri, debili, urina involuntaria, lingua sicca maculis petechialibus, alvo aliquatenus naturali. Emeticum & laxantia initio adhibita fuerunt, dein cortex peruvianus & camphora absque decremento sed potius cum incremento morbi. Hac occasio mihi apta videbatur seponendi alia remedia & pulverem sinapi tentandi; hinc pulveris sinapi anglicani dicti cochleare minus bihorio ægroto nostro porrexi; mox ardor abdominis inde ortus accusabatur. Die 17<sup>mo</sup> stupor fere idem, alvus noctu semel aperta, lingua humidior, ardor abdominis

dominis gravior. Die 18<sup>vo</sup> alvus bis liquide aperta, pulsus magis elevatus, ardor abdominis minor. Die 19<sup>no</sup> somnus noctu bonus, alvus semel aperta, ardor abdominis adhuc minor, stupor notabiliter minutus, lingua fere naturalis, pulsus mollis haud adeo celer, maculæ petechiales evanuerunt, nuno pulverem dedi trihorio adhuc per duos dies, quo morbus magis magisque decrevit; jam vero hanc medicinam adeo nauseabat & sumere recusabat æger, ut superstitem debilitatem decocto corticis peruviani sanare coactus fuerim; nemo sincerus effioaciam pulveris sinapi in hoc casu denegare potest; hinc eundem in nonnullis aliis ægrotis eodem modo putrida decumbentibus tentavi, verum sine optato eventu.

FEBRE puerperali mox post partum orta quadriduo laborabat femina 25 annos nata. Totum abdomen doluit, alvus erat stricta & pulsus celer tensus; intra septimum diem per venæsectiones & camphorata dolor acutus cessavit; alvus vero reddebatur laxa, lingua aphtosa, pulsus celer & debilis cum intercurrente vomitu, anxietate, dolore pectoris & artuum vago, expansione abdominis,

intolerantia fere omnis ingesti, debilitate magis magisque crescente usque ad 36tum diem morbi, quo subito ex umbilico sponte dilatato pus profuit prima vice ad tres circiter mensuras, septem abhinc diebus continuis largum exprimebatur pus, ultima vice sanguine mixtum. Aperto abdomine defunctæ inter peritonæum & omentum continebatur materia brunna spissa admodum foetida, omentum in toto ambitu nigrum in pelvi cum peritoneo & ubique cum intestinis, a quibus sine laceratione separari nequivit, cohæsit; intestina ipsa etiam muco quodam inter sese agglutinata erant, superficies concava hepatis crusta crassa purulenta obducta erat & cavitas pelvis largum pus spissum continuit.

FEBRES quartanæ nonnullæ interdum solo pulvere digestivo e cremoris tartari uncia, salis amoniaci uncia dimidia & radiceis rhei drachmis duabus composito & trihorio ad cochleare minus exhibitio sanabiles; interdum cortex ipse opus erat; quidam 27 annorum quinque hebdomadis quartanam passus post usum digestivi indeque alvum laxatam unciam pulveris radiceis gei urbani tribus  
inter-

intervallis apyretis continuis adeoque tres uncias hujus pulveris ingerebat, febris autem eodem gradu rediit imo cum adjuncto dolore hypochondrii dextri, ob quem seposito geo repetebatur pulvis salino laxans, indeque post aliquot dies tollebatur dolor, quo facto cortex peruvianus sanabat febrem.

### DECEMBRIS.

**F**EBRES quam plurimæ erant inflammatoriæ indolis pectus invadentes, partim simplices aut catharrales aut mere inflammatoriæ, partim mixtæ cum symptomatibus putridis, ita ut eliminato per emetico-catartica fomite putrido inflammatoria morbi natura evoluta fuerit.

FEBRES intermittentes paucæ; contra quotidianam dimidii anni præmissis digestivis & evacuantibus dedi unciam pulveris gei tempore apyrexiae sine effectu, illi vero mox substituto cortice febrem fugavi; eundem effectum gei & corticis comperi in quartana decem hebdomadum; apud alterum vero e putrida convalescentem surrexerunt motus febriles leviores quotidie recurrentes, quos pulvis gei abegit.

T 5

DYSPNOEA

**DYSPNOEA** enormi suffocationem minante præsertim nocturna cum impedimento somni tumore oedematoso crurum, sputo nullo, pulsu irregulari vir 50 annorum 6 hebdomadis affligtus erat; dum res ægroti ad summas angustias redactæ videbantur, mox kermes minerale, mox solutionem gummi ammoniaci cum oxymelle scillitico, mox radicem ipecacuannæ porrexi; periculo autem eodem manente pulveris radice squillæ grana quatuor eleosachari ferniculi scrupulum ter quaterue indies propinavi, hinc vomitus & vomitum ritio frequens cum levi diarrhoea citabatur in levamen dyspnoeæ; sex autem diebus sub hac medicatione relapsis facies enormiter intumuit erysipelate ubique rubens, singultus etiam accessit; instituta venæsectio sanguinem bonum monstravit, porrecta mixtura camphorata, cujus uncis sex grana tria moschi apposita erant, singultum sensim compescuit; facies detumuit cum desquamatione cuticulæ, dyspnoea fere prorsus evanuit, ita ut somnus jam quietissimus redderetur, nihilque sanationi defuit nisi aliqualis tumor extremitatum inferiorum: usu pillularum scilliticarum sensum dissipatus.

MERITO

MERITO in hoc ægroto hydropem pectoris suspicatus fui; an singultus emesi suscitatus motu frequenti diaphragmatis resorptionem feri in pectore extravasati promoverit? si etiam in hoc desperato casu emeticum utilitatem produxerit; jure tamen quæritur, an in similibus aliis casibus idem faciendum sit periculum? apud alterum ægrotum idem experimentum repetii, sed mors cito subsequuta fuit. Ab ægrotis ideo ipsi determinanda est electio talium remediorum, quorum effectus aut citior mors aut sanatio æque circiter probabilis est.

PARTUI absoluto in femina 22 annorum mox successit diarrhoea cum dolore abdominis, siti insigni cephalalgia, tussi, singultu; quartus jam morbi dies erat & vena semel secta; dedi emulsionem camphoratam bihorio, 5to die status idem, lochia mixta fluxerunt, vena secta cum sanguine phlogistico, 6to die singultus rarior alvus minus laxa, 7mo somnus bonus, alvus naturalis, singultus cessavit, 9no die sub mammis lacte distentis se sanatam sentit ægra. Probabile est lac ad intestina directum eorundem dolorem & reliqua symptomata induxisse, illo autem per naturæ beneficium  
ad



ad mammas determinato fauste devictum fuisse morbum.

ALTERAM vero 32 annorum secundo post partum die aggressa fuit febris cum dolore abdominis & lumborum; lochiis suppressis, pulsu celeri tenso, alvoque stricta; sanguinis missio septies repetita, emulsio camphorata, clysmata haud impediverunt, quo minus ægrotæ 5to morbi die expiraverit. Aperto abdomine totum omentum inflammatum ejusque inferior pars gangrænosa, tubæ fallopii & superficies anterior uteri etiam inflammata, in qua uteri parte simul duo abscessus aderant largum pus continentes, cavitas pelvis sero limpido cum innatantibus flocculis purulentis erat impleta.

DOLORE dorsi & regionis hepatis cum expansione abdominis alvoque laxa, cui demum tumor oedematofus crurum accessit novem septimanis laboravit vir 40 annorum, indeque necatus fuit. Apertum cadaveris abdomen: serum sanguinolentum fundebat, lobus hepatis dexter costis spuris accretus erat; in superficie illius convexa præsertim lobi minoris aderant multi abscessus sub incisione

sione pus stillantes, intestina tenuia ad diametrum calami scriptorii erant coarctata, glandulæ mesenterii & pancreas indurata.

Mictu cruento irregulariter recurrente cum stranguria molesta absque lumbagine, jam duobus annis quinquagenarius afflictus erat; cremor tartari initio exhibitus fuit, unde urina largior reddebatur, interdum limpida, interdum cum sedimento albo quasi calcareo, interdum cum frustis condensati sanguinis, interdum tenui sanguine mixta; dolor simul perinæi & regionis hypogastricæ accusabatur, nullus vero per catheterem calculus indagari potuit, nunc tentabantur essentia corticis cum spiritu vitrioli, mixtura composita ex aqua petroselini, succo citri, oleo olivarum, dein pulvis foliorum uuæ ursi, aqua calcis pro usu interno & iniectione in vesicam, omnia vero incassum, symptomata enim permanebant & crescebant cum diuresi, mox libera mox impedita mox profus involuntaria, dolore vesicæ gravativo aut sensu excoriationis, imprimis sub mictu impedito & ante proventum grumosi sanguinis, tumore oedematoso corporis vario copię missæ urinæ respondente;

versus

versus finem urina valde sanguinea cum sedimento purulento admodum foetido reddebatur cum continuo mingendi stimulo, incrementoque tumoris hydropici, quibus ultimo triduo somnus lethargicus in mortem terminatus jungebatur, postquam trimestri spatio hasce miseras in nosocomio passus fuerat aeger.

In cranio demortui sc. inter piam matrem & cerebrum ejusque anfractibus, & ventriculis lateralibus atque basi cranii multum aderat serum extravasatum. In abdomine hepar erat enormis magnitudinis, pancreas induratum, uterque ren naturali mensura duplo major, intus ulcera multa cum materia purulenta continebat; vesica urinaria parva, dura, crassis, callosis membranis composita; superficiem internam ubique habuit exulceratam cum vasis sanguineis magnis varicosis simulque pus multum spissum continuit; prostata solito major etiam sub incisione materiem purulentam effudit.

## XXII.

## AD EPIDEMIAM MORBILLOSAM

HAUNLÆ CIRCA PRIMUM ANNI 1781.

QUADRANTEM GRASSANTEM AN-

NOTATA MEDICO-PRACTICA

JOHAN. WILHELMI GULBRAND,

M. D. Archiatri Regii, Societatis p. t. Præsd.

**A**CCIPITE Commilitones summam eorum, quæ apud ducentos fere ægros, sæviente circa initium hujus anni epidemia morbillosa correptos, observavi vobisque & posteris haud indigna judicavi: Accipite inquam hæc currente calamo, & absque ulla dictionis elegantia consignata literis, quæ sequuntur.

DIMIDIA ægrotantium pars, & major, adulti erant, ad minimum, vigesimum egressi fuerant annum: Et ex his plurimæ sexus sequioris erant: Coeterum epidemia nil fere ab ista, quam descripsit Cel ROSENSTEINIUS Holmiæ grassantem, alieni præbuit.

præbuit. Vexabantur primis diebus plurimi tussi sicca singulari, vomitu, dolore dentium, tumore & rubore gingivarum, lassitudine, rubore dolore & stillicidio feri acrioris oculorum.

Non pauci adultorum sub efflorescentia macularum salivationem spontaneam copiosam satis passi sunt: Reliquis diarrhoea, aliis sudor largissimus obvenit: His nulla vel parva admodum accessit desquamatio furfuracea solita epidermidis. Decumbentium nemo in primo morbi stadio venam secuit: Unicum vidi, eumque obesioris habitus, qui ultimis ante emptos morbillos octo diebus, dietæ indugebat lautæ, opiparæ; tussi molestatus sicca, vehementi, clangosa, sexies venam curaverat his diebus sectam, absque tamen levamine: Nec extractus sanguis ulla monstravit inflammationis signa: Demum post sumtum laxans copiosissimi per totum corpus effloruerunt morbilli coloris obscure rubescentis: Usus est sub morbo temperantibus acidiusculis, & convaluit: Maculæ autem ultra 14 dies post fugatum morbum perstiterunt.

NOTAVI

NOTAVI hanc observationem bene memor moniti Cell. ROSENSTEINII, qui L. c. suos inquit morbillosos omnes sanguinem monstrasse cuti inflammatoria tectum, & futuris diebus solvendam linquit quæstionem: *Utrum inflammatoria sanguinis crasis in omnibus adsit morbillorum speciebus?*

Dux foeminæ, annosior altera, altera undeviginti annos nata graviter decumbebant, ambæ symptomatibus morbillorum correptæ: Maculæ livescebant ab initio, & solito longiores subsistebant: His superveniebat postea salivatio spontanea & larga, deinde diarrhoea ac desquamatio furfuracea larga: Restitutæ sunt per Decoctum Cort. Peruv. Emulsionem communem Fulleri loco potus ordinarii haustam & rheum ad drachm. dimidiam pro necessitate vicibus repetitis sumptum. Ægrotantium reliqui, quotquot nempe a Diarrhoea immanes fuerunt, morbillos pulchre debellarunt usu assiduo mixturæ ex aquæ destill. melissæ ʒviij. Spiritus Mindereri ʒi. Pulver. Nitri depurati ʒi & Syrupi Diacodii ʒi mixtis, unacum calore temperato cubuli & lecti & potu diluente,

luente, mucilaginoso, tepido: Iis, quos unacum morbillis vomitus & diarrhoea corripuerunt, loco dictæ mixturæ Emulsionis communis Fuller. 3xvi. præscripti additis Pulver. Nitri puri 3i. & Camphoræ 3j. & pro ratione ætatis & symptomatum rheum interposui. Sic omnes Deo duce, auspice Hygæa, incolumes servavi. Fugatis febre & efflorescentia per duas septimanas adhibuerunt omnes Tinctur. rhei aquos. part. iiij. Liquor. anod. min. H. part. j. Liquor. Terræ foliat. Tartari part. ij. mixtas & pro differenti ætate a gtt. 40 ad 100 ter quaterve indies haustas. Foeminæ initio morbi menstruatæ, superato morbo solita citiorem menstruationem passæ sunt, eamque largam. Decumbentium quidam sese morbillos antehoc passos esse affirmarunt, bene memores visorum olim symptomatum: Et cur ni fides habeatur huic relationi? Dissentiunt in hoc quoque scriptores Medici: KLEINIUS atque HARTMANNUS affirmant reditum morbillorum, quem negant ROSENSTEINIUS, alique.

DECU-

**MORBILLOSA, HAUNIÆ 1781. 307**

DECUBUERUNT in uno eodemque cubiculo,  
quin imo in eodem lecto, ejusdem familiæ liberi  
complures, quorum alii morbillos passi sunt,  
dum reliqui a contagio immunes ad hunc usque  
diem vixerunt.

---

---



## XXIII.

## OBSERVATIONES PRACTICÆ

URBANI BRUN AASKOW,

M. D. Archiat. Regii, Societ. Membri Ordinarii.

## OBSERVATIO I.

**S**OLUTIONEM Gummi Guaiaci in spiritu sacchari jam tribus vernis mensibus per triennium hausit vir antea podagra gravissime quotannis laborans. Paroxysmus nunc levior vix tot durat per dies, quot antehac cruciabat hebdomadibus; optima ceterum gaudet sanitate vir.

ALIUS senex lumbagine arthritica diu afflic-  
tus, ita ut incurvatus vix incedere valuerit, eadem  
adhibita solutione levatus jam est.

ALIUS astmate a materia arthritica laborans  
nostro hoc remedio insigniter levatus.

## OBSERVATIO II.

**I**NUNGENDO abdomen linimento mercuriali haud  
paucos sanavi, qui obstructionibus graviter ac diu  
labora-

laboraverant internis, resolventibus decantatissimis antea absque ullo effectu adhibitis. Inunctionem præscripsi continuandam usque ad apparitionem solitorum incipientis salivationis signorum. Decoctum simul præscripsi radicis graminis, atque Tincturam Rhei aquosam cum liquore terræ foliatæ Tartari.

### OBSERVATIO III.

**G**RAVIDA, postquam sub prima graviditate lapsu uterum læserat, ita ut abortum fuerit passa mense gestationis sexto, ter jam deinde conceperat; mense autem grauiditatis septimo ob dolores in loco antehac læso semper abortivit. Præsentis anno iterum gravaida fuit mulier; sed repetitis venæsectionibus, decubitu in lecto ab initio sexti mensis, inunctionibus oleosis emollientibus ad locum antea læsum & jam valde dolentem, diætâ tenuissima humectante, & opiatâ sat large sumtis, simul ac dolores graviores infestarunt, id effeci, ut, doloribus licet inde a medio sexti gestationis mensis in dicto loco satis graviter affligentibus & ad finem usque octavi mensis recurrentibus, hi

tamen priores haud produxerint effectus, sed octavo graviditatis mense decreverint sensim, adeo ut extra lectum potuerit versari gravida, prolemque sanam, exacto justo gestationis tempore, sit enixa.

## OBSERVATIO IV.

**M**IRUM vidi laxantium in doloribus febrique puerperali effectum. Vel Rheum cum sale mediō, vel Folia Sennæ in infuso vel aqua laxativa, *Vienne* dicta, amaro nupta cathartico sale porrigebatur donec largi ac multi sequebantur secessus; post singulam alvi exonerationem insigniter levabantur ægrotae: Denuo incrementos vel redeuntes dolores iteratum removebat laxans, & brevi tempore hac ratione tollebatur morbus, qui alia sub medicatione semper diu adeo durat ac sæpe trucidat. Quod si simul nimis durus erat pulsus, venæsectiones quoque in usum trahebantur, quæ nunquam tantum ac laxantia præstitere effectum.

RATIO hujus methodi satis patet, si doloris causam agnoscimus scybala multa indurata, quibus intestinum cæcum sub gestatione infarctum fuerit

fuerit ob compressionem diuturnam intestinorum crassorum ab utero gravido.

ITA mihi sæpe ac fere semper observare contigit; Immo morbum nostrum & ab aliis & a me venæsectionibus, multis camphoratis, remediis-que antiphlogisticis tentatum sæpius vidi, absque tamen ut dolor vel febris remiserint, antequam vel sponte vel arte copiose evacuata fuerit alvus, scybalaque dura, nigra, adusta quasi, dejecta. Dolorem nos fere semper observavimus in hypochondrio & ilio dextro ad marginem quasi ilei ossis, ubi situm est Coecum.

PATET hinc quantum lenia laxantia & eccoprotica sub finem gestationis prosint, licet non semper duriora e coeco his educi possint scybala. Nunquam non dicta gravidis præscribo remedia, nunquam non utrum soluta debite fuerit alvus inquiri, sæpe tamen obstupui videndo, quanta dura sub puerperio prodire scybala.

#### OBSERVATIO V.

CRUSTA lactea frigore retropressa carum nostrum primogenitum trucidavit filium convulsionibus

U 4

abortis:

obortis: Secto abdomine magnæ conspiciebantur & induratae mesenterii glandulae. Plures tum ante tum postea lugubres vidi sequelas crustae retro pulsae lacteae matribus aequae ac nutricibus foedae visae ac ingratae, quam, dicant licet deque periculo clamitent medici, naturae nunquam committendam putant, sed annilia clam remedia, saepe saturnina, adhibent. Ita proxime trucidatum vidi puerulum antea sanissimum, a parentibus sanis aequae ac illustribus genitum. Crustam lacteam oleosis nimis inunxerat nutrix; materia hinc ad pulmones perlata, peripneumoniae & convulsionibus succubuit infans.

ITA nuper quoque alia in nobili familia infantem vidi sanissimum, lacteam modo exceperis crustam faciem defoedantem, cui pro solito nostro more praescripsimus fofus e lacte tepido vel tenui avenae decocto, & pulveres absorbentes cum rheo & antimonio diaphoretico. Optime valuit infans, donec me, omnibusque insciis, cerussae pulvere faciem consperserat nutrix, tunc autem intra paucos dies convulsus periit infans. Aperto abdomine magnæ conspiciebantur & induratae mesenterii

senterii glandulæ omnes: In posteriori pulmonis dextri ac in dextra quoque & posteriori diaphragmatis parte, ac convexa & posteriori hepatis signum aderat inflammationis. Reliqua sana.

## OBSERVATIO VI.

NUPER vidi *morbum* illum *maculosum*, quem post Cel. WERLHOFIUM descripsit amicissimus noster Collega, Cel. GULBRAND. Ancilla nempe 30 annos nata, macilenta, pallida, valetudinaria, ante aliquod tempus hæmorrhagiam uteri vel potius nimium catameniorum fluxum passa, sub finem Februarii mensis anni currentis de nimis menstruis indeque orta debilitate queritur. Præscripsi mixturam ex Essentia cortic. auranticum cum spiritu vitrioli, post paucos dies menstrua cessabant: Post 14 dies iterum queritur hæmorrhagiam uteri per aliquot dies adfuisse cum dolore lumborum & abdominis; appetitus simul erat dejectus, lingua sordida, foedus oris sapor, vomitunitio, maculæ ex rubro brunneæ undique toto in corpore, excepta facie, & adhuc aliæ in brachiis & pedibus lividæ ac latæ scorbuticarum instar, conspiciebantur;

U 5

pulsus

### 314 AASKOW OBSERVATIONES


pulsus debilis, versus vesp̄eram plerumque concitator cum calore; noctes inquietæ, insomnes. Die 16 Martii solutionem præscripsi tartari emetici, qua *αἴμα καὶ καρὰ* purgata fuit ægra cum levamine. Die 17 Mart. status idem. Ingravescente autem dein hæmorrhagia præscripsi pulverem cremoris Tartari ℥i cum Ipecacoanhæ gr. viii omni bihorio ad 3ß sumendum, mixtura antedicta non seposita. Die 20 Martii. Status perdurat idem, hinc pulverem ordinavi e corticis peruviani & aurantiorum ana ℥i Aluminis crudi 3ß, omni bihorio alternatim cum mixtura sumendum. Pulvis autem vomitum ciebat, hinc, eundem seponendum iussi. Die 22 Martii ordinavi, ut mixturam cum spiritu vitrioli, unde primis diebus ℥i hauserat ægra, jam fumeret ad 3ß usque per diem. Hæmorrhagia hinc imminuebatur, quæ antea largissima adfuerat; mox vero iterum recrudit. Versus meridiem sequentis diei accessit larga hæmorrhagia narium cum insigni præcordiorum anxietate: Omnis potus frigidus porrigebatur, & præter jusculum ex avena vel Sago nil ingerebat: Nuchæ applicabatur linteam aqua frigida.

gida humidum; aceto & aqua frigida fovebatur abdomen & lavabantur manus & brachia. Die 24 Mart. narium cessavit hæmorrhagia, valde autem debilis fuit ægra cum visus & auditus imminutione. Jam decoctum saturatum corticis peruviani cum Elixir vitrioli omni bihorio alternatim cum mixtura acida supra nominata sumebat. Die 25 nox prægressa melior, somnus aliqualis, pulsus hodiè magis elevatus, hæmorrhagia minor, sed alvus per aliquot jam dies adstricta erat. Propinavi pulverem Rhei ad ℥ss vesperi & mane sumendum; nullus inde effectus, hinc vespere diei 26 Martii clyisma ordinavi cum effectu. Die 27 Martii nox iterum melior, hæmorrhagia minor; calorem singularem in partibus urentem internis, præsertim capite queritur ægra; maculæ parvæ purpureæ fere evanuerant, lividæ vero latiores erant factæ. Foetorem singularem cadaverosum spirabat ægra. Die 28 post prægressam anxietatem multum sanguinis e naribus & ore profluit, qui patella exceptus mox coagulum constituebat, foetor gravior: Solam jam præscripti mixturam cum spiritu vitrioli, quam copiose ingererat



### 316 AASKOW OBSERVATIONES &c.

gerebat ægra. Die 29 Hæmorrhagia narium cessavit. Versus meridiem, apoplectico quasi per horam corripiebatur ægra insultu, quam immobilitas & insensibilitas brachii & cruris sinistri sequebatur. Die 30 Martii valde debilis sæpius deliquium patiebatur ægra. Liquorem ordinavi nervinum alternatim cum mixtura acida hauriendam; Foetor gravis perstat, alvus obstrueta, quam movere impendebat magna debilitas. Die 1 Aprilis heri & hodie sanguis haud fluxit, sed subdelirat debilissima & difficillime deglutire valet; pulsus quam maxime exilis. Die 2 recruduit hæmorrhagia per os, nares & uterum; sanguis non dissolutus. Mixturam adhuc hausit acidam, sed rarius ob difficilem deglutitionem. Die 3 April. nocte prægressa convellebatur ægra, & insequente moriebatur.



XXIV.

## XXIV.

## COLICÆ LACTENTIUM CURA,

A

RUDOLPHO BUCHHAVE,

M. D. Soc. Membr. Ord.

**P**RÆVISA & inevitabili morte liberasse mortales jucundissimum in medica arte est negotium. Gaudium, quod inde genuinus persentit medicus, multas & acerbis longe exsuperat animi inquietudines, quas dolores ægrorum luctus & querimoniæ alias præbent.

INTER eos, ruinam incolarum maximam certamque necem minantes, morbos, primum sibi vindicat locum eclampsia infantilis, summamque meretur animi attentionem. Acerbe sæpe dolui, neglectos infantes, matura certissime cura sanitati restituendos, adhibita justo serius medicina, morte eximere me non potuisse; sæpius vero e contrario gaudio perfusus sum maximo, causas hujus mali mature removendo, misellos orci faucibus eripuisse, vitamque iis conservasse.

HÆC

**H**æc affectio omnium, primo infantili anno accedentium, ægritudinum pessima est, maximeque lethalis. Numerus hoc morbo exanimatorum fidem pene excederet, ni annui mortuorum id docerent catalogi. Probant hi, unam quartam, immo tertiam, & interdum prope dimidiam neonatorum partem quovis anno vitam cum morte commutare. Celeb. SÜSSMILCH calculum suum dicto addidit, in computationibus suis inveniens, unam quartam partem morbo epileptico communissime mori, sive, quod eodem redit, e centum millibus natorum primo nativitatis anno occumbere viginti quinque millia (\*). Eodem auctore evictum est, numerum infantum, eclampsia mortuorum, quotannis Londini auctum ita fuisse, ut denuo ad unam tertiam natorum partem ascenderit. Idem Hauniæ fieri nemo inficias ibit, cui curæ cordique fuit calculos ponere.

His serio pensatis nemini non patet, patriam quotannis crudeli hac neonatorum peste haud parvam incolarum futurorum pati jacturam; necem si addas,

(\*) Östliche Ordnung des Menschen-Geschlechts. Erster Theil S. 266.

addas, quam infert variola & interdum rubeola, minimam natorum partem adultam attingere ætatem, videbis. Rectissime igitur SÜSSMILCH, de fato hoc tenellorum conquerens, *optandum sane*, inquit, *ut dimidia epileptico morbo morientium pars salvaretur, quanta præmia, qualesque statutz liberatori decernendæ!* Porro interrogat: *Num demonstrari potest impossibilitas huic morbo a tenellis avertendo remedium inveniendi?* Remedia sane infallibilia jam dudum sunt inventa, & publicata; restat solummodo, ut usus eorum incolis, inferioris inprimis sortis, communior fiat. Si institutione debita de morbi periculo, & remediorum contra hunc efficacia imbutæ essent, ad hanc rem plurimum facerent obstetrices; si matres præterea, omnibus rejectis anilibus præjudiciis, modo perdiscerent, quæ a medicis, huc spectantia, litteris sunt mandata; vel si, natura ductrice, natorum semper anxie tempestivum quærerent consilium medicorum, antequam morbus altiores egisset radices, maximam, si non omnem, sane letho absolutam fore infantum vim, alias certo certius interituram, mihi persuasissimum est.

Tot

Tot funera lugente patria, causas stragem edentes paucis percurrere, & deinde eam, qua, ut efficacissima in hoc, inprimis pertinaci, morbo curando, usus sum methodo, indicare, atque luculentius, usque eo praxis me docuit, proponere, operæ pretium duxi, quo ad morbi, omni animi attentione dignissimi, curam feliciter instituendam omnes artis peritos excitarem.

Cum eclampsia ut plurimum dolores intestinalium vehementissimos excipiat, colicam lactentium ut præcipuam futuræ eclampsie causam semper consideravi, qua sublata, etiam præpeditur eclampsie paroxysmus; ad hanc igitur colicam præcipue attendendum est.

COLICA lactentium a primo nativitalis momento initium ducit, neglecta inprimis meconii tenacis evacuatione, aut denegato lacte solvente & laxante materno. Ingestis deinde alimentis, primis post nativitatem diebus primi & nervis sensibilibus insoliti oboriuntur leviores dolores colici, initio quidem vagi, noctu tamen acerbiores; fœces aut colore nigricante meconii tinctæ prodeunt, aut colore quidem flavo, relictis tamen  
semper

semper in siccis linamentis maculis dilute vel obscure viridibus, aut tandem striis viridibus instructæ. Accedunt fletus sine alia cognita causa reiterati, vomitus & singultus, risus, & pavores sub somno. Hic primus & levior colicæ gradus, insequendum majorem & periculi pleniorē minans; incrementibus enim mali causis, sensim viridiora dejiuntur excrementa, ita ut tandem viridi veri assimilentur, & linamenta gramineo tingant colore; muscoli flaccidi, debiles; facies lurida, pallida evadunt; macies, sudor acidus, febris, sitis, pervigilia, fletus & clamores concomitantur. Qui maximus & secundus morbi gradus vitium acre, colicam inferens, in primis adesse viis, aperte loquitur, quod, auctis & iteratis torminibus, debilitata corporis machina, eclampsiam, mortis ut plurimum prænunciam, concitat.

SEMINIA naturalia, his symptomatibus excitandis apta, in solidorum laxitate, & nervorum irritabilitate, huic ætati propriis, latent. Potentias nocentes præbent meconium retentum; lac matris vel nutricis impurum, acre; idem nutricis nimis caseosum, vel, licet bonum, justo copiosius

fius datum; lac acidulum & farinacea cruda affa-  
tim ingesta.

Hæ causæ procatarticae proegumenis junctæ  
tot subministrant fontes acido primarum viarum  
generando, quot causæ ad idem producendum  
concurrant. Acrimoniam hanc acidam, ut uni-  
cam & principalem semper credidi causam om-  
nium, neonatos misere affligentium, malorum,  
atque inde insequentis eclampsia & lethi. Taceo  
casus illos, ubi eclampsia vel a matris excande-  
scentia, vel alio vitio oriatur, quoniam hæc ista  
rarius occurrit. Multoties auxilium misellis epi-  
lepticis gratia ferendi sum vocatus, sed dolui ple-  
rumque me e periculo & faucibus orci eos eri-  
pere non valuisse, quoniam longa nimis mora in  
toto corpore perdendo causis fuit permissa. Inde  
experiundo didisci, eclampsiam facilius avertere,  
quam mederi nos posse, seramque soepius fallere  
medicinam, si principiis non obstemus, primas-  
que negligamus tenellorum inquietudines, quæ,  
ruinam eorum parari, aperte satis monent.

Quon ad colicæ lactentium curationem atti-  
net: In primo & leviori ægritudinis gradu absor-  
bentia

bentia commendavit antiquitas, quæ utiliter sanè se sæpe præstiterunt, postquam primæ viæ, ut mos est, bene sunt purgatæ. Damnosa vero obstetricum ars, ab atavis hæreditate quasi consecuta, oleosa, intestina debilitantia, & saccharata, acidum ventriculi augmentia, officiose intulit; nec desunt etiam novissimorum quidam practicorum, qui talia adhortantur & præscribunt. Dictis omnibus autem præcellit pulvis infantum sine Rheo Dispens. Dan. præcipue si nutrix simul pulvere galactipoeo utitur, & morbi contumaciæ conveniens porrigatur dosis.

In secundo dictæ affectionis gradu, nescio qua ratione, absorbentia, mucilaginosæ, oleosæ, decoctum oryzae, theriacam, & plura hujus faraginis remedia practici etiam hodierni excogitarunt, literisque mandarunt, quæ omnia malum non corrigunt, minimeque auferunt, sed statum miserandum pejorem reddunt.

Quidam vero illustrium Medicorum, chemica imbuti scientia, feliciori ave meliora & rei convenientiora indicavere pharmaca. Sic HORMANNUS usum pulverum absorbentium, oleo tartari



tari per deliquium imbibitorum, addita æquali portione rhei, laudavit. Sic BOERHAVIUS, in primis ejus commentator SWIETENIUS, falis alcalini acrimoniam metuens, bilem animalium, ovi vitellum & saponem commendavit. Sic emulsionem, cui parva falis alcalini fixi portio fuit immixta sapientissime proposuit ROSENSTEINIUS, & ad hoc nutricibus rusticanis, lacte acido viventibus, aquam præscripsit alcalinam, sed valde dilutam, quibus remediis magnam neonatorum copiam ex orci faucibus certo certius ereptam fuisse, nemo inficias ibit, qui vim alcalinorum hoc in casu expertus est.

Cum vero multis in ægris hæc pharmaca, etiam copiosius oblata, vel inconstantem, vel parvum, vel nullum edere effectum persensit, quod in iis plerumque casibus factum est, ubi artificiali modo infantes sunt enutriti, vel inepta nutrix non erat commutanda, vel mater valetudinaria caro admoveere nato ubera exoptavit, vel infans teneræ erat compagis, adeoque difficilis digestionis. Quarum circumstantiarum præsentia soepe usu venit, ut æruginosum foecum colorem nec in flavum

flavum convertere, ideoque nec colicam & ejulatus concomitantes sistere vel reprimere valuerim. Hinc in angustias quasi adductus, hostem cognitum non nisi larga remedii dosi debellandum, eaque, consilio inito, superandum putavi.

Dosis salis tartari, a ROSENSTEINIO præscripta, vix ad unam quartam grani partem accedit, quæ portiuncula, nisi sæpissime repetita, acilum ventriculi & tubi intestinalis domare non valuit; hujus igitur salis dosin adaugere fui coactus: quo metam exoptatam eo citius attingerem, atque curationem perficerem, emulsionem composui, cujus libræ dimidiæ semunciam salis tartari adjunxi, ex qua guttas 20, sive quantum cochleare parvum capiat infanti porrigere jussi bis, ter vel quater quotidie, prout malum urgeret; pariter modo nutrici, ut totidem semunciam caperet, mandavi. In desperatissimo casu hanc salis portionem ad drachmas sex augens, eidem emulsionis portioni admiscui, dicto modo ingurgitandæ. Egenos qui impensa remediorum expedire non valuisse, mixturam hanc alcaninam cum aqua simpliciori parare docui.

HAC pharmaci dosi, qua infans omni vice tria ad quatuor salis tartari grana, & nutrix scrupulum unum ad drachmam dimidiam deglutiverit, ita profeci, ut tormina ventris, luctus, & inquietudines inde oriundas, brevi feliciterque composuerim; dejectiones alvinas, sponte ut plurimum protrusas, ita mutatas vidi, ut, si non eodem die, attamen die postero, æruginoso colore exuto, flavedinem naturalem induerint, talique methodo hostem, tantorum malorum auctorem soepius intra aliquot dies devici atque depuli.

MALO iterum iterumque recurrente ad causas attente respexi, quas, siue in nutrice, siue in diæta residere, deprehensæ sint, quam ocissime, quantum potui, removeere conatus sum, ne longanimis & tædiosa curatione parvulos lacefferem. Diæta carnea a nutrice instituta est.

REMANENTE tunc, ut soepè usu veniat, cum pallore faciei & labiorum, primarum viarum debilitate, & inde orta mala digestionem, qua casciosa quo dejectis commixta fuere, ad saponacea, roborantia, & digestionem promoventia, adhortante BOERHAVIO, confugi. Remedium, quo his sub  
circum-

circumstantiis usus sum, rachitidi opposuit inter alia ROSENSTEINIUS, nempe pilulas ex offæ Helmontii partibus IX, fellis bovini parte una, & radicis ari q. s. mixtis, compositas, & ad gr. II formatas. Harum duas bis vel ter, in aqua feniculi vel lacte solutas quotidie exhiberi jussi, qua medicina, bilis, tunc temporis inertis, vice fungente, vires tenellorum mire increvere; digestionem enim inde optime peragi, & ruborem labiorum ac genarum postea nasci, sanguinis bonam crasin; simulque remedii demissionem indicantem, nunquam non vidi.

DIUTURNITATE & mali vehementia ita furcata tenellorum corporis machina, ut eclampsia inde nata fuerit, incerti sæpius eventus erit curatio; attamen dictorum pharmacorum ope eo rem interdum perduxi, ut paroxysmi certo certius redituri insultum averterim.

METHODO indicata morbi periculum brevi averuncavi, vel ad minimum detinui, donec necessariæ factæ sint cum nutrice, vel ejusdem diætæ commutationes, & si bona nutrix non erat obtinenda, ad educationem infantis artificialem ad-

hortatus sum, vitamque miselli, alias neci tradendam, sæpissime conservavi, nullumque habui unquam ægrotum, cui hæc medicina fuit applicata, quem non a periculi plenæ eclampsie insultu, prima hujus colicæ signa præpediendo, liberavi, imo tempore dentitionis, roborato antea corpore, acidoque intestinorum correcto, nulla unquam a me visa sunt convulsionis, multoque minus eclampsie signa, quæ multos sæpenumero vita privarunt; nam corpora, meæ curationi concredita, non ita fuere debilitata, ac illorum, quos convulsionibus necari mihi videre datum fuit.

### HERPES LACTENTIUM.

**A**D affectiones infantiles exanthematicas pertinet morbi species, ad cachexias, & quidem ad impetigenes referenda, sed ab auctoribus systematicis, quantum novi, nondum determinata, nec descripta, quod mirandum, cum tamen non rara obviam veniat, & adulta tenellos misere affligat.

ERUMPUNT in facie, collo, vel alia corporis parte, nulla excepta, excrecentiæ gregales, parvæ, elevatæ, rubræ, sensim augmentatæ latitudinem

gem acrem, cutim inflammantem vicinam, & crustas formantem, prurientes. In corporis trunco affatim eruptæ, tum ob pruritum & cutis exulceratæ dolorem, tum ob indusii, mediantibus excrementiarum crustis, corpori agglutinati adhætionem, magnam misellis excitant torturam, vagitumque diuturnum. *Herpetis lactentium* nomine morbum salutavi.

PRINCIPIA morbi in acido quæras primarum viarum, non sufficienter alcalinis saturato pharmacis vel prorsus, nulla vel inertis adhibita medicina, posthabito & neglecto, atque sensim in massam sanguineam subdole irrepto, ubi auctum per spiracula cutis venenum expellit natura.

IN curatione rite præstanda vana & inutilia animadverti plurima, quædam etiam periculosa. Aliorum exemplo edoctus morbum vidi sub usu laxantium & decoctorum, sanguinem purificantium, a nutrice haustorum, vires cepisse, ægrumque, malo accumulato, necasse; vidi balnea frustra instituta, immo linimentum sulphureum, inepte cuti inunctum, eclampsiam & mortem inopinato intulisse.

### 330 BUCHHAVE COLICÆ &c.

ALCALI fixum, ut infallibilem medicinam, fida præeunte experientia, non possum non prædicare. Hoc eo, quem supra nuper laudavi, modo & infanti & nutrici propinavi, locisque nimio exulceratis unguento, quod axungiae porcinae uncia una, & mercurii præcipitati albi drachma una ingreditur, semel quotidie leniter affectis, morbum pharmaco brevi victas dedisse manus, ægrumque dolorum acerborum tortura absolutum, nunquam non lætus vidi.



XXV.  
OBSERVATIONES  
MEDICO . PRACTICÆ.  
COLLECTÆ

AP

ANDREA BROEBERG RANÖB,  
M. D. & Societatis Membro Ordinario.

I.

HERPES PUSTULOSUS.

**I**NTER affectus morbosos qui toties patientiam  
medentis æque ac ægrotantis fatigant haud infir-  
mum locum obtinent vitia cutanea, & inter hæc  
vix ullum herpete pertinacius & tædiosius occur-  
rit. Exstirpationem vero hujus mali, me judice,  
sæpe numero tam difficilem reddit opinio præcon-  
cepta, qua duce, in affectibus cutaneis, tantilli  
etiam momenti, fons & origo mali in humoribus  
jam



jam illa jam hac acrimonia contaminatis quærenda sint. Hinc tot frustra propinantur antacida & antalcalina, tot Sanguinem depurantia, tot omnis generis evacuantia & derivantia, hinc, ægrorum damno, juxta negligitur munditiei cutis ac perspirationis insensibilis ratio, hinc etiam in casu jamjam proponendo pertinacia & incrementum mali, depuratæ cuti & perspirationi restitutæ cedentis, petenda.

PER integrum & quod excurrerat annum, virginem sedecim annorum, ceteroquin sanitate omnibus numeris absoluta gaudentem, vexaverat herpes, a pustulis solitariis magnitudine pisi passim in brachiis erumpentibus incipiens. Conci dentes absque suppuratione post aliquot dies hæ pustulæ colorem brunnum inducebant, & sese indies paulatim diffundebant, donec plures sibi invicem attingentes confluebant & areas, quodammodo circulares, acutè pungentes & valde pruriginosas constituebant. Varia ad hæc efflorescentiam abigendam interea porrecta remedia nihil proderant: indies ingravescebat malum, ita ut mense Novembri anni proxime elapsi, cum ego vocatus

vocatus fuit, per totum corpus dispersa esset ingens papularum dictarum, initio brachia tantum occupantium, caterua, & varia loca, imprimis cubitum utriusque brachii, tegeret crusta flava densa, cum subjacente cute exulcerata. Præscriptum tum resolventia, antimonialia, Electuarium Mundificans, ac Infusum radice ligni Sassafras, & his per duas hebdomades absque omni emolumento adhibitis, balneum tepidum commendavi, cui vix bis vel ter universum corpus immiserat ægra, antequam summam inde percipiebat utilitatem, cessabat pruritus, decrescebant papulæ, decidebant crustæ, & post mensem, quo Balneum sedulo repetitum fuit, disparuit penitus efflorescentia molestissima, jamque cutis nitore naturali gaudet ægrotans;

## II.

### EXPERIMENTA

CUM

RADICE GEI URBANI

S. CARYOPHYLLATÆ.

**Q**UAMPRIMUM clarissimus Dr. BUCHHAUSE experimenta sua cum radice Gei urbani s. caryophyllatæ, tanquam

### 334 RANÖE OBSERVATIONES

tanquam succedaneo corticis peruviani publici juris fecisset, mihi opportunam occasionem, remedium tam egregii, vires tentandi exoptavi. Hujusque voti plus simplici vice compos factus experimenta cum dicta radice a me instituta breviter recensere. Successum tentaminum casus ipsi docebunt.

PRIMA itaque vice hanc radicem porrexi foeminae juniori hystericae, cui, post varia Symptomata hysterica solitis antihystericeis debellata, restabat dolor pectoris cum sensu rationis in Epigastrio & globulo faucium. Radicis pulverisatæ dimidiam drachmam bihorio sumsit ægra, initio sine omni leuamine, at elapsis tribus diebus remittebant paulatim Symptomata, duobus tandem uncis pulveris consumptis penitus evanescencia.

PER annum fere integrum bene valuit hæc foemina, at redeuntibus isto elapso tempore iisdem Symptomatibus idem opposui remedium, eundem effectum iterum ab eo præstandum esse sperans, at frustra, duæ hujus medicaminis unciae dicto modo propinatae nihil leuaminis attulerunt, morbum vero fugavit multo minor corticis peruviani portio.

SECUN-

SECUNDUM experimentum institui in foemina quinquagenaria, Cephalalgia periodica, quotidie post meridiem recurrente, vexata. Præmissa laxante radicem caryophyllatæ dicto modo exhibui & duabus ejusdem unciis tandem cessit cephalalgia.

IN tertio & quarto experimento spem fefellit remedium laudatum licet larga dosi & strenue adhibitum. Sumserunt nempe Juvenes duo tertiana simplici laborantes, post emeticum & digestiva per aliquot dies adhibita, per duas integras septimanas, horis extra paroxysmos alternis, dimidiam radicis Gei drachmam, at nullum inde hauserunt emolumentum. Videbantur quidem, paroxysmi interdum mitiores & breviores, at fallaces hæ tantum erant induciæ, gravius semper invadebant sequentes paroxysmi, cortice peruviano dein fracti & debellati. Præterea in altero horum ægrorum, sub usu radicis Gei, obstipatio alvi, ad eccoprotica solita rebellis, oriebatur.

MAJOREM efficaciam postea monstravit hæc radix in puella quotidiana febre cum solitis Symptomatibus infestata. Initio hæc febris tertiana fuerat & porrectis digestivis in quotidianam abie-

rat,

rat, quam primum vero radicem caryophyllatæ per unicum diem dicto modo sumserat ægra, pristinam faciem induebat febris, alternis diebus tantum ingruens & paulatim dein brevi satis evanescens.

NEC minus pulcrum in sequenti casu præstitit effectum Decoctum radiceis laudatæ: Rure degens Juvenis corripitur pleuritide vehementi, quæ licet minus rite tractata quodammodo tamen cedit. Æger se convalescere sentiens Hauniam petit, sub itinere vero longo, continua expositus pluvia, novam contrahit inflammationem pectoris, quam Venæsectiones & reliqua methodus antiphlogistica minuunt quidem, at restat febricula, jam mane jam vespere aecedens, cum ardore manuum, rosis genarum, decremento virium & carnis, tussi cum expectorato mucoso, tenui, haud largo ac orthopnoea sub motu. In hoc statu Infusum pectorale & Decoctum radiceis Gei ad cochleare majus bihorio sumendum præscribo, & tantum inde fructum haurit æger, ut post quatuordecim dies, sub hac medela peractas, penitus convalescit.

Hoc

Hoc successu fretus idem dein in hectica magis inveterata tentabam Decoctum, ac initio etiam votis respondere velle videbatur, at fugax tantum fuit, quod adferebat levamen, aberat quidem uno alterove die febris, at postea redux absentiam gravitate largissime compensabat. Majorem magisque constantem opem etiam hic præstabat cortex peruvianus.

Nec tantam denique ac speraveram in ultimo experimento radix attulit opem. Cephalalgia nempe periodica, dirissima, quavis hora septima matutina accedente & ad vesperam usque durante, per octo dies laboraverat foemina triginta quinque annorum & varia remedia incassum sumserat. Huic pulverem radice Gei ad drachmam dimidiam omni hora extra paroxysmum cum hoc eventu porrexi: primus post sumtum pulverem paroxysmus, solito longe gravior fuit, & insequentes tres insultus serius quidem accedebant & brevius durabant, at dirissimo cruciatu ægram adficiabant, hinc remedium hoc, impatientia ægrotae coactus, seposui & ad corticem peruvianum cum sperato effectu confugi.

Y

III.

## III.

## EXPERIMENTA

## CUM

## CICUTA IN TUSSI CONVULSIVA.

**C**UM ante sex annos hic loci epidemice grassans tussis convulsiva occasionem optimam, ad experimenta cum variis contra dirum hunc morbum laudatis remediis instituenda, suppeditavit, & nuper tum temporis mihi innotuerant experimenta a clarissimo BUTTER cum extracto cicutæ facta, in uno alterove levi casu cum hoc remedio periculum facere decrevi, & fere inde ab initio hocce pharmacon cum tanto emolumento præbui, ut dein omnibus hoc morbo affectis; qui sese curæ meæ commiserunt, cicutam porrigere haud dubitaverim. Nec tantum in Epidemia dicta sese efficax præstitit conium, in æque multis postea hac tussi vexatis eundem ab illo effectum lætus observavi, ita ut jam triginta tres, quos a tussi convulsiva liberavit cicuta, tractaverim. Horum omnium casus, sibi invicem in genere simillimos, hic describere tædiosum nimis & superfluum foret, sufficiat breviter

breuiter exponere methodum clariss. BUTTER, & dein modum afferre, quem utiliore in cicuta hic exhibenda observavi.

PORRIGIT itaque clarissimus Vir extractum cicutæ in spiritu vini solutum, vehiculo aquoso attenuatum & Syrupo quodam dulcificatum, ab uno grano ad maiorem, pro ratione ætatis ægri, dosim ascendendo: attenuatæ talis solutionis cochleare majus toties per diem præbet, ut, dosis integra nycthemeri spatio consumatur, extracti portionem indies ad levamen augens, & conio tanquam specifico nitens, hoc solo curationem in tussi convulsiva simplici absolui contendit.

IN primis quæ institui experimentis hæc methodum exacte secutus medelam morbi parum tantum progredi videbam. Brevi vero experientia me docuit cicutæ soli non confidendum esse, illamque parum utilitatis hic adferre, nisi emeticum una alterave vice, & pro vehementia tussis sæpius, repetitum præmittatur. Extractum spiritu vini solutum aqua licet maxime attenuatum, tussim reddebat graviolem, sicciorem, clangosam magis & in quibusdam doses hujus Mixturæ aliquoties per

Y 2

diem



### 340 RANÖE OBSERVATIONES &c.

diem repetitæ, vel extracti cicutæ aucta portio, nauseam, vertiginem & stuporem aliqualem produxerunt.

HINC ut hæc evitare incommoda, Extractum cicutæ e solo vehiculo aquoso, tot unciiis quot grana aderant conii constante, & hujus solutionis cochleare tantum bis per diem, præmissio emetico, pro re nata, repetito, exhibui, & tali modo porrectum conium votis meis & ægrorum respondebat, tussimque primo rariorem dein mitiorem reddebat, & tandem brevi satis penitus fugabat.

ADULTIS æque ac infantibus ita data profuit cicuta. Infantibus porrexi solutionem quæ tot grana continebat extracti quot annis gaudebat æger, natu majoribus dosin extracti pro ætate auxi, & adultis scrupulum conii in unciiis octo vehiculi solutum propinavi. In duobus tantum casibus cicutæ obstitit tussis Moscho dein fugata, & semel e contra tussim hanc ad Moschum rebellem cicuta debellatam vidi.

---

XXVI.

OBSERVATIUNCULA DE  
TICIDIO SUFFOCATIONE  
SUBITANEA POST PARTUM  
PERACTO

ANNOTATA A

PETRO CHRISTIANO ABILDGAARD,

M. D. Artis Veterinar. Prof. Societ. Membro Ordinario.

**S**ICUT pulmones in aqua natantes non manifestum & infallibile præbent testimonium contra matrem infanticidii suspectam, ita pulmones submergentes in aqua de matris suspectæ innocentia non testantur, quia auræ vitalis irruptio in pulmones infantis neonati facillime vi impediri potest, eoque facilius, quando non nisi tarde post partum ob longam capitis vel funiculi in partu pressionem, vel aliam quamcunque causam, syncopen creantem, respirare potest foetus. Notissima quidem hæc res est, nondum tamen certa & ubique recepta

Y 3

habe-

diem repetitæ, vel extracti cicutæ aucta portio, nauseam, vertiginem & stuporem aliqualem produxerunt.

HINC ut hæc evitarem incommoda, Extractum cicutæ e solo vehiculo aquoso, tot unciiis quot grana aderant conii constante, & hujus solutionis cochleare tantum bis per diem, præmisso emetico, pro re nata, repetito, exhibui, & tali modo porrectum conium votis meis & ægrorum respondebat, tussimque primo rariorem dein mitiorem reddebat, & tandem brevi satis penitus fugabat.

ADULTIS æque ac infantibus ita data profuit cicuta. Infantibus porrexi solutionem quæ tot grana continebat extracti quot annis gaudebat æger, natu majoribus dosin extracti pro ætate auxi, & adultis scrupulum conii in unciiis octo vehiculi solutum propinavi. In duobus tantum casibus cicutæ obstitit tussis Moscho dein fugata, & semel e contra tussim hanc ad Moschum rebellem cicuta debellatam vidi.

## XXVI.

OBSERVATIUNCULA DE INFAN-  
TICIDIO SUFFOCATIONE FOETUS  
SUBITANEA POST PARTUM  
PERACTO

ANNOTATA A

PETRO CHRISTIANO ABILDGAARD,

M. D. Artis Veterinar. Prof. Societ. Membro Ordinario.

**S**ICUT pulmones in aqua natantes non manifestum & infallibile præbent testimonium contra matrem infanticidii suspectam, ita pulmones submergentes in aqua de matris suspectæ innocentia non testantur, quia auræ vitalis irruptio in pulmones infantis neonati facillime vi impediri potest, eoque facilius, quando non nisi tarde post partum ob longam capitis vel funiculi in partu pressionem, vel aliam quamcunque causam, syncopen creantem, respirare potest foetus. Notissima quidem hæc res est, nondum tamen certa & ubique recepta

Y 3

habe-

### 342 ABILDGAARD OBSERVATIUNCULA

habemus signa, ex quibus judicare possumus an vi impedita fuerit respiratio in foetu cæteroquin perfecto, sano & bene constituto, nulla veræ læsionis violentæ signa externa vel interna præbente.

SUSPICIONEM vero infanticidii in simili casu valde augent: graviditas occultata, partus studio clandestinus, foetus perfectio & omnium partium externarum viscerumque sanitas & perfecta constitutio, partus brevi tempore peractus, lævis tumor integumentorum capitis, quibus liquet, partum facilem fuisse.

CONGESTIO vero sanguinis ad Encephalum non necessarius aut absolutus est effectus suffocationis foetus, ut sequens casus monstrare potest.

MENSE Octobris anni præteriti fœmina supra cloacam partum enixa foetum immerisit. Mox detecta est malitiosa mater, post partum brevissimo tempore, ut observatum fuit, peractum, & foetus ex cloaca, ut mortuus, extractus aqua frigida lavatus est.

Post duodecim inde horas hunc foetum examinavi, cujus corpus perfectum, magnum, robustum inveni, ab omni externo illatæ violentiæ signo

signo liberum, excepto leviori in cute lateris sinistri frontis lineari impressione, rubro a dilatatis cutaneis vasis sanguiferis tincto colore, quæ impressio ab angulato quodam corpore duro, quod foetus cadendo offenderit, facta videbatur. Levis tumor a pressione contra matris pelvim in magni fatis capitis integumentis inveniebatur. Funiculus ad pedis distantiam ab umbilico cultro abscissus, ut margo dentatus monstrabat, fortissimus erat, nec vi manuum disrupti potuerat.

THORACE aperto pulmones magni, sanguine turgidi, at cæterum visu sanissimi, toti & in frustulis in aquam injecti submergebant.

CORDIS ambæ cameræ sanguinem nondum coagulatum continebant. Viscera abdominis sanissima & perfecte constituta, vasaque omnia majora sanguine plena erant. Detecto encephalo nulla in hoc viscere congestio sanguinis videbatur, ejusdem vero vasa in statu omnino naturali reperiuntur.

Ex perfecta conditione corporis foetus & viscerum sanitate, ex immersione pulmonum in aqua, ex statu funiculi cultro a Matre abscissi,

344 ABILDGAARD OBSERVAT. &c.

ex lævi contusione frontis, sanguine tamen suffusa,  
ex facili at voluntarie occultato partu, judicavi:  
foetum vitalem enixum esse sed nondum respi-  
rasse, respirationem vero subitanea post partu im-  
mersione foetus in cloacam probabiliter impeditam  
esse, & infantem malitiosa matris voluntate ene-  
catum esse, contusionem vero in frontis latere sini-  
stro casu contra corpus quoddam durum fortuito  
factam esse.

---

---

---

---

## XXVII.

OBSERVATIO DE VI ARNICÆ IN  
QUARTANAM.

Auctore SAL. THEOPH. DE MEZA,

M. D. Soc. Membr. Ord.

**V**IR quadragenarius per decem Septimanas, vel medentis oscitantia, vel sui ipsius negligentia, quartana male mulctatus, me ad se vocat. Color erat pallidus, cachecticus, sapor nauseosus, alvus quotidie semel aut bis soluta. Horror & frigus per horam & ultra eum quatiebant, quod insequeretur calor adurens ficans cum multa siti: Levis sudor accessui finem ponebat ad tertium diem, nulla vero stata hora eandem lusus tragoediam. Remedium emetico-laxans die apyreto fumendum præscribitur & paroxysmo insequente superato acceditur ad corticis usum, cujus semidrachma omni capiebatur bihorio, redibat tamen febris ad tertiam usque vicem. De bonitate medicamenti anceps alium pharmacopolam adire suadeo;

Y 5

emanat



emanfit quidem accessio, atqui breves induciæ, in usu remedii enim semper persistens nec minori quantitate, post octo dies in nova febris cum toto suo satellitio. Habitum ægroti considerans autem, neque prorsus ab obstructionibus immunem suspicans, utpote convictus quod causa rebellis intermittens semper in visceribus abdominalibus infaretis tanquam in equo Trojano quærenda, parum mercurii cortici, addere placet. Connubium a quam plurimis commendatum in febribus refractariis & præsertim quartana. Atqui post sextum diem, dum decem grana mercurii assumpserat, salivatio insequitur quam æger tribuebat ad refrigerium, dum coactus erat domo exire coelo existente humido & nebuloso. Nec me hic eventus terrebat præcipue dum sub ipsa salivatione febrim filere videbam. Substituebam vero tunc temporis rhabbarum mercurio. Conquievit inde febris per tres hebdomadas integras. Imminuta vero corticis quantitate iterum in Soenam prodit: iterum ergo ad Sacram Anchoram corticem sc. confugiendum, cujus in usu persistebat æger ad sex septimanas post debellatam denuo

quar-

quartanam præbiis quamvis paucioribus indies, ita tamen ut spatio trium mensium viginti quinque uncias corticis consumpserat ægrotans. Verum enim vero usu remedii semoto, post quindecim dies febris sub cineribus quasi sepulta iterum accenditur, æque ægro ac medico molesta, toediosa quartana rearsurgit, ut olim sic & nunc medicorum opprobrium dicenda, consilii autem æpers vires tentare panchrestas & quidem febrifugas laudatas Arnicæ libet; formulam ergo a Dom. COLLIN conscriptam concinno, infusum nempe e quo omni bihorio unc. 1j Sumendæ.

R. flor. Arnic. ʒj.

Coq. in f. q. Aq. fontan.

Per ½ hor. ad

remanent Lb. 1j col. add.

Syr. ʒ rad. aperient. ʒj.

Sub primo ejus usu anxietates & spasmos enormes circa præcordia percipiebat æger, quæ metum eidem incutiebant, ut vix suadere potuerim quod in ejusdem persisteret usu. Notum enim fuit jam hoc phænomenon aliis, quodque post tres vel quatuor doses disparituum esset. Alacriter ergo insists

**348 MEZA OBSERV. DE VI ARNICÆ &c.**

**Sistens modice sudabat, alvus solito frequentius  
deponebatur, rediit adhuc paroxysmus levior se-  
mel. Color faciei fit vividus, appetitus ciborum  
increscit, pharmaco utitur in tertiam septimanam  
sensim imminuta dosi, nec febris amplius recurrit,  
beneque habet jam ultra quatuor menses.**



**XXVIII.**

## XXVIII.

SEMICUPII TEPIDI EFFECTUS  
SALUBRIS & CELER CONFIRMATUS  
IN ISCHURIA CYSTOSPASTICA.

A

JOHAN. WILHELMO GULBRAND,

M. D. Archiatro Regio, Societatis p. t. Præsid.

**M**ERCATOR hujus urbis 44 Annorum, obesus; quieti corporis nimis indulgens, ante quatuor annos fluxum hæmorrhoidalem perpeffus, pro fuo more solito aliquot vicibus lautæ coenæ domi sumptæ superaddidit mox foecundos potus *Pouch* calices quosdam. Post celebratam similem diætâ vespertinam ultimam lectum petit & obdormit. Post horam vero expergefactus est per atrocissimos totius abdominis dolores, stipatos vomitu ingestorum, dolore pressorio regionis hypogastricæ & nifu ad urinam mittendam continuo sed inani, ejulans, anxius, summe inquietus miserum jactitans corpus ultra tres horas.

CLX8.

### 350 GULBRAND SEMICUPII TEPIDI

CLYSMATA ab obstetrice advocata, injecta, repetita malorum ne minimum quidem dederunt levamen.

CIRCA horam matutinam quartam vocatus ego ægrum in miserrimo hoc statu constitutum invenio, clamantem mortem in succinctu futuram, ni fluxus urinæ inhibita conciliaretur.

PULSUS erat parvus, celer, sudore frigido madebat corpus totum, de facie guttatim cadebat idem, stimulus ad matulam continuabat cum ischuria perfecta. Verbo, dirissimus erat morbus, cujus animus adhuc meminisse horret, & ad cujus conspectum vix temperaret a Lachrymis ullus.

SUASI mox semicupium, ex simplici aqua tepida, sub debitis cautelis usurpandum. Dolores ægri, in semicupio per aliquot modo minuta prima temporis commorati, pededentim imminuuntur, pulsus plenior, liberior, tardior fit, vomitus cessat, anxietas fugit, sudor frigidus in maiorem calidiorem transit, gaudium quietum ex oculis jam vividis lucefcit, liberum trahit spiritum, stimulus ad urinam cedit, & semicupio jam  
per

per dimidiam horam insidentis regio Epigastrica tota fricatur Linimenti volatilis unciis duabus, laudani liquidi sydenhami drachmis duabus mixtis. Denique semicupium linquit a doloribus, subitam paulo ante minantibus ruinam liberatus, lectum petit, testa dimidia & inferiore corporis parte pannis laneis calefactis. Linimento dicto similes panni imbuti regioni hypogastricæ imponuntur. Denique mittit mensuram circiter unam urinæ citrinæ, lente effluentis. Evidentem hunc salubrem effectum, antispasticamque virtutem observans, ex juvante hoc remedio novas formavi indicationes, judicans cibis assumtis infuisse forsan particulas acriores, vel potui super ingurgitato coenæ opiparæ acidiores quasdam, quibus vellicati intestinorum nervi, & spasmus productus. Hasce eliminaturus & obturaturus sequentem dedi mixturam omni hora ad cochlearia duo majora sumendam.

R. aqu. dest. meliss. ℥ij.

Mucilag. gum. arab. ℥ij.

Ol. Ricini americ. ℥ij. laud. liquid. 3℥. M.

Placide dormientem reliqui post spatium unius horæ ab adventu meo. Venæsectionem assuetam  
ultra

### 352 GULBRAND SEMICUPII TEPIDI &c.

ultra annum neglectam, proximo mane ad 3xij. repetendam consului: Consistentia & qualitas visibilis sanguinis educti sequentes erant: serum paucum coloris aurantii: Cruor grumofus, pinguis, grauis, nigricans absque omni crusta. Postridie laxans mannatum, sale polycresto acuaturn dedi: interea temporis, mixtura superius allata levem ediderat effectum laxantem.

URINA matutina aliquot diebus continuis sedimentum deponebat mucosum paululum rubescens. Denique ægro in posterum commendavi coenas parciore & tenuiores præ lautis & opiparis, quas celebraverat, & stomachicum sequens sub diætâ iusta utendum.

R. Tinct. rhei aquosæ 3j.

Liqu. terr. fol. tartar.

Ess. cort. Peruvian. aa 3ß. M. d.

gñ. 100 bis quotidie.

Tribus mensibus jam absque incommodo bene vixit noster. Non rei novitas, sed virtus tam simplicis remedii, & gaudium, quod bonus quisque ex fuga dolorum dirissimorum adeo subita, percipiat, dent narrationis hujus veniam.

---

XXIX.

## XXIX.

OBSERVATA QUÆDAM CIRCA  
 FEBREM PUTRIDAM ANNOR. 1779-80.  
 CUM ADJUNCTIS MONITIS CIRCA IN-  
 EFFICACIAM CORTICIS PERUVIANI ET  
 EFFICACISSIMAM VIM PULVERIS  
 SEMINUM SINAPEOS ANGLICANI,  
 REGIÆ SOCIETATI MEDICÆ HAUNIENSI  
 OBLATA

A

H. CALLISEN,

Med. Doct. &amp; Pr. P. Soc. Memb. Ord.

**F**EBRIBUS putridis, quæ primis octo mensibus  
 anni præteriti inter nautas Classis Regiæ grassa-  
 bantur ut plurimum Peripneumonia putrida, saltem  
 in initio morbi, juncta erat, qualem descriptam  
 tunc temporis cum Societate Regia communicavi-  
 mus; E contrario febres, quæ spatio quadrimestri  
 prioris anni ultimo, ac primis ultimisque hujus

Z

anni



anni mensibus per populum, rei nauticæ deditum, grassatæ sunt, nautasque Danos æque ac Russicos, Hauniæ hybernantes, ac egenos denique marinos, præstrarunt, omnes genium monstrabant putridum, genuinum magis typum servabant a priori descripta febre longe diversum, & vincendæ aliam poscebant medendi methodum. Animus est jam Societati tradere summam Observationum, quas ad morbum hunc dignoscendum, curandum, judicandumque repetita dilexit experientia.

MORBUS, nec ætati parcens nec temperamento nec habitui corporis indiscriminatim robustos invadebat ac debiles, Euchymos ac Cachecticos, juvenes ac senes; Attamen non valde contagiosus erat: Haud raro ante ingressum Nosocomium ægri foras 12 imo 16 diebus apud sodales hospitabantur, absque contubernalium detrimento. Nec nisi perraro, ægroti reliqui, putride febricitantibus vicini, in Nosocomio decumbentes, ullam contagii labem contraxerunt.

RARO contigit primum morbi stadium in nautis Danis & Russicis observare, ob tardum horum, & ad notabilem morbi decursum usque protractum

tractum in Nosocomium adventum, quare initium morbi ex visis in pauperibus in Nosocomio hospitantibus, aliisque hoc morbo correptis describere cogor. Invadentem morbum patefecerunt sensus debilitatis ac ponderis in toto corpore, pandiculatio, artuum tremor, sensus gravativus in abdomine, in Epigastrio imprimis atque lumbis, non minus capitis, oculorum languor, eructatio amara, salia, nausea, vomituritio, vomitus, respiratio suspiciosa, denique maxime inviti lectum linquebant ægri. Pulsus in hoc statu erat plane naturalis, paulo tamen frequentior. Lingua in nonnullis plane naturalis, in aliis albicans, sicca, in media parte profunde rubra. Interdum superiores corporis partes subitus occupabat calor, quem brevi excipiebat sudor frigidus cum miro faciei pallore; alvus ut plurimum clausa erat, urina pallida cruda. Aegroti quasi meditabundi sedebant, ac interrogati terrefacti ac inviti respondebant. Circa tertium diem calor ac sitis augebantur, pulsus tunc erat inæqualis, somnus parvus vel nullus, extra lectum frigebant ægri, tantoque corripiebantur tremore, ut vix pedibus insistere valerent. Nunc

### 356 CALLISEN OBSERV. QUÆDAM

vero magis incendebatur febris, auctis congestionibus versus caput; Symptomata dicta in univ-  
sum incresebant, vomitu foetidissima ejiciebatur  
materia, lingua impura, sapor putridus. Brevi  
accedebat leve delirium, quod post 2-3 dies in  
somnialem transibat, demum in stuporem pro-  
fundissimum mutatam.

ALII post breves horripilationes, calore ve-  
hementi sicco, Cephalalgia gravi, doloribus ar-  
tuum, respiratione frequenti, suspiriosa, lingua  
sicca, impura sitique corripiebantur, cum pulsu  
magno, molli, frequenti, facies oculique rubebant,  
viriumque maxima prostratio aderat. Succedebat  
paucis diebus delirium fortius quam in prioribus,  
denique in Coma ac stuporem transiens; ægroti  
tunc per complures dies apoplecticorum adinstar  
immobiles jacebant, respiratione tamen parum  
mutata.

TERTIUM denique morbi stadium succede-  
bat, distinctioribus Symptomatibus dissolutorum  
humorum & putredinis stipatum. Lingua jam in  
dies magis arida & impura & una cum dentibus  
nigrior evaderebat. Halitus odorem foetidissimum

ac

ac excrementa foetorem insupportabilem spirabant. Aegroti palpebris semiclausis, immobiles; supini jacebant; lingua manusque tremebant. Tendines nautarum Danorum quorundam subsiliebant, e lecto exsumti, parvum vel nullum motum edebant. Pulsus in debilioribus subjectis citius quam in robustioribus minor, frequentior, inæqualis evadebat, ac pluries per Nycthemeron quoad numerum ac frequentiam pulsuum mutabatur; quando major erat pulsus, præcipue circa finem morbi, mollitiem percepimus insignem quasi a sanguine vacua esset arteria; interdum quoque pulsus per breve temporis spatium statum sanum naturalem mentiebatur, & tunc cito minimus, inæqualis evadebat, & per integrum minutum primum temporis emanavit ictus secuturus. In hoc morbi stadio urina & alvus involuntarie, illaque variæ valde indolis ægre excipiebatur. Oculi in universum ob corneæ transparentis exsiccationem ad specrum valde languidum habebant. Os apertum erat, diductis inprimis versus finem morbi maxillis; Respiratio indies inordinatio, frequentior ac denique vix sensibilis evadebat. Nonnulli ne so-

num quidem proferre potuerunt, in aliis loquela sensim minuebatur, nullus verbum nisi valde invitatus edebat, excepto unico qui ultimo vitæ die mira ac inimitabili velocitate loquebatur, tenerima quidem voce; deglutitionis defectus, & animi deliquia a quovis motu quoque accedebant. Plurimi Petechiis e coeruleo rubentibus, haud raro pisi magnitudinem æquantibus, per totum corpus ipsa facie non excepta obsessi erant. Serius nequidem in omnibus vibices ejusdem coloris dorsum lumbosque occupabant. Nonnulli narium hæmorrhagia satis gravi sub maxima pulsus debilitate corripiebantur, sanguine fere pellucido haud coagulabili, tenuissimo emisso; alii tussiendo sputum edebant sanguinolentum, alii denique cum urina ac excrementis sanguinem mittebant. *Sub summa licet* munditiæ cura sub decursu morbi tetrum spargebant odorem ægroti satis magna distantia adhuc molestum. Loca quibus vesicatoria imposita erant, nates ac lumbi a pressione excoriati, perfacile, administratis licet remediis antisepticis in- & externis efficacissimis quibusque, gangrænescebant & ægroto superstite in ulcera magna impura foetidissima

sima mutabantur. Urina sub toto morbi decursu  
 profunde rubra, nunc spadicea fulca ac foetidis-  
 sima erat, in nonnullis nigricans. Calor mordax  
 tunc totum occupabat corpus. Quodsi habitus  
 ægri robustus erat, nec ætate provectus, nec nu-  
 per alium morbum sustinuerat, nec Nostalgia la-  
 borabat, totum hoc Symptomatum agmen supe-  
 rare & adhuc sanitatem recuperare potuit. Læ-  
 tam subministrabat futuræ salutis spem abortus  
 sudor æqualis, lenis, continuus, plerumque cum  
 sedimento urinæ mox lateritio, mox albicante  
 purulento quasi, mox griseo; alii tumore critico  
 metastatico servabantur. Reliqui, quorum ejec-  
 tiones criticæ mox cessabant, ad sextam usque heb-  
 domadem miseram vitam protrahere potuerunt,  
 ac tunc denique occumbebant. Debilioris habi-  
 tus ægroti, scorbutici, Nostalgia laborantes longe  
 citius moriebantur, nonnulli quidem ante octa-  
 vum diem, distinctis tunc signis gangrænæ inte-  
 stinorum præsentibus. Plerumque quartæ post  
 invasionem morbi septimanæ ægrorum sortem ju-  
 dicabant. Primum restitutionis signum erat stu-  
 poris diminutio, de dolore aut verbis conquerere-

### 360 CALLISEN OBSERV. QUÆDAM

bantur ægroti, aut flebili ejulatione eundem indicabant; ad objecta vicina quodammodo attentius videbantur; pulsus æqualis, rarior, major evadebat. Crisis mox tunc superveniens morbum judicabat atrocem; quæ si haud interrupta permanebat, sanitatem promittebat brevi venturam ægrorum, qui per plures hebdomadas cum morte luctati erant; insufficiens e contrario ejectio critica, lentissimæ virum restitutioni, pluribus recidivis morbisque denique chronicis ansam dabat. Quo gravior primum morbi stadium, eo vehementior totus morbi decursus, eo magis anceps eventus. Meteorismus abdominis, singultus, sudor frigidus pulsus vix sensibilis, tremulus, mortem ostia pulsantem indicabant. Surditas in quarta morbi hebdomade superveniens bonum signum. Cito exortus in ulceribus Sphacelus in nonnullis bonæ Criseos locum supplebat.

CURATIONIS initium, in illis, qui in ipso Nosocomio morbo corripiebantur, semper faciebat emeticum e Tartaro stibiato a quatuor ad sex grana porrectum; absoluto hujus effectû, mox porrigebatur laxans; in multis Aqua laxativa usualis

ad

ad alvum sufficienter solvendam haud sufficebat, sed ad purgantia fortiora recurrendum fuit; ægroti quotidie nisi bonus sudor aderat aqua frigida aceto commixta per totum corpus lavabantur, vestimenta, lintea stragulaque quotidie, quantum fieri potuit, puris nitidisque commutabantur, aërisque puri frigidioris liber accessus in spatiosum cubiculum admittebatur. Assumebant tunc ægroti aceti camphorati cochleare majus omni bihorio, interpositis semper ad indicationem laxantibus. Hac methodo in duobus juvenibus stupor plane avertēbatur, morbus jam 5to die sudore critico solvebatur, & nil nisi Diæta confortanti antiseptica ad sanitatis restitutionem opus fuit. In omnibus, quibus hæc methodus inde ab initio morbi applicabatur, orgasmus sanguinis & congestiones verus caput mire minuebantur, totusque morbus mitior decurrit. Ast vero decumbentium plurimis vix ante octavum imo decimum quartum morbi diem ad Nosocomium missis, morbus jam ante adventum altissimas egerat radices, & magnos fecerat progressus, maxime in quibus omissa fuerant evacuantia. Statim post introitum his emetico laxan-



tia porrigebantur; Regininis eadem habebatur ratio; & mox a finita dati remedii evacuantis operatione ad corticis Peruviani usum transii. Aegroti Nycthemeri spatio decoctum 2-3 unciarum Corticis assumebant, & sub maxima debilitate 4 unciarum decoctum interdum porrigebatur, ac simul pro gradu debilitatis 30 ad 100 gtt. *Liquoris Nervini dicti*, ex Camphora Spiritu Vitrioli dulcificato soluta compositi, bihorio quovis dabantur. Pro potu ordinario cerevisiam meracam nobiliorum acido Vitrioli commixtam, vini generosi unum alterumve haustum, potus *Panade & Punch* dictos fructus acidulos coctos, aliaque restaurantia assumebant. Vesicatoria ac rubefacientia ad rationem debilitatis in usum trahebantur, nec omisiss Epithematibus frigidis circa caput, hirudinibusque ad tempora admotis, hi tamen ob majorem sanguinis jacturam vix intra plures horas digitorum comprimantium ope compescendam statum longe pejorem reddiderunt. Præterea ægroti sæpe æri libero exponebantur.

Votis vero non respondit administrata hæc methodus medendi, in iis præsertim, in quibus  
signa

signa debilitatis pulsusque languor jam majori gradu aderant. Inter tres ægrotos hoc morbo correptos, vix unus evadebat, quamvis die nocteque scrupulosissima eorum cura gerebatur. Quare mihi valde anxio, & de tot ægrotantium morte sollicito demum animus hæsit, utrumne nimius Cortex Peruvianus, exacerbationi febris & inde pendentibus coctioni & eliminationi materiæ morbosæ obstitans malum causaret morbi eventum? Decrevi igitur remedia excitantia interna, dum externis augendis nulla dabatur occasio, largiori manu porrigere. Præscripsi singulis horis sumendum *Moschi Orientalis* grana 2 - ad 10, cujus usum levis quidem insequabatur exacerbatio febris, attamen ad crisin debitam & desideratam producendam omnino insufficiens: Paulo post igitur ob vim effectui optato præstando imparem, & magnum, quo prostat pretium, Moschum misi. *Camphora* magna quamvis dosi sumta forsan ob vim sedantem plane nihil profuit. *Radix Serpentariæ Virginianæ* tunc temporis in nostris Pharmacopoliis rarissima, vix prostabat venalis aut summo redimebatur pretio, nec igitur ejus vires in hoc morbo

### 364 CALLISEN OBSERV. QUÆDAM

morbo maligno tentavi, ad Pulverem Semin.  
*Sinapeos Anglicani* confugiens, quocum primum  
 feci periculum apud ægrotum quinta hebdomade  
 decumbentem & jam quasi agonizantem. Deglu-  
 titiv hic singulis horis drachmam Semin. Sinap.  
 pulverisati una cum dosibus Corticis Peruviani mi-  
 noribus interpositis. Effectus sextam Sinapeos  
 drachm. sumptam sequebatur optatus & manifestus.  
 Exacerbatur enim febris, sensim increfcens, de-  
 mumque fauste judicata per sudorem æqualem &  
 urinam criticam tota hebdomade persistentem.  
 Aeger, Symptomatibus paulatim sub instaurante re-  
 gimine minutis, sanitatem viresque brevi recupera-  
 vit. Fausto hoc successu expectationem meam  
 longe superante incitatus, omnibus febre putrida  
 laborantibus pulverem Sinapi dedi, quamprimum  
 accedebant stupor, pulsus languor, aliaque insignis  
 debilitatis Symptomata, diætã tamen antea allata  
 ac evacuantibus nunquam neglectis. Corticis ta-  
 men usus minori licet dosi hisce remediis interpo-  
 nebatur. Contigitque mihi funestam morbi tru-  
 cidantis vim his remediis usque adeo frangere, ut  
 posthac in universum e quatuor decumbentibus

vix


vix unus succumbebat, quin plurimi potius recon-  
valescerent. Denique plane de usu Corticis in hoc  
morbo desistere ausus sum, solo usu sinapeos regi-  
minique antea allato fidens, & nunc morbus eva-  
cuatione critica citiori, faciliiori ac perfectiori  
longe celerius solvebatur, ægroti longe breviori  
tempore sanitatem viresque recuperabant, ut ne  
quidem multis vesicatoriis ægrotos cruciare coac-  
tus essem. In nonnullis usus Sinapi vomitum cie-  
bat, his minor quantitas porrigebatur, alii aqua  
aromatica nuptum haud inviti assumerunt. Nu-  
merus hac febre putrida mortuorum, inde a quo  
semina Sinap. Anglican. Cortici Peruviano substi-  
tui, adeo minutus est, ut posthac vix decimum  
quemque decumbentem sustulerit morbus, juxta  
Diarium ægrotorum Nosocomii marini Regii, ut  
observationes in civili mea praxi taceam.

In re tanti momenti liceat mihi nonnullas  
Hypotheses adungere easque maturæ Societatis  
dijudicationi submittere. Quodsi verum est istud  
magis Sydenhami effatum, morbum nihil aliud esse  
quam visum naturæ ad eliminandam materiam  
noxiam, hoc maxime valebit de febribus, quæ de-  
stinata

stinctâ evacuatione critica solvuntur, omniumque maxime in eis, quarum miasma certas periculosissimasque vitæ insidias struit. Nullum sane datur Miasma adeo perniciosum quam putredo, cum nervi, utpote sedes sensibilitatis, tali modo inde obtundantur atque afficiantur, ut totum corpus ad coctionem ac eliminationem materiæ peccantis inde inhabile reddatur. Febris in morbis putridis quoque non alio modo considerari potest, quam conatus naturæ debilis quidem & ut plurimum insufficientis ad materiam morbificam ejiciendam. Quare Medico hunc morbum sanaturum maxime incumbit, ut summa ope nitatur, febrem pro servanda vita ægroti & eliminando miasmate excitare, minime autem remediis antifebrilibus suppressere. Ecquis enim febrem putridam absque ulla ejectione critica perfecte sanatam vidit? Omnes nostri seculi Medici in tractatione febrium putridarum ad Corticem Peruvianum majori dosi sumtum quasi ad sacram anchoram confugiunt. Liceat mihi de effectu hujus remediî unum alterumve verbum addere. Cortex Peruvianus vi gaudet roboranti ac antiseptica, optime inde indicatus

tus videtur in morbo, ubi & debilitas & putredo adest. Præterea vero vim specificam habet, quæ febres intermittentes aufert, continuas supprimit ac inordinatas reddit; ultima hæc qualitas, in morbi medela, ubi tantum a febre expectari potest ac debet, non solum non prodest, sed contrarium effectum præstare videtur, eo magis quidem, quo majori dosi assumatur. Cum dictæ proprietates Corticis separari haud possint, quæstio inde exoritur, an non salutaris effectus Corticis absque ejus detrimento alio modo produci possit. Roborantium usus in febribus putridis maxime indicatus est, ut vires, expellendo miasmati impares, sustineantur; nonne vinum generosum, cerevisia nobilis, Punch aliaque hoc efficere possunt, absque Corticis utpote febrem supprimentis connubio. Idem valet de vi Corticis antiseptica, quæ non tantum in alteratione materiæ putridæ ipsius quam in sistendo actu putredinis consistere videtur, quod sane dicta cordiaca ac acida potenter quoque efficiunt, præcipue si aeris puri frigidi accessus simul permittatur. Cum denique torpor, defectus sensibilitatis ac languor pulsus inter febrium putridarum Symptomata

tomata perniciosissima sint, & e contrario auctus  
 orgasmus sanguinis, viriumque & pulsus elevatio,  
 notis boni omnino ominis adnumerentur, oppido  
 liquet, omnia, quæ febris vehementiam frangunt,  
 noxæ suspensionem incurrere certam, quippe quo-  
 rum mediorum administratio intempestiva crisin  
 aut plane impedit aut imperfectam saltem reddet,  
 ac lentissimæ restitutioni multisque morbis chroni-  
 cis ansam dabit; dum contra hæc remedia exci-  
 tantia varia eo magis indicata erant, quo debilior  
 ægrotus, quo major insensibilitas ac stupor. Nec  
 difficile erit ex tanta remediorum excitantium co-  
 pia talia seligere, quæ peculiaribus circumstantiis  
 maxime convenire videntur; ego semine sinapi vi  
 excitante ac antiseptica simul gaudente usus sum,  
 cujus effectus expectationem meam hucusque certe  
 superavit.



XXX.

## XXX.

OBSERVATIONUM  
MEDICARUM TRIGA,

Auctore URBANO BRUUN AASKOW,

M. D. Archiatr. Regio, Societ. Membro Ordinario,

## OBSERVATIO I.

**S**PHINX dorsi incurvatio, vertebrarum excrescentia, e. s. p. quam sæpe infantes affligant, quantæque curæ sint medentibus, nostrum latet neminem: Nec minus notum quam parum his in affectibus ars hucusque valuit nostra. Incipiente morbo, balnea frigida, fofus ex oxycrato cum gummi ammoniaco, motus corporis & exercitia quibus tota erigitur fpina; rarius deligatio conveniens, profuit; dato fimul pro interno ufu cortice peruviano, radice rubiæ aliisque roborantibus, fi, ut haud rarum, rachitis in cauffa fuerit. Difficillime autem curantur diftorfiones tales a læfione externa infantibus contingentes, quas haud raro

A a

reticent



reticent seduloque celant nutrices, ne debitam parentum incurrant iram. Nuper efficaciam expertus fui fonticuli, quem in distorsione spinæ a carie vertebrarum primus, ni fallor, commendavit cl. *Pott*.

ANTE biennium infans triennis mensæ infans decidit dorsumque pavimento impingit; ejulat, dolores queritur. Post aliquot dies accersitus fomentationem suavi frigidam ex oxycrato cum sale ammoniaco, qua, post aliquot dies, levabantur dolores: dein ut diu inungeretur spina balsamo saponis bis terque per diem jussi. Aliquot jam menses lætus ac vegetus transegit infans, at inde denuo spinæ incusat dolorem, incuruatur hæc, indiesque crescit malum, rachiticorum adinstar infantum; floridus antea faciei color evanescit, abdomen intumescit, caput grandescit, debilis fit infans, anhelus vix ambulare valet, ob dolorem spinæ inferiores artus emaciantur, incuruantur & quasi paralytici fiunt.

BALNEA suavisimus frigida, inunctiones quoque spinæ balsamo saponaceo additis spiritibus aromaticis, nec non tincturam Rhei cum liquore  
terræ

terræ foliatæ tartari. At brevi valde ingrauescit malum, hinc, me absente, in consilium vocatus medicus alius, rhachitidem incusans, decoctum præscripsit corticis peruviani cum radice rubiæ, externa modo dicta simul adhibens remedia. Nil aut parum hinc juvaminis. Demum rediens fonticulum suasi ad modum cl. *Pott* adplicandum, qui unanimi institutus consensu fuit. Vix per duas hebdomadas inde orta suppuratio duraverat, quum lætus conspexi in melius omnia mutari: Hinc ad alterum latus novum incidi fonticulum curavi. Sensim imminuebatur tumor ac dolor spinæ, sensim dorsum melius erigere pedibusque insistere valebat infans, ita ut jam, licet ante dimidium anni, urgentibus parentibus, sanatus sit fonticulus, optime ambulare valeat, multumque adsit spei, haud magnam futuram spinæ incurvationem; infans sanus est ac hilaris ingenique acuti.

## OBSERVATIO II.

**N**UPER tympaniticum vidi & curavi infantem, qui ingluvie morbum ad tantum contraxerat gradum, ut vix adhuc vitæ superesset spes.

A a 2

INFANS

INFANS nempe triennis, qui autumnō prægresso variolarum optime sustinuerat infectionem, indeque ad mensem usque Februarii bene valuerat, jam ægrotare incepit. Increfcebat abdomen, languebat ingenium, pallebat facies ac voracissimus erat puer semper. Vermes inculans præscripsi pulverem vermifugum Pharmacopœæ Daniæ, addita ad sextam totius partem radice rheī, & circa phases lunæ laxans e radice jalappæ & calomel; & ne nimium voracitati infantis indulgerent parentes monui, simulque ut sedulo pueri abdomen oleo absinthii fricarent.

HÆC pulchre juvare videbantur, mense autem elapso in pejus ruebant omnia: Mater infanti escam flagitanti panem denegare haud valebat: Hinc enormiter increvit abdomen, continuus adfuit alvum deponendi conatus, alvus vero parca, mucosa. Præscripsi jam pulveres e Rheo cum sale medio & paullulo radicis ipecacoanhæ, at sine effectu. Infans enormiter tumidus, stupidus fit; pulsus tetigi languidum ac debilem, abdomen valde tensum, sonans. Laxantia jam varia, clysmata cum sapone & asa foetida, inunctiones  
ad-

adhibebantur abdominis, incassum autem omnia: Mucus tantum foetens, flavescent, infcio infante, excernebatur. Malis hisce per triduum perpetuo auctis adeo, ut in orci limine constitutus videretur puer, fomentum frigidum, quod jam pridie suaseram, renuentibus licet parentibus, ipse adplicavi; lintea nempe aqua glaciali madefacta, expressa, toti imposui abdomini eo cum effectu, ut tribus elapsis horis alvus sit deposita; viribus deinde rubro sustentatis vino ac porrecto decocto corticis peruviani cum radice rhei, perque duos adhuc dies adhibito fomento frigido, collabescere incipiebat abdomen, alvus large euacuabatur, appetitus vigente morbo prostratus redibat, jamque ultra mensem pulchre valet infans.

### OBSERVATIO III.

**I**NFANTULA quantum agens ætatis annum post ægritudinem unius diei grauiter convellitur, per duos dies redeunt convulsiones sed leviores, delirat continuo, febrisque valida urit. Initio quarti diei convulsiones absunt, deliria vero haud ita, subque iis cantat ac loquitur parvula; multis

### 374 AASKOW OBSERVATIONUM &c.

pentibus variolis febris quoque minuitur. Morbus variolosus solitis porrectis remediis sua peragit stadia; sensim vero perditur loquela, immodiem circa nonum muta erat omnino puella. Deplorandus hicce status ultra duas perdurat septimanas; demum post plura propinata purgantia mercurialia sensim rediit vox ac plenaria *sanitas*.

---

---

XXXI.

## XXXI.

FEBRIS LENTA NERVOSA,  
CUM PYURIA,

OBSERVANTE

SAL. THEOPH. DE MEZA,

M. D. Soc. Membr. Ord.

## PROOEMIUM.

**N**ihil arduum esse homini *Horatii* est effatum, atqui morbos agnoscere, horumque causas dignoscere rem profecto arduam esse norunt mecum omnes *Æsculapii* nepotes. Quanta diligentia enim sæpius & in genium, & in causam ægritudinum quærunt, quæ tamen optimo observatori magnæque ingenii acie prædito, sæpissime sese in occulto continent, latentque in puteo *Democriti*; quam necessarium vero sit medenti, causas morborum altis sæpe tenebris obvolutas eruere, ut recta insurgat inde medendi methodus, neminem latere potest. Hoc autem opus, hunc vero laborem

A a 4

esse,

esse, patebit ex observatione circa febrem lentam nervosam, cum pyuria, quam modeste propono Sodalium eruditorum indagini.

## CASUS.

**V**IR 48 annos natus, robusto præditus habitu, plus æquo vini & spirituosorum potui deditus, indeque ad lapsus pronus varios ictus ac corporis percussiones accipiens, sub finem mensis Junii anni vix elapsi, post anorexiam diuturnam, morositatem inconsuetam, iracundiam insolitam febri corripitur, summa debilitate pulsuque parvo vix perceptibili aliquando, lingua sordida, squallida alboque muco obducta, surditate summa, urina limpida clara statim se manifestante. Vocatus emetico laxans præscribo, quod effectus desideratos præstat, exinde spatium duorum dierum mixtura utitur acida camphorata, interposito iterum usu emetici laxantis per diem, denuo ad mixturam Camphoratam redit, alvo alternis saltem diebus soluta aquæ laxativæ cochlearis unius vel alterius ope. Dieta tenuis commendatur, haustus vini rhenani non denegatur, subinde de die partim ut  
con-

consuetudini ex mente *Hippocratis* quid concederem, partim ut vires erigerem nimis collapsas putredinique obicem ponerem, epispastica vel sinapismi plantis pedum apponuntur, non emendata inde surditate, hirudines ad tempora applicantur, nec non lavamentum capitis frigidum sæpius de die instituitur, sine fructu tamen; febris eodem manet in statu, sed linguæ sorditie imminuta decoctum corticis saturatum, cum radice serpentaria Virginiana tanquam summo tonico, exhibetur, additis unicuique dosi 20 guttis liquoris nervini.

MENS ubique constabat eratque æger ut plurimum extra lectum. Vesicantia vero vel & revellendi a capite causa, vel & stimulum nervis addendi ergo furis adhibentur, quæ non nisi sexdecim post horas, bullas elevabant vix ægro de stimulo aut irritatione conquerente, mane cutis separatus & unguentum digestivum addito cantharidum pulvere imponitur, nec quidquam tamen inde sentiebat æger. Comparentibus hinc inde in ulcere maculis nigris, inde herbarum aromaticarum in vino incoctarum fomento ad suppurationem tandem post aliquot dies ducuntur ulcera.



ELAP<sup>3</sup>IS sic tribus hebdomadibus queritur æger de continuo stimulo ad matulam, nocturno præcipue tempore somnum impediente, crisin inde instare suspicans, urinam jubeo asservari in crastinum. Copiosa erat lactescens fere, turbida, uti ajebant, emissionis tempore, sed brevi materies se præcipitabat alba, puri haud dissimilis, ad tertiam fere matulæ partem ascendens: ulcus in renum alterutro adesse credo, quamvis nulla indicia nephritidis aut calculi unquam prægressa. E vesica non venire pus ajebam, dum ex ulcere vesicæ urina non turbida mingitur, si fides auctoribus, nec querula ulla audiebatur de dolore ibi locorum nec in urina emittenda. Nisi forsan quis id concludere vellet, ex quodam dolore molesto plantarum pedum, quem sæpius sentiebat æger, quemque deducere vellet cum *Whyt* (a) ex consensu aut sympathia nervorum in effectibus vesicæ.

Non admodum lætum dabam prognosticon, præsertim si ulcus magnum uti suspicari licebat e copia puris quotidie excreti, vel si uterque ren affectus.

(a) Beobach. über die Natur, Ursachen und Heilung der Nerven-Krankh. p. 20.

affectus. Evacuatio hæc purulenta per octo integras duraverat septimanas, symptomatibus, febri scilicet cum surditate, sensim recedentibus, nec sine virium incremento. Excipias modo impossibilitatem standi aut gradiendi, unde quamvis omni cura adhibita, sæpius cadebat æger, dum conabatur se erigere e lecto aut e sedili.

DIÆTA sensim concedebatur plenior. Medicamentis utebatur aqua selterana cum lacte, interpositis pilulis Balsamicis ex myrrh. mastich. oliban. extract agrimon. & therebinthina. Nec omissis corticis cum rheo tribus præbiis de die. Metu, nescio a quo, de hydropse insecuturo incusso usum diuturnum aquæ selteranæ, nec cessante adhuc pyuria, petit æger aliud medicamentum, priori ergo substituo aquam calcis ad ℥vi cum lacte omni die & singulis præbiis corticis addo tria grana limaturæ martis. Disparet autem pus prorsus ex urina, omninoque bene habet æger, de pedum & crurum summa debilitate tantum questus adhuc. Balneum frigidum seu lavamentum pedum frigidum suadeo, indeque brevi tam validus sit pedibus, ut cum scipione stare atque incedere posset,

posset, absque aliorum juvamine, & paulatim sic inde increscunt vires, ut prorsus restitutus modo sit noster, auditu, appetitu cibrorum somnoque gaudens resciente, pancreaticæ regeque Persarum beator vivens.

### EPICRISIS.

**V**ARIOS morbos oriri a spiritus vini abusu, solidis nempe continuo stimulo defatigatis demumque torpidis factis, liquidisque coagulatis & stagnantibus nec novum est, nec explicatu difficile, indeque hydrops, leucophlegmatia, polyposæ concretiones, febresque variæ, lentæ hecticæve & similia, observata habentur. Atqui difficile ac arduum certe erit rationem reddere de pyuria inde orta sine inflammationis ulcerisve *saltem signis* prægressis, ut in ægroto nostro.

FUITNE verum pus? Ita videtur.

INTER excreta enim præternaturaliter colore albo prædita, quatuor præcipue annotantur ab observatoribus. Pituita nempe, materies chylosa, semen, & materia calcarea. Pituita seu mucus vesicam naturaliter obliniens, quem deducit

*van*

*van der Haar* (b) ex guttula urinæ non evacuatae & in vesica remanente, acrique mora facta indeque mucum naturalem abradente, ob urethræ vitium nimis angustæ nempe, aut ob carunculas urethram, hæmorrhoidesque vesicæ collum arcantes, quamque *Sauvages* vocat pyuriam mucosam. Sed nihil simile unquam observatum in nostro.

CHYLOSAM diabetem observarunt equidem plurimi cum febris lenta, ardore, urinæque difficultate, cum virium insigni jactura, summoque corporis detrimento; quæ vero non concurrebant in nostro, dum virium prostratio potius ab initio aderat, nec ab evacuata tali urina augebatur, quin potius cum euphoria & symptomatum levamine evacuabatur, ut subinde ea de causa criticam fuisse evacuationem cogitarem. Adde quod omnis ruebat materies ad fundum & urinam relinquebat puram ac claram, quod si lactea aut chylosa fuisset, arctissime mixta ac turbida mansisset. Item monendum, urinam nullum sparsisse odorem subacidum.

Nec

(b) *Samlung ausleser zum Gebrauch pract. Arzt. 2 Band*  
2 Stück p. 47 & seq.

NEC semen fuit, scil. laxis aut debilitatis vesiculis feminalibus. Sedimentum enim urinæ, non gelatinæ speciem aut filamentorum quasi indurctorum præ se ferebat, quale in illis, qui ex nimio coitu venereo, aut detestanda onania effunditur (c). Ægrotus quoque tantum seminis dispensium, tam diu ferre non potuisset sine tabe lethifera pressio pede insecutura.

URINAM cretaceam, calcaream in ex arthriticis parentibus genito copiosissime excretam sine ullo fere incommodo annotavit *Hundertmark* (d), nulloque prævio dolore lumborum nec ulla mingendi difficultate. Atqui nihil tale suspicari licuit in nostro, nec talis apparebat materia excreta sibi aliquandiu relicta, cum ergo ex allatis patet, pituitam, chylum, semen, aut materiem calcaream non fuisse, quæ comparebat in urina nostri, nihil aliud videtur restare quam pus. Verum enim vero quædam opponere licet.

1°. EXPERIMENTA non instituta fuisse, quibus constaret de puris indole, nempe præcipationem indu-

(c) *Balding Syllog opuscul.* Vol. VI. p. 119. 120.

(d) *Balding l. c.*

inducendo per additamentum acidi vitrioli aut alcali caustici, uti placet *Darvins* (e), huic respondeo, mihi tunc temporis copiam non fuisse hujus tractatus.

2°. NULLUM fuisse foetorem puri proprium in tali urina. Pus fuisse non chylum in urina cujusdam asseverat cel. *Morgagni* (f) contra varios medicos, chylum esse statuentes, quia inodorum, dicens sæpe quidem pus foetore infectum descendere ex læsis renibus. Extant tamen inodori puris exempla non modo aliunde, ut cum *Celsus* scripsit, melius esse pus si nihil olet, verum etiam ex ipsiis renibus. Quæstiones jam ergo oriuntur :

1°. UNDE tanta puris generatio sine signis ulceris renum vesicæve.

2°. QUOD si ulcus latuisset, possibilisne tantæ renum exulcerationis curatio?

3°. AUT licebit statuere pyugeniã absque inflammatione prægressa cum *de Staen* (g) & Lympham naturalem in pus converti posse cum

*Hew.*

(e) Experiments on a criterion between mucus and purulent matter.

(f) De sedib. & caus. morb. Tom. 2. epist. 42. Sect. 44.

(g) Ratio medend. p. 2. Cap. 2.

### 384 MEZA FEBRIS LENTA NERV. &c.

*Hewson* (h) aut substantiam oleosam in cellulosa contentam uti placet *Grashuys* (i). Ut ut sit, rarissimum esse observatum nemo negabit. Casusque varios forsan similes aut analogos descriptos haberi, sed vere eundem, quod scio, omnino nullum dant. Proxime ad illum accedere videtur, quod refert *van Swieten* (k) de urina purulenta sine febris & sine ullo prævio lumborum dolore, nec ulla mingendi difficultate. Aderat vero dolor obtusus in latere sinistro. Nec refertur ibidem, quamdiu duraverit talis excretio. Vidi etiam cum cl. *Tode* urinam purulentam post superatum catarrhum in arthritico sine febris, sed cum dysuria; quam deducit vir clarissimus, a metastasi, & catarrhum vesicalem nominare amat. Brevi vero cessavit hæc pyuria, quantitasque excreta longe minor fuit, siue in toto, siue in singulis excretionibus sumpta.

(h) Experiment. inquiries.

(i) Dissert. de generat. pur.

(k) Constit. epidem. Tom. I. p. 286.

---

XXXII.

## XXXII.

## OBSERVATA

## CIRCA

FEBRIUM INTERMITTENTIUM DIU-  
TURNARUM ET MALE TRAC-  
TATARUM SEQUELAS

AB

ANDREA BROEBERG RANÖE,

M. D. &amp; Societatis Membro Ordinario.

**V**ix dari morbos infauftis feraciores fequels quam febres intermittentes abunde testatur experientia: nec mirum, dum, ex una parte, diuturnum & pertinax malum repetitis ictibus attriti corporis oeconomiam lædat necesse est, ac tandem pessundet & destruat, & ex altera parte, vix contra ullum affectum tanta remediorum absurdissimorum, quid? quod nocentium quorumque laudata & in usum tracta fuerit caterua. En, paucis verbis, fontes, quorum jam alterutri, jam utrique

B b

focio,



## 386 RANÖE OBSERVATA CIRCA

focio natales, ni fallor, debet copiosissima totiesque funesta intermittentium proles. Hinc ortum trahunt tot hydropes, tot obstructa viscera, tot phthises, tot aliæ diræ lethiferæque miserrarum cohortes, hinc etiam orta, quæ in casibus, jam ante plures annos in nosocomio Fridericiano observatis, & mox afferendis, succincte enarrantur mala.

### I.

**I**N juvene, qui spiritum frumenti cum pipere ad febrem debellandam ingesserat, brevi post hauritum deglutitum cephalalgia oriebatur, continua & tanto virium stipata decremento, ut lectum servare coactus esset æger. Evacuantia vero intra paucos dies hæc penitus fugabant Symptomata.

### II.

**S**UPPRESSAM in foemina per idem remedium febrem insecutus est dolor ultimarum vertebrarum dorsi constans, sub motu ad latus utrumque propagatus, cum decubitu in latere sinistro intolerabili. Venæsectione bina, camphoratis & cucurbitis

curbitis dorso admotis, multo mitigantur hæc mala, quæ per tres menses duraverant. Regioni vero hepatis, tum acute dolere & indurari incipientis, adplicito vesicante, redibat febris, evacuantibus brevi satis cedens, & tum plane convaluit ægra.

### III.

**A**LTERA, quæ tertianam trium hebdomadum aceto, spiritu vini, pipere & aqua debellaverat, oedematofum sibi contraxit totius corporis tumorem cum fluctuatione abdominis satis notabili. Remediis diureticis, roborantibus, diapnoicis ac digestivis, sub redeunte febre, adhibitis, primo cedere velle videbatur tumor, at inopinato de novo increfcebat, cum summa anxietate & orthopnoea, & motibus epilepticis correpta expiravit ægra.

In abdomine defunctæ aperto satis larga inveniebatur feri copia. Omentum, hepar, lien magnus & admodum mollis ubique cum adjacente concreverant peritonæo.

## IV.

**S**PIRITU vini deflagrato cum summitatibus absinthii abegerat altera tertianam recidivam. Mox accessit dolor crurum, cui sponte post quatuordecim dies cessanti, successit dolor abdominis circa umbilicum sæpe recurrens & cardialgiam inducens, hisce sibi dein junxerunt cephalalgia continua, orthopnoea, tremor extremitatis sinistræ tam inferioris quam superioris, ac dolor gingivarum & dentium sub masticatione. Emetico vero, digestivis & rhabarbarinis hæc omnia cedebant.

## V.

**R**EMEDIO, nescio quali, ex aqua frigida tollendæ febris ergo usus fuerat juvenis quidam. Aberat febris, at statim oriebatur cardialgia vehementissima ab ingestis adaucta cum hepatalgia & stranguria valde molesta. Hæc vero iustulere Venæsectio, Emulsiones nitroso-camphoratæ, linimentum volatile abdomini inunctum, fomentum ejusdem ex aceto calido ac infusum theiforme herbæ plantaginis aquaticæ.

## VI.

## VI.

**F**EBRIS intermittens sex hebdomadam, irregularis temporis & typi, accedente tumore crurum filuerat, hoc vero sponte evanescente iterum recrudescit cum tussi & aliquali oppensione pectoris. Datur digestivum, sub cuius usu mitescit febris, intumescunt vero pedes. Ob tussim & orthopnoeam propinatur solutio gummi Ammoniaci cum oxymelle scillitico. Cortice dato, cessat febris, increscit tumor, ac pertinaciter dolet hypochondrium sinistrum. Porrigitur hinc Tinctura rhei aquosa cum liquore salino, & ob expectorationem difficilem Kermes minerale. Minuitur dolor hypochondrii sinistri, maxime cum, aliquot elapsis diebus, post levem tussim gelatinosa multa, tenacia, pure & sanguine mixta, cum parvo levamine orthopnoeæ, evomuntur. Insequentibus diebus aliquoties ejusmodi per vomitum ejicit æger, at accedente Diarrhoea copiosissima sub respiratione stertorosa sublimi moritur.

IN dissecto cadauere pylorus adparebat contractus, substantiæ callosæ valde crassæ. Hepar induratum erat, lien admodum parvus. Cavitas

B b 3

pectoris

pectoris sinistra feri sanguinolenti satis largam continebat copiam, ejusdemque lateris pulmo plura habuit tubercula scirrhusa, alter ubique cum pleura coalitus erat, uti cor exiguum cum pericardio.

## VII.

**A**SCITIDEM vidi post febrem tertianam, nescio quo modo tractatam, sensim per octo hebdomades incrementem, cum fluctuatione abdominis insigni & decubitu in latere dextro intolerabili. Ingesta quæcunque moleste expandebant abdomen ægri quadragenarii, fere plane consumti. Diuresis parca cum urina crassa quasi sanguinea. Paracenthesi abdominis quatuordecim emittebantur liquoris alboscescentis, foetidi, libræ. Ingesta tum melius sufferebat æger. Porrecta fuere Diuretica optima, at subito post tres dies surrexit dolor abdominis totius, sub quo summe debilis obiit miser.

Ex aperto Cadaveris abdomine largissima effluxit liquidi foetidi, colorem & consistentiam puris diluti habentis, copia. Omentum ubique peritonæo & intestino colo accretum erat. Hepar invenimus

invenimus parvum indissolubiliter fere undique cum peritonæo coalitum, perdurum, tam in superficie quam in substantia, quasi e meris tuberculis duris conflatum. Lien magnus erat.

# VIII.

**V**EXAVERAT quotidiana virum per novem hebdomades, cum crura intumescere incipiebant. Data digestiva sprevit febris, cortici vero peruviano morem gerere velle videbatur, at interea gravis per totum corpus surrexerat Anasarca. E Diureticis variis adhibitis nihil magis diuresin promovebat quam chrystalli Tartari ad cochlearia duo minora ter quotidie assumti. At brevi iterum impeditur Diuresis cum incremento tumoris, & paucis elapsis diebus jam fluctuat abdomen. Datur Infusum vinosum amarum (a), dantur pilulæ

B b 4

ad

(a) *Infusum vinosum amarum.*

R. Rad. Asari

Mechoacannæ albæ singulor. unciam dimidiam

Asi

Calami aromatici

Galangæ minoris singulor. drachmas duas

Herbæ Fumariæ Manip. unum

Folior. Sennæ sine stipitibus unciam unam

Fibrar.

### 392 RANŒE OBSERVATA CIRCA

ad hydropicos completæ (b), datæ oxymel e Colchico, cum parum aucta diuresi, at tum recurrit febris. Aucta licet diuresi increfcit tumor abdominis: intercurrit hæmorrhagia narium larga: Varia propinantur remedia, at frustra. Instituta paracenthesi viginti septem ex abdomine effluxere feri citrini haud diaphani libræ. Vulnus paracenthesi factum dein sponte ruptum largissimam iterum ejusmodi feri emittebat copiam. At hoc uti reliqua omnia, proh dolor! frustra.

In abdomine mortui serum repertum nonnullum. Peritonæum, musculi abdominales & intestina tenuia livida, hepar parum induratum, glan-

Fibræ. radic. Hellebori nigri drachmas sex  
 Summat. absinthii manipul. unum  
 Semin. foeniculi drachmas duas  
 Incis. & contus. digerantur cum vini albi libra una.  
 Dosis cochlearia duo majora mane & vespere.

(b) *Pilule ad hydropicos completæ.*

R. Saponis veneti semunciam  
 Juniperini  
 Pulveris scillæ compositi Stahlî  
 singulorum drachmam unam  
 Mercurii dulcis  
 Kermes mineralis  
 singulorum semidrachmam  
 F. c. Balsami Indici qv. suff. pilule  
 Pond. gr. duorum, Dosis V, Pilul. ter per diem.

glandulæ mesenterii magnæ, juxta duriores. Cavitas sinistra pectoris sero albo, quasi purulento, plena erat & pleura ibidem rubra. Altera pectoris cavitas serum continebat sanguinolentum, æ liquoris pericardii copia aderat enormis.





## XXXIII.

EXEMPLUM FALLACIÆ IN  
OBSERVANDA ET CONFIRMANDA  
REMEDIORUM FALLACIA,

Auctore I. C. TODE,

M. D. & Prof. Publ. Aulæ Regiæ Medico Soc. a litteris ad Exteros.

**B**RITANNUS, annos circiter 29 natus, Hauniæ aduena, secum tulerat reliquias mali venerei tumultuarie curati. Laborauerat ulcusculis glandis & præputii, quæ externis potius quam internis medicamentis erant sanata. Leniora heic adhibuit mercurialia & antimonialia, sed sine perfecta symptomatum & metus ablatione. Affligitur tandem doloribus artuum nocturnis & præmagna tibiæ exostosi.

MEUM jam sibi expetit consilium. Subjicio minime invitum salivationi moderatæ & usui decoctorum purificantium. Sic prorsus evanescunt & dolores & exostosis.

SANATUS

SANATUS cum ancilla copulam init illicitam, sed foecundam, suoque tempore floridam atque quadratam puellam dantem.

VERUM versus hyemem recrudescunt dolores, attamen jam non diaphyses, sed articulos infestantes, per extrema vagantes, noctu exacerbati. Præ reliquis partibus carpi & metacarpi male habebant. Tumores simul in his articulis, uti & in fronte maxillisque prodibant, in notabilem magnitudinem subito excrecentes & æque subito decrecentes, illis, quos in rheumaticis & maxime in arthriticis toties conspiciamus fungorum fere instar propullulantes, perquam similes.

Ægrotus malum venereum sopitum nunc iterum suam tragoediam acturum ratus, nouam, pro more vel potius fato poenaeque venereorum, efflagitat salivationem.

OBJICIO ego subitaneum ortum tumorum, summam eorundem cum tophis arthriticis analogiam, haud redeuntem exostofin in tibia, absentiam aliorum signorum labis venereæ, perfectam uxoris, cum qua jugiter rem habuerat, sanitatem, sobolis ab omni nota delitescentis virus immuni-

munitatem, levamen quod Guajacum attulerat &c.

FLECTI nescius mercurium poscit, quem ut rite administraret alium medicum in consilium vocari rogo. Accedit Collega conjunctissimus CALISENIUS. Morbum haud evidenter venereum judicat; attamen ad tranquillitatem ægroto reddendam hydrargyrosin ipsi concedendam esse putat.

STRENUE jam sese inungit ægrotus, validamque patitur salivationem, nec sine egregio levamine. Disparent tumores, fugiuntque cruciatus nocturni. Neque tamen redit beata animi tranquillitas: idem malum iterum recursum somniatur & meditatur miser conualescens.

Et reapse recurrunt dolores carpi & metacarpi & tumores frontis. Suadeo jam, ut expectaret tempus vernum, quo aëre campano, exercitio & præprimis victu lacteo & vegetabili uti posset.


Rus petit desperabundus. At post aliquot mensium absentiam lætus & sanissimus mihi occurrit, summasque pro bono consilio gratias agit, & læticipiorum laudes, me monitore, plenis buccis effert atque extollit.

Jam

Jam per biennium optima gauisus est valetudine, & vix malorum perpefforum memoriam retinuit. Nuperrime vero, dum cum illo circa varias alias res colloquor, ingenue mihi fatetur, fe non amplius diffimulare poffe, quod aliquando me decepiffet.

DOLORES & tumores & quidquid morbi mercurius & vita rustica eradicare non potuerat, feliciffime fustulerat ufus specifici cujusdam antarthritici, *Nortons Drops*, vel, *Maredants Drops*, dicti, a populari fecum communicati.

Veritus eft, ne fibi male vellem propter hunc dolum; fed ego lætiffimus accepi novum hoc documentum, quam facile falli poffimus ab ægrotis verum occultantibus, & quam cautos nos effe deceat in admittendis remediorum laudibus, tum maxime, quando nos ipfi horum fuafores fuimus atque patroni.



## XXXIV.

## MEDITATIONES

DE

UTERO SUB GRAVIDITATE RUPTO  
ÆGROTA PER VI. HEBDOMADES  
SUPERSTITE,

Auctore MATHIA SAXTORPH,

M. D. &amp; Prof. Publ. Societ. Membr. Ordinario.

## HISTORIA MORBI.

**D**UM in findendis lignis sedulo occupata fuerat foemina, jam per sex menses gravida, accidit, ut frustulum ligni, gravius quam commode sustinere poterat, ab uno in alterum locum translatura esset; sub quo infelici tentamine oneris molesti elevatione acerbissimum, ac si omnia illi dilacerabantur viscera, in regione lumbari persensit dolorem, quem anxio clamore & ejulatu, semianimis in terram dilapsa misera indicavit: mox casui insequabatur animi deliquium & e genitalibus sanguis copiose fluere incipiebat:

cipiebat: in hoc statu ab adstantibus in lectum portabatur; post aliquod tempus paulisper cessare dolor & profluvium sanguinis inceperunt; per XIV tamen dies lectum tenere cogebatur ægra, quibus elapsis, solita quidem iterum aggrediebatur negotia, sed non sine ingenti molestia & ægritudine, quin immo per spatium VI hebdomadam subinde & haud raro maximo cum impetu ex utero recruduit hæmorrhagia, quæ summa corporis quiete & tranquillitate animi interdum sublata fuit, immorigera interdum, adhibitis quamvis prudenter remediis antiphlogisticis, acidis, opiatis nec non venæsectionibus vix obtemperavit. Hinc medicorum usa consiliis, lintea carpta aceto madefecit nostra, & in vaginam intrusit; neque hoc successit, sed indies magis magisque nimia sanguinis jactura debilitata Nosocomium, ast nimis sero, petere decrevit.

Vix limen Nosocomii intraverat puerpera, antequam de summo virium defectu, aurium tinnitu, visus obscuritate, & doloribus per aliquot dies de novo exortis, tergiversantibus, & non nihil depressioris conquerebatur misera: pallidus  
tunc

tunc erat faciei & labiorum color, pulsus frequens cum exillimo arteriarum ictu non raro deficiente micabat, frigus occupaverat artus, totusque ad-  
spectus agræ, mortis, quæ statim insequabatur, imaginem ante oculos posuit.

FACTA in hoc statu vaginali exploratione indagavimus exiguam in orificio uteri jam jam ad-  
esse aperturam, digitum explorantem commode admittentem, intra quam corpus spongiosum orificio obvium distincte tangebatur, eodemque tactu sanguinis pallidi aquosi foetidique pauca copia ex utero effluxit.

SINE omni hæsitazione, fœminæ in lectum parturientium depositæ potiunculam analepticam porrexi, dum Obstetrix ad partum perficiendum parata, blando modo orificium dilatabat *uterinum*, ut placentam e sede sua dilapsam, una cum foetu semiputri prope orificium hærente, eo citius extraheret; successit ei operatio sine magno negotio, foetusque absque sanguinis jactura prompte educabatur, post partum absolutum nulla uteri collapsi, quamvis injectione aquæ frigidæ sæpius stimulati contigit contractio, sed quæ adhuc supererant

pant refractæ vires subito prosternebantur; venterque intumuit, ut lenissimum manus attactum ægerrime tulerit, donec sub atrocissimis per universum corpus sese extendentibus doloribus, fœmina, duobus vix a partu elapsis horis, e vita decessit.

### SECTIO CADAVERIS.

**C**URIOSUS de mortis causa indaganda viscera defunctæ foeminæ cum nonnullis auditoribus perferutandi causa visitavi, in quem finem dissecto abdomine, cavitatem aqua foetida sanguinolenta plenam, intestina inflammata & prope uterum gangræna affecta, uterum ipsum totum inflammatum, & posteriori pagina a fundo ad collum usque magno hiatus disruptum inveni, labia ulceris undique sphacelata putridum spargebant foetorem; interioris superficiei uteri color, maxime qua posticam partem spectat, profunde rubens, in anteriori vero naturalis fuit. In fundo uteri vestigia apparebant quondam irradicatæ placentæ, quam eneris elevatione solutam & effluxu liquoris amni ad orificium sponte dilapsam fuisse credimus;

C e

fine



sine minimo adhæſionis cum ore uteri facti indicio.

### EPICRISIS.

**I**TER tristissimos, qui gravidis & parturientibus eveniunt mortis & periculi casus, certe annumeranda est uteri disruptio, quæ ex improvise accidit huic foemine in vjto graviditatis mense constitutæ: cujus generalem si respicimus causam, merito violentæ & subitanæ pressioni uteri adscribimus, sive hæc solo fortiori inspirationis nixui, quem masculi abdominales in uterum plenum ejusque contenta, validissime ex omni parte reagentia, exercuerunt; sive potius casui debeatur, quem in terram prolapsa mulier experiebatur, dicere ambiguum est, nam utrumque facile locum habere posse, non denegamus.

NULLUM in graviditate, quantum scio, habemus exemplum rupturæ uteri, quæ ullo alio modo, quam vel per solam violentiam, vel per putrescentiam foetus emortui, & gangranosum uteri: factum fiat, quæ ultimæ causæ, cum e symptomatibus gravidæ nostræ contingentibus nulla modo adfuisse

adfuisset suspicandæ sunt, utpote quæ se satis bene per totum gestationis tempus gesserat, nullis molestiis obnoxia, foetusque motum haud obscure persentiscerat, prima earum hinc statuenda est, injuria scilicet sola, qua uterus disruptum esse concludimus.

INTEREA determinandum foret, utrum in nostra foemina hæc injuria ex solo nixu fortiori, an potius e lapsu exorta sit, quæ periculosa hujus uteri rupturæ ansam dederat?

Si sensui doloris, quem femina perceperat jam ante lapsum, quo rumpi sibi omnia viscera in abdomine putabatur, aliquid fidendum est, viæ lapsui tribuenda est ratio, licet itaque minus frequens sit, uterum vidisse ruptum per solam violentam vim musculorum abdominalium sub inspiratione & nixu præternaturali, nihilominus omnium exceptione majus est, eundem existere posse, id quod modus crepaturæ aliorum viscerum, ex interna causa premente sæpius ortæ, delucide monstrat: vomitu quis nescit oesophagum a ventriculo disruptum fuisse, dolorumque in partu violentis uterum ipsum rupturam egisse, quin imo lienem

enormis magnitudinis sub doloribus partus validioribus disruptum in cadauere foeminæ cujusdam in puerperio extinctæ ipse vidi, ne dicam de pluribus crepaturæ viscerum exemplis, quæ abunde nobis suppeditant morborum historiarum; hanc meam sententiam affirmavit olim PLATNERUS (a) generaliter asserens. "Ex violenta abdominis compressione viscera inclusa rumpi, lacerarique, ita ut, effuso omni sanguine, cita mors sequatur."

Non tamen negandum est faciliiori modo explicandam fore rupturam uteri in hac fœmina, si lapsum pro causa assumamus; tali enim externa violentia sæpissime uterum in graviditate, salvo abdomine, ruptum fuisse observavit obstetricantium cohors; verum hanc causam in nostra foemina vix ulla cum certitudine statuendam esse credimus, cum ex narratione illius nullum e lapsu, sed ante lapsum omnem persequerat dolorem, nisi forsan, quod sub lapsu insequeretur animi deliquium, ita obfuscaverat sensum doloris, quem lapsu perciperet fœmina nostra, ut ejusdem plane expertus permaneret: quicquid etiam sit, statuere absque

(a) Institut. chirurg. §. 717 not. a.

absque errore possumus rupturam ex violenta compressione quomodocunque etiam facta in uterum repletum originem traxisse.

Ast rupto in partu utero, foetum, inter viscera abdominalia per plagam utero inflictam non raro devolutum fuisse vidi ipse, videruntque alii observatores, id quod in nostra femina non observatum fuit, utpote quæ post lapsum fatalem superstes adhuc per vi hebdomades fuit sine foetus ex utero elapsu: Nonne itaque ex absentia hujus phœnomeni dijudicare liceat, uteri totius substantiam, non ita perforatam fuisse ab initio quin potius externum ejus involucrum, quod a peritonæo habet, saluum adhuc & integrum habuerit, id quod olim in alia uteri ruptura similiter contigisse vidi, ita ut sola hujus integritate foetus in utero remanserit. Quod si hoc statuimus, facile quisquam putaret uterum in partu sub ipsa foetus extractione primum rupturam egisse, tristissimumque obstetrici facile imputaret malum, id quod jure meritoque negandum est: Imo enim operatio sine minima violentia, quin imo sine manus in uterum ipsum introductione peragebatur, 2do gan-

grænosus uteri status statim a morte visus, labia-  
que vulneris sphacelata monstrarunt clare rup-  
turam olim existisse, sola vero externa uteri mem-  
brana forsan eo usque indissoluta fuit, donec uteri  
contractionibus in partu demum dilacerabatur.

Cum vero incerta sunt & valde æquivoca ad  
hunc terminum graviditatis occurrentia signa,  
quæ factam rupturam uteri indicant, nemo un-  
quam, quamvis præsciret lapsum, post tam lon-  
gum temporis intervallum ex solo animi deliquio,  
quod casum inlequebatur, uterum fuisse disrup-  
tum divinaret, quis crederet foeminam tam forti-  
ter vulneratam non modo superstitem fore, sed  
absque gravioribus symptomatibus tamdiu immu-  
nem vixisse, nullam itaque in re tam dubia & in-  
certa, præter allatam superfuisset methodum par-  
turientem nostram succurrendi & rite opitulandi  
credere fas est.



XXXV.

RELATIO EPIDEMIÆ BILIOSO-  
NERVOSO-PUTRIDÆ IN CLASSE REGIA  
AC NOSOCOMIO NAUTICO

ANNO 1781 GRASSANTES.

UNACUM

OBSERVATIS CIRCA EFFECTUM CAM-  
PHORÆ DOSI CONSUETIS LONGE  
MAJORI DATÆ ET SEMINUM  
SINAPEOS ANGLICANI INTUS  
SUMPTORUM

COLLECTA ET REG. SOC. M. H.

COMMUNICATA PER

H. CALLISEN,

Med. Doct. &amp; Pr. P. Soc. Memb. Ord.

**Æ**STATE præterlapsa morbi mixti genii in  
classe Regia atque Nosocomio marino grassaban-  
tur, sub larva biliosæ febris invadentes, mox  
symptomata nervosa, mox putrida, iterum ex

C c 4 ambobus

ambolus complicata affumentes, denique dysenteria morbum claudebat: Succinctam hujus Epidemiae historiam Societati communicare haud incongruum judicans, sequentem luctantis naturae vestigia pressus, condidi relationem.

ADNUNCIABAT sese febris sensu lassitudinis, defectu adpetitus, flatibus ac repletionis sensu in Epigastrio ac Hypochondriis; interdum Diarrhæa per aliquot dies antecederet febrem, ut plurimum comitabatur eandem; apud nonnullos torminosa erat; sæpe intra paucos dies sistebatur; In aliis per totum morbi decursum durabat. Symptomata febrilia perraro in initio gravia erant, ut plurimum ad 7. s. 9 diem crescebant, deinde decrescebant communiter. In multis aut ante Diarrhæam aut cum eadem accedebat vomitus materiæ tenacis biliosæ, excrementa quoque biliosa erant ac valde foetida. Sub febris incremento lingua erat mucosa, deinde flava biliosa, postea arida ac denique nigricans evadebat, quo gravior Diarrhæa eo citior hæc mutatio; ægroti in universum admodum sitientes valde potum frigidum acidulum appetebant avidissimi. Sensus repletionis in Epigastrio  
suc-

ſucceſſive tranſibat in dolorem preſſorium, reſpirationem anguſtantiem, 8 ut plurimum vel 10 diebus perſiſtentiem. Ægroti complures dolore gravi lumborum ac femorum adſciebantur, minus attamen conſtanti, quam Cephalalgia, primo ſinciput, deinde occiput occupans. Quod ſi febris vehemens, ac diarrhæa mitis vel omnino nulla aderat, tertio ſ. quarto morbi die delirium non raro accedebat furioſum cum vigiliis, circa 5 ſ. 7 diem ſenſim in ſtuporem deſinens cum diminuta febris. Mitioſorem febrem in univerſum gravior diarrhæa, ac delirium haud ita vehemens comitabatur, tamen ſuccedebat levis ſtupor, cum diminutione febris vix notabili, ad criſin fauſtam vel ſiniſtram uſque perſiſtens.

CUTIS primis morbi diebus arida erat, nonnulli tunc ſudore gravi perfundebantur, quo tamen haud levabatur morbus ſed gravior e contrario ac longior evadebat. Lenis contra hæc tranſpiratione levamen afferebat, & novo diarrhoæ, brevi in dyſenteriam abituræ, inſultu non interrupta ſanationem promittebat. Interdum tamen hic ſudor, calida in primis tempeſtate, purpuram adducebat, quam



quamvis, si serior accedebat, haud periculosa erat, longiorem attamen morbi durationem præstiebat.

OMNIUM ægrotorum, qui de navi bellica *Judseds-Metten* (Jus Indigenatus) post reditum de promontorio bonæ spei ad Nosocomium deferebantur, symptomata in universum multo graviora erant quam in omnibus reliquis; In his purpura jam primis morbi diebus, verosimiliter ob scorbuti a longo itinere orti cum morbo mixtionem, accedebat, quæ intra paucos dies in bullas magnas brevi gangrænosas levabatur, quibus ruptis ac ichore foetido evacuato in ulcera mali moris mutabantur; in omnibus his vomitus ac diarrhoea post purpuræ eruptionem mox cessabant, absque fracta vehementia febris. Interdum cum haud raro absque hac eruptione accedebant Petechiæ insolitæ sæpe magnitudinis ac adeo copiosæ, ut in circumferentia ad spatium manus extensæ respondente vix interstitia cernerentur a maculis petechialibus immunia; frequentiores attamen hæc occurrebant mensibus Septembris, Octobris ac Novembris quam calidioribus æstatis mensibus.

IN

IN plurimis color cutis ut & unguium in principio morbi subflavus icteritius mutabatur in coeruleum. Cutis ad attactum frigida in nauticis e navi *Judsøds-Ketten*, jam 7 f. 9 die accedens, finistrum morbi eventum prælagiebat.

URINA in morbi initio flava quasi croco tincta clara erat, sæpe quinto f. sexto die turbida sedimentum deponebat lateritium, rarissime in hoc stadio morbum levans, quin unico potius vel duobus diebus solummodo persistens; his finitis limpida aquosa citrina observabatur ad 15-17 morbi diem usque circa quod tempus nubeculas dabat, turbida fiebat, ac denique novum jam deponebat sedimentum lateritium. Similis urina jam diebus compluribus missa, una cum levi decumbentium sudore assiduo, spem dabant brevi futuræ absque dysenteria reconvalescentiæ ratam. Contra hæc si sudor interruptus aut in nonnullis corporis partibus solummodo aderat, aut sedimentum urinæ disparebat, dysenteria sequebatur, aut, quæ longe pejores, agmen malorum claudebant convulsiones funestæ, sensim incrementis, quæ haud raro efficacissimis licet remediis adhibitis, ægrotos e medio tollebant.

E

E contrario convulsiones citius advenientes, circa 8-10 morbi diem visæ, mitiores in genere erant ac remediis adaptatis facilius domandæ. Morbus post has faciem febris nervosæ inducibat, absque tamen ut ideo excluderet dysenteriam, quæ nonnullos potius, qui critica urinæ depositione jam multum levati erant, & alios qui jam plane sanati videbantur, & ad recuperandas vires Helsingora ad Nosocomium Hauniense delati erant, corripiebat; hi aut perfectam denique sanitatem recuperabant, aut tot ictibus succumbebant.

Non in omnibus tamen Symptomata putredinis cessabant accedentibus Symptomatibus nervosis; lingua quamvis purior, excrementa non ita foetida, stupor minutus, & eruptio cutanea in ulcerationem gangrænosam prona non tanta vehementia aderant; omnia hæc minori tamen gradu subsistebant e. g. a decubitu, maxima quamvis munditici cura adhibebatur, facillime ulcera gangrænosa oriebantur; Urina, quamvis sedimentosa, odorem foetidum spirabat, neque Petechiæ, vibices, ac coeruleus cutis unguiumque color aberat; in his vix ulla Crisis, vel, si aderat, imperfecta accedebat

cedebat & fere semper per dysenteriam infecuta in illis præcipue qui aut in universum habitus debilis aut morbo valde exhausti erant.

Quotquot durantibus adhuc febris vehementia ac stupore dysenteria invadebat primis diebus parum conquerebantur, dejectiones sanguinolentas foetidissimas involuntarias passi. Intra paucos dies autem accedebant tormina ac tenesmi vehementes continui, cum aliquali augmento febris. Hi sub incrementibus indies Symptomatum debilitati ante 12 dysenteriae diem fere omnes moriebantur.

A febre vero reconvalescentes dysenteria correpti, ante tenesmi adventum conquerebantur de torminibus, appetitus defectu, nausea, siti, sapore oris subamaro foetido, abdomine expanso, inquietudine. Accedebant tunc dejectio alvina frequens aquosa, mucosa, foetida, tenesmus, sanguinolenta materiae ejectio, nonnullis quoque delirium. In his sanguinolenta dejectio ad 5-7 diem plerumque diminuebatur, liquidâ tamen fluebat alvus ad 3-4. immo ad 6tam hebdomadem. Hi in universum denique sanitatem recuperabant, minuebantur sensum tenesmus, foetor

ac

ac tenuitas excrementorum, redibant excrementorum consistentia, appetitus, somnus, vires, sanitas. Unicum febris lenta invasit & Hydrops 21 morbi hebdomade morte terminatus.

PROGNOSIS quoad diversam morbi faciem varia erat. Si ante ipsius febris adventum per aliquot tempus signa debilitatis aderant, symptomata putrida, delirium ac stupor magis metuenda erant, febris intensior, crisis magis perfecta, vitæ discrimen minus, ac raro tunc insequabantur symptomata nervosa ac dysenteria.

EXCEPTIS tamen ægrotis nauticis navis *Jub. sub. Stetten*, in quibus omnia symptomata in universum longe gravissima erant, omnesque ideo sub maximo vitæ discrimine versabantur.

ANTE 6tum diem accedentes diarrhæa, sudor, urinæ sedimentum, frangebant quidem morbi vehementiam, sed intempestive simul vires ægroti & ob imperfectam crisin symptomatibus nervosis ac dysentericæ ansam dabant; mali ominis signa inde merito habebantur.

SYMPTOMATA nervosa ante nonam s. undecimum morbi diem advenientia mitiora in universum  
sum

sum erant ac facilius remediis cedebant, quam serius advenientia, e quibus vix ægrotantium ullus evasit.

**FEBRIS** ultra 18 diem protracta & symptomatibus stipata putridis sive nervosis, vel ex ambobus mixtis, imperfectam crisin per urinam ac sudorem ad dysenteriam infecuturam præfagebant. Dysenteria imperfectam crisin sequens ut plurimum sanabatur, absque prægressa quadam ejectione critica fere semper lethalis erat.

Vomitibus biliosis ac diarrhæa in initio morbi per plures dies subsistentes, si non sudore forti ac urina sedimentosa criticam mentiente, nec purpura vesiculata, nec subita febris remissione exciperentur, crisin perfectam per urinam ac sudorem absque insequente dysenteria præfagebant.

BONA crisis inter 14 & 18 diem accedebat, maturior aut serior accedens, imperfectam morbi solutionem ac ejus protractionem indicabat.

In initio morbi semper ad eliminandas primarum viarum sordes emetica ac laxantia adhibebantur. Statim inde dedi emetico laxans e tartaro emetico in decocto laxanti dispensatorii Danici soluto,

luto, cum infuso Chamomillæ huic superbibendo; postero mane Ipecacuanham c. Rheo ac tempore pomeridiano nonnullas doles. Cremoris Tartari cum Rheo ac Camphora nupti porrexi, jussique, ut per tertium & quartum diem sive ad sensibilem linguæ depurationem usque, diminutosque vomitum, dolorem in Epigastrio pressorium ac diarrhoeam, iisdem insisteretur remediis: Post interjectos aliquot dies interdum vomitum revocavi per iteratum Tartarum emeticum. Lenia tunc diaphoretica, pulveres scilicet e Crem. Tartari Nitro & Camphora compositi, vel tenuis Tartari emetici solutio s. mixtura acida camphorata, dispensatorii Danici Julapium e camphora quavis hora s. quovis bihorio porrigebatur ægrotis, potu frequenti acidulo haud omisso. Congestiones ad caput ac deliria haud raro capillorum abrasionem, epithemata capitis frigida, liberum aëris accessum ac vesicatoria feris adjicienda poscebant.

SYMPTOMATA putrida graviora hujus Epidemix solis cedebant remediis antisepticis. Quamvis Cortex Peruvianus in epidemia vere putrida anni præcedentis spem meam valde frustraverat;

juxta

juxta observata Regiæ huic societati tunc temporis per me communicata, tanto attamen minus hæsitavi novo iterum exponere periculo vires remedii, nostro Seculo facile principis, tot totiesque laudati, dum fomes putridus in hac epidemia primas præcipue vias occupare, seu easdem versus saltem dirigi videretur. Hujus adeo Corticis uncias unam ad quatuor dedi in forma Pulveris, Decocti vel infusi, pro re nata intra Nychthemeron consumendas. Equidem putredo vi Corticis quasi minuta apparuit, vires vitales autem vix vel omnino non resectas hujus ope vidimus: Pulsus minor ac celerior evadebat, faciem febris nervosæ induebat morbus & aut convulsionibus succumbabant ægri aut crisis imperfecta & deinde Dysenteria sequebatur. Corticem ergo tot splendidis encomiis ex quaque orbis ora resonantibus celebrem in hac etiam Epidemia omisi audax, confusus viribus Mixturæ acidæ camphorata, diætæ confortanti antisepticæ & laxantibus interpositis quousque febris aderat sat fortis: Quotiescunque autem cum aucto torpore febrem ultra modum diminutam percepi, ad remedium confugi excitans,

D d

anti-



antisepticum eximium, mihi semper longe efficacissimum visum *Pulverem* nempe *Semin. Sinapeos Anglicani*. Hoc pulvere a dimidia, ad tres uncias spatio Nychthemeri consummendas, putredinem suppressere contigit & febrem ad bonam & perfectam Crisin usque sustinere. Coactus autem plus vice simplici per dira tormina abdominalia ab ingesto sinapi aucta, remedium, efficacissimum alias, seponere, vim antisepticam, exstantem atque sedantem *Camphoræ* majori præ solitis dosi data contra hunc morbum tentare decrevi. Ordinavi igitur Pulveris Camphoræ gr. X ad Drach. dimidiam tertia vel quarta quaque hora sumenda, quin ægrotantium immo unus & alter æqualem dosin singulis horis deglutivit. Quamquam effectus tantam Camphoræ Dosin insequens sibi non in omnibus ægris perfecte similis observabatur, sequentia attamen Phœnomena certa notavi. Singulas doses Camphoræ majores deglutitas mox sequebantur notabilis diminutio caloris cutanei, pallor cutis, obscuratio vilus, respiratio frequens laboriosa, pulsus minor crebrior inæqualis & intermittens, interdum accedebant rigores.

rigores. Semper insequabatur mutatio pulsus ac respirationis, reliqua sæpe aberant, post maximam quoque dosin assumptam, interdum omnia post minimam dosin magno gradu aderant. Omnia hæc Symptomata cito & subito oriebantur, breve evanescebant, nec continuato licet remedio ultra horam dimidiam protrahebantur unquam. Deinde pulsus vibrabat tardior regularis & distincte major quam ante assumptam Camphoram fuerat, respiratio fiebat libera, cutis paulo ante frigida & pallida jam calida tangebatur, rubicunda apparebat, oculi naturalem splendorem reassumebant; tremores ante vel mox post sumptam Camphoram præsentés evanescebant. Stupor cessabat & ægrotus mentis iterum compos observabatur. Convulsionés si adfuerant cessabant, & ægrotus pro indole virium membra libere movebat. Hæc rerum facies, nisi reiterabatur remedium solummodo 2 solum vel 3 horis persistabat, tunc in pristinum statum relabebantur ægri. Sequentium dosium effectus solummodo quoad circulationem & respirationem sensibiles, citius evanescebant quam post priorem dosin assumptam. Remedium

D d 2

dium

dium si solummodo bis vel ter datum erat, raro ulla alia symptomata, quam ea quæ priora duo stadia febris intermittens, frigus nempe & calorem siccum comitari solent, insequabantur; continuato vero pro symptomatum vehementia remedio, tertium febris intermittens stadium,eductio nempe materiæ per urinam ac sudorem sequebatur. Non in omnibus quidem simili modo sese manifestabant symptomata; in nonnullis sudor vehemens ac urina critica per aliquot dies continuantes brevi morbum terminabant.

PLURES urinam mittentes criticam simul in lenem incidebant sudorem, interdum per integros 14 dies continuum, quibus lente quidem frangebatur morbus & sanitatem recuperabant, plus.at.tamen madefacti ac viribus magis destituti, præ reliquis, qui longiorem morbum perpeffi, nulla Camphora usi erant. Nihilominus tamen intra breve tempus vires redibant ac sanitas pristina.

IN aliis denique effectum hunc optatum attingere non potui, præcipue si, quod proh dolor sæpius accidit, ægroti primo vel secundo morbi stadio jam præterlapso & haud raro neglecto, ad

Noso-

Nosocomium mittebantur, incidebant tunc vel in Dysenteriam, vel etiam ante hujus accessum moriebantur.

ÆGROTORUM, qui febre epidemica nondum judicata vel post imperfectum crisin ejusdem Dysenteria corripiebantur, curam ab emeticolaxantibus ex Ipecacuanha & Rheo repetitis plus vice simplici incepimus, perfecimus deinde refractis dosibus Ipecacuanhæ & Rhei cum CrySTALLIS Tartari commixtorum, junctisque in partes socias diætæ mucilaginosæ acida & summo munditiei studio. Nec raro simplex hæc methodus votis respondit. Sæpe vero dejectio sanguinolenta ac imprimis tenesmus adeo increverunt, ut diu noctuque absque remissione ægras cruciantes, usum opii versus noctem suaderent, quod ægrotos quidem paululum reficiebat, donec post paucas horas morbus aucta vehementia redibat. Tonica antiseptica inde in usum vocavi uti Simaroubam, Cascarillam, Corticem Peruvianum, terram Catechu, immo in nonnullis aluminosa; In nonnullis haud plane viribus destitutis sistebatur malum, plurimi continuante morbo tabidi moriebantur. Rebus ita stan-

tibus vires radices Gei urbani experiri suavitissimus Doctor BUCHHAVE, qui ipse portionem propria cura collectam benevole nobis communicavit.

PRIMUM hujus remedii periculum feci in ægroto qui a febre reconvalescens per *integros* octo dies Dysenteria laboraverat. Huic inquam præscripsi Radicis Gei urban. unc. i coquendam cum aquæ simplicis unc. xvj ad remanentiam unc. x. Colaturæ cochleare majus omni hora sumsit cum interposito potu mucilaginoso, tanto quidem cum effectu, ut sequenti die levamen perciperet æger, tenesmus & dejectiones cruentæ, omniaque in universum symptomata intra paucos dies mitigarentur, modo *Diarrhoeam* excipias exsanguem, rebellem, demum Pulvere radices Gei ad drachm. i. sexies in dies deglutitam domitam. Hoc successu instigatus pluribus Geum dedi, nec inficias ire possum, hoc remedium in illis, qui a febre convalescentes Dysenteria corripiebantur inter omnia alia adhibita, optimum effectum, præstitisse. Contra hæc Dysenteria,

ſenteria, quæ vigente adhuc febre ægros inva-  
ſit, radicem Gei urbani, & reliqua quæque re-  
media oppoſuimus fruſtra, quippe quorum vix  
unus & alter evaſit.

---

---

---

---

---

## XXXVI.

DE EXIMIA OPII VIRTUTE AN-  
TIVENEREA OBSERVATIONES VARLÆ,  
CUM REGIA SOCIETATE  
COMMUNICATÆ

A

J. CLEMENTE TODE,

M.D. &amp; Prof. Publ. Aulæ Regiæ Medico, Soc. a litteris ad Exteriores.

**A**NNUS fere præterlapsus est, ex quo Ill. DELIUS  
publici juris fecit literas a Cl. SCHOEFF, Medico  
Castrensi Germano novo Eboraco Erlangam mis-  
sas, in quibus auctor de ægroto venereo Opii usu,  
non studio & opera, sed coecissimo casu ad lætis-  
simam convalescentiam perducto & feliciter sa-  
nato, pluribusque ejusmodi ægrotis eadem medi-  
cina a crudelissimo foedissimoque malo liberatis  
narrat. Hujus libelli, lectu sane dignissimi argu-  
mentum, quatenus mirabiles illas curationes spec-  
tat, totum inserui *Bibliothecæ meæ medico-chirur-*  
*gicæ,*

*gica*, ejusdemque brevem mentionem injeci in *Novellis meis ad salutem publicam facientibus*. Sic res ad omnium bonorum medicorum in patria nostra praxin exercentium notitiam pervenit. Ad unum tamen omnes mirificis illis curationibus parum credidisse videntur, novumque inventum forsan apud nos foetus præmaturi instar ante diem oblivioni datum fuisset, nisi illud ad trutinam experientiae revocasset ingenuus æque ac cordatus Vir, Cl. SIBBERN, ad eam instituti ptochotrophici partem, cui ego medicus constitutus sum Chirurgus, sicque mihi & commilito & amicus.

Hæc Opium ad modum a Cl. SCHÖPF propositum variis veneris in Sophronisterio, Börnehuus dicto, propinare fausto conatu ausus est, nec ipsum poenituit tanta pericula fecisse. Quum paullo post ex officio ægrotos ejus loci visitare, volupe mihi fuit non solum de tracto in usum opio, verum etiam de egregia ejus in sanandis malis syphiliticis efficacia certiore & insperati, quinimo inauditi & vix credibilis euentus testem autoptem fieri. Propriis nempe oculis perlustravi duos ægrotos hac medicina curatos in optima con-



## 426 TODE DE EXIMIA OPII VIRTUTE

valescentia jam constitutos. Rogavi experimenti auctorem, ut coeptam viam strenue pergeret & quoticujuslibet ægroti novo hoc remedio tractati historiam literis consignaret. Frequentius redii & quemlibet curatum examinavi. Adeo ut inter sanatos mox adducendos nullus sit, quem ego non perlustraverim. En autem Epitome observationum. Loquitur ipse SIBBERNIUS.

*Joannes Lundgreen*, annos XXXIII natus, die XXVI Jan. h. a. inter ægrotos receptus est. Totum corpus ulceribus venereis & tumoribus parvis profunde rubentibus & crustosis oblitum erat. Facies maxime & genitalia horribilem in modum defoedata. Foetor teterrimus, adeo ut reliqui ægroti, ferendo carcerum squalori & putori quantumcumque consuetudine pares facti, illum ferre vix possent. Stragulos ichore omni mane scatebant. Fauces occupabant ulcera profunda. Cæterum nulla exostosis, nulla gonorrhoea. Præmisso purgante statim propinavi Opii hina grana mane & vesperi. Sudor inde copiosus & somnus, quo per longum tempus non fruitus erat, palpebras denuo visitabat. Dofin  
Opii

Opium gradatim ita auxi, ut initio Martii sex granis bis in die devoraret æger; ulterius procedere nec ausus sum, nec res umquam exegit.

FELICITER sanatus hic ægrotus sanis nedum adscriptus est, utpote scabie jam correptus.

*Sophia Ritgers*, annos XXIV nata, & prægnans, ulceribus faucium & genitalium, uti & condylomatibus laborabat. Propter grauiditatem Opium minus tutum ratus, Pulverem alterantem dedi, vix tamen notabili cum successu. Puerum paullo post enixa est, ab omni infectionis venereæ nota plane immunem; quem post mensem convulsiones e medio sustulerunt. Superatis puerperii periculis, sub initio Februarii Opium porrigere coepi, eadem ratione ac supra dictum. In hujus usu perrexit per quatuor menses: perfecte sanata disciplinæ iterum tradita est die VII Junii. Elapsis tribus septimanis dimissam denique perlustravi, nec ullam renascentis mali notam in illa deprehendi.

*Regina Willing, & Catharina Maria Dystrup*, ambæ quartum ætatis lustrum nuper emensæ similibus sed numerosioribus ulceribus & excre-

## 428 TODE DE EXIMIA OPII VIRTUTE

crescentiis ac *Sophia Ritgers*, deturpatæ erant. Mense Novembris inter ægrotas receptæ, præmisso laxante Opium sumere coeperunt. Initio Januarii ad grana sex bis in die aucta erat dos. Die V Aprilis *Regina Willing*, & die XVII *Catharina Maria Dystrup* dimissæ sunt, ambæ sanatæ, ab omni recidiva liberæ hæctenus ambæ.

*Joanna Catharina Petri* filia XX annos nata mense Decembris a. p. in cubiculum ægrotis veneris dicatum admissa, tantis cruciatibus in partibus genitalibus adfecta erat, ut lamentatione & gemitu lenimen efflagitaret. Innumera montis Veneris ulcera in unum veluti cauum confluerant, vehementi phlogosi stipatum. Reliqua genitalia excrementis & ulculcula obsidebant. Mox ad Opium confugi, sicque intra paucos dies inflammationem ac dolores domavi. Ulcerationem tamen in monte Veneris per aliquot hebdomades non adeo coercere potuit remedium quin in viciniam excurreret. Sed Opii dosi sub initio Januarii ad grana sex aucta omnia ex sententia cedebant. Die V Aprilis dimissa est hæc mulier; sed eorum Instituti Præfetu sese nedum sanatam esse

ad-

adfirmans, hincque accuratissimæ perlustrationi subiecta, invento nullo labis veneræ documento, fraudem fateri coacta est.

*Botildis Margareta Bertels, Carolotta Amalia, & Anna Margareta Henrichs*, omnes inter XX & XXX annos natæ, ulceribus genitalium laborabant. Harum duæ posteriores jam die XVII Maji sunt dimissæ, prima autem die VII Junii, Omnes hæcenus optime habent.

*Sophia Carolotta Henrichs*, XXIII annorum, *Anna Maria Georgii* filia, XXV annorum, *Barbara Zimmermann*, LII annorum, omnes mense Maji receptæ adhuc Opium sumunt. Priores duæ ulceribus genitalium & verrucis adflictæ sunt; postrema autem præter similia mala etiam condylomata foedissima, ulcera faucium & narium habet. Illas intra mensis spatium sanatum iri confido; at ista hydrope jam correpta est.

QUAM primum hydrops sese manifestabat; sudor, solitus Opii effectus, supprimebatur. Hunc ut restituerem, Camphoræ aliquot grana quotidie propinavi, nec sine successu. Attamen tumor vix imminutus est. Diuretica efficaciora fore non est .

### 430 TODE DE EXIMIA OPII VIRTUTE

est quod dubitem; sed istis Opii vires medicatrices forte impediri possent.

Modum agendi hujus medicamenti quod attinet, sudorem potentissime movet, præcipue tempore matutino, qui simul ingratiſſimum ſpirat odorem, quod quoque de urina, ceteroquin non raro valde mucoſa, valet. Somnus totam noctem & omne tempus antemeridianum ægrotos occupabat; facili tamen negotio inde excitabantur. De dolore capitis nullus conquerebatur, præter *Sophiam Ritgers*, quæ poſtremo curationis menſe congeſtionibus ſanguinis verſus caput adſciebatur, unde ſingula venæſectione liberata eſt. Alvi beneficio fere numquam non gaudebant omnes.

NOTATU autem digniſſimus eſt remedii effectus in pulſum. Hunc frequentiſſime & ſedulo exploravi, parvum, inordinatum, contractum, tardum ſemper inveni. Numquam plus quam ſexageſies in minuto primo arteria micabat. Auſta doſi nec tarditas nec parvitas nec reliqua deviatio pulſus augebatur. Sepoſui aliquoties Opium: & tunc pulſus ad naturæ normam ſeſe recipiebat, liberior, major, frequentior evadebat, ſudore autem mox recedente.

*Joannes*

*Joannes Lundgreen, Joanna Catharina, Botildis Margarreta, Carolotta Amalia, Anna Maria Henrichs, Sophia Carolotta, Anna Maria Georgii filia & Barbara Zimmermann* nullum omnino hydrargyrum simul in usum traxerunt.

ALIUM casum oppido memorabilem, quem idem Chirurgus experientissimus mecum communicavit, enarrare liceat.

JUVENIS XXV annorum, post prægressos varios adfectus venereos a locali infectione oriundos, varia medicina curatos, veram deinde reportat Luem. Nasi partes interiores palatumque ulceratione corripuntur, frontis confinia corona deturpat venerea. Caries tandem palatum perforat, spongia lamellæ argenteæ affixa foedum obturat hiatus. Ulcera vero has partes depascere pergunt: caries os maxillare superius suffodit, adeo ut sub mea cura processus orbitalis illius ossis totus exitum sibi paraverit, os denique vomeris perinde totum carie absumptum sit. Peritissimi sane Medici tentauerant quidquid comprobati ars hætenus habuit & præscripsit. Per novem menses continuos varia forma administratus erat Mercurius,

## 432 TODE DE EXIMIA OPII VIRTUTE

curius, salivatione modo larga, modo temperata. Tandem rumor de effectibus Opii in Sophronisterio comprobatis ad medentes perinde ac ægrotum pervenit. In auxilium vocatur Cl. SIBBERN. Videt & obstupet miserrimum juvenis statum. Extenuatissimum cernit corpus, fauces palatumque foedissimis ulceribus scatentia, a deglutito, quantumcumque blando liquido crudeliter dolentia. Lactis dudum pertæsus erat miser. Decocti Sarsaparillæ lacte remixti haustum propinat SIBBERNIUS, sed convulsiones fere adducit experimentum. Modica dosi primum obtulit remedium; omni hebdomade granum unum addens, tandem ad sex grana adscendit perinde uti in prædictis. Post mensem ulcera faucium jam minus impura apparebant, transitumque allati decocti ferebant. Sic læta convalescentia incipiebat, & lento quidem sed firmo faustoque gressu ita procedebat, ut ægrotus, de quo servando ne minimam quidem spem conceperat amicus meus, jam optime habeat, somno, appetitu, ambulatione &c. instar sani gaudeat. Amissus vomer, amissa ossa spongiosa inferiora non obstant, quin sine cacophonia loquatur.

loquatur. Uvula propter cruris dextri consumptionem versus sinistrum latus retracta apparet.

MENSE Martii curationem suscepit, medio Julio sanato valedixit SIBBERNIUS. A primo die Maji inde ad XVIum Julii omni mane & vespere integra sex grana Opii devoravit æger, ita ut sub tota curatione sumserit 1140 grana Opii.

PRIMIS septimanis soporosus fere jacebat, nec adeo facile quam reliqui expergescebat. Obstructioni alvi etiam obnoxius erat, cui vitio clysmatibus occurrebatur. Redibat tamen ventris beneficium cum redeunte facultate deglutiendi & in sella aliquot horas transigendi. Interdum lene dabatur laxans ad eliminandam saburram purulentam & mucosam deglutitam. Uberrime sudabat, quod forsan summæ ipsius debilitati adscribendum est. Sudor non secus ac urina vehementer foetebant: multam quoque mucaginem ista secum vehebat. Sub curatione eruptio prodibat albida, sicca, squamularum forma decidens, brachia & manus potissimum infestans.

E c

Hæc



#### 434 TODE DE EXIMIA OPII VIRTUTE

HÆC a Cl. SIBBERNIO accepi: subjungam nonnulla observata amicissimi WINSLOVII, in No-  
focomio *Fridericiano* Chirurgi primarii.

VIDIT ille ulcera pinnarum nasi rebellia, & valde suspectæ originis, Opio dato ad meliorem notam se recepisse, ita tamen ut in ægrota una malum respuerit plenariam sanationem, donec Opio jungeretur Mercurius dulcis.

VIDIT virum, cui, post rite debellatas exostoses, anno præterlapso foedissimum pharyngis ulcus succrevit, Opio largis dosibus propinato feliciter cum sanitate reconciliatum.

VIDIT denique mulierem carcinomate apertæ mammæ & intumescencia glandularum-axillarum ejusdem lateris ita adfectam, ut de ejus sanatione plane desperandum esse videretur, Opio liberali manu porrecto mirum in modum levatam, quinimo lætæ convalescentiæ proximam, carcinomate jam in ulcus bonæ notæ versæ & glandulis detumescensibus.


EXPERIMENTUM imitatus est SIBBERNIUS, sed sine successu, in carcinomate uteri, foetidam & coerulescentem saniem fundente.

Non-

NONNULLIS venereis ego quoque Opium dedi, sed numquam ultra grana tria adscendi, & semper mercurii dulcis grana bina vel terna subjunxi, eo cum effectu, ut curatio multo citius absolveretur, nec salivatio accederet, nisi sudore suppresso vel alvo constipata.

UNUS ex his ægrotis, qui jam semel hydrargyrosin passus erat, cui virus in corpore hospitabat, quocumque demum modo ab hoc liberari desiderabat, ultra unciam mercurii dulcis sumsit, salivationem tamen feliciter effugiebat, quamdiu alvus erat libera, cujus constipatione remota removebatur simul ptyalismus.

NONNULLI ex ægrotis, tum Cl. SIBBERNII, tum meis, post morbum superatum efflorescentia quadam cutanea laborant, quæ tamen nil nisi sequela perpetui sudoris esse videtur.



## XXXVII.

SPIRITUS VINI CAMPHORATUS  
CUM AQUA MISCIBILIS.

Auctore ANDREA JOANNE RETZIO,

Philos. Magistr. Hist. natur. adjunct. & Botanic. Demonstrator.  
ad Reg. academ. Lundensem Reg. Soc. Scient. Holnienf.  
& Reg. med. Haun. membr.

CAMPHORA, materia illa singularis, quam a concretis in variis Plantarum Europæarum Oleis Essentialibus ejus nomine insignitis probe distinguendam puto, ut in plurimis cum Resinis proprie sic dictis convenit, in reliquis autem discrepat, (cfr. *Proleg. nostra in Pharmacol. R. Veget. Lipsæ 1783. 8vo.*) sic illam Resinæ qualitatem habet, quod in Spiritu Vini, etiam debiliori, proinde dissolvatur, & solutionem ne minimum quidem coloratam sistat. Hæc vero, more solutionum Resinarum, ab aqua & aquosis turbatur, ac solutam Camphoram dimittit. Impossibilis itaque habita fuit Camphoræ in epithemate aquoso applicatio.

## RETZIO SPIRITUS VINI CAMPH. &c. 437

tio, nisi in mucilagine quadam soluta; quæ methodus tamen contraindicantibus premitur difficultatibus. Sæpius equidem vidi Chirurgos, miscelam e Spiritu vini camphorato & aqua Calcis præscribere, verum etiam vidi, quod fieri deberet, Camphoram in ejusmodi mixtura præcipitari, unde inæquabilis distributio, nec non inæqualis effectus necesse sequi debeant.

MEUM non est disquirere, an in omni casu, ubi humida Camphoræ externa applicatio proficua sit, Spiritus vini camphoratus merus adhiberi possit nec ne. Id illis quorum interest relinquo. Plane autem inutile non credo Medicis Practicis & Chirurgis fore, si methodum proponam, quam casu me didicisse fateor, parandi *Spiritum Vini Camphoratum cum aqua sine præcipitatione miscibilem*. Vobis, Collegæ Honoratissimi, dijudicandum relinquo, quem usum in Praxi habeat,

IN Collegio privato, super Prolegomena supra citata habito, Camphoræ indolem explicare studens, portionem ejus in acidî Vitrioli concentrati sufficiente quantitate dissolvi. Solutionem fusco-nigricantem obtinui, olei pinguis consisten-

E c 3

tiam

tiam habentem. Huic justam aquæ fontanæ frigidæ quantitatem affudi, unde promte præpitabatur Camphora. Hanc ope chartæ emporeticæ sine ulla ablutione separavi, & mox in Spiritu vini rectificato dissolvi, ut Camphoræ ab acido vitrioli haud mutatam indolem Auditoribus ostenderem. Verum enim vero, plane mihi *inexpectatum effectum* videbam, quum hunc Spiritum cum aqua miscerem. Levia enim præcipitationis signa sese offerebant, quæ autem mox evanescabant, & mixtura haud turbabatur, quanta quoque aquæ portio addebatur. Additione autem nonnihil aquæ Alkali vel fixo vel volatili inquinatæ, mox præcipitabatur Camphora, unde facilis erat conclusio effectum ab acidi Camphoram adhærentis portiuncula derivandum esse.

Idco quoque aliam portionem Camphoræ ab Oleo Vitrioli per aquam separatæ cum aqua alkali inquinata ablui, aliam vero cum aqua Calcis. Utraque hæc in Vini spiritu soluta more solito se gerebat, quum aqua ei affunderetur.

Ut denique viderem, an constans esset hæc unio inter Spiritum Vini Camphoratum acidulat-  
tum

## CAMPH. CUM AQUA MISCIBILIS. 439

tum & aquam, portionem hujus miscelæ in vitro papyro leviter testò, per tres menses reliqui, & adhuc odorem ac saporem camphoratum, licet debiliorem, cum pelluciditate ne minimum mutata vel turbata optime retinet,

Si vero Aqua Calcis loco aquæ communis adhibeatur, mox secedit Camphora simul cum Selenite generato.

ALIÆ quamquam occupationes mihi tempus non suppetierunt experimenta, pro votis persequi, tamen Camphoræ per acidum Nitri solutionem quoque tentavi,

CAMPHORAM ab acido Nitri generoso in Oleum supernatans dissolvi, nota est res, uti etiam quod Oleum hocce ab acido adhærente corrosivum fiat.

PARAVI itaque ejusmodi Oleum Camphoræ, cui aquam affudi, unde Camphora in grumos coherens separabatur. Ex Camphora hac separata Spiritum Camphoratum præparavi cum Vini spiritu rectificato.

SPIRITUS hic Camphoratus nitratus cum aqua fontana mistus eodem modo se gessit ac vitriolatus.

E c 4

tus.

## 440 RETZIO SPIRITUS VINI

tus. Cum multa aqua dilutus & Syrupo Violarum remixtus purpureo-coeruleum, minime autem rubrum colorem dedit. Charta vero succo Heliotropii tineta exinde rubebat. Parca itaque ut ea acidi Nitri pars sit, quæ Camphoræ adhæret, sequitur.

QUANDO in Spiritu Camphorato nitrato aqua Calcis instillatur, præcipitatio oritur, sed ex pauxilla Spiritus Vini haud rectificati portione iterum omne præcipitatum solvitur. Hocce periculum cum Spiritu Camphorato vitriolato quando ad manus mihi esset ejus copia, instituere neglexi. Si vero nullum spiritum adderem, sed tantum baculo mixturam agitare, iterum evanescebat omne præcipitatum, præter particulas nonnullas tenues & pulverulentas. Mixturam hanc per chartam emporeticam filtratam odore & sapore Camphoræ egregie instructam observavi, ita ut dubius sum, an particule præcipitatæ suam debeant originem Camphoræ vel Calcis.

VARIA omnino restant experimenta, quæ occasione dictorum institui potuissent; v. gr. solvendi Camphoram immediate in Spiritu Vini rectificato

**CAMPH. CUM AQUA MISCIBILIS. 441**

tificato acidulato &c. experiundi an Acidum Salis  
eo modo quidquam valeret & sic porro. Sed  
defecit mihi opportunum tempus, quare satis  
mihi erit hac vice ansam aliis suppeditasse,

---

---



## XXXVIII.

DE GRAVIDITATE MIXTA  
OBSERVATIO,

OBSERVANTE

CHR. JAC. THEOPH. DE MEZA,

M. D. &amp; Soc. Membro Extraord.

**D**IE 14 Octobris anni præterlapſi matutinis horis ab ampliffimo Professore SAXTORPH, præceptore atque fautore ad cineres colendo, apud mulierem ternæ prolis naturaliter enatæ matrem, nunquam abortum paſſam, jam per biduum partus doloribus laborantem, per tempusque 14 dierum hæmorrhagiæ, jam ceſſanti evaneſcentive, jam iterum accedenti, parva licet quantitate, ſubjectam, miſſus fui.

Ex ſymptomatibus concludens placentam in orificiî uteri regionis vicinia eſſe, ſecundum artis regulas exploro; digitisque explorantibus corpus occurrit craſſum denſumque nec capiti infantis ſimile,

simile, nec placentæ æmulum, totumque Lumen Colli uteri replens eique contiguum.

TENTAMINIBUS variis ulterioris digitorum ascensionis sæpe repetitis, at incassum frustra que tentatis, in commodiorem situm super sellam parturientibus destinatam posui parturientem, hæmorrhagia, doloribusque partus semper auctis laborantem, nihilominus impossibile mihi erat cum certitudine quid prævium esset prædicere.

ORIFICIUM uteri ad dimidii imperialis magnitudinem jam apertum, tenue sed laxum & pendulum ab incipientibus partus laboribus usque ad hoc tempus nullo alio modo inventum, facile & absque dolore digitos admittebat.

HINC parva sensimque aucta vi, æquivocum corpus a parietibus colli uteri, digiti indicis ope prius separare tentavi & quidem cum successu; dein vero hoc facto, alios ejusdem manus digitos inter idem & collum uteri introduxi, pedes prehendo infantis adhuc in tunicis aquæ amnii repletis inclusi, & ad axillas pedetentim haud parva difficultate extraxi. Ob extraneum vero corpus nunc sub extractione foetus magis solutum, in  
cavi-

cavitatemque pelvis pendulum, pro placenta ultra non habitum, brachiorum solutio difficilior quam solito modo reddebatur, & caput, quamvis haud judicandum esset foetus volumine magnum esse, nullo tamen modo, vique adhibita truncum sequebatur. Hanc ob causam melius mihi visum, anseps experiri remedium quam nullum sc. hæterogeneum illud primo e via auferre, quam incassum tentaminibus variis, vires jam fractas omnino per capitis extractionem prostrernere.

EXPLORAVI tunc adhæisionis punctum, idque non magnum spatium occupare percipiens, plena manu prehendi, & paulatim attrahendo haud parva vi solutum & separatum, per vaginam hæterocliton illud educo, & dein partus facillime succedit. Foetus vero mortuus nullis excitantibus ad vitam revocandus.

#### DESCRIPTIO CORPORIS HÆTEROGENEI.

*Tumoris figura* erat oblonga, ovalis duabus extremitatibus præditus, quarum una cavitatem, altera orificium spectabat uteri.

*Externa*

*Externa ejus superficies coloris erat subrubri, striis tenuibus sublividis serpentinis donata, in eadem observabatur locus adhæſionis circulari figura, latitudine trium præter propter linearum tactui asper medius inter extremitates, totam molem quasi ambiens, totam circumferentiam vero non circumagens, cujus ope ni fallor, ad internam colli uteri superficiem pro parte adnexus erat tumor. Substantia erat duplex, sc. externa & interna, illa ad crassitiem digitorum duorum & ultra, mere erat pinguedinosa, pulposa, colore albo. Hac magis profunda minus spatium occupans, solidioris consistentiæ colorisque hepatici,*

## MUTATIONES PER SPIRITUM

### VINI INDUCTÆ.

**P**ER macerationem tumoris in spiritu vini nonnullæ insurgebant mutationes. Evanescebat scil. post bideum *Circulus adhæſionis & striæ serpentinae Livida*, earumque loco nihil aliud in tota externa superficie comparebat quam *membrana flocculosa*. Laxæ cohæſionis *Substantia & volumen* etiam totius tumoris firmior & grandius facta fuere.

RA-

RATIONES CUR PRO MOLA VERA  
HABENDUM SIT ÆQUIVO-  
CUM CORPUS.

**E**T si etiam auctores ut plurimum conveniunt inter se, quod in *ovis deformibus* sive *molis veris* inveniantur rudimenta Embryonis vel collectio aquarum, in nostra vero nihil tale adfuerit, & ergo pro spuria habendum, credo tamen auctoritate cel. *Roedereri* fretus, statuentis quod ista rudimenta solummodo interdum, sed non semper reperiantur, veram fuisse molam. Nam alii tumores sive molæ spuriae, ut plurimum originem habent a relicta placenta integra, vel placenta frustulo vel grumis sanguinis post partum naturalem vel abortum. Sed præter, quod abortum nunquam passa fuerat foemina, semperque dextra obstetrice in puerperiis suis usa fuerat, considerata veniunt etiam incommoda, quæ in tali casu insurgunt, ex gr. debilitas & ægritudo corporis, & teste *Roederero*, vires pedum præcipue difficiunt. Quæ vero in nostra parturiente, toto gestationis tempore omnino non adfuerant.

NECES-

NECESSARIUM præterea est, si pro spuria habenda esset mola nostra, quod ante conceptionem veri ovi producta fuisset, nam alias haud facile erit explicatu, unde acceperit materiam? Sed tunc iterum oritur quæstio, an post productionem & formationem molæ, conceptio vera possibilis erat? Nam quomodo tumore collum uteri replente & obturante, semen fecundans ingredi uterum & foecundare ovulum potuisset? Argumenta, quæ contra meam opinionem ab atretis tamen impregnatis referri possunt, nihil monstrant. Nam si consideretur, quantula pars imo halitus spermatis sufficit ad ovulum foecundandum, tunc facile in istis, atretis nempe, graviditatem a resorptis feminis particulis per membranæ obturantis poros explicare licebit, qualis vero resorptio locum habere non potest per tumorem sive massam minus penetrabilem, uti est mola.

SED ultiores perquisitiones honoratissimis membris hujus Regiæ societatis relinquo, eorumque explicatio atque dogmata mihi debent esse Ariadneum filum in hocce Labyrintho.

RA-

## RATIONES AGENDI MODI.

**N**EGARE nequeo quod officium esset mox solvere & extrahere peregrinum corpus, nam tali modo.

1mo foetus extractionem facilius & celerius successisset.

2do adeoque ejus vita non adeo periclitaretur, quemadmodum jam factum est cum & tardius extrahebatur caput, & per pressionem tumoris in funiculo umbilicali vita diutius vacillabat.

SED liceat mihi afferre argumenta nonnulla haud parvi uti credo, ponderis ad excusanda minus accuratiora in mea methodo.

(a) DIFFERENTIA inter auctores in describendis molarum præsentiæ symptomatibus; nam a nonnullis dicitur, signa omnino convenire cum signis graviditatis genuinis, ab aliis vero specifica seu pathognomonica afferruntur, adde, quod confusio fiat major, si casus duplex in uno eodemque subiecto occurrit. Mirum ergo non est, si Tyro in Arte non statim a primo intuitu distinguere unum ab altero valeat.

Quod circa encheireses auferrendi talia corpora etiam inter auctores disputatur multum, nam quod

quod laudatur ab his, culpatur ab illis. Sic *Cel. Ruederes* vult, quod vel digitorum binorum ope, vel tota manu solvatur & extrahatur mola. Instrumenta vero ad hunc usum inventa omnino uti damnosa rejicit. E contra *cl. Plenk* & cum eo consentiens *Deleyrie* commendat forcipem a *Levette* inventam (pincettes a faux Germes dictam). sed in rarioribus casibus solummodo, nam cæteris paribus, omnino naturæ viribus relinquendam putant expulsionem. Libenter fateor, quod ex ultimorum sententia, scil. Naturæ committendq usum fecissem, ni hæmorrhagia semper aucta, non nisque per partus absolutionem sistenda, hoc vetuisset.

(b) *Incertitudo qua fueram, num esset placenta*; nam rebus sic se habentibus, metus insurgbat majoris hæmorrhagiæ si eandem ulterius solvere cõnarer.

(c) *Metus disruptionis colli uteri*. Tam arcte enim erat nexus hujus hæterogenei cum collo uteri, quamvis spatium adhæisionis etiam parvum fuerit, ut majori vi facile inducere potuissem læsionem uteri colli.



## 450 MEZA DE GRAVIDITATE &c.

COLOPHONIS gratia addere licet, quod signum graviditatis ab infimo segmento, cæteris paribus, petita valde dubia & æquivoca redduntur in *mixa* tali *graviditate*. Et obstetrix foeminæ familiaris & ordinaria, exploratione in initio ultimi mensis instituta, nullo modo sibi persuadere potuit, foeminam gravidam esse.



XXXIX.

## XXXIX.

OBSERVATIONUM  
MEDICO-PRACTICARUM SUBSECI-  
VARUM DECAS.

Auctore A. B. RANÖR,

M. D. &amp; Societatis Membro Ordinario.

## I.

*Symbola ad historiam catarrhi vere anni MDCCLXXXII,  
hic loci epidemice grassantis.*

**M**ENSE Aprili ad finem vergente, sub Euro  
vehementi ac diuturno subito & eodem quasi mo-  
mento innumeras fere personas inuadebat febris  
catarrhalis.

INITIO Epidemia levis ac Symptomatibus ca-  
tarrhi solitis tantum stipata in plerisque ab horro-  
ribus oriebatur, quos pressio pede sequebantur  
æstus, cephalalgia, coryza, tussis cum pectore plus  
minus oppresso, pulsuque celeri pleno molli.

F f 2

Di.

Diapnoica, pectoralia & aluum leniter laxantia plerisque sanitatem pristinam reddebant, rarissime tussis tantum vexabat ut ad Venæsectionem confugiendum esset. Quibusdam diarrhoea, pluribus hæmorrhagia narium optatum attulit leuamen, aliis ad diem quartum circa labia adparuit efflorescentia pustulosa cum insequenti Euphoria.

INTFREA indies sese longius latiusque spargebat Epidemia, fere nemini parcens, ita ut etiam hunc catarrhum multos diversis morbis chronice decumbentes invasisse observaverim. Nec amplius tam levibus omnes adgrediebatur Symptomatibus, sed graviolem, uti Epidemice plerumque in earum progressu solent, induebat indolem.

In quibusdam adlatis Symptomatibus jam sese jungebant dolores vagi extremitatum satis graves, alios vexabat lumbago, alios tussis vehemens cum spūto cruento, alios angina & alios iterum raucedo valde grauis. Haud paucos vomitus pertinax, quosdam vera invadebat pleuritis. Convalescebant tamen omnes, si unum alterumve pūthificum excipiam, sub regimine & methodo medendi

PRACT. SUBSECIVARUM DECAS. 453

medendi antiphlogisticis. His præter remedia pectoralia proderant Venæsectiones pro re nata repetitæ, Camphorata, kermes minerale, laxantia lenia, pediluvia sinapina: quibusdam etiam emeticum indicatum egregie conducebat.

CONVALESCENTES vero, qui vel errorem dieteticum committebant vel aëri adhuc frigido sese justo citius exponebant, satis graves imprudentiæ luebant poenas. Sic virum vidi quadragenarium febre remittenti correptum, cujus vires fere planè exhauriebant exacerbationes nocturnæ vehementes, sub quibus simul aderat ptyalismus valde largus & molestus: Hæc vero mala decoctum corticis peruviani penitus fugabat. Alterum invasit peripneumonia levis, tres alios pleuritis camphoratis, venæsectionibus largis & dein vesicantibus cedens, licet unam horum, foeminam quinquagenariam ter recidivans corripuerit. Quibusdam febris oborta est tertiana, in una, puella juveni catarrho successit dolor periodicus in regione tam supra quam infraorbitali lateris sinistri faciei, quotidie hora undecima ante meridiem regulariter recurrens: in hisce casibus opem solitam

& speratam tulit cortex peruvianus. Quatuor denique vidi, quos, catarrho superato, adgressa est diarrhoea cruenta cum tenesmo & vomitu pertinaci fere omnium ingestorum. Tribus horum profuerunt emeticum & dein solutio Mannæ calabrinae cum oleo ricini americani, ac mucilaginosæ: uni inflammationis magis quam saburræ symptomatibus laboranti sanitatem redidit Venæsectio, Emulsio nitrosocamphorata, epithema resolvens epigastrio admotum & dein solutio Mannæ adlata.

PER integrum Maium continuabat hæc Epidemia inchoante Junio cessans.

## II.

*Continuatæ cum radice Gei urbani experimenta.*

CONTRA febrem tertianam regularem in sex ægrotis ne minimam opem adtulit radix caryophyllata, licet strenue & diu satis sumta fuerit: fatendum vero est quod intermittentes, imprimis vernaes anni proxime elapsi pertinaces valde fuerint, & ipso cortice peruviano saltem quantitate ejusdem  
alias

alias plerumque sufficienti, vix abigendæ. Quid quod in uno exemplo febri diuturnæ cortice fugatæ successit induratio hepatis satis notabilis, quam tamen Decoctum radicum graminis & Taraxaci saturatum brevi dispulit.

Nec hæcticis speratum procurabat Geum levamen, nec febrem nec sudores fugabat, at in febre catarrhali cum exacerbationibus evidentibus juvabat.

QUIBUSDAM hystericis, quarum unam inter alios affectus spasmodicos Ischuria vexabat, egregie conduxit hæc radix: plures nullam inde expertæ sunt utilitatem: una immediate post quamlibet dosin oriri ardorem abdominis molestissimum contendebat: fere omnes alvum post ejus usum segniores querebantur.

RECONVALESCENTIBUS post febres continuas biliosas & putridas valde profuit: imprimis in virgine colica, dubiæ indolis, jam inflammatoria jam spasmodica decumbente, inflammatione debellata, pulcrum inde observavi effectum.

HÆMORRHAGIAM uteri modicam fugavit, contra album vero fluorem apud tres ægrotas nil valuit.

IN forma pulveris, essentia & Decocti hoc remedium propinavi, ita tamen ut cum aqua tantum ebulliverit, ne nimium principii ejus aromatici sub coctione protracta avolaret.

### III.

#### *Leucorrhœa enormis.*

**F**LUOREM album in foemina quadragenaria largissimum, diuturnum, excoriantem, pessimum spargentem foetorem, nec ulceribus, nec cancro nec causæ syphiliticæ originem debentem, nec optimis roborantibus internis nec aquæ frigida cedentem, tandem penitus sustulit infusum corticis peruviani ex aqua calcis frigida aliquoties per diem in uterum injectum.

### IV.

#### *Ptyalismus lochiorum vicarius.*

**I**N puerpera, cui lochia statim post partum perfecte naturalem deerant, ptyalismum largum per quatuordecim dies durantem, quem dein camphorata,

rata, laxantia, pediluvia repetita sistebant, observavi. Nullis aphthis, quas apud alias puerperas ptyalismo vexatas inueni, laborabat hæc ægra, cui nulla redibant lochia, at sublato hoc incommodo tantum debilitas aliqualis restabat, roborantibus brevi fugata.

## V.

*Epilepsia floribus Zinci sedata.*

**P**OST laxans puero decenni, haud epileptico, scopo vermifugo datum, quodque modicum tantum exserebat effectum, oriebatur epilepsia irregulariter recurrens, quæ optimis quibusvis contra hunc affectum laudatis pharmacis resistens, floribus Zinci ad granum unum ter quotidie porrectis cedebat, nec postea, quantum novi, revertebatur.

## VI.

*Febris rheumatica diarrhoea soluta.*

**R**ARO per diarrhoeam judicantur febres veræ rheumaticæ, dubiumque semper initio est an bona



an mala dicenda sit hæc evacuatio, utpote quæ vel pro causa introversionis materiæ morbificæ ad intestina vel pro effectu ejusdem æque bene ac pro bona crisi haberi potest. Hinc etiam derivantibus fortissimis vel præcauere student medentes, ne intestina vel alias partes nobiliores petat materia rheumatica, vel retrogressam ad pristinam sedem revocare moliuntur: Huic vero conatui non semper respondet faustissimus licet eventus. Sic in homine quinquagenario per octo dies febre rheumatica cum doloribus crurum vehementibus decumbente, subito evanescentibus his doloribus oriebatur cephalalgia dirissima. Illico secatur vena, propinquantur Camphorata & suris admoventur vesicatoria, at vix ardorem cutis sub vesicantibus ante sentit æger, quam diarrhoea larga levatoria prorumpit, sub qua per aliquot dies continuante penitus convaluit.

## VII.

### *Menostasia diuturna.*

**F**LUXUM catameniorum suppressum sæpe sub usu succi herbarum antiscorbuticarum recentium expressi,

preffi, restitutum vidi: & menstrua, quæ per quatuor annos puellæ adultæ decrant, emmenagogis decantatissimis frustra tentatis, revocavit succus herbæ & radicis Taraxaci, ad uncias quatuor per aliquot hebdomadas, omni mane absorptus: nec postea jam per tres annos virgini absuit hic fluxus statis temporibus regulariter recurrens.

## VIII.

*Aphonia spasmodica.*

**H**YSTERICÆ haud raro post paroxysmos vehementiores aphonia afficiuntur, jam brevi transiente, jam longius durante, talem aphoniam aliquot horarum emeticum sustulisse vidi, & in duabus aliis ægrotis, quas per tria nycthemera post insultum epilepticum gravissimum, præter loquendi impotentiam, admodum vexaverat metus perituræ semper loquelæ, vesicatorio circa collum adplicito abegi.

## IX.

*Peripneumonia fonticulis sanata.*

**I**NTER plura mala, quæ ab ulceribus antiquis consolidatis orta vidi, his gravissimam peripneumoniam

niam observavi, venæsectionibus largissimis repetitis cæterisque remediis maxime convenientibus haud domabilem, et fonticulis crurum rite suppuriantibus ilico cedentem.

## X.

*Singultus hystericus.*

**I**NTER tædiosissima & pertinacissima Hysteriæ symptomata eminet singultus, quem plus simplici vice per integros dies quid quod hebdomades durantem observavi. Talem omnibus remediis, specifico ipsi moscho immorigerum singultum tinctura nucis vomicæ sedavit.



## XL.

VIM ANT'ARTHRITICAM TRIFO-  
LII FIBRINI EXEMPLIS SOLEMNIBUS  
CONFIRMATAM NARRAT

ARN. NIC. AASHEIM,

M. D. & Profess. Publ. Design. Societat. Membr. Ord.

**R**URI degens vocor D. 8 Julii An. 1776 ad Rusticum, 39 annos natum, per integrum biennium lecto affixum. Doloribus arthriticis vagis modicis a prima fere infantia obnoxius vixerat ad annum suæ ætatis 37, quo morbi pertoculus exacerbati adeo, ut officiis ruralibus solitis vix amplius fungi posset, agyrtam consulit ruri vagantem: Offert hic, uti fando accepi, Liquorem spirituosum, locis dolentibus larga manu inungendum, morbumque miraculi ad instar, uti tanto semper hiatu promittit id genus hominum, fugaturum.

LIQVOREM propinatum extremitatibus strenue inunxit noster: Subsecuta autem brachiorum,

ma-

manuum, femorum, crurum, & pedum immobilitas successiva ægrum affigebat lecto. Decumbens dolores atrocissimos corporis totius tulerat miser: Accesserant tumores ad articulos plerosque, & ultimo ante meum adventum semestri spatio, aridura brachii, manus & cruris sinistri.

INVENIO ægrum in lecto supinum, omnino immobilem, cachecticum, ob dolores atrocissimos ejulantem, digitos manuum omnes, præter pollices, introflexos, brachium, manum & crus sinistrum vix ad dimidium lateris dextri volumen respondens, ægrum vestimentis pelleis & pulvinaribus plumeis sub æstate fervidissima fere sepultum, fenestrasque & januas, & levissimas spatioli, quo includebatur, rimas pannis occlusas, quo omni studio mephiticus contineretur aer. Ad reliqua mala accesserat ultimo bimestri spatio scorbutus: Dentes deciduæ erant: Gingivæ putridæ, cruentæ, exulceratæ, foetidissimæ: Crura ad aspectum livida, & sugillationes lividæ, latæ, per omnem corporis ambitum sparsæ, cernebantur: Color faciei plumbeus: Oculi concavi: Pulsus debilis, frequens, irregularis: Alvus subluxa: Mors Ostia pulsans.

RES

Res angusta domi sumptuosis obstabat remediis, domusque ægri ipsa a Pharmacopoliis diffisissima liberalitati Feudæ obstabat. Postquam diu aqua mihi hæserat dubio, in memoriam venit visa palus juxta terminum vici, in quo habitabat æger, herba Trifolii fibrini larga oblita. Mihi succurrit insimul visant'arthritica & roborans hujus herbæ, pollice utroque laudata per Summum BARTHOLOMÆUM & Coætaneos in *Actis Med. & Philosoph. Hafniens.* seculi relapsi.

Succum igitur hujus herbæ expressum ad 2 vel 3 excipula, qualibus pro sorbendo Decocto Coffeæ utuntur, indies hauriendum, ægro commendo, jubeoque, ut foras positus aëre libero frueretur æger. Lapsis aliquot diebus, & omnibus eventum faustum promittentibus, augeo indicadosin Succo expressi, usque donec 6 patellarum volumen deglutiebat de die, suadeoque, ut lacte ebutyrato pro potu ordinario uteretur.

His remediis non sola fugabatur scorbutus, sed adveniens ego, sub initium mensis Sextilis, ægrum video obambulantem, baculo fultum.

## 464 AASHEIM VIS ANT'ARTHRIT.

**DIE 21** Auguſti Succum Trifol. fibrini expreſſ. mittere cogebatur æger ob ventriculum rebellum: Lætabamur autem ægrum noſtrum uſque adeo reſtitutum, ut ſolus iter unius miliaris pedibus conficeret, ut brachia & manus bene ſatis ubique movere potens eſſet, ut dolores ſiluiſſent, ut color faciei, ut alacritas mentis rediſſent, & muniis conſuetis ſucceſſive obire poſſet. Aridura diſparuit paulatim, ſed digiti manuum, præſertim medius, auricularis & annularis manus ſiniſtræ, adhuc rigidi erant, incurvati & immobiles. Attamen ſub exercitio corporis jugo, ſed aſſiduo, ope friktionum & urticationum, meliores & mobiliores facti ſunt.

**VERSUS** autumnum æger, ſi dictos digitos excipias, omnino reſtitutus erat.

**INEUNTE** bruma leves dolores redierunt, cum rigiditate aliquali manus & pedis ſiniſtri. Oppoſui his malis Extractum Aconiti, ſed fruſtra.

**VERNANTE** Anni 1777 tempeſtate autem reiterandum ſuaſi Succ. Hb. Trifol. fibrin. expreſſ. & hujus ope adeo increvit valetudo ægri, ut dolores fugarentur penitus, rigiditates manus & pedis ſiluerint,

## TRIFOLII FIBRINI EXEMPLIS &c. 465

siluerint, & digiti incurvati admitterent extensionem, quæ operibus rusticis perficiendis sufficeret.

INDE ab eo tempore ad hunc usque diem perfecte sanus vixit noster. Nullum omnino in toto corpore cernere licet vestigium morbi antehac perpeffi, si 3 digitos manus sinistrae, adhuc difficulter mobiles, exceperis.

PROPRIO fato edoctus noster rusticis compluribus vicinis & confinibus, arthriticis, succos Hb. Trifol. fibrin. expressos commendavit, & plurimi horum, sumptis his, levamen malorum perceperunt.

ITERUM media circiter æstate Ann. 1782 ad meruri degentem, adportatur rusticus, arthritidem vagam per aliquot annos passus, non gravem, antequam circa vernalia ejusdem anni tempora catarrho corriperetur epidemico vilioris primum habito, & deinde methodo plane rustica sexcentis quisquilis tractato: Inde ab eo tempore sensim increverat arthritidis, demum circa malleolos crucis dextri sedem figens: Vicini rustici, & advocata vetula, conveniunt pedem luxatum esse, miserumque artibus male sedulis quibusque cruciant,

G g

demum



# 466 AASHEIM VIS ANT'ARTHRIT.

demum cataplasmatibus variis tractant, usque donec crus & pes tumidissima, ruberrima omnem impediunt motum, & dolores atrocissimi somnum, appetitum & vires fugant.

NULLAM ex proluxa ægri narratione veræ luxationis præsentiam probabilem suspicare valens, sed omnibus potius, prægressis & præsentibus, symptomatibus pro arthritide stantibus, suasi succum Hb. Trifolii fibrini recentis expressum ad 4 excipula thealia indies hauriendum: Octiduo post læta advenit ægri uxor narratura maritum longe meliorem esse, noctes agere tranquilliores, scipione saltum paululum circumclaudicare domi, tumorem & ruborem cruris atque pedis minui paulatim.

His auditis augendam jubeo succi expressi dosin usque donec 6 patellas indies consummeret.

HANC succi quantitatem fere ad æquinoctialia autumnii tempora usque hausit quotidie æger, nisi quod bis aut ter alvum *Pilulis catarrhal. purg.* laxaret: Mobilitas articuli de die in diem faciliior, minusque dolorosa fiebat: Tumor ruborque partis affectæ sensim disperebant: Æger misso susten-

stentaculo ambulabat solus, equum conscendebat, equitabat: Tandem claudicatio magis magisque decrevit, & demum disparuit perfecte: Verbo: Qui paucis ante septimanis lecto prostratus miser sua fata futura deploraverat rusticus, jam, sanorum ad instar, suam messem colligebat per agros vagatus, operibusque rusticis quibusque absque incommodo vacabat, nec ulla servabat morbi perpesti vestigia, præter sensum dolorificum fugacem levem malleolorum cruris dextri sub instante aëre nubilo ventoso.

ALTER rusticus robustus atque quadratus, post fluxum catarrhalem epidemicum vernalem, pessime tractatum, dolores tulit arthriticos, atroces, remediis externis ad encephalum pectus & intestina fugatos: meum eodem circiter tempore implorat auxilium vertiginosus, fere caducus, ex angusto pectore alta suspiria trahens, nec cibos appetens, neque digerens, vomituritione dira frequenti pressus, sensillimis immi ventris & hypochondrii sinistri doloribus cruciatus.

Ivi his malis obviam per præparata antimonia varia, extractum ligni Sancti largum, & vesicatoria,

# 468 AASHEIM VIS ANT'ARTHRIT.


catoria, nec sine effectu, parvo quidem, attamen non spernendo: Demum missis his substitui succum Trifolii fibrini expressum, qui vertiginem, spirandi difficultatem & dolores immi ventris sustulit, renovatis ad articulos, crurum præcipue, doloribus, Trifolio fibrino non demandis perfecte.

---

Nec novæ sunt hæc observationes, dum a longis retro temporibus inclaruit vis antarthritica Hbæ Trifolii fibrini, nec egent longæ orationis: Confirmata virtus plantæ, vile, quo in Pharmacopoliis venit, pretium, magna ejusdem in locis paludosis ruralibus frequentia, vindicant eandem existimationi Medicorum & Civium, etjam pauperum. Aliud est vitæ genus rurale, urbanum aliud: Persæpe effectus remediorum, rusticis datorum, longe alius est illo, quem in urbicolis cernimus: Expertus hæc loquor, tacentibus licet Scriptoribus Materiæ Medicæ, quantum scio, omnibus: Experiantur igitur, quibus commodæ  
 effe-

## TRIFOLII FIBRINI EXEMPLIS &c. 469

offerantur occasiones, vim succi Trifolii fibrini expressi in arthriticis urbicolis: A restitutione rustici ad futuram reconvalescentiam certam urbicolæ, simili malo pressi, ejusdem pharmaci ope, vix ubique concluditur tuto.



## XLI.

ALIQUID AD PHYSIOLOGIAM  
MUSCULORUM PERTINENS.

Auctore P. C. ABILDGAARD,

M. D. Artis Veterinar. Prof. Societ. Membro Ordinario.

**M**ULTIPLICIA licet phœnomena, vim musculorum contractilem fibris insitam esse carnis demonstrare videntur, ut hæc theoria extra dubium posita videretur, varia tamen in animalibus observandi phœnomena occasionem præbuerunt præfentes in Zootomia labores, quæ mihi, invito quasi, dubia de accepta doctrina dederunt; multaque in mirando musculari mechanismo subtiliori anatomico & physiologico illustranda indagandaque superesse credo.

Huic sententiæ ansam dederunt sequentes observatiunculæ, quas eo proponam ordine, quo mihi diversa occasione diversoque tempore sese præbuerunt; Scintillulas forsân dare possunt majori

jori futuro lumini in obscuro Labyrintho ubi tantis labores tantæque vigiliæ summorum virorum tenebras crepusculo mutarunt. Observata & inde nata mihi dubia narrans sagacioris ingenii artis cultoribus judicandum relinquo, quantam mereant attentionem. Hæc sunt.

### OBSERVATIO I.

**A**NATOMICIS notum est, musculum quemcunque in naturali situ tela cellulosa & vagina aponeurotica tectum, si manibus trahitur, nullum vel prorsus obscurum motum efficere in articulo, ceteroquin in vivo animali mobilissimo. Vidi majorem vel minorem hanc immobilitatem semper respondere minori vel majori laxitati cellulosæ vaginalis musculum cingentis.

### OBSERVATIO II.

**S**i musculus denudatur ab omni cingente cellulosa tela usque ad dimidium longitudinis, ita ut musculus a puncto ipsius fixo usque ad dictam mediam partem, tunc trahendo musculum majorem

G g 4

sed &

sed imperfectum tamen articuli, vel partis mobilis motum efficit.

## OBSERVATIO III.

**S**i musculus per totam longitudinem & superficiem a cellulosa liberatur perfectissimus trahendo efficitur motus, vel flexio articuli. Hoc evidentius observatur in musculis longis solitariis nullis aliis musculis conjunctis. Talis musculus invenitur in Equo, multas ob causas his observationibus aptissimo, sc. musculi elevatoris labii superioris, qui ossi maxillari ad marginem inferiorem ossium lacrymalium infixi ad pedis longitudinem descendunt solitarii per longitudinem ossorum nasi ad quorum apices tendinei facti decurrunt ad medium labii superioris, in cujus substantiam inseruntur.

## OBSERVATIO IV.

**S**i musculi equorum vel aliorum animalium, evacuando per arteriam sanguine, occisorum & tunc semper inter convulsionem expirantium examinantur, articuli & membra omnia inveniuntur rigidissima & ad maximam vim inflexibilia, & illorum

rum tunica cellulosa tam rigida & tensa est, ut scalpello transcisa vi rumpitur; ablata vero hac tunica molles & laxi mox reperiuntur muscoli.

#### OBSERVATIO V.

**S**I in nuperrime extincto cadavere, ubi muscularium fibrarum irritabilitas adhuc superest, cellulosa musculum tegens tunica transversim supra musculum scinditur, illæsis etiam fibris carnis, tunc in hac incisione tumet musculi pars carnea, & tumentes ejus fibræ Zonam five cæstum infarctum ad formam funiculi vel fili carnei in dicta incisione constituunt.

#### OBSERVATIO VI.

**I**N violentis musculorum actionibus, quas exercet equus, magnam & ponderosam trahendo molem, aut dum coactus sese defendit animal; haud raro accidit, ut rumpantur muscoli; in hoc casu obductione invenimus aut tunicas musculorum aponeuroticas solummodo in parte disruptas, & disruptum tunicæ fasciculum retractum forma spirali, omnibus fibris carnis integerrimis; aut si extensio fuit violentior, ut totus musculus disruptus



#### 474 ABILDGAARD ALIQUID AD

tus fuerit, tunc non invenimus partem musculi carneam disruptam, sed solummodo illius tunicam cellulofam vaginæ forma ruptam atque retractam, & tota musculi pars carnea integra ab omni cellulosa perfecte denudata.

#### OBSERVATIO VII.

**CUM** in animali nuperrime mortuo irritabiles adhuc musculos ab omni cellulosa liberavi, nullo irritamento mechanico denudatas fibras carneas ad contractionem excitare potui, irritamento vero chymico præcipue humido in substantiam musculi penetrante succedit sensibilis musculi contractio.

#### OBSERVATIO VIII.

**NOTISSIMUM** est animalia, quibus robustissima & expeditissima est vis muscularis, non quidem robustissimos & maximos habere musculos carneos; cellulofam vero musculorum & tunicam sic dictam aponeuroticam ipsis esse fortissimam multamque, ut in felibus, Leporibus, Tauro, Leone, avibus rapacibus. In Ove, Sue, Avibus domesticis e contrario multum carnis mollioris & paucam cellulofam invenimus.

OBSER-

## OBSERVATIO IX.


**P**ULLUM equinum unius anni per quinque dies semi-unciam opii thebaici bis per nycthemerum deglutire coegi, ut hujus medicaminis, vel si mavis veneni effectum in hoc animale cognoscerem. Primo die ad vesperam, quatuor scilicet horas post deglutitam alteram semiunciam ebrium quasi & vesanum inveni animal oppressam & lentam habens Respirationem, quæ tamen symptomata sequente die cessarunt — parcius quam antea tamen nutrimentum appetiit — & coeteris diebus sub usu opii stupidum fuit & pigrum. Sexta die secta carotide expiravit animal tranquille & absque convulsionibus solitis in animalibus evacuatione sanguinis extinctis.

APERTO cadavere omnem inveni cellulosam & tunicas musculorum laxissimas & molles, ipsosque musculos flaccidissimos & quasi coctos. In abdomine substantia ventriculi & intestinorum excepta externa horum viscerum tunica, laxissima & quasi soluta inveniebatur, ut facillime tactu dilacerarentur, totum vero peritoneum, pleura, pulmones, coeteraque viscera firmitatem habebant naturalem.

Si

Si his addimus notam uteri violentissimam vim contractilem licet paucissimæ sint hujus visceris fibræ musculosam speciem præbentes; Vesicæ urinariæ, Scroti aliarumque partium vim contractilem, verisimillimum videtur, cellulosam haud minimam in mechanismo motus animalis partem agere. Objectiones quidem quas a cordis, fortissimi musculi, substantia carnosa & pauca cellulosa, facere possumus, haud taceam; attentionem tamen mereri videtur quod hujus visceris fibræ carneæ tenaciore vel rigidiore licet subtiliore cellulosa quam aliorum corporis musculorum unitæ sint.

DUBIA nihilominus, quæ ex paucissimis & imperfectis hisce observatis nasci videntur ulterioribus observationibus & tentaminibus ad certitudinem & evidentiam majorem labore & subtiliore indagatione peritorum sagaciorumque in arte Virorum redigi posse, credo.



## XLII.

## CASUS MEDICO LEGALIS.

Auctore ABILDGAARD.

**R**USTICUS *Andreas Laurentii* quinquaginta circiter annos natus in villa *Herlöv* territorii metropolitani ad diem decimam nonam Mensis Augusti præteriti h. a. moritur, postquam eadem Die ad adstantes & amicos de vehementi pectoris dolore questus, quem dolorem conculcationibus & verberibus, quibus ab alio rustico nocte prægressa' cæsus erat & in terram coniectus, tribuebat, ipseque ante mortem confitebatur se statim ab acceptis plagis lectum recepisse summaque gravitate capitis laborasse. Testes illum hac nocte fuisse ebrium declararunt sub fide juramenti; nullus vero videbat illum percussum fuisse, nulli testes consuetudinis prædictæ. Referebant etiam testes, illum ipso mortis die multum Spiritus frumenti & cerevisiæ ad vires excitandas bibisse.

RATIONE moribundi hujus effati postulat Judex loci cadaveris obductionem, quæ sequentia monstrabat.

CORPUS omnino ab omni læsione & signis violentiæ illatæ externe liberum, cutim solummodo  
ad

ad Capitis latus dextrum, a parte superiore temporum ad partem inferiorem auriculæ ruberrimam, quo colore etiam obducta erat tota fere superficies dorsæ, ubi quoque tumor sub cute aderat lævis, nullus vero sanguis aut cruor ablata cute videbatur in cellulosa, suffusus vel extravasatus. Color sanguineus tantum obridebat inter cutem & epidermidem tumorque in dorso emphysematodes erat.

*CRANII* integumentis ablatis nullus comparebat sanguis extravasatus & cranium ipsum illæsum erat. Hoc autem aperto, Vasa meningum & cerebri sanguine inveniebantur valde turgida & distenta, ita ut pia mater tota esset ruberrima. In ventriculis cerebri reperiatur circa sesquiuncia feri limpidi. Sed extravasatum sanguinis nullum sub cranio aut in Encephalo.

*AMOTIS* Integumentis communibus & musculis thoracis partem anteriorem tegentibus, inveniebatur, ad latus dextrum sub musculo pectorali majore super costam quartam parum sanguinis extravasati in contexta cellulosa. Hæc eadem costa fracta erat ad latitudinem trium digitorum a connexionem cum sternio. Elevato autem sternio, 2da, 3ta, 4ta, 5taque costarum verarum lateris dextri duobus in locis fractæ reperiabantur; prima nempe fractura antrorsum in distantia duorum vel trium pollicum ab initio partis cartilagineæ, secundo

tunda retrorsum ad mediam longitudinis costarum partem. Sexta costa unam tantum habebat fracturam retrorsum ad pollicis distantiam ab ejusdem articulatione cum spina. Circumcirca has fracturas parum sanguinis extravasati latebat sub pleura illæsa. Utriusque pulmonis substantia, præcipueque dextri valde sicca erat ac colore subfusco maculisque e fusco magis albicantibus suffusa. Pulmo dexter accretus erat pleuræ ad spatium novem quadratos pollices circiter; sed in loco hujus accretionis intra anteriorem & posteriorem fracturam costarum sitæ nullus sub pleura extravasatus latebat cruor. Nec in cavo pectoris evacuatus aderat sanguis.

OMNIA in abdomine contenta illæsa & in statu naturali reperiabantur.

E comperto cerebri statu nec non a rubris corporis maculis judicavi:

imo. Hominem nostrum necatum fuisse insultu apoplectico, illam vero apoplexiam non necessarie coniectariam fuisse læsionum in costis & thorace repertarum. Fracturas tamen costarum vi factas esse & ictibus, perculsionibus vel lapsu ad corpus durum, vivente adhuc homine, nec post mortem factas esse transferendo cadavere e lecto super asserem in quo jam positum erat. Quia circa unamquamque, fracturam plus minusve sanguinis extravasati reperiabatur.

2do

2do. Commemoratas fracturas nullo modo pro insanabiles haberi, attamen valde periculosas.

3tio. Demortui ebrietatem eodem die, quo his læsionibus passus erat, nec non cervisiam & spiritum frumenti ipso mortis die epotum, malamque pulmonum constitutionem sine dubio anamnesin & effectum morbi pectoris antea superati, tot causas secundarias esse morti apoplecticæ, quæ tamen oportuna venæ sectione aliaque justa tractatione medica præcaveri potuisset.

4to. An vero quantumque memoratæ costarum læsiones ad mortem contribuerint nulla certiore modo determinari posse.

5to. Violentos quidem ictus ad thoracem & pectoris pressiones originem præbere majori vel minori sanguinis subitanæ congestionem ad Encephalum, præsertim in subiecto malis respirationis organo donato, prætereaque non solum ebrioso sed tunc temporis ebrio & hanc congestionem apoplexiam facile producere posse, extra dubium esse, an vero in hoc casu sic res se habuerit, an illatæ læsiones per accidens fuerint causa mortis, absolute & certe dijudicari non posse.

---

## ERRATA.

- P** ag. 1. Lin. 6. Pro 1781 Lege: 1780
- 26. — 6. — Archiater lege: Archiatrum
  - 27. — 8. — commentitiis lege: commentis
  - 29. — 3. — minuendum lege: minuendam
  - — 9. — irritabilitati lege: irritationi
  - 30. — 4. — phthisi lege: phthisi
  - 37. — 6. — cathorticum lege: catharticum
  - — 12. — viribus lege: vicibus
  - 39. — 8. — mucilaginoso lege: mucilaginoso
  - 78. — 2. — querere lege: querere
  - — 4. — ipsis lege: ipsi
  - — 17. — ut lege: ne
  - 79. — 15. — commissurus lege: commissurus
  - 107. — 4. — prima lege: primo
  - 120. — 4. — quidam lege: quædam
  - — 17. — nihil non lege: nihil
  - 121. — 3. — extinguisse lege: extinxisse
  - 122. — 7. — reperirer lege: reperirem
  - 123. — 17. — redundando lege: redundaturo
  - 129. — 11. — reperirer lege: reperirem
  - 171. — 17. — peragatur lege: peragras
  - 172. — 8. — domu lege: domo
  - 173. — 7 & 8 — lassum suppositum ibidem loci sella lege:  
lassum sella
  - — 19. — bidum lege: biduane
  - 176. — 21. — hæmoptosis sicca lege: hæmoptosis
  - 177. — 21. — partitas lege: parvas.
  - 181. — 21. — limes lege: limiti
  - 183. — 18. — systole lege: systole
  - 194. — 10. — hoc lege: hac
  - 195. — 6. — Pathologis lege: Pathologorum
  - 209. — 1. — 1771 lege: 1781
  - 211. — 1. — 1771 lege: 1781
  - 246. — 4. — sufficiens lege: sufficiens



- Pag. 247. Lin. 7. Pr. peridoicus lege: periodicus
- 257. — 21. — ischiadis lege: ischii
  - 298. — 10. — ferniculi lege: foeniculi
  - 302. — 3. — continuo lege: continuo
  - 303. — 16. — plarima lege: plurimi
  - 304. — 12. — emptos lege: eruptos
  - — 13. — indugebat lege: indulgebat
  - 305. — 20. — melisse  $\text{Zvii}$  lege: melissa  $\text{Zvii}$
  - 306. — 15. — antehoc lege: antehac
  - 341. — 11. — submergentes lege: fundum petentes
  - 342. — 10. — lavis lege: levis
  - 343. — 13. — submergebant lege: fundum petebant
  - 344. — 1. — laui lege: levi
  - — 4. — partu lege: partum
  - 351. — 17. — eliminaturus lege: eliminaturus
  - 352 — 18. — quotidie lege: quotidie
  - 394 — 4. — fallacia lege: efficacia
  - 398 — 12. — quam lege: quam quod
  - — 13. — poterat lege: posset
  - — 14. — dilacerabantur lege: dilacerarentur
  - — 17. — casui lege: casum
  - 403 — 4. — sentiscerat lege: senserat
  - 406 — 17. — parturientem nostram lege: parturienti nostram
  - 446. — 18. — stragulos lege: stragula
  - 428. — 20. — Praefectu lege: praefecto
- Pag. 437 ad Pag. 441. Lin. 1. Pr. Retzio Spiritus Vini Camph. &c.  
 Lege: Retzii Spiritus vini Camph. &c.
- 462. — 12. — pelleis lege: pelliceis
  - 463. — 10. — relapsi lege: elapsi
  - 464. — 3. — rebellum lege: rebellem
  - — 8. — muniis confvatis lege: mania confvata
  - 471. — 20. — partem, tunc lege: partem ab omni cellulosa liber fit, tunc
  - 472. — 2. — efficit lege: efficiamus
  - 474. — 1. — tunc non lege: tunc foepissime non
  - 479. — 25. — cadavere lege: cadaver
  - 480. — 2. — pro insanabiles lege: insanabiles











